

DIALECTICA
IOANNIS
CAESARII, VIRI
DOCTISS.
HERMANNI...

Johannes Caesarius,
Johannes Murmel, ...



12. 2. B. 12
A V T H O R E S Q V I I N H O C

Opusculo citantur, hi sunt:

E X G R A E C I S

Plato	Porphyrus
Aristoteles	Herodotus historicus
Theophrastus	Diogenes Laërtius
Themistius	Suidas
Cleomedes	Athanasius
Galenus	Ioannes Damascenus
Nicephorus	Georgius Trapezuntius
Gilbertus Porretanus.	

E X L A T I N I S

M. Cicero	Priscianus Grammaticus
Vergilius	Donatus Grammaticus
Ovidius	Diomedes Grammaticus
Horatius	Martianus Capella
Persius	Macrobius. A. Gellius
Iuuenalis. Seneca	Iustinus historicus
F. Quintilianus	Anselmus
C. Plinius Secund.	Alexander Hegius
Victorinus	Rodolphus Agricola
Higinus	Laurentius Valla
Lactantius	Georgius Valla Placentinus
Solinus	Erasmus Roterodamus
Ambrosius	Thomas Linacer
Hieronimus	Lodouicus Vives
Augustinus	Iacobus Faber Stapulensis
Seruius Sulpitius	Iodocus Clichthoueus
Boëthius	Buredanus.

V I R O

12. 2. B. 12

VIRO MAGNANI

MO IUXTAQVE EGREGIE

docto Vñilhelmo Riffenstein Ioannes

Cæsarius salutem

dicit.



I quando in mentem mihi uenit consue-
tudinis eius, qua tecum interim, cùm Stol-
bergæ agerem superioribus annis, non
tam utebar, quàm fruebar, oppidò quàm
familiarissimè, Vñeilhelme uir magnani-
me, ac iuxta non uulgariter docte, uix mihi imperare pos-
sum, quin grauitèr molestèque seram illius consuetudinis
carentiam. Quippe quòd ea mihi nunc non perinde uti-
liceat, idq; propter locorum distantiam, quæ nos disiun-
git, (corporum tamen magis quàm animorum intercape-
dine) adeò ut facile mihi non fuerit, nedum commodum,
tantum arripere iter: quoties me tui inuisendi cōuenien-
dique cupido incessit tenètque. Hinc illa scilicet animi
mei ægritudo. Siquidem nihil mihi per id temporis tan-
tum solatiij adferebat, aut tam iucundum erat, atque mu-
tuus ille conuictus, ut in quo nulla propè alia de re confa-
bulatio inter nos agebatur ultro citroque, atque id qui-
dem super mensam præsertim, quàm de literis atque bo-
nis artibus, & carum scriptoribus, magnis quidem illis
& grandibus, eiusdèmq; classicis magna ex parte, quos
uocant, nec ijs tantum, qui superioribus seculis clarue-
runt, sed & ijs pariter, qui nostra quoque tempestate cla-
ri habentur, inter quos primas Erasmo Roterodamo, &
Philippo Melanchthoni uterque nostrum uno quasi con-
sensu

sensu adiudicare solebat. Loquor autem hic non de his artium scriptoribus & eruditis uiris, quos Germania nobis donat. Nam habent & aliquæ nationes suos, ut Gallia, ut Hispania, ut Britannia olim dicta, illis quidem si non superiores, certe nec inferiores, imò pares potius, & cum illis ueluti ex æquo comparandos: quod tamen nolim alicui odiose à me dictum uideri. Taceo in præsentia de Italia, altera post Græciam bonarum literarum parente. At de hoc ad præsens satis superque, ut de quo tecum coram quam per literas agere malim. Quare illuc redeo, unde digressus sum. Adiciebat huic nostro tam suauis & iucundo conuictui non parum gratiæ, & (ut ita dicam) uoluptatis studiosum illud tuorum liberorum et aliorum quorundam ingenuorum adolescentum contubernium, atque unà cum his præceptor ipse siue pædagogus, alter quidem post alterum. Nam alter in alterius locum successit, ac uices eius subiit, facta scilicet prioris missione iuxta præscriptum tempus, sed honesta: uterque sane ut literis politioribus probe institutus, ita moribus non inelegantibus pulchrè præditus, quales utique & discipulos suos dedita opera reddere conabantur satagebantq;. Nec eos suus ille pulcher conatus fessellit interim, id quod literæ profectò ipsorum adolescentum, quas ad me aliquoties post abitum istinc meum in patriam dederunt, planè indicant, ac testes ut non falsæ, ita locupletes proferri possunt. Qua quidem in re V. Wilhelme rarum admodum de te, & tamen utile, exemplum præbes, non modò priuatis hominibus tantumuis magnis & potentibus, sed & principibus quoque uiris, quod meritò imitarentur, utinamque imitentur. Quin & illud non minùs ad cumulum laudum tuarum accedit, quòd uiros probè doctos non tantum affectu & animo

N U N C I A T O R I A.

3

animo beneuolo ac fauore pleno prosequeris, sed & eosdem tibi (quorum saltem notitiam tibi habere ex praesentia contingit) beneficijs non uulgaribus conciliare ac deuincire studes. Quo & factum existimo (nisi tamen mea fallat coniectura) ut Dialecticam suam idem Philippus breuem quidem illam, sed miro artificio conscriptam tibi nuncuparit, anno ab hinc tertio plus minus, ut uiro scilicet de se bene merito, ac sui in primis studioso. Quae certe causa est (sicut tibi persuadeas uelim) ut & ego tibi meam, ubi illam nuperrime recognoueram, ac paulò locupletiores reddideram, nuncupare destinauerim, ac nuncupem: plane hac nimirum ratione potissimum inductus, quòd ex literis Erhardi Holsatiensis, quas ille superioribus diebus ad me dederat, dum idem adhuc domi tuæ tuorum liberorum praeceptorem agebat, intellexeram Dialecticam meam uel qualemcunque ipsius Philippi cura & subornatione publice nunc prælegi atque doceri in Academia Vuittembergensi: unde dubitare nec possum nec debeo, quin libenti animo illam sis amplexurus, utpote tanti uiri calculo approbatam: non quòd ea ipsa tibi nunc usui sit, quem scio studijs longè grauioribus, si quando per opium licet, uacare sedulò: sed unde tui, & illorum æquales prima illius ætatis rudimenta haurire ac percipere queant. Bene uale, & quod facis, boni consule. Colonia Idibus Iunij, anno à CHRISTI natali, M. D. XXXII.

a

3

PRIMA

PRIMARIIS, OPTI-

MÆQVE SPEI ADOLE-

scentibus, Iulio & Silvestro Flaccis fra-

tribus Hermannus Raijanus

Vuelsdalius

S. P. D.



Nimaduerto multa verè & graviter à M. Tullio gravissimo studiorum humanitatis censore scripta esse, sed illud multo verissimè & gravissimè ab eodem memoriæ proditum esse, meum semper iudicium fuit: Dialecticè & Rhetoricè ministras, comitésque omnis esse sapientiæ. Hæ enim sunt artes, quib. sublimiores disciplinas omniumque rerum magnarum cognitionem methodica docendi ratione & ornatè explanamus. Quibus à puero qui rectè instituti fuerunt, gradum ad graviore disciplina tutò facilèque facere possunt, nec eas illotis (ut aiunt) manibus tractabunt. Habent enim ea adiumenta, quibus perfacilè, ingenij acumine accedente, sensa scriptorū, quātumvis abdita & abstrusa assequi possunt, & ea disertè copiosèque eloqui. Quæ duo non omnibus à principe rerum Deo indulta concessaque sunt. Nam fieri potest, ut rectè quis sentiat, & tamen id quod sentit, politè eloqui non possit. Contrà verò, permulti accuratam & diligentem Latine loquendi elegantiam habent, sed in rerum obscurarum sensum implicatum ac inuolutum penetrare nequeunt. At
magnæ

magnæ profectò dotis est, scripta aliorum dextrè
 intelligere: maioris, explicare posse: maximæ verò,
 optime de iis sentire: id quod nemini contingere
 posse autem constanter asseuerare, nisi ei qui maiori
 quadam vi mentis præditus, artis dicendi, & disse-
 rendi præcepta per omnes numeros calluerit, quæ
 ab Aristotele & Cicerone ingenio, eloquentia, do-
 ctrina dissimilibus tradita, ad posteros magno stu-
 diorum emolumento peruenerunt. Hi sunt maio-
 rum gentium scriptores, quorum fontibus minuti,
 tanquam minorum gentium, hortulos suos irriga-
 uerunt. Cicero facilis, copiosus, sitientis lectoris
 animum non modò non explens, sed sitibundum à
 se dimittens. At Aristoteles perplexus, concisus,
 oscitantem lectorem fallens, præteriensque. Itaque
 nemo non mediocriter literis tinctus, Ciceronem
 ob incredibilem lectionis voluptatem, & dictionis
 facilitatem minimo assequitur negocio. Verùm
 Aristoteles ob implicatam, sinuolamque oratio-
 nem, Delio quodam natatore egere videtur, qui
 non in superficie natet, sed in profundum se immer-
 gat, & illas densas difficultatum tenebras discutiat.
 Quæ Trebatium Iurisconsultum (et si studio arden-
 tem) multosque alios à lectione Aristotelis reiece-
 runt. Nec id profectò mirum. Magni enim autores,
 quorum nomen est in illustri, pronunciare non du-
 bitauerunt, dementiæ simile esse, si quis legendis li-
 bris Aristotelis, ipsius se speret consequuturum sen-
 tentiam. Quinetiam ipse Aristoteles (ne longè abea-
 mus) epistola ad Alexandrum scripta obscuritatem
 suam testatus est. Quã ita illustrare, vt τὴν ἀλήθειαν

τὸ τῶν ὁμιλιῶν ποιεῖν videamur, per arduum esse vi-
 detur. Verèque à Plinio dictum est: obscuris lucem
 dare difficile est. Cæterùm illud mihi semper mi-
 rum est vilius, cur Aristoteles mirandum in mo-
 dum obscuritatem adamaret, cùm in Rhetoricis
 præcipiat ἡ πρώτη τῆς λόγου ἀρετὴ, τὸ σαφές. Hoc est,
 Prima orationis virtus, perspicuitas est. Ad illud
 respondere quis poterit, illud Platonis verissimum
 esse, Difficilia quæ pulchra, omnemque artem do-
 ctorem lumenque desiderare. Aristoteles autem (si
 Simplicio credimus) consultò obscuritati potius,
 quàm perspicuitati studere voluit, ut vulgus, quod
 auctore Platone, est ἀχάριστον, ἀπαίδεκτον, βάσκανον, à
 suis libris, in quibus arcana posteris tradiderat, pro-
 cul arceret. Vulgus enim ut omnia quæ primoribus
 attigit labris, in vulgare solet: ita multa parùm rectè
 intellecta immundo contactu, tanquam Harpyiæ
 Vergilianæ, conspurcare & contaminare consue-
 vit. Hæc immodica Aristotelis in omnibus, & præ-
 cipuè in Organo obscuritas, argumentum mihi sup-
 peditavit, ut has breves notas in Ioannem Cæsa-
 rium conscriberem. Nam cùm neminem ex tam
 ampla philosophorum familia hac tempestate vide-
 rem, qui iustos in Dialectica Aristotelis (quod ta-
 men eruditi viri scriptis polliciti fuerant) conscri-
 pisset commentarios: existimaui me haud medio-
 cre operæ pretium facturum, si eum explicarem au-
 thorem, qui non tantùm proximè ad verba Aristo-
 telis accessit, sed ea ῥητῶς, καὶ φανερώς expressit.
 Quo fit, ut nostræ hæ quantulæcunque notæ non
 tam Cæsario, quàm ipsi Aristoteli lucem aliquam
 interp

interpretationis sint allatura. Quicquid enim in te-
nebricosis multis multorum commentariis, & quæ-
stionum plaustris in Organum Aristotelis scriptis
continetur, id compendio & dilucidè à nobis ex-
peditur. Quemadmodum Plato Antimacho claro
poetæ omnium auditorum instar erat: ita hæc no-
stra scholiola multorum commentariorum, quæ gran-
di cōparantur pecunia, vicè fore spero. Ad hæc Cæ-
sarius emendato & puro usus est stylo, qui barbaris
& insulis scriptoribus longè est præferendus. Sum-
mo perè enim cauendum est, ne rudes & impoliti
puerorum animi fœda imbuantur barbarie, quæ se-
mel hausta robustam etiā prosequitur ætatem. Qua-
re ille σεμνῶς καὶ ἐπιφωνηματικῶς monet, ὅτι μικρὸν οὖν
διαφέρει τὸ ἕτως, ἢ ἕτως εὐθὺς ἐκ νέων ἐδίδεαθ, ἀλλὰ
πάμπολλυ μᾶλλον διὰ καὶ τὸ πᾶν. Hoc est, Non igitur
parum, sed plurimum, quin potius totum refert, v-
trum sic, an secus à puero assuescamus. Denique Cæ-
sarius post Aristotelem μετοδικῶς huius artis præ-
cepta plenissimè tradidit: quæ res mirificè discen-
tium memoriam iuuat. Nec sum nescius: multos exi-
miæ eruditionis viros, post Aristotelem plenè do-
ctèque in hanc artem scripsisse: quæ res me etiam, vt
hoc labore supersederem, inducere poterat. Nec e-
nim euadam, scio, cōmunem scribendi sortem ma-
lè audiendi: sed quisque suo ingenio & studio dele-
ctatus, contemplit alium, & nouam docendi ratio-
nem excogitauit. Alij ornatui, & orationis amœ-
nitati plus æquo indulgentes, verba inculcāt, rem
negligunt: alij politioris orationis securi, rem sectā-
tur, ornatum spernunt. Vnde fit, vt neutri Lectori fa-

ciant satis. At verò perpauci, in hac præsertim arte,
 extiterunt, qui rerum magnitudinem iusta metiren-
 tur eloquentia. In quo genere etsi Cælius princi-
 pem locum non tener, vltimum tamen cum non te-
 nere, doctorum calculo iam dudum comprobatum
 est. Nec tamen hæc eò dico, vt aut hunc omnibus
 præferam, aut cæteros de manibus excutiam. Quod
 sentio, ingenuè dico, vt iuuentuti compendiarium
 & facilem (qua incipientibus opus est) promouen-
 di in literis, tanquam digitos in fontem intendens,
 rationem & viam demonstrè, liberum interim cui-
 que suum relinquens iudicium. Hanc autem expe-
 ditam in studiis prouehendis rationem cum omni-
 bus bene natis adolescentibus planè cognitam esse
 cupio, cum vobis fratribus in primis, partim pro-
 pter vtriusque amabiles & probatos mores, peracre
 ingenium, flagrans studium, memoriam singularem,
 quæ omnia tanta in puerili vestra ætate sunt, vt vi-
 rilem ætatē superare videantur, partim propter pa-
 tris vestri amorem in me singularem, quo cum simu-
 latque amicitia fores mihi apertæ fuerunt, vobis
 in meam disciplinam dedit, suæ liberalitatis effulsi-
 simè mihi fontes aperire non dubitauit. Est enim &
 vir probus, & literas literatósque vnicè amat, cui
 nihil est prius, quàm vos probissimos & doctissi-
 mos esse, omnisque in eo chari stat cura parentis.
 Huius probitatem, diligentiam, industriam vt imi-
 temini, vos etiam atque etiam hortor. ὁ γὰρ βίος τῶν
 γονέων κατὰ πᾶν τοῖς παῖσιν ἐστὶν, καὶ, ὥσπερ φησὶν οἱ νομο-
 θέται, χρὴ κληρονομεῖν, ὥσπερ τὸ ἐκ τῶς τῆς πατρὸς καὶ τῆς
 μητρὸς ἀγαθῶν, ὅτε τὸ ἀρετῆς, καὶ καλοκαγαθείας ἀμ-
 φωτέρων

Ποτέπων. Hoc est: Vita parētum liberis est speculum,
 & (vt aiunt Legumlatores) quemadmodum oportet
 liberos hæredes esse fortunarum parentum, ita
 etiam virtutis & probitatis vtriusque. Adhæc patriam
 habetis Italiam, quæ inuentrix, nutrix, altrix
 omnium bonarum & magnarum artiū semper ex-
 titit. Horum omnium exemplo moniti contendere
 & eniti toto animo debetis, vt vos aliquando in
 summo honoris & iuris ciuilis fastigio (cui ætas ve-
 stra destinata est) stare possitis. Nec committēdum
 est, cū omnia vobis tanquam diuina virgula sup-
 petāt, ne amplitudini & maiestati Italici nominis,
 & Flaccorum imaginibus non respōdissē videami-
 ni. Quamobrem pergite, & in id studium, in quo e-
 stis, incumbite, vt vobis honori, parentibus utilita-
 ti & Reipublicæ emolumento aliquando esse
 possitis. Valete. Lugduni ex Diuæ Trinita-
 tis Gymnasio. ἡ χάρις τῶ κυρίου παντοκρά-
 τορος μετ' ὑμῶν.

EIVSDEM

EIVSDEM HERMAN-

NI RAIANI VVESLDALII

ad eosdem fratres Epigramma.

Dum pueri ponunt linguae fundamina prima,
 Hinc premit exactor, torquet & inde labor.
 At solidum postquam iuvenes novêre laboris
 Fructum, fit facilis, qui grauis antè, labor.
 Felices Flacci, quibus hæc cognoscere primùm,
 Inq; animo penitus sculpere cura fuit.
 Hæc morum splendor miris cum dotibus ornat,
 Est quibus adiunctus gratus in ore lepos.
 Nec mirum, claris Flaccis oriundus uterque:
 Quos prætextatis moribus hi referunt.
 Felices nostri memores vos uiuite Flacci:
 Flaccorumque memor, credite, semper ero.

Τῷ αὐτῷ εἰς τοὺς αὐτοὺς.

Παιδείας ὁρῶνς κεφαλὴν χαλεπὸς, ἔμεγας
 ἔστι πόνος, καλῶς κρηπίδῃ θεῖναι νέον.
 Τεισμάκαρας νεάρους ὑμᾶς οὖν ἔμμελσαι οἶω,
 οἱ μεμαθήκατε δὴ, μήδεα πύκνα λέγην,
 Καὶ πρᾶτ' ἴην λιπαρῶς, ἀνθρώπινα ἀγλαὰ δῶρα,
 οἷα θεὸς πᾶσιν ἐν ἅμα δᾶκε βροτοῖς.
 Σπένδετε ἐν βραδείῳ νεανίσκοι· πολλὰς ἀθλῶν
 ὑμετέρων σπυδαῶν ὄρχαμος ἑστομένη.
 ἑρμάννυς ἐμέτεν μεμνήμενοι ἡμάτων πάντα·
 Μνησάμενος καὶ σφῶν ἀμφοτέρων αἰδῶς.

DE DIALECTICES

ORIGINE.

85



Vemadmodum animus noster tribus potissimum dotibus (ut Plato in Menone docet) ornatus est, intellectu, ratione, & sensu: ita triplex Philosophia his respondet. Quæ in cognitione rerum & naturæ explicatione posita est, intellectui respondet: hic enim est, quo abstrusas & abditas rerum causas inuestigamus. Huius partis Philosophiæ Plato in Timæo semina sparsit. Quæ in discretionem rerum expetendarum & fugiendarum posita est, sensui respondet. Nam hæc præcepta tradit, quibus mores formamus, & indomitos affectus regimus. Quod totum in operationibus humanis, quæ in sensus incurrunt, positum est. Hanc partem Philosophiæ Plato in libris de re publica, & alijs locis delineavit. Quæ quid cuique sit consequens & repugnans tradit, rationi respondet. Hac enim præcipue utimur, cum unum ex alio colligimus. Quod præcipuum est munus Dialectici.

De Dialectices scopo.

Dialectices negotium circa tria maxime versatur: voces simplices, enunciationes, ratiocinationes: idque iuxta triplicem intellectus operationem: simplicem, quæ voces simplices: compositam, quæ enunciationem: & eam, quæ quid quæque rem sequitur spectat. Huius rei sexto capite tertij libri de Anima, apud Aristotelem mentio est.

De

De discrimine Dialecticæ & Logicæ.

QVI προλεγόμενα artis alicuius tradunt, numero-
sas quaestionum series texere consueverunt. V nam
quaestionem hoc loco breuiter attingā, de qua etiam nunt
docti inter se disceptant. Tempore Stoicorum Dialectica
nomen imperfectæ artis erat. Nam Stoici (ut Cicero ini-
tio Topicorum ad Trebatium docet) iudicandi partē di-
ligenter persecuti sunt, quam Dialecticen uocabāt. Inue-
niendi partem prorsus neglexerunt. Aristoteles deinde
inueniendi partem adiecit, totāque artē absoluit, quam
λογικὴν uocauit. Hac enim de re ipse Aristoteles ultimo
capite secundi libri Elenchorū gloriose gloriatur. Plato
in Euthydemo paulò scrupulosius hæc seiūxit. Logica,
inquit, ars est tradens regulas nominū, orationum, argu-
mentationum. Dialectica est sagax philosophantis inda-
go, regulis his utens, ad rationes rerum inuestigandas, di-
uinarum praesertim. Et ideo Dialectica apud Platonem
Theologiam significat.

Quid est Dialectica?

EST ars de qualibet re proposita probabiliter disse-
rendi. Dialecticam artem esse ex artis finitione, &
communi hominū consensu condiscere facile possumus.
Ars, ut Cleanthes ait, est potestas, ordinem ac uiam effi-
ciens. At Dialectica uiam & ordinem cæterarum disci-
plinarum tradendarum demonstrat. Est igitur ars.

Probabiliter.) Id proprium maximè Dialectici uide-
tur, ut finitio syllogismi Dialectici primo cap. i. libr. To-
picorum, monstrat: Διαλεκτικὸς ὁ συλλογισμὸς ὁ ἐξ ἐν-
δόξων συλλογισμός.

De qualibet re.) Si Dialecticus de qualibet re disserit, uidetur ergo eum omnium rerum peritum esse debere. Dialecticus uiam & rationem de quolibet themate proposito tractando tradit: nec ipse omnium rerum est peritus. Qua de re Aristoteles omnium bonarum artium magister, ita pronuntiat libro primo priorum, capite trigesimo primo: ἢ μὲν ἐν ὁλῶς κατὰ πάντων, ἢ αὐτὴ, & οὐ φιλοσοφίαν & οὐ τέχνην ὅπῃαν ἐν & μάθημα.

Hunc locum ualde illustrat id quod Fabius

Quintilianus ultimo cap. 2. lib. scribit:

Orator non omnes causas nouit,

& debet posse de omnia


bus dicere.

IN

IN COMMENDATIONEM DIALECTICÆ, PA-

riusq; & de eius usu: & utrum Philo-
sophiæ pars sit, necnon Ioan-
nis Casarij.

P R A E F A T I O.



INter liberalia studia, quæ vulgò ita dicta sunt, authore Seneca, quod iust libero homine digna, non minima existimari ceterisque debet Dialectica, ob id scilicet, quod cæteris artibus & disciplinis ancilletur quodammodo ipsa, & suum præstet obsequiû: cum interim nihilominus & ipsa pars Philosophiæ & sit, & habeatur, quippe quæ proprium perinde ac reliquæ bonæ artes, finem retineat. Est autem hic inventio iudiciûmque rationum, quemadmodum id tradit ac docet Boetius quoque, haud ignobilis apud Latinos Philosophus, ultimus tamen (si Laurentio Vallæ credimus) eruditorum. Itaque hæc ars, quatenus quidem ipsa suum habet retinetque finem, isque à sola philosophia consideratur, pars utique philosophiæ ponenda est. Quatenus verò finis ille ad alias quoque philosophiæ partes suam pollicetur exhibetque operam, instrumentum ipsius philosophiæ, & sciendi ratio non ab re iudicata est. Quo etiam nomine tantò magis hæc ars amplectenda fuerit studiosæ iuventuti. De qua quidem arte quanquā complures ante me, ut etiam post me quidam, tam ex Græcis, quàm ex Latinis hominibus non sine laude scripserunt: ex his tamen alij quidē adeò operosè atque prolixè,

prolixè, vt discentibus illam, aut etiam legentibus fastidium propemodum pariant: alij tanta vti breuitate, vt eius rei institutioni neuiquam satisfacere probentur: partim ob artis subtilitatem, partim ob quorundam ingenia non ita prompta atque capacia: quidam verò tam confuse atque (vt ita dixerim) argutè, vt quântum quidè ad ipsam institutionem attinet, maiorem in modum profuerit, eam artem non ex illis addiscere conari. Omitto nũc eos, qui de eadem arte scripserunt & ipsi quidem, verũ adeò barbarè adeoque inerudite, ne dicam insulse, vt si quis paulò liberaliùs institutus in eorum libros incideret, videlicet vt Dialecticam inde discere vellet, aut saltem pro explorato habere posset, qualisnam ars ea sit, is haud dubiè non tam aucthores tales, quàm artem ipsam contemneret protinùs, reiceretque. Hoc ipsum cùm ego tandem animaduertissem, expertus nimirum iam multò antè ea omnia, cœpi mecũ cogitare, quonam pacto huic tantæ molestiæ remedium qualecunque vel per me tandem afferretur, si modò iam scopum ipsum attingi: simulque aggressus sum colligere in vnum hinc inde ex non contemnendis authoribus eius artis præcepta, sed summatim & per compendium, atque de his componere Tractatus aliquot, videlicet numero decem: quos & ita digessi atque disposui (si tamen iudicio isto meo non fallor) vt totius ferè artis vim in his comprehendisse videri possim, adeò, vt nihil quod ad artem ipsam pertinet, desiderari queat, nisi ab eo fortassis, cui non satis fuerit capitula siue genera rerum, iuxta Ciceronis consilium,

percepisse atque tenere, per quæ reliqua ipse persequatur. Verum non minus vltus sum & ipse breuitate, iuxta Horatij in Arte doctrinam, sed temperata, vt citra fastidium atque magnum laborem studiosus lector Dialecticam ex hac nostra institutione facile allequi possit, modò idem non sit auribus vltque adeò delicatis, vt elegantiam dictionis magis spectet & obseruet, quàm rem ipsam, quæ docetur ac traditur. Hunc ego velim prius ipse secum expendat, atque animo reputet illum Manilij vericulum, quàm iudicium suum ferat nimis alioqui præceps, quo doctor ille studiosos artium admonitos esse vult, artes plerasque tales esse, vt non admodum orationis elegantiam affectent, sed doceri contentæ sint. Vericulus autem ille huiusmodi est:

Ornari res ipsa negat, contenta doceri.

At nunc etiam priusquam finem huic præfationi imponam, quorundam grauissimorum authorum sententias breuiter subscribendas subiiciendâsque existimaui, vt ex quibus intelligere etiamnum poterit diligens lector, qualisnam ars sit Dialectica, & quatenus in ipsa discenda immorandum sit; simul etiam vnde, & quomodo inuentio eius habeatur: tum verò, quòd præter hanc artem aliarum artium studia non sint contemnenda, contra falsum & temerarium aliquorum iudicium. D I X I.

Cicero in Bruto,

Dialectica (inquit) ars est, quæ docet rem vniuersam distribuere in partes, latentem explicare definiendo, obscuram explanare interpretando, ambiguum primum videre, deinde distinguere, postremo

mò habere regulam, qua vera & falsa iudicantur, & quæ quibus propositis sint, quæque non sint consequentia.

Aulus Gellius cap. 8. lib. 16.

Dialecticæ, inquit, disciplinæ studium atque cognitio in principiis quidem terra & aspernabilis, insuavisque esse, & inciuilis videri solet: sed ubi aliquantulum processeris, tum denique & emolumentum eius in animo dilucebit, & sequetur quædam discendi voluptas insatiabilis. Cui sanè si modum non feceris, periculum non mediocre erit, ne, ut plerique alij, in illis Dialecticæ gyris ac mæandris, tanquam apud Syreneos scopulos consenescas.

Augustinus in libro de ordine,

Scientia argumentandi, diuidendi, definiendi, non ab hominibus pro arbitrio instituta est, sed in rerum ratione comperta est.

Boëthius in eius libri principio, quem de syllogismis categoricis inscripsit,

Sed qui ad hoc opus (inquit) lector accedit, ab eo primùm petitum velimus, ne in his, quæ nunquam aliàs attigerit, statim audeat iudicare: nèue, si quid in ludo puerilium disciplinarum rudis adhuc & nondum firmus acceperit, iam ut sacrosanctum amplexandum, atque etiam colendum putet: alia enim teneris atque imbuendis adhuc auribus accommodata: alia firmis ac robustioribus doctrina mentibus reseruatur. Quare si quid est quod discrepabit, ne statim obstrepat, sed ratione consulta, quid ipse sentiat, quid nos offeramus, veriore mentis acumine, & subtiliore consideratione diiudicet. Ita nanque

cueniet, vt quæ in primo statim studendi aditu didicerunt, perspecta penitus ac potius deprehensa contemnant. At si iam quisquis suæ scientiæ defensor cupidus esse malit (habent enim hoc quoque vitij homines, quos comprehendit vetus ac longa segnities, vt ab arreptis semel opinionibus non recedant: ne in senectute discendo, nihil vsque in senectutem didicisse videantur) si, inquam, malint vindicare quàm vertere, quæ vulgatis semel studiis imbiberunt, nemo expetit vt priora condemnent, sed vt maiora quædam atque altiora coniungant. Non enim vna eadèmq; diuersarum ratio disciplinarum, cùm sit diuersissimis disciplinis vna atque eadem subiecta materies. Aliter enim de qualibet orationis parte Grammatico, aliter Dialectico differendum est. Nec eodem modo lineam vel superficiem Mathematicus, vel Physicus tractat. Quo fit, vt altera alteram non impediat disciplina, sed multarum consideratione coniuncta, fiat vera naturæ, atq; ex omnibus explicata cognitio. Hæc ille.

Quid sit philosophia, & item quid sapientia: similiter quid philosophus, & qualem cum esse oporteat, ex Alcino Platónico philosopho, de doctrina Platonis, interprete Marsilio Ficino.

Philosophia est appetitio sapientiæ, vel solutio animæ à corpore, & conuersio quædam ad ea, quæ vera sunt atque diuina. Sapientia est diuinarum humanarumque rerum scientia. Philosophus autem est,

est, qui à philosophia nomen accipit, quemadmodum à Mulica mulicus. Et qui philosophus futurus est, ab ipsa natura sic institutus esse debet, ut primò quidem ad omnia disciplinarum genera facilis ac promptus existat: deinde ut non iis quæ in fluxu uersantur, sed illis quæ semper eodem modo consistunt, mentem adhibeat. Tertio loco, ut naturâ sit verax, ab omni mendacio penitus alienus. Quis enim veritatis auidus, ad diuinorum contemplationem mentem conuertit, voluptates corporis parui pendit. Oportet præterea liberali animo philosophum esse. Etenim rerum vilium æstimatio homini veritatem rerum contemplaturo aduersa est. Huius insuper voluntas iustitiam diliger, quippe cum veritatis, temperantiæ, liberalitatis studio. Adde quòd ingenij acumine atque memoria illi opus est. hæc nanque philosophum virum perficiunt. Atqui hæc quidem naturæ dotes, cum disciplina atque educatio decens adhibita est, perfectum virtute virum perficiunt: verum si neglectæ sint, maximorum scelerum causa sunt.

*De tribus apud philosophos differendi generibus, ex præfatione Marsilij
Ficini in librum de
uoluptate.*

TRia sunt apud philosophos differendi genera. Vnum, quo certam aliquam quæstionis partem disputando defendimus atque approbamus: ut Peripatetici ac Stoici fecere. Alterum, quo quæstio-

b

3.

ac



ne proposita, diuersas ad id quod quaeritur, sententias rationesque referimus, vt propositis pluribus, inuicemque collatis, quid ex his probabilius verisimiliusque appareat, eligamus: quo Academici ac Socratici penè omnes vti sunt. Tertium genus Scepticorum maximè proprium est, qui cum omnia indifferentia esse putent, nec certum aut probabile habeant quicquam quod sequantur, (ea enim, quæ naturæ ordini seiuncta distinctaque sunt, confundunt atque permiscunt) ab excellentissimis quibusque philosophis reiciuntur.

*

A D

AD PVERVM LI-

BERALIBVS STVDIIS

operam dantem, hendecasyllabi
parænetici.

Fac discas Dialecticen sititor
Syncera puer eruditionis.
Quid nugæ tibi proderunt canoræ?
Quid cognoscere Pegasi uolatum,
Hortos Hesperidum, caput Medusæ,
Stymphali uolucres, cruore Nessi
Infectam tunicam, nouas in auras
Tractum Cerberon Herculis catena:
Ni discreueris atra candidis, et
Falsis uera, probata fabulosis?

Fac discas Dialecticen sititor
Syncera puer eruditionis.
Exacta hæc ratioque differendi,
Disciplinaque disputationum
Definire docet, secare totum,
Argumenta scienter explicare,
Enthymemata curta, syllogismos
Integros ratione congruenti
Informare loco, modo, figura:
Complecti generale singulatim,
Exemplo simili probare dictum.

Fac discas Dialecticen sititor
Syncera puer eruditionis.
Hæc ars uera docet, facit scientes,
Omnes in methodos uiam ministrat,

Instrumenta tenens scientiarum,
 Illustrans genus omne disciplinae,
 A diuerticulis specūque rectā
 Ducens ad speculationis arcem.
 Hæc filum tibi Thesei dat, ut ne
 Ingressus Labyrinthon impliceris.
 Alcide quoque porrigit trinodem
 Clauam: nec patitur deesse flammæ,
 Ne succrescat Hydræ caput recisum.

Fac discas Dialecticæ sititor
 Sincerae puer eruditionis.
 Hac quicumque minus peritus arte
 Parui pendet eam, piliue fecit,
 In mendacia lapsus & tenebras,
 A recta ratione deuiavit:
 Vt qui florigeris sudans in hortis,
 In re constituit beatitatem
 Nobiscum pecoriq; belluisq;
 Communi: patientiam perosus,
 Quem captum domuit tenax uoluptas.

Fac discas Dialecticæ sititor
 Sincerae puer eruditionis.
 Olim floruit hac disertus arte
 Inuenta domitor trucis tyranni.
 Hac Zeno quoque Cittæus alter
 Vitæ concolor actione functus.
 Aeternum bene nomen hac peritus
 Chrysippus sibi comparauit, aure
 Purgata, ingenioq; perspicaci,
 Adq; unguem cumulans suos acervos.
 Hac & Carneades laboriosus

Purgans elleboro capax cerebrum,
Et fortis schola tota Stoicorum,
Doctus Nicomachi pater, Platónque,
Immortale sibi decus tulerunt.

Hac Peringius eruditione,
Necnon & studijs poeticorum
Librorum iuuenes sacris Minervæ
Imbutos polit, excolitque: nostram
Qui sortemque uicissitudinemque
Expertus tibi Paule militauit,
Magna Saxonie docens in urbe.
Hincludere tibi, deinde rursus
Paulo militat inclyto labore,
Sic fortuna uices suas rotauit.

Fac discas Dialecticem sititor
Syncera puer eruditionis.
Sed uitanda tibi libido quedam
Rixandi puerilis, ingenique
Ostentatio uana, & aucupatus
Fluxæ gloriosæ: suis sophistæ
Mæandris rapidum diem terentes
Gryphis, tendiculis, strophisque ludant,
De lana quoque litigent caprina:
In uanisque libris recentiorum
Tanquam Lotophagos apud tenaces,
Syrenum scopulosne consenescant.
Te fili studiose metientem
Fac tempus iuuet expeditiori
Maturoque gradu uiam secare,
Quantum de Logicis sat est, acuto
Commendare animo: dehinc uacare

Morali sophia, sacraq; libris
 Scriptura, ut fieri queas beatus,
 Et uera pietatis admonere
 Multos, iustitia ualens & arte,
 Sic uotum superi tuum secudent.
 Fac discas Dialecticen sititor.
 Syncera puer eruditionis.

FINIS.

Interuenientibus totius philosophiae doctrine
 ac deinde quia omnes partes eius
 et utitur in sua ipsius operatione
 definendo dividendo et coniungendo.

Dicitur

Statu est omne inueniendum per argumentum et
 praedicamentis

Simplias

Praedicamenta omnia non sunt simpliciter, nam
 et simpliciter et simpliciter et simpliciter et simpliciter
 sunt quia tamque simpliciter et simpliciter et simpliciter
 dicuntur simpliciter et simpliciter.

Id est quod aliquando dicuntur et simpliciter et simpliciter
 quod dicuntur et simpliciter et simpliciter et simpliciter
 dicuntur et simpliciter et simpliciter et simpliciter.

probat testimonio porphyrii sed quique vocat
ad quatuor: ad praedicamenta ad definitionem
ad demonstrationem ad divisionem
DE PRAEDICAB.
Ad demonstrationem ad divisionem
rumentum uero cum praedicamentorum ratio haud ita fa-
praedicabilia
cile à quouis percipiatur citra cognitionem praedicabi-
ad praedicabilia
lium, quam certè & ipse Porphyrius praedicabilium au-
ad praedicabilia
thor ad Chrysaorium scribens, etiamnum necessariam es-
ad praedicabilia
se iudicat, non solum ad eam quae est apud Aristotelem,
praedicamentorum doctrinam intelligendam, uerum &
ad praedicabilia
ad alia quaedam, nempe ad diuisionem, ad definitionem,
ad praedicabilia
ad demonstrationem: quae tria potissima sunt ad com-
ad praedicabilia
parandas disciplinas instrumenta, utpote cuius gratia
ad praedicabilia
hanc artem inuentam esse constat. De ipsis praedicabili-
ad praedicabilia
bus (quae uocantur) prius quam breuissimè dicendum est,
ad praedicabilia
namque simulq; ab his initium huius artis tenendum.
ad praedicabilia
RAIANVS.
ad praedicabilia
Quemadmodum.) Propositio, quae per similitu-
ad praedicabilia
dinem docet methodum in arte differendi obser-
ad praedicabilia
uandam.
ad praedicabilia
Decem nāque.) Boni authores id quod simplex,
ad praedicabilia
& reialicuius initium est, subinde elementum vo-
ad praedicabilia
cant. Sic decem illa genera rerum quia simplicia &
ad praedicabilia
initia huius artis sunt, elementa metaphysicè dicun-
ad praedicabilia
tur. Ita Florus lib. i. cap. i. hoc nomen usurpauit. Ita
ad praedicabilia
ex variis quasi elementis, cōgregauit corpus vnum,
ad praedicabilia
populum Romanum ipse fecit.
ad praedicabilia
Disiuncta.) Sinuola & perplexa quaestio fuit a-
ad praedicabilia
pud tenebrosos sophistas, quomodo decem genera
ad praedicabilia
rerum distingueretur. Hae paucis ex Peripatetico-
ad praedicabilia
rum schola sic expedienda est. Praedicamenta ratio-
ad praedicabilia
ne & non re ipsa distincta sunt: omnia enim ad sub-
ad praedicabilia
stantiam veluti ad fundamentum referuntur. Nam
in homine omnia genera summa spectare possumus,
quae singula suis notis distinguuntur.

Et per

Et per se duntaxat inspecta.) Hic locus in specie
difficilis aliquid negotij lectori facessit. Cuius hunc
puto sensum esse: Decem illa genera ut ordinem &
classem predicamenti constituunt, per se consideran-
tur: sed ut ex iisdem pronunciata conficiuntur, ad
aliud referuntur, nimirum ad ipsam propositionem.

Ut species sub ipsis generibus.) Ex hoc loco col-
ligere facile possumus, speciem & differentiam in eo
ordine reponi, in quo illorum genus: ut animal est
in substantia, in qua est homo, brutum, particeps ra-
tionis, expers rationis.

Verum enimvero.) Respondet tacite quaestioni.
A quinque vocibus est incipiendum, quia haec confe-
runt ad sequentium cognitionem. Est ordo doctri-
nae & naturae. Haec quinque universalia sternunt
viam ad sequentia: & simplicia sunt.

Etiānum.) Porphyrius statim in vestibulo suae
introductionis, quam ad Chrysaorium discipulum
suum scripsit, quadruplicem proponit quinque uni-
versalium utilitatem. Conferunt ad praedicamenta,
quia haec ex universalibus componuntur.

Cur. Ad finitionem.) Quia omnis finitio si plena & perfecta est, ex genere & differentia conflatur.

Quare. Ad diuisionem.) Quia diuisio est generis in spe-
cies per differentias diductio.

Quare. Ad demonstrationem.) Quia demonstrationis
terminus medius est finitio alterius extremi: ut si di-
cas, Omnis multitudo ex unitatibus collecta, est par-
vel impar. Omnis numerus est multitudo ex unita-
tibus collecta. Ergo est par vel impar. Quo fit, ut haec
voces his quatuor perutiles sint.

Præfatione et methodo
DE PRÆDICATIONE
GLAREANVS.

Quemadmodum.) Huius præfationis summa est:
In omni disciplina ab Elementis ordiendum est: Sed
decem prædicamenta, sunt Dialectices Elementa:
Ergo ab eis ordiendum est. Sed quòd hoc minus fa-
ctum sit à Caesario, hæc causa fuit. Nam quicquid ad
cognitionem alterius ita valet, vt sine ipso agrè al-
terum intelligatur, id ipsum præcedere debet. Sed
cognitio prædicabilium est huiusmodi: ergo cog-
nitio prædicabilium cognitionem prædicamentorum
præcedere debet. Minor patet per Porphy-
rium in Isagoge. Prædicabile quid sit.
Improprium prædicabile quid sit.

P Rædicabile igitur uox est, quæ de pluribus uniuocè
prædicari potest, ut genus, ut species, ut differentia,
ut proprium, ut accides. Horum enim unumquodque tam
uocè quàm ratione eadem de pluribus prædicari natum
est: id quod de singulis paulò post proprio uniuscuiusque
loco latius explicabitur. Quo fit, ut indiuiduum prædi-
cabile dici non possit, nisi improprie: quippe quod de uno
solo prædicatur tantum, ut Socrates: quæ uox de ipso tan-
tum Socrate prædicatur. Quæ eadem tametsi de alijs quo-
que compluribus prædicatur, id certè iam non uniuocè,
sed æquiocè fit. Veluti si Catonis nomen de utroque Ca-
tone, Censorio atque Vticensi: & de tertio item illo præ-
dicaretur: de quo Iuuenalis Satyra secunda, Tertius è cœ-
lo cecidit Cato. si modò tertius aliquis fuit. Prædicabile
igitur aliud quidem proprie tale dicitur, aliud uerò mi-
nus proprie.

Prædicabile quid sit. Prædicabile quid sit. Prædicabile quid sit.

RAIIANVS.

Prædicabile.) Id quod est apud Aristot. τὸ καθόλου, id est apud Dialecticos recētes vniuersale, vel prædicabile. Neque quorundam immodicam diligentiam, quæ (autore Plinio) plerunque obesse solet, probō: qui nimium anxie & curiosè vniuersale & prædicabile separant, nullo nitentes neque autore, neque firmo argumento. Aristot. lib. i. de interpret. τὸ καθόλου ita sinit, λέγω δὲ καθόλου, ὃ ἐπὶ πλείονων πέφυκε κατηγορεῖσθαι. Vniuersale est, quod de pluribus prædicatum est. Prædicabile est vox.) Simplex & rei existentis significatiua: nam quæ complexa sunt, & rem existentem non significant, in numerum quinque vocum non veniunt: ut homo studiosus, τραγέλαφος.

Vniuocè.) Hoc loco vniuocè prædicari latiùs sumitur, pro eo quod secundum rationem essentialē vel accidentariā de suo inferiori dicitur. Quo sensu proprium & accidens vniuocè dicuntur.

Horum enim.) in hunc locum obiici solet ille locus, qui est apud Casarium vltimo capite huius tractatus in communitatibus. Commune est omnibus prædicabilibus prædicari de pluribus vniuocè præter accidens. Locus ille turbauit multorū ingenia. Dicam paucis quod sentio. Accidens non prædicatur vniuocè, hoc est, non æqualiter: quia dicitur de suis inferioribus secundum magis & minus. Reliqua quatuor vniuersalia ex æquo de suis inferioribus dicuntur. Idque ex communitatibus Porphyrij constat. Et sic locus ille hunc nullo modo oppugnat: nam vniuocè dici, alio & alio modo sumitur.

De hoc copiose LAREANVS. Petrus Hispanus in secundo tractatu pag. 82
 Prædicabile igitur.) Prædicabile proprie sum-

ptum, idem est quod vniuersale. Sed differunt hæc duo in hoc, quia prædicabile definitur per dici de. Vniuersale verò, per esse in. Est enim prædicabile, quod aptum natum est dici de pluribus. Vniuersale verò, quod aptum natum est esse in multis. Vt homo, si cōsiderabitur vt de pluribus indiuiduis prædicatur, tunc prædicabile dicitur: si autem considerabitur, vt est in pluribus communis natura æquè participata, tunc dicitur vniuersale.

De eo, quod Differens, & quod Idem dicitur: tum quot modis utrunque dicatur.

De hoc copiose LAREANVS. Petrus Hispanus in secundo tractatu pag. 82
SANÈ de pluribus prædicari dupliciter contingit. Aut enim de pluribus numero differentibus: aut de pluribus differentibus specie. Proinde paulò altius repetendum hoc loco, atque ascendendum breuiter, Differens quot modis dicatur: tum quod huic ex aduerso respōdet, Idem. Ita fiet haud dubiè, ut quæ sequuntur, planius percipi queant. Sciendū igitur, quòd differens tot modis dicitur, quot modis dicitur idem. Idem autem tripliciter dicitur. Nam aut genere, aut specie, aut numero idem alicui quippiam dicitur. Et genere quidem eadem dicuntur, quæcunque sub eodem genere continentur proximo: ut homo & leo sub animali. Specie uerò, quæcunq; sub eadem specie continentur: ut Socrates & Plato sub homine. Numero porrò eadem quatuor dicuntur modis: nēpe aut nomine, ut Marcus & Cicero, aut definitione, ut homo & animal rationale, aut proprio, ut homo & risibile: aut accidente, ut mel, & ipsum

ipsum tum flauum, tum dulce. Hinc iam colligitur, & quia tot
 Differens ab alio quippiam tripliciter dici: genere, spe ^{quod dicitur}
 cie, & numero. Genere quidem differentia dicuntur, quæ ^{in unum generis}
 sub diuersis sibi proximis generibus continetur: ut homo ^{in unum generis}
 & quercus. Siquidem homo sub animali proximo sibi ge-
 nere, & quercus sub arbore, itidem genere proximo con-
 tinetur. Specie uerò differentia dicuntur, quæcunque sub
 diuersis continentur speciebus: ut Alexander & Buce-
 phalus: quippe Alexander sub homine, Bucephalus uerò
 sub equo continetur. Quin & specie differentia dicun-
 tur ipsæ inter se species diuersæ, tametsi unius generis
 species sunt: ut homo leo, bos, equus, &c. Numero porro
 differentia dicuntur, quæcunque in numerando, hoc est,
 dum numerantur, inter se differunt: ut Socrates & Plato.
 Nam cum dixit quispiam, Hic Socrates est, & item, Hic
 Plato est: duas iam fecit unitates, unam in Socrate, in Pla-
 tone alteram. Atque ita non eadem in Socrate unitas nu-
 merata est, quæ in Platone: sed altera atque altera, & per
 hoc numero tantum differunt Socrates & Plato.

RAIIANVS.

Sanè.) Hoc caput de differente & eodem Cæsa-
 rius præponit: quia adfert aliquid lucis finitioni ge-
 neris & speciei, in quibus fit mentio differentis. To-
 rum hoc caput nititur hoc principio & elemento
 topico: Quot modis dicitur vnum oppositorum,
 tot modis & alterum: sed idem & differens opposita
 sunt: ergo si idem dicitur tribus modis, etiam dif-
 ferens.

Et genere.) Si quis obiiciat: homo est sub anima-
 li proximo genere, & leo sub bruto: ergo non sunt
 c sub

sub eodem genere proximo. Submouere hunc scrupulum poteris, & dicere haec exempla ex sexto capite primi libri Topicorum sumpta esse. Tempore autem Aristotelis hoc nomen brutum, quod apud ipsum ἀλογον est, impositum non fuisse. Quare homo & leo sub animali proximo genere erant.

Numero porrò.) In his quatuor modis, quibus aliqua numero dicuntur eadem, illud diligenter obseruandum est, prout ea esse eadem numero, quae nomine & finitione eadem sunt. Et sic intelligendum est hoc principium, cum dicimus: Quicquid ~~Id conuenit uni eorum quae eadem sunt, etiam conuenit alteri.~~ Id verum est de his, quae sunt eadem numero, nomine & finitione. Cuius rei discretè & nominatim nos cominone facit Aristotel. sexto cap. primi libri Topicorum, his verbis: *μάλιστα δὲ ὁμολογεμένως τὸ ἐν ἀριθμῷ, ταυτὸν πρὸς πάντι δοκεῖ λέγεσθαι. ἴαθε δὲ καὶ τοῦτο ἀποδίδεσθαι πλεοναχῶς, καὶ κυριώτατα μὲν καὶ πρῶτος, ὅταν ἐνόματι ἢ ὀρῶ τὸ ταυτὸν ἀποδοθῇ καθάπερ ἱματίῳ λέπτιον, καὶ ζῶον περὶ δῖπυον ἀναθρῶνται.*

Specie verò.) Specie aliqua duobus modis differunt, quae sub diuersis sunt speciebus, vt Alexander & Bucephalus: quae inter se diuersae species sunt, vt homo, equus.

Numero porrò.) Differre numero hoc loco dicuntur, non ea quae diuersum constituunt numerum, vt binarius, ternarius: sed quae per se existunt, & diuersa sunt, vt individua speciei subtrata. Quibus verbis facile Ammonij obiectionem diluere possumus: Homo dicitur de Cicerone & Marcello:

lo: Cicero vnus est, Marcellus vnus est, sed vnum non differt ab vno numero (nam vnitas non est numerus) Ergo Cicero & Marcellus non differunt numero.

*De genere, quid sit, & quomodo
diuidatur.*

GENUS cum multipliciter dicatur, authore Victorino (dicitur namque & parens, & patria: hinc illud Vergilij, Vnde genus ducis? Item & cuiuslibet rei qualitas: ut si dicas, Cuius generis uestis est?) una tamen eius significatio est, secundum quam predicabile fit, similitudine uidelicet à primo illorum trium significatorum sumpta, & à philosophis hoc pacto definitur: Genus est, quod de pluribus & differentibus specie, in eo quod quid est predicatur. Vel sic: Genus est uox, quæ complures sub se species, easdemque inter se diuersas continet, amplectiturque, de quibus & in eo quod quid est, predicatur: ut animal de homine, de leone, & equo. Nam si queratur, quid est homo, quid leo, item quid equus: recte conuenienterque de unoquoque horum respondebitur, quod animal est. Animal igitur de homine, de leone, & de equo, in eo quod quid est, predicatur. Atque hæc ipsa inter se specie differunt, tametsi sub animali, ut sub genere proximo, continentur. Diuiditur autem genus in genus generalissimum, & genus subalternum. Genus generalissimum est, supra quod non est aliud superueniens genus. Atque id quidem in unaquaque predicamentorum serie ita obseruatum est, ut sit aliquod supremum, quod proinde à quibusdam generalissimum, ab alijs principalissimum, aut (quod Laurentio Vallæ magis probatur) summum genus dicitur, ut

substantia, quantitas, ad aliquid, qualitas, &c. de quibus licet ens praedicetur, genus tamen ad nullum horum dici potest, quoniam non uniuoce, sed æquiuocè de ipsis praedicatur. Definitur rursus & hoc modo: Genus generalissimum est, quod quum sit genus, non potest esse species: ob id quidem, quod species (ut paulò post dicetur) ea est, quæ sub assignato genere ponitur. Genus uerò subalternum est, quod cum sit genus, potest uicissim & species esse. imò uerò quicquid continetur inter genus generalissimum, & speciem specialissimam, genus subalternum dici potest.

RAIIANVS.

De genere.) Inter quinque vniuersalia genus primum locum tenet. Est enim vniuersalius & prius. Vniuersalius, quia omnia alia suo ambitu complectitur. Prius, quia eo sublato cætera corruunt. Est autem genus prius specie, non tempore (quia relata sunt) sed natura. Nam genus est speciei principium finituum. Omnia vniuersalia in numerum quinarium recidere, Trapezuntius pulchre docet: Quicquid de alio dicitur, aut in quid est, aut quale est, dicitur: si primum, est genus vel species: si secundum, & secundum essentiam, est differentia: si secundum accidens, est proprium vel accidens.

Similitudine.) Vt parens est principium productionis prolis, & patria conseruatiuum: sic genus est principium finiens suas formas.

Genus est quod.) Vt genus philosophicum constituitur, tria omnino sunt necessaria: Vt de pluribus dicatur: nam omnis generis, inquit Aristoteles, sunt plures species. Genus ergo non potest existere nisi

nisi in pluribus formis, species infima etiam in vno individuo existit: vt sol, mundus, Phoenix. Deinde vt de specie differentibus: postremo, vt in quid est dicatur.

Et de his quæ specie diff.) Ea quæ sint, dictum est.

In eo quod quid est.) Ea in quid enunciantur, per quæ apte ad quaestionem per quid est factam, respondemus. Autor Aristoteles 4. cap. 1. libri Topic.

De quibus.) Subnotio tacitæ obiectionis. Ens non est genus, si ad omnia prædicamenta referatur: nam de illis dicitur æquiuocè. Nomen enim entis est tantum commune omnibus prædicamentis, ratio verò est diuersa. Est enim ens (autore Trapezuntio) quod per se subsistit, vel alteri inhaeret. Per se subsistere, ad substantiam: alteri inhaerere, ad accidens referendum est. Sed hîc quidam acerrimè digladiantur, obiiicientes nobis Aristotelem secundo cap. 4. libri primæ philosophiæ: τὸ δὲ ὄν λέγεται μὲν πολλαχῶς, ἀλλὰ πρὸς ἓν, καὶ μίαν τινὰ φύσιν, οὐχ ὁμωνυμῶς, & cætera. Hoc est, ipsum ens dicitur quidem multis modis, sed ad vnum & vnā quandam naturā, non æquiuocè. Ad quem locum Aristotelis paucis dicendum est: Ens vt ibi sumitur, neque omnino vniuocum neque æquiuocum esse, sed secundum analogiam & proportionem dici.

GLANCE NVS.

In hoc capite tria dicuntur. Primum, quot modis Genus accipiatur. Secundus, quid sit Genus prædicabile. Tertium, quæ eius diuisio.

Genus cūm.) Porphyrius dicit Genus tripliciter

c 3 acci

accipi. Primo modo, pro collectione quorundam, qui ad vnum aliquod principium habent respectum: vt, Heraclidæ ab Hercule duxerunt genus, & vnum sunt genus. Secundo modo, pro generationis principio: vt patre, patria, id est, loco natiuo. Oreltes igitur genus habet à Tantalo, & Plato genere est Atheniensis. Tertio modo, pro eo cui supponitur species.

Quoniam non.) Non vniuocè, non vna ratione. Priùs enim de substantia dicitur Ens, quàm de accidente: id est, reliquis nouem prædicamentis. Et hæc est prima rerum diuisio in Substantiam & Accidēs, secundum illud vulgare carmen:

*Summus Aristoteles trutinando cacumina rerum,
In duo diuisit, quicquid in orbe fuit.*

Id est, in substantiam & accidens. Porro accidens diuiditur in nouem reliqua.

De specie, quid sit, & quomodo diuidatur.

Speciei quoque multiplex est acceptio. Nam præter cætera eius nominis significata, uniuscuiusque rei forma siue pulchritudo species dicitur: hinc speciosos dicimus, qui forma sunt liberaliori: unde & formosos eosdem appellamus interim. Species item dicitur, quæ generi subijcitur: secundum quam significationem à philosophis accipitur, definiturque hoc modo: Species est, quæ de pluribus & differentibus numero, in eo quod quid est, prædicatur: ut homo de Socrate & Platone, & ut nostræ religionis uocabulis utar, de Petro item & Paulo. Definitur rursus species, ea quæ sub assignato genere ponitur. quæ quidem speciei definitio tam speciei specialissima, quàm speciei

speciei subalternae communis est : prior uerò tantum conuenit speciei specialissimae. Sciendum itaque, quod ut genus supra diuisum est in genus generalissimum, & genus subalternum: ita & species nunc diuiditur in speciem specialissimam, & speciem subalternam. Species quidem specialissima est, quæ cum sit species, genus esse non potest: quippe quod sub se species alias non habeat, ut homo, sub quo indiuidua tantum continentur. Species uerò subalterna est, quæ & genus & species esse potest, ad aliud quidem & aliud sumpta: cuiusmodi ea omnia sunt, quaecunque media sunt inter genus generalissimum & speciem specialissimam: id quod subscripta figura luce clariùs indicabit.

RAIIANVS.

De specie.) Etsi differentia ordine naturæ est prior specie, tamen quia genus & species relata sunt, simulque existunt & se collunt, rectè post genus sequitur species.

Species est.) Hæc speciei finitio infimæ speciei conuenit. Quare particula Tantum, vel similis est intelligenda. Nam animal etiam de numero differentibus dicitur, sed non tantum. Hoc loco quaestio existit: Homo dicitur de masculo & fœmina, quæ specie differre videntur, quocirca homo non potest esse infima species. Hanc obiectionem submouet Aristot. penultimo capite decimi libri primæ philosophiæ. Differentia specifica sumitur à forma essẽtiali: mas & fœmina sexu, & non forma essentiali differunt. Qua de re videndus est etiam Aristoteles 1. capite septimi libri de historia animalium. At Rodolphus Agricola ait: Homo si ad indiuidua referatur, non species sed genus est. Id est

intelligendum de genere locali. Nam ut à specie ad genus affirmatiue colligimus, ita ab individuo ad speciem. Et ut à genere ad speciem negatiue, ita à specie ad individuum negatiue, colligimus, Ut: Iustitia est, ergo virtus est. Virtus non est, ergo non est iustitia. Sic, Fabius est, ergo homo est. Homo non est, ergo Fabius non est.

GLAREANVS.

De specie.) Summa huius capitis est: Duæ sunt speciei acceptiones. Prior pro forma vniuscuiusque rei: altera pro ea quæ ponitur sub assignato genere. Et huius posterioris sex sunt definitiones.

De individuo, quid sit, & quot modis accipiat.

SED & interim de individuo pauca adijcere liceat. Si quidem præter eam significationem, qua id esse definitur, quod de uno solo particulari prædicatur, idq; multis modis, ut Socrates, & hoc album, & hic ueniens, & Sophronisci filius, si solus & unicus ei Socrates extitit filius: alia eius à Ioanne Damasceno significata produuntur.

Nam & quod insecabile prorsus & indiuisibile est, individuum dicitur: ut punctum, & temporis momentum, quod & nunc quoque dicitur. & ipsa nimirum unitas, similiter & mens: & quod difficulter sub sectionem uenit, ut adamas, & quicquid tale est. Præterea individuum dicitur & species specialissima, quod in alias species uidelicet non diuidatur. Sed ex his omnibus prima illa individui significatio propria huic loco & peculiaris est, quod & quidam ita interpretantur, ut ipsum asserant ex

quibus

quibusdam proprietatibus constare, quarum collectio nunquam in alio quolibet eadem erit. Quarum item & numerum, & nomina quidam hoc uno uersiculo comprehendit,

Forma, figura, locus, stirps, nomen, patria, tempus.
Sciendum insuper, quod indiuiduum in ea significatione, quae primo loco posita est, & proprie ita dicitur, in rationalibus creaturis personae nomine nonnunquam designatur. Vnde & Boethio in libro de duabus naturis in CHRISTO, ita definitur: Persona est rationalis naturae indiuidua substantia. Quanquam & hic Valla reclamatur, nec nisi inuitus illam personae definitionem admittit. Graeci eandem nunc πρόσωπον, nunc ὑπόστασις appellat.

R A I I A N V S.

Dictum est capite superiore, speciem de indiuiduis tantum dici: nunc igitur quid indiuiduum sit, explicat. Prima haec indiuidui descriptio vocibus proprie conuenit, quarum est praedicari. indicat autem triplex indiuiduum. Determinatum, quod rem certam significat. Ex demonstratione, cum terminus communis cum pronomine demonstratiuo sumitur. Ex hypothese indiuiduum, quod per se est commune nomen, sed facta suppositione de vno tantum dicitur: ut Nicomachus, filius Aristotelis, si fingamus eum unicum filium Aristotelis fuisse.

Vt ipsum asserant.) Secunda descriptio, quae rebus proprie conuenit: haec insigne discrimen inter indiuiduum & vniuersale continet. Nam vniuersale est ex quo in omnibus indiuiduis. At proprietates in-

diuidui in nullo sunt numero eadem. Vnde nō possumus non mirari principem rerum Deum, qui in tam numerosa hominum copia nūquam duo individua per omnia sibi similia effinxit. Qua de re caput extat memorabile apud Plinium libro septimo naturalis historiae. Inquit enim, iam in facie vultūque nostro, cū sint decem aut paulō plura mēbra, nullas duas in tot millibus hominum indiscretas effigies existere, quod ars nulla in paucis numero praestaret affectando.

FIGURA.

Substantia

Corporea	Corpus	Incorporea
Animatum	Animatum corpus	Inanimatū
Sensibile	Animal	Insensibile
Rationale	Rationale animal	Irrationale
Mortale	Homo	Immortale
Socrates, Plato, Aristoteles, Cato, Cicero. Vergil.		

Figura.) Hæc figura seriem prædicamēti substantiarum aperit. Ea autem ascribitur: quia veritas magis fide oculata, quā per aures animis hominum infigitur, vt Iustinianus §. finali, de gradibus cognationum, docet.

GLAREANVS.

De individuo.) Magna concertatio est inter Dialecticos, quod sit verū & sufficiens indiuiduationis principium, id est, origo & causa: quod natura aliqua communis, & pluribus participabilis, fiat singularis, & incommunicabilis, vt homo: de quo quaeritur, quomodo fiat hic homo, id est Socrates, vel Petrus. Huius causa à diuersis varia proditur. Albertus Magnus

Magnus ait, materiam esse causam indiuiduationis. Aegidius à Roma, quācitatem. Thomas verò Aquinas, causam ait materiam, propria signatam quantitate. Scotus verò appellat differētiā indiuidualem, id est, formalem quandam rationem, ex hoc & hoc indiuiduo natam. Quidam hæc coitātē vocant. de his autem Thomæ opinio firmior esse videtur.

De triplici differentia.

Differētia uerò cōmuniter, propriē, & magis propriē dicitur. Communiter quidē differentia dicitur, qua alterū ab altero alteritate quadam differt solum. Alteritate inquam, hoc est, qualibet ratione ab altero diuersum. Qua quidē differentia Xenocratem ab Aristotele differre Plato iudicauit, ut author est Diogenes Laertius, quod hic quidem præcipiti & acri ingenio erat: ille uerò tardo atq; hebeti. Haud dissimile illi est, quod & Cicero 111. de Oratore lib. de Isocrate refert: Isocrates doctor (inquit) singularis dicebat se in Ephoro calcaribus, contrā autē in Theopompo frenis uti solere. Alterum enim exultantem uerborum audacia reprimebat, alterū cunctātem & quasi uerecundantem incitabat. Quin & hac ipsa differentia à seipso quispiam differt puero olim, & iam uiro, & faciente nunc aliquid, cū antea quiesceret. Quo sanē modo apud Vergilium de Hectore in alium quasi hominem mutato, Aeneas inducitur ita loquens: Hei mihi qualis erat, quantum mutatus ab illo Hectore? Propriē uerò differentia dicitur, qua alterum ab altero differt accidente inseparabili: quomodo is, qui oculos habet cæcios, ab eo differt, qui tales non habet. Magis autē propriē differētia dicitur, qua alterum ab altero differt non accidente quopiā siue separabili, siue inseparabili, sed substātiali qualitate:

que

quæ & ipse nimirum uniuscuiusque rei ratio est. Itaque ab equo homo differt rationali qualitate. Siquidem homo rationalis est, equus uerò irrationalis. Præterea ut hæc speciem à specie differre facit, unde & specifica differentia dicitur: ita superiores duæ indiuiduum ab indiuiduo separant, quæ ob id ipsum accidentariae, siue aduētitiæ differentia dici possunt. In uniuersum igitur omnis differentia alteratū facit, sed quæ specifica dicitur, ultra id quod alteratum facit, aliud quoque facit, atque ita differentia communes quidem sunt quibus omnes aut ab alijs, aut à nobis ipsis differimus. Propriae, quæ uniuscuiusque indiuidui formam aliqua naturali proprietate depingunt. Magis autem propriae, quæ in substantia ipsa permanent, & uniuscuiusque rei rationem explicāt, & speciem à specie disiungunt.

R A T I A N V S.

Differentia.) Differentia arctiùs cum genere & specie cohaeret, quam propriū & accidens (nā differentia ad essentiam pertinet) ideo differentiam proprio & accidenti praposuit. Differentia communis nihil aliud est, quàm accidens separabile. Sic dicta, quia communiter multis inest. Propria differentia est accidens inseparabile. Dicta propria, quia determinato & proprio inest subiecto. Differentia magis propria est qualitas essentialis, qua species à se inuisem separantur: ut particeps rationis. Et harum differentiarum magna est nobis penuria. Propterea his destituti, proprijs & accidentibus utimur.

Quæ & ipsa.) Ipsa differentia magis propria sumpta scilicet cum genere, est finitio speciei. Ut cōsentaneum rectæ rationi, sumptum cum habitu animi,
finis

finis virtutem. Est enim virtus habitus animi rectæ rationi consentaneus.

Vniuersumque.) Hoc est, alicuius. Notæ vniuersales in finitionibus sepe pro particularibus sumuntur,

In vniuersum.) Omnis differentia facit alteratū, hoc est, vel secundum essentiam vel secundum accidens speciem à specie separat: sed differentia magis propria facit aliud, hoc est, cum genere sumpta speciem constituit, finitque.

Atque ita.) Epilogus totius capitis.

GLAREANVS.

De triplici differentia.) In hoc capite duo facit. Primò differentia triplicem ponit acceptionem, ex Porphyrio. Secundo illas acceptiones comparat, ut deinde sequenti capite eliciat differentia acceptionem, ut est prædicabile.

De ea, quæ specifica differentia dicitur, quid sit.

Differentia ergo quæ magis propria & specifica dicitur, & proinde tertium facit prædicabile, ea est: quæ species (ut dictum est) à specie differt, & hoc modo definitur. Differentia est, quæ de pluribus & differentiis specie, in eo quod quale quid est, prædicatur: ut rationale de homine & de Deo, si Porphyrio credimus, qui tam Deum, quam hominem animal esse opinatus est, idque magis Platoniorum sententia, qualis & ipse erat, quam secundum veritatem. Est igitur (sed id exempli causa nunc admittatur solum) & Deus & homo animal rationale, sed à Deo homo separatur mortalitate, quod
homo

homo quidem mortalis sit, Deus autem immortalis. Rursus autem & hoc pacto definitur, Differentia est, quæ diuidit atque disspescit ea, quæ sub eodem genere posita sunt: ut rationale hominem separat ab equo & leone, cæterisque animalibus omnibus, quæcunque rationis expertia sunt. Assignatur item & hæc eius descriptio. Differentia est, quæ species generis superat: ut homo, quatenus est & rationalis & mortalis, animal superat exceditque. Siquidem nihil horum actu animal est, licet potestate nō has solum habeat differentias, sed & his oppositas. Diuiditur autem huiusmodi differentia, quæ & per se & specifica, & per hoc magis propria differentia dicta est, quod hæc quidem genera diuidit in species, illa uero species constituit & informat. Omnis quippe differentia generi adueniēs, constituit speciem: ut cum rationale additur animali, hominem protinus constituit, quæ species animalis esse dignoscitur. Vnde & hæc proinde constitutiua differentia dicitur, quemadmodum illa, quæ genera in species secat, differentia dicitur diuisiua. Sciendum tamē, quod eadem differentia & diuisiua dici potest, & constitutiua: diuisiua quidem generis, constitutiua autem speciei.

RAIANVS.

Differentia est.) Prima descriptio differentię specificæ, quam & ad differentiam speciei subalternæ & infimæ porrigere possumus: illa de differentibus specie vel numero, ut sensibile: hæc de numero differentibus solum dicitur, ut (doctrinæ causa) rationis particeps.

Differentia est quæ diuidit.) Multi & graues interpretes

interpretes hanc descriptionem conuellere & labefactare conati sunt, eò quòd Porphyrius idē per idem finire videatur. Huic obiectioni sic obuiā ire oportet: Porphyrium nō finiuisse idem per idem, sed datam esse descriptionem per proprium effectum differentiae, qui est distinguere. Proprius autem effectus non est idem cum eo, cuius est effectus.

Differentia est qua species.) Hæc descriptio plusculum habet difficultatis, cuius hic planus & expeditus est sensus: species superat genus per differentiam, quia species cōtinet actu in sua finitione eam differentiam, quam genus in sua diuisione: vt particeps rationis, differentia est in hominis finitione, & in animalis diuisione tantum. At dixerit aliquis: Genus superat speciem per differentiam, ergo species non superat genus. Vtrunque superat vtrunque, sed diuerso sensu: species superat genus actu, genus verò (vt Porphyrius ait) speciem potentia.

Diuiditur.) Duplex est munus differentiae specificæ: diuidere genus, & finire speciem. Eadem enim differentia diuidit genus, & finit speciem.

GLAREANVS.

De ea quæ specifica.) In hoc capite tres definitiones specificæ differentiae ponuntur ex Porphyrio, quartam Porphyrius addit. Differentia est, inquit, qua differunt à se singula. Neque enim species differunt secundum genera, sed secundum differentias.

In eo quod quale.) Differentia prædicatur in Quale, genus autem & species in Quid. Interroganti enim, Quid est homo? responderetur, animal.

Sed

Sed si roges, Quale animal? respondetur per differentiam, rationale. Hic scire lector debet, apud veteres omnes nullam omnino speciei specialissimæ differentiam fuisse notam. Nam rationale putarunt subalternæ speciei differentiam, non speciei specialissimæ. Ut igitur generis & speciei duæ sunt definitiones, ita duarum differentiarum: ut generica differentia sit, quæ de pluribus & specie differentibus prædicetur in quale quid sit: specifica autem differentia sit, quæ de pluribus & numero differentibus prædicetur. Hanc omisit Porphyrius, quia eius nullum exemplum dare potuit, quando spoliavit hominem propria differentia, quæ est rationale.

Qui generis & speciei definitiones probè tenet, is etiam differentiarum definitiones facillè expediet. Nam differentia est duplex: una generica, quæ de pluribus specie differentibus, in eo quod quale quid est, prædicatur, ut sensibile: altera specifica, quæ de pluribus numero differentibus in eo quod quale quid est, prædicatur: ut rationale secundum veritatem. Differunt ergo, ut superius & inferius: & habent prædicationem qualitatis, cum genus & species substantiæ.

Quia species genus superat.) Superat, Græcè est *ὑπερβαίνειν*, id est, abundat, inquit, Porphyrius. Ideo autem species abundat à genere, quia homo habet actu differentiam rationale: animal autem duntaxat potentia habet idem rationale. Nam inferiora includunt superiora actu, superiora autem continent inferiora duntaxat potestate.

*De proprio, quod modis dicatur, tum &
quod modis dicatur commune.*

Proprium uerò quatuor dicitur modis. Primo nanque proprium dicitur, quod soli alicui accidit speciei, etsi non omni: ut homini medicum esse, aut Geometram. Secundo, quod omni quidem accipit, sed non soli: quemadmodum homini esse bipedem, quando & aibus perinde id accidit. Tertio, quod soli quidem, & omni, uerum non semper: ut omni homini & soli homini accidit in senectute canescere, licet Aristoteles & Plinius id etiā equis tribuant. Quarto, quod soli, & omni, & semper: quemadmodum homini ridere, idq; potestate tamen magis & aptitudine, quàm actu. Siquidem omnis homo, & solus, & semper risibilis est, licet non semper rideat. Sanè ut proprium his quatuor modis dicitur, ita commune, quod proprio quodammodo opponitur, quatuor dicitur modis. Commune quippe dicitur, aut quod in partes diuisibile est, ut ager communis pluribus: aut quod in usu communi positum est, à diuisione prorsus immune, ut seruus pluribus communis, & equus, & puteus: aut quod in occupando proprium factum est, alioqui commune: ut in templo aut theatro locus communis est omnibus, priusquā occupetur, occupatus uerò proprius fit occupanti: aut quod æquè omnibus sese præbet, ut uox præconis, aut aliterius cuiuspiam concionantis docentisue.

RAIIANVS.

Proprium.) Cùm apud philosophos proprii mentio fit, proprium quarto modo, quod insigne proprium est, intelligimus. Reliqui enim modi proprii

d

in ac

in accidentis classem reiciuntur. Proprium hoc quarto modo, omni, soli & semper speciei accidentaliter inest. Cuius ratio est, quia à principiis essentialiter oritur. Hæc autem principia, ut animal & rationale, respectu hominis, omni, soli & semper insunt speciei. Quare etiam proprium Aristotelis 1. cap. 5. libri Topicorum quatuor etiam modos proprii constituit, qui ad hos reduci possunt.

GLAREANVS.

Commune quippe dicitur.) Hæc de communi præceptio, non tam ad Dialecticum pertinens, atque Iurisperitum, consultò omitti potest. Voluit enim videri aliquid noui inuenisse. quod Petrus Hispanus non docuisset.

*De accidente, quid sit, & quomodo
diuidatur.*

Accidens est, quod adest & abest præter subiecti corruptionem. Definitur rursus & hoc modo: Accidens est, quod contingit eidem inesse: ut homini album esse, & non esse album, & sedere: & non inesse, & stare. Quin & aliter hoc pacto: Accidens est, quod neque genus est, neque differentia, neque species, neque proprium, semper autem in subiecto subsistens est. Diuiditur autem accidens: aliud nanque separabile est, aliud inseparabile. Separabile quidem, ut dormire. Inseparabile uerò, ut nigrum esse in Aethiope & coruo, & candidum in cygno & niue. Accidens porrò tam separabile quàm inseparabile, aliud naturaliter tale est, aliud extrinsecus aduenit. Naturaliter quidem, ut pueritia, iuuentus, senectus: extrinsecus

trinfecus autem, ut federe, aut fi qua cicatrix obducta uulneri occalluerit.

RAIIANVS.

De accidente.) Accidens in vniuerfum duobus sumitur modis. Primo, pro omni eo, quod non est substantia, fcilicet, pro nouem prædicamentis accidentium. Et fic accipitur in ea peruagata diuifione Aristotelis: quicquid est, vel est substantia, vel est accidens. Secundo sumitur accidens pro eo, quod potest adesse subiecto & abesse à subiecto, præter subiecti interitum.

Accidens est.) Existimo tot esse interpretamenta ad hanc finitionem allata, quot hominum opiniones & sententiæ sunt. Ego vehementer probò id, quod doctis placuisse video: id est, Duæ hæ priores accidentis descriptiones, accidēs tantum separabile complectuntur. Tertia verò descriptio & accidens separabile & inseparabile continet. Id si recipimus, iam subuertimus subruimúsque omnes omnium importunorum sophistarum importunas, ineptas, ridiculas cauillationes. Nec erit recurrendum ad eam monstrosam (vt sic dicam) subintellectionem, quam Porphyrius ex veterum philosophorum sententia commemorat: quæ multa monstra, portenta, in nobili philosophia peperit. Ego semper modum illum intelligendi, calorem sine igne, & coruum esse album, valde suspectum habui. Putauique esse magis ingeniosam, quam necessariam subtilitatem.

Accidens quod neque est.) Hæc tertia descriptio

per negationem aliorum vniuersalium assignata est. Est autem sic accipienda: Accidens neque est genus, neque species respectu sui subiecti, cui inhaeret. Potest tamen accidens esse genus vel species, respectu suorum inferiorum: vt color, si ad parietem referatur, est accidens: si ad albedinem & nigredinem, est genus. Quae in re multi pueriliter hallucinantur.

GLAREANVS.

De accidente.) In hoc capite tres sunt accidentis definitiones, & duae diuisiones.

Accidens est, quod neque.) Accidens si comparatur ad suum subiectum, primam habet definitionem. Sin ad suam causam, de eo datur secunda definitio. Sin ad quatuor alia praedicabilia, vltima ei conueniet definitio.

Quomodo accidentis definitio intelligenda sit, cum solutione dubitationis.

Superest vltima huius tractatus pars, quam & aggregandi iam certum erat, nisi nos remoraretur dubitatio haud facilis, expendenda interim, examinandaque, & discutienda prius. Ea autem huiusmodi est: Si accidens est, quod adest & abest absque eius, in quo est, interitu: qui fieri potest, ut ex accidentibus aliud separabile, aliud inseparabile statuatur? Nam quod inseparabile est, id abesse non potest. Sane huic dubitationi Porphyrius ita paucis satisfacere uidetur, quod ait exempli causa, coruum posse

posse album subintelligi, & Aethiopem candore nitentem, præter utriusque corruptionem interitumque. Verum hoc ipsum Boethius paulò altiùs repetit, dicens: Nam quoniam sunt accidentia inseparabilia, in his definitio uidetur conuenire non posse. Sed hæc (inquit) tam uehemens quæstio soluitur hoc pacto: quòd hæc ipsa definitio de accidentibus facta est potestate, non actu: intelligentia, non ueritate. Agè igitur, quoniam Aethiopi color niger *w* auferri non potest, animo eum & cogitatione separemus, erit tum color albus Aethiopi, non tamen species consumpta est. Ita quoque, si à coruo nigredinem abstuleris imaginatione, permanebit tamen auis, nec species interebit. Ergo quod dictum est, adesse & abesse, non re, sed animo intelligendum est. Quod tamen in his, quæ speciem constituunt, haud ita se habet: ut si ab homine rationalitatem auferas, quam licet actu separare non possimus, tametsi uel animo, imaginatione uel disiunxerimus, statim peribit hominis species.

GLAREANVS.

Quomodo accidentis defin.) Soluit obiectionem multis verbis, quam Porphyrius vno. Obiectionis Enthymema sic formari potest: Accidens est, quod abest & adest præter subiecti corruptionem: Ergo nullum accidens erit inseparabile. Probatur consequentia: Quia quod est inseparabile, non potest abesse subiecto. Pro solutione, notandum, quòd inseparabile accipitur tribus modis. Primo contradictoriè, quod nullo modo separari potest, nec re, nec ratione: ut differentia hominis, Rationale. Alio modo priuatiuè, quod non re, sed ra-

tione est separabile: & sic proprium Risibile est inseparabile. Tertio modo contrariè, quod & re & ratione separabile est, sed difficulter: & proinde inseparabile dicitur, quòd contrariam habeat qualitatem. Hæc ferè Boëthius secunda editione in Porphyrium.

*De communitate prædicabilium inter se,
& differentia: item eorum à
se inuicem.*

Commune est omnibus prædicabilibus de pluribus prædicari: ut (exempli gratia) Genus quidem de omnibus sub se contentis speciebus & indiuiduis, de quibus omnibus & constitutiua cum primis differentia prædicatur. Species autem de his solum, quæ sub ea continentur, indiuiduis. Proprium uerò & de specie cuius est proprium, & de eiusdem speciei indiuiduis. Porro accidens & de speciebus pariter & indiuiduis, sed principaliter quidem de indiuiduis: secundo uerò loco & de ijs, quæ continent indiuidua, hoc est, speciebus ipsis. Quemadmodum è diuerso, proprium principaliter quidem de specie, cuius est proprium, at secundo deinde loco, de illius speciei indiuiduis: ut risibile esse, prius quidem & principaliter de homine prædicatur: posterius uerò & secundo loco de Socrate & Platone, cæterisque particularibus hominibus. Commune item est omnibus prædicabilibus, præter accidens, uniucè prædicari de quibus prædicantur. Differunt autem à se inuicem prædicabilia, quòd alia quidem prædicantur in eo quod quid est, ut genus & species: alia uerò in eo quod quale quid est, aut quomodo se habet

se habet quippiam, id quod de plerisque accidētibus quaeritur: ut si quis interroget, quomodo se habet Socrates? tam quis recte responderit, quod aut ambulat, aut disputat: sin uerò interroget quisspiam, qualis est Socrates? aptè fortassis respondebit alter, quod sapiens est. Ergo differentia, proprium, & accidens, praesertim inseparabile, in eo quod quale quid, praedicantur. A specie item genus differt, quod genus quidem praedicatur de pluribus & specie differentibus: species uerò de indiuiduis, & numero differentibus tantum. Et differentia à proprio & accidente differt, quod differentia quidem praedicatur in eo quod quale quid est, secundum rei scilicet essentiam: proprium uerò & accidens secundum rei potius inhaerentiam. Denique proprium ab accidente differt, quod proprium quidem conuersim praedicatur de eo, cuius est proprium: accidens uerò minimè. Haftenus de quinque praedicabilibus uocibus, restat nunc ut praedicamenta aggrediamur.

RAIIANVS.

De communitate.) Exposita breuiter natura cuiusque vniuersalis, duo sunt quae hîc Casarius docet: alterum, in quo quinque vniuersalia conueniant: alterum, in quo differant.

Commune.) Hanc communitatem ἐκ τῶν ἐπαγγελῶν docet.

Sed principal.) Accidens dicitur primò de indiuiduis, deinde de speciebus: contra uerò proprium primò praedicatur de specie, secundo loco de indiuiduis.

Commune est autem.) Hic locus quomodo sit intelligendus, initio à nobis dictum est.

Et differentia à differentia.) Huic loco ex diametro aduersari videtur id, quod scribit Aristot. 2. capite septimi libri Topi. Quaecunque locum habent in finitione, in quid est enunciantur: At differentia locum habet in finitione: Ergo in quid praedicatur. Sic & ex prioris sensu difficilis, sic submouendus est: Differentia in quid praedicatur, quia indicat rei essentiam: in quale autem dicitur, quia per eam recte ad quaestionem factam per quale respondemus.

GLAREANVS.

Alia verò in eo quod quale quid est.) Genus praedicatur in quid confusum, species in quid determinatum, differentia in quale essentiale, proprium in quale accidentale, sed conuertibile: accidens in quale accidentale, non conuertibile.

IN

IN TRACTATVM

SECVNDVM, IN QVO DE

prædicamentis agitur, & primum osten-

ditur quid sit prædicamentum,

& cur ita appel-

letur,

PRAEFATIO.



E prædicamentis deinceps scripturus, o-
peræpretium facere uidebor, si, quid sit
prædicamentum, prius exposuero: ne no-
minis uis ipsum lectorem ad illorum iam
cognitionem properantem, longius æquo

remoretur, utpote nondum perspecta, dum tamen interim

quid sit, scire laborat. Prædicamentum igitur est (ut & à

Trapezuntio definitur) terminorum, qui secundum nul-

lam complexionem dicuntur, naturâ rerum ordinatio.

Quæ diffinitio, ut mihi quidem uidetur, hunc habet intel-

lectum, quòd prædicamentū nil aliud est, quàm series quæ

dā terminorum incomplexorum, quatenus ex his natu-

râ id est ratione rerum alij alijs subiiciuntur, alij de alijs

prædicantur. Cæterum nomen prædicamenti dictū hinc

esse uidetur, quòd de omnibus prædicantur decem nume-

ro prædicamenta, uelut ipsorum uocabulorum elementa

quædam. Quo nomine & Quintilianus ea uocat, & ap-

probat Laurentius Valla, quòd sensus scilicet cæterorum

uocabulorum ad ista, tanquam ad elementa & principia

referantur, ob eamque rem (ut idem ait) genera quoque

dicuntur, quòd ex his cætera significata gignantur, quoz

rumq; nullum alio superius est aut alteri genus, sed ipsa

d s genera

genera sunt principalia, imò uerò, si sic dicere licet, principalissima genera. Quoniam uerò eorum quæ prædicantur, alia quidem prædicantur æquiucè, alia uniuocè, alia uerò denominatiuè: ab æquiucis igitur & uniuocis & denominatiuis, necnon & ab alijs quibusdam, quæ Antepredicamenta à recentioribus dicuntur, ut ea quæ sequuntur ipsorum prædicamentorum traditionē, Postpredicamenta ab eisdem appellantur: uocibus quidem nouis, at non adeò improprijs, hunc ipsum tractatū auspiciari conuenit.

RAIIANVS.

In præfationem.) Aristoteles primus omnium decem constituit *κατηγορίας*, quæ à Quintiliano lib. 3. cap. 7. elementa dicuntur, à Boethio prædicamenta. Est autem *κατηγορία* uerbum forense, & accuso, damno propriè significat. Deinde aliò transfertur, & alterum de altero enūciari significat. Vnde *κατηγορία* prædicamentum nomē generale. Cæterum ne aliquid erroris in vocabulo relinquatur, prædicamenti nomen distinguendum est. Prædicamentum quādoque pro supremo genere sumitur: & sic dicimus decem esse prædicamenta. Quandoq; pro ipsa serie generum & specierum: & sic accipitur, cum dicimus, homo est in prædicamento substantiæ: uirtus in prædicamento qualitatis. Postremò pro quouis vocabulo communi.

Quoniam uerò.) Ex hoc loco sumitur diuisio eorum quæ prædicantur. Quædam prædicantur uniuocè, hoc est, cum ratio de eodem dicitur, de quo ipsum nomen: ut uirtus dicitur uniuocè de iustitia, quia & nomen uirtus, & eius finitio dicitur de iustitia. Quædam prædicantur æquiucè, hoc est, cum
nomen

nomen dicitur de aliquo, sed ratio nō eadem de eodem: vt κλέψ nomen dicitur de instrumēto quo referantur & claudūtur ostia, & de massa illa carnea, quæ est sub collo boum. Quam Latini palearia vocant, sed secundum diuersam rationem. Quædam prædicantur denominatiuè, hoc est, à quibus subiecta aliquam sumunt appellationē, vt iustus, fortis.

GLAREANVS.

Quæ antepædicamenta.) Tria sunt antepædicamenta in genere. Definitio, diuisio, ac regula. Sed sunt septem in specie: quia tres definitiones, duæ diuisiones, duæ item regulæ. Antepædicamenta autem dicuntur, quòd cōducant à priori in notitiam verorum prædicamentorum, ex parte cognoscētis, non cognoscibilis. Postpædicamēta sunt quinque, vt postea patebit: & valent ad notitiam prædicamētorum à posteriore, quia ad cognitionem proprietatum prædicamentorum.

De equiuocis, vniuocis, & denominatiuis.

A Equiuoca dicuntur, quorum nomen solum commune est, secundum nomen uerò ratio substantiæ diuersa: ut animal homo, & quod pictum est, hominis tamen speciem interim referens. Horum sanè utrique nomen commune est solum, nempe animalis: at uerò substantiæ ratio secundum ipsum nomen alia atque alia. Vniuoca uerò dicuntur, quorum nomen commune est, & secundū nomen ratio substantiæ eadem, ut animal, homo, & quod est equus. Horum neq; unumquodq; (homo inquit, & equus) animal est, & animalis quoque rationem, hoc est,

est, definitionem suscipit: quæ quidem est substantia animata sensibilis. Denominatiua porro dicuntur, quæcunque ab aliquo, nempe ab ipso principali, solo casu differentia, secundum nomen habent appellationem: ut à fortitudine fortis, à Grammatica Grammaticus. Hic iam illud addendum, quod nomen in his definitionibus non solum pro ea orationis parte, quæ à Grammaticis prima consideratur, sed & pro cæteris orationis partibus perinde accipitur. Nomen itaque hoc loco accipiendum, ut sit omnis rerum per uocem significatio, id est, omne uocabulum.

RAIIANVS.

De æquiuiocis.) Antequam Aristote. singula prædicamenta excutiat, quædam præfatur quæ vulgò Antepredicamēta, vocabulo magis usu trito, quàm Latino dicuntur, eo quod aliquid lucis prædicamētis adferant. Primò finiūtur æquiuioca, quia decem prædicamenta æquiuioca sunt respectu huius nominis Prædicamentum. Hæc descriptio complectitur æquiuioca æquiuiocata, hoc est, plura eiusdem nominis significata diuersa. Ipsum nomen æquiuiocum æquiuiocans dicitur. Vt animal uiuum & animal pictum, sunt æquiuioca æquiuiocata animalis. Per substantiæ rationem intelligimus finitionem tam essentialem quàm accidentariam. Nam in accidentibus æquiuioca sunt: ut clarum in voce & clarum in coloribus, sunt æquiuioca clari. Id Aristoteles docet de cimo tertio cap. i. libri Topicorum.

Dicuntur.) Hoc ait, quia res per se æquiuiocæ nō sunt, nisi id à cōmuni nomine habeant. Voces enim dicuntur, res verò sunt.

Solūm.

Solùm.) Particula solùm, duobus modis sumitur. Primum, cùm vnum significamus aliquid: vt, solus est mundus, hoc est, vnus est mundus. Secundò, cùm significamus diuisionem quandam: vt, sola est mihi veltis, nō etiam toga. & ita hīc sumitur. Aequiuocis est solùm nomen commune, hoc est, nō etiam nominis finitio. Ex descriptione æquiuocorum nullo negotio vniuoca intelliguntur.

De denominatiuis.) Communis Dialecticorum schola triplicia constituit denominatiua. Quædam voce tātū, quæ initio conueniunt, & differūt terminatione finali, sed non cōueniunt significatione: vt cursor & cursus. Quædam significatione tātū, quæ significatione conueniūt, sed non voce: vt virtus, studiosus. Quædā voce & significatione simul, quæ & voce & significatione cōueniunt: vt iustitia, iustus. Et hæc hīc finiuntur. Hæc vt constituantur, tria necessaria sunt: vt re cōueniant, vt nomen retineant, & nominis quædam fiat inflexio. Neque hæc distinctio pro nihilo ducēda est. Sine ea enim innumeri Aristotelis loci plenē & per omnes numeros intelligi non possunt. Et quoniā præmia & emolumenta (vt Plinius ait) in omnibus rebus maximē spectantur, ex his tribus finitionibus tres constituā regulas. Prima: Nullū æquiuocum vt æquiuocū, in vllō ordine prædicamenti locū habet. Prædicamenta enim quæ vniuoca sunt, hæc tāquam noxias herbas à suis domiciliis arcent. Secunda: Omne vniuocū in aliqua classe prædicamētī est. Tertia: Denominatiuum est in eodem ordine, in quo denominans: vt, iustum est in qualitate, quia in ea est iustitia.

De arquiuocis.) In hoc capite primùm explicatur anteprædicamentum, videlicet definitio. Sunt autem tres. Tractat Valla lib. 2. dialectices, capite 3.

Nempe ab iplo principali.) Casus hîc accipitur, non vt in Grammatica, sed pro terminatione finali. Nam fortitudo & fortis eiusdem sunt casus, sed nō terminationis. Appellare igitur, est aliquid ab externo denominare, & conuenit adiectiuis. Substantiua enim abstracta sunt: Adiectiua, cōcreta & denominatiua.

Ad æquivocorum definitionem.) Definitio æquivocorū valet ad reductionem decem prædicamentorum ad vnum analogum, quod est Ens. Definitio vniuocorum valet ad reductionem omnium in vno prædicamento positorum, ad vnum vniuocum. Definitio denominatiuorum valet ad nouem accidentia, quo deducenda pacto sint ad substantiam.

*De complexis & incomplexis, di-
uisio prima.*

Eorum quæ dicuntur, alia quidem dicuntur cum complexione: alia uerò sine complexione. Sine complexione dicuntur, quæcunque secundum simplicem uocis sonum proferuntur, ut homo, equus, uincit, currit. Cum complexione uerò, quæcunque uel coniunctione aliqua copulantur, ut Socrates uel Plato: uel secundum aliquod accidens coniunguntur: ut uerbi gratia, quia in Socratem ambulatio uenit, hinc dicimus, Socrates ambulat: aut si qualitate fortè aliqua affectus fuerit, utpote sapientia, dicimus, Socrates sapiens est.

RAIANVS.

Prima diuifio.) Quam præponit, vt ostendat terminos complexos reici à prædicamentis, incomplexos verò in eis locum habere. Id quod ex prædicamenti finitione perspicuum est.

Dicuntur.) Dicuntur, inquit, quia hîc de primis rerum vocabulis sermonem instituit. Vt enim vocum est dici, ita rerum esse.

*De ijs quæ vel prædicantur de aliquo,
vel in subiecto aliquo sunt, di-
uifio secunda.*

Rursus autem præter hanc & alia ex ipso Aristotele subiiciatur diuifio: quæ talis est. Eorum quæ sunt: alia quidem de subiecto dicuntur aliquo: in subiecto uerò non sunt, ut homo, alia uerò in subiecto quidem sunt alioquo, de subiecto uerò nullo dicuntur, ut hoc album: alia & de subiecto dicuntur aliquo, & in subiecto sunt, ut color: nam hic de subiecto quopiam, ut albo, prædicatur, & in corpore insuper reperitur: omnis enim color in corpore est: alia neque in subiecto sunt, neque de subiecto dicuntur aliquo: ut Socrates, & quodcunque substantiæ nomen singulari & indiuiduum.

RAIANVS.

De iis quæ vel prædic.) Secūda diuifio, quæ complectitur omnes res existentes. Nam omne quod est, aut substantia est, aut accidens. Si substantia, aut vniuersalis aut particularis. Si accidens, aut vniuersale aut particulare.

Eorum.) Prima pars diuifionis, sub qua conti-

nentur

*per se & per aliud. Intelligimus quod
omni accidens vniuersale & particulare
est autem de subiecto & in subiecto
quia*

nentur omnes substantiae vniuersales, vt genera & species. Dici de subiecto est superius pradicari secundum essentiam de suo inferiori: vt, corpus est substantia, animal est corpus.

Alia verò.) Secunda pars, sub qua continentur accidētia particularia, vt hæc albedo, hæc grammatica. Esse in subiecto est prædicatum accidentaliter de subiecto dici.

Alia, &c.) Tertia pars, quæ continet vniuersalia accidētium. Nam hæc duplicem habent respectum: alterum ad sua inferiora, de quibus secundum essentiam dicuntur, vt color de albedine: alterum ad subiecta quibus inhaerent, & de quibus accidentaliter dicuntur: vt coloratum de corpore. Ex quo loco constat (in quo plerique hærent) nullum esse incommodum, idem & secundum essentiam, & secundum accidens de diuersis enunciari.

Alia neque.) Quarta pars, quæ cōplectitur omnes substantias particulares siue indiuidua. Hæc nec de subiecto dicuntur, nec in subiecto sunt. Nam nullo modo in pronunciatis à disciplina receptis, prædicantur. A prima substantia (inquit Aristoteles) nulla est prædicatio.

De nouem modis, quibus quippiam inesse alicui dicitur.

Consentaneum fortassis fuerit, hoc loco adijcere nouem modos, quibus esse in aliquo quippiam dicitur: quos ex Boethio obseruauimus, in his, quæ in Aristotelis prædicamēta scripsit, cōmentarijs. Quos haud dubiè uir ille ex quarto Aristotelis de Physico auditu libro, ubi de loco tractat

tractat, & ex primo deinde Alexandri Aphrodisæi de Animalib. multò antè collegisse existimandus est. Itaque dicitur esse aliquid aut ut in loco, ut quum dicimus quæpiam in foro esse, aut in theatro: aut in uase, ut triticum in modio, & in dolio uinum: aut ut pars in toto, ut pupilla in oculo, & in manu digitus: & hæc omnia in toto corpore: aut ut totum in partibus, ueluti corpus in omnibus suis membris: aut ut in genere species, ut homo in animali: aut genus in speciebus suis, ut animal in homine, leone, equo, & boue: aut ut in fine, ut in beatitudine, quæ certè finis est bonæ actæ uitæ: aut ut in potète, ut in Imperatore totius regni siue imperij moderatio: aut ut in materia forma, ut in ære, siue in marmore Iouis statua: quo quidè modo & accidens hîc nûc in aliquo esse dicitur, ut in subiecto. Præter hos autem nouem modos à Ioanne Damasceno duo adduntur, ut in tempore: ueluti cum dicimus, Noè tempore diluuium fuisse. Et ut in efficiente causa, ut in Deo omnia, & in artifice rationes eorum, quæ ab ipso emanant.

RAIANVS.

Consentaneum.) Quoniam dictum est, aliqua dici de subiecto, aliqua esse in subiecto: ideo nunc addit modos, quibus aliud in alio esse dicitur. In his nihil est quod studiosum lectorem remorari possit.

GLAREANVS.

Vt triticum.) Hos duos modos Aristot. ultimò ponit: sed qui, ut in vase, cum maximè probat. Vulgatum autem est apud Dialecticos, Omne inferius

in superiore esse potestate, omne superius in inferiore actu. Quod hîc quintus & sextus modi, apud Aristotelem tertius & quartus.

De ijs quæ ordine quodam de subiecto aliquo prædicantur.

Regula i.

Quando alterum de altero, ut de subiecto quopiam prædicatur, quæcunque dicuntur de eo quod prædicatur, omnia & de subiecto ipso prædicantur: ut quia homo de Socrate prædicatur, de homine uerò & animal & substantia & animal igitur & substantia de Socrate quoque ipso: prædicantur. Quare si Socrates homo est, idem nimirum Socrates & animal est & substantia. Sciendum tamen, quòd intellectus regulæ accipi debet de ijs prædicatis, quæ nomina sunt, rei substantiam explicantia: non etiam de ijs, quæ nomina sunt aliorum nominum designatiua, siue secundæ impositionis nomina, & per hoc nominum nomina à diuo Seuerino Boëthio, à recentioribus uerò nomina, siue termini secundæ intentionis appellantur: cuiusmodi sunt genus, species, subiectum, prædicatum, & his similia. Quapropter de homine licet species prædicetur, & homo de Socrate: non perinde tamen & de Socrate ipso species prædicabitur unquam.

RAIIANVS.

Quando alterum,) Hæc prima regula docet, quid sit dici de subiecto. Est intelligenda de uerbis necessariò cohærentibus. Quicquid enim dicitur de prædicato, necessariò etiam dicitur de subiecto. Sic Plato colligit lib. de Repub. secundo: Deus est

est bonus, bonū est innoxium, innoxium nihil facit mali: ergo Deus nihil facit mali. Hæc regula etiā locum habet in accidentibus: vt, Iustitia est habitus: Habitus est qualitas: Ergo iustitia est qualitas. At in terminis nō necessariō cohærentibus hæc regula non habet locum, vt non rectè sic colliges: Homo est animal: Animal est genus: Ergo homo est genus. Est etiam hīc alia cautio, vt totum prædicatum primæ propositionis fiat subiectum secundæ. Quare non sequitur: Ioannes habet animam rationalem: Anima rationalis est immortalis: Ergo Ioannes est immortalis.

GLAREANVS.

De iis quæ ordine quodam.) Tertium ante prædicamentum, in genere duæ regulæ. Hoc capite ergo primū regula prior ponitur: deinde sine intellectus cum obiectionis solutione. Circa quam regulam notandum, cū dicitur, Homo est iustus: hīc non alterum de altero, sed aliud de homine prædicari. Ergo hæc regula in propositionibus essentialibus & ordinata prædicatione in ipsa Porphyriana arbore locum habet, & in cuiuslibet prædicamenti vera ordinatione generum & specierum. Quare in prædicatis secundæ impositionis, semper committitur fallacia accidentis & consequentis. Cæterum hæc regula formam habet quartæ figuræ syllogismi, in qua in maiore propositione mediū prædicatur: in minore subiicitur contra naturam primæ figuræ. Sed vniuersalis non est, neque vt figuræ, sed rerum quadam essentia illatiua.

De nominibus siue vocibus, quae vulgò prima & secundae tum intentionis, tum impositionis, siue nomina, siue voces appellantur.

HAnc igitur ob causam haud ab re fuerit, paulò altius hoc loco repetere atque adnotare, duplicia esse nomina siue uoces, quibus in tradendis disciplinis atque artibus passim utuntur authores, uidelicet alia ex his dici primae, alia secundae impositionis, siue (ut uulgus Dialecticorum ea appellat) primae & secundae intentionis nomina, neque id quidem omninò temerè. Nam quae primae siue intentionis, siue impositionis nomina dicuntur, ea sic appellata esse certum est, quòd qui uocabula instituere in animo habuerunt, primum quidem ij intenderunt, ut ipsis rebus nomina inderent, siue imponderent, quae rerum uocabula & essent, & dicerentur: qualia sunt ea uocabula cum primis, quibus uulgus hominum passim utitur in exprimendis suis inuicem conceptibus, & quibus utimur in disciplinis tum naturalibus, tum moralibus: addo & in mathematicis, & in diuina philosophia, & alijs plerisque: deinde uerò cum uideret ijdem, necessarias fore artes aliquas, per quas disceremus & sciremus rectè ac propriè uti illis nominibus iam positis, ut quae docerent nos illorum significationes, proprietates, & elegantias, & in summa illorum aptas ubique compositiones, siue ut quid animo tuo conceperis, alij indicare possis: siue ut quid uerū, quidue falsum sit statim dijudicare possit, quicumque loquentem alium audierit: siue ut auditorem inducere queas

queas ad assentiendum tibi, quod persuadere conaris: hinc illi ueluti iam secundo loco, intenderunt ac mente conceperunt, ut ipsis nominibus uocabula imponerent inde-rerentque. Cuiusmodi nomina siue uocabula sunt, quibus tum in Grammatica, tum in Dialectica, tum in Rhetorica arte utimur. Unde & ipsa secunda siue impositionis, siue intentionis nomina tandem dici cœperunt. Et hac quidem mea de his nominibus siue uocibus sententia est: nec uideo aliam huius discriminis inter ipsas uoces rationem magis consonam rei propositæ: quamcunque uerò alij protulerint reddiderintque, eam mihi ut nec refellere omnino, ita nec probare admodum curæ fuerit: iudicium tamen suum cuique relinquo. Nos interim ad institutum reuertamur.

RAIANVS.

Hunc igitur.) Hoc caput addit Cæsarius, quia in superiori capite nominum secundæ impositionis mentionem habuit, Cæsarius satis dilucidè quid sentiat, explicat. Nomina primæ impositionis dicuntur, quibus animi nostri sensa euoluimus atque explicamus. Primum rebus ipsis indita sunt, & ob id nomina rerum dicta. Nomina secundæ impositionis dicuntur, quibus rerum nomina designamus. Ea Boëthius nomina nominum vocat. Nomina primæ impositionis sunt corpus, virtus, scientia. Secundæ uerò nomen, uerbum, genus, subiectum, prædicatum.

GLAREANVS.

De nominib.) Queritur, de quibus intentionibus

bus Dialectica consideret. Respondendum, de
 utrisque. Quod si rursus quaeratur, De utris princi-
 paliter? dicendum, de prioribus. Cuius rei hæc est
 causa, quia vocabula sunt rerum: sed de rebus & re-
 rum proprietatibus, omnis suscipitur disputatio.
 Non enim propter nostrum affirmare vel negare,
 quicquam in rebus mutatur: sed quia res ita habet,
 vel non habet, oratio dicitur vera, vel falsa: ut in-
 quit Aristoteles, in ultima substantiæ proprietate.
 Porro in hoc negotio Dialecticus agit comparati-
 uè: considerat enim priores intentiones, in ordine
 ad secundas. Et secundæ intentiones tribuuntur
 primis, aut reb. consideratis primæ intentionaliter,
 ut vulgò loquuntur. Quemadmodum homini con-
 siderato & concepto, ut est vna natura participa-
 bilis, & communicabilis pluribus indiuiduis, attri-
 buit secundam hanc intentionem, quòd sit spe-
 cies: ita animali concepto, ut vna natura est com-
 municabilis pluribus speciebus, attribuit ei quod
 sit genus: & sub hac ratione, superius, quod est de
 essentia inferioris sit accidens inferioris: id est, im-
 pertinentis, extraneum. In Grammatica secundæ in-
 tionis vocabula sunt: ut Esse verbum, Esse no-
 men, Esse primæ declinationis, Esse generis fœmi-
 nini. In Dialectica, Esse genus, Esse speciem, Esse
 proprium, Esse substantiam, qualitatem, &c. In
 Rhetoricis, Esse genus Demonstratiuum, Esse De-
 liberatiuum, ac Iudiciale. Cæterum deceptiones
 & paralogismi incidunt ex his secundæ intentionis
 nominibus in tota rationali philosophia, maximè
 per regulam prædictam antepædicamentalem. In

Gram

Grammatica: Petrus est nomen: sed nomen est appellatiuæ qualitatis: ergo & Petrus est appellatiuæ qualitatis. Thomas est magister: sed magister est secundæ declinationis: ergo & Thomas. In Dialecticis: Socrates est homo: homo est species: ergo Socrates est species. In Rhetoricis: Iunonis oratio est in genere deliberatiuo: sed genus deliberatiuæ est secundum genus causarum: ergo Iunonis oratio est secundum genus causarum. Quod ego sum, tu non es: sed ego sum homo: ergo tu non es homo.

De generibus diuersis, & non subalternatim positis.

Regula 11.

Diuersorum generum, & non subalternatim positorum diuersæ sunt species & differentiae: ut animalis, & scientiæ. Animalis quippe differentiae sunt gressibile, bipes, uolatile, & aquatile: scientiæ uerò harum nulla est, quin potius ipsius scientiæ differentiae assignari possunt, quod hæc quidem naturalis, hæc moralis, illa uerò rationalis existit. At uerò generum subalternorum siue subalternatim positorum nihil prohibet easdem esse differentias: ut auis & animalis, quæ genera sibi subalterna sunt. Siquidem species animalis auis est, eademque corui genus. Vtriusque autem, utpote tam animalis quam auis differentiae eadem esse possunt, & diuersæ. Eadem quidem, ut si quis has animalis differentias assignet, quod animalium alia sunt quæ pascantur herbis, alia quæ seminibus, alia quæ carnibus: per quas & aues inter se differre dignoscuntur, quandoquidem & inter aues alia her-

bis pascuntur, aliæ seminibus, aliæ carnibus. Diuersæ uerò, ut quum animalis differentia assignantur, quòd aliud quidem rationale est, aliud irrationale: quorum sanè nulla auis ab aue differt.

RAIANVS.

Diuersorum generum.) Secunda regula: Generum diuersorum prædicamentorum sunt diuersæ differentia secundum speciem, hoc est, constituentes diuersas species: ut animalis, quod est in substantia, differentia sunt aquatile, volatile. Scientia uerò, quæ est in qualitate, differentia sunt, naturalis, moralis, rationalis: quæ differentia sumptæ cum genere, diuersas constituunt species.

At uerò.) Genera subalterna siue subalternatim posita vocat, quæ se inuicem continent: ut auis & animal. Et horum possunt eadem esse differentia.

GLAREANVS.

In finem huius capituli.) Notandum: Quandoque idem sub diuersis generibus ponitur, tum semper illud esse æquiuocum: & æquiuocum in diuersis generibus poni, nihil prohibet: ut, Corpus est tum substantia, tum quantitas. Corpus substantia quidem, habens in se trinam dimensionem. Corpus quantitas, ipsa trina est dimensio: secundum quam substantia ipsa longa, lata, & spissa vocatur. Et per hanc distinctionem multæ obiectiones soluuntur. Res enim infinitæ sunt, nomina uerò finita. Vnum igitur nomen sæpè multis conuenit rebus.

De prædicamentis generatim.

Eorum quæ secundum nullam complexionem dicuntur, unumquodque significat aut substantiam, aut quantitatem, aut qualitatem, aut ad aliquid, aut ubi, aut quando, aut situm esse, aut habere, aut agere, aut pati. Et substantia quidem est (ut exempli gratia dicam) ut homo, equus: quantitas, ut bicubitum, tricubitum, qualitas, ut Musicum, Grammaticum, album, nigrum: ad aliquid, ut duplum, dimidium, maius, minus, ubi uero, ut in foro, in theatro: quando autem, ut heri, anno superiori: situm esse, ut iacere, sedere, stare: habere autem, ut calceatum esse, armatum esse, agere, ut secare, urere: pati, ut secari, uri. Sane ex ijs quæ dicta sunt, ipsa quidem secundum se singula in nulla affirmatione uel negatione dicuntur, ut quæ neque uerum neque falsum significant. Horum autem ad se inuicem complexione affirmatio utique fit, aut negatio.

RAIIANVS.

Eorum quæ.) Aristoteles i. cap. i. lib. de physico auditu scribit, nobis à natura inlitum esse, ut à nobis notioribus progrediamur. Hinc igitur generatim significata vocis incomplexæ enumerantur. Hæc enumeratio est non diuisio. Nam diuisio est generis in species distributio. Prædicamenta autem genera superiora non habent.

GLAREANVS.

De prædicamentis generat.) Quicquid in prædicamento est, has habebit conditiones. Primam, ut sit incomplexum, ut patet ex prima diuisione. Secundam

cūdam, vt sit ens reale, extra animam, per quod omnia figmenta excluduntur: vt Scylla, Charybdis, & secunda intentiones. Tertiam, quòd limitata natura, hoc est, vel vniuersale, vel particulare; per quod excluduntur transcendentia, & Deus. Item quòd sit vniuocum; nam æquiuoca in diuersis possunt esse prædicamentis, vt dictum est. Possunt autem & decem prædicamentorum exempla in hisce versiculis planè perspicui,

Substātia quātitas ad aliquid qualitas actio passio
 Arbor sex seruos feruore refrigerat vstos
 Vbi quando situs habere, vel habitus.
 Ruri cras stabo nec tunicatus ero.

De substantia quid sit, & quomodo
 diuidatur.

Substātia esse uidetur, quòd alijs omnibus substat, proinde à Ioanne Damasceno hoc pacto describitur, Substantia est, quæ per se subsistit, alio neuticam indigens ut sit. Hec ipsa ab Aristotele in primam diuiditur & secundam. Et primam quidem eam esse dicit, quæ proprie & principaliter & maxime substare dicitur, quæ neque de subiecto dicitur, neque in subiecto est: ut quidam homo, ut Socrates, ut Plato, & si quid huiusmodi est, nempe singulare & indiuiduum. Secundam uerò substantiam, id est, secundæ substantiæ nomine, appellat species ipsas, in quibus quæ principaliter substantiæ dicuntur, insunt, & harum specierū genera: ut homo, ut animal. Cæterum primæ substantiæ idcirco dici videntur, quòd sensibus propinquiores sint, primæq; quæ his occurrant, ut ex quarum hausta sunt nomina substantiæ per primas substantias prius dictas. Et secundæ substantiæ idcirco dici videntur, quòd sensibus propinquiores sint, secundæq; quæ his occurrant, ut ex quarum hausta sunt nomina substantiæ per secundas substantias prius dictas.

TRACTATUS II.

prius sensibus cognitione, generalitas deinde animo con-
cepta colligitur, constituiturque. Id quod & diuus Seue-
rinus Boethius in libr. de duabus naturis in Christo, alijs
quidem uerbis, sed sensu propè eodem diuidere uidetur,
Intellectus, inquit, uniuersaliū rerum ex particularibus
sumptus est. Ex quo & liquido cōstat, quòd ex secūdis sub-
stantijs magis substantia ea dicitur, quæ primis substātijs
propinquior est, quippe quæ & pluribus etiam substā-
tijs. Quo fit, ut & species magis substantia sit quàm genus, &
homo quàm animal. Porro inter species ipsas, quæ quidē
huiusmodi sunt, ut genera esse nō possint, nulla magis sub-
stātia est quàm altera: quemadmodum nec in primis sub-
stantijs altera alterā magis substantia est.

RAIIANVS.

De prædicamen.) Cū res numero sint infinitæ,
nomina verò finita: ideò Aristoteles effusam illam
& immēsam rerum varietatem ad decem capita re-
uocauit. Inter hæc substantia prior est naturā, quia
alia sine hac subsistere non possunt: Ratione, quia in
vniuscuiusque rei ratione ratio substantiæ inest. Co-
gnitione, quia tunc vnumquodque cognoscimus
cū quid sit, & substantiam eius intelligimus. Tem-
pore, quia sola hæc separabilis est.

Substantia est.) Tyrones hīc admonendi sunt, ge-
nerum summorum nullam esse finitionem. Omnis
enim finitio genere & differentia constat. Supremo-
rum autem generum nulla genera sunt. Ob eandem
rationem indiuiduorum nulla est propria finitio,
quia nullas habent proprias differentias. Describit
ergo substantiam per id, quod est proprium substā-
tiæ, scilicet per se subsistere.

upim
78 quia pte
v quod
substantia
substantia

77 7-63
C. 2.

Sig. in fca
sic loqui
primus
substantia
in offe
quod pte
substantia
hæc sunt
Intellectus

78 quia pte
in fca
substantia
Intellectus

78 quia pte
in fca
substantia
Intellectus

78 quia pte
in fca
substantia
Intellectus

78 quia pte
in fca
substantia
Intellectus

78 quia pte
in fca
substantia
Intellectus

Quæ propriè.) Singula hæc aduerbia suum pondus & momentum habent.

Propriæ.) Quia primæ substantiæ sensibus obii-
ciuntur.

Principaliter.) Quia primæ substantiæ alia om-
nia prius insunt.

Maximè.) Nam prima substantia, vt Rodolphus
Agric. ait, est, cui reliqua omnia sunt iuncta, quæque
reliquorum receptaculum est, & fundamentum.

Secundarum.) Secundæ substantiæ sunt genera
& species primarum substantiarum. Quare color
licet genus sit, tamen non est secunda substantia,
quia non est genus primæ substantiæ.

Cæterùm.) Docet nominis rationes, cur primæ
substantiæ dicantur. Hunc locum magni viri con-
uellere conantur. Secundis substantiis interemptis
etiam interimuntur primæ, quocirca secundæ sub-
stantiæ primæ dicendæ videntur. Hunc scrupulum
sic eximere oportet: vt primæ substantiæ sunt sensi-
bus propinquiore, ita etiam primis nominibus ap-
pellandæ erant.

Intellectus, inquit.) Locus hic est apud Aristote-
lem 29. cap. 1. lib. Posteriorum. Ex singularibus plu-
rimis vniuersale manifestum est.

Ex quo liquidò constat.) Magis & minus hoc lo-
co non significant intentionem aut remissionem,
sed significant, potius, similis, propinquius. Hoc
sensu substantiæ vocabula has voces admittunt. Sic
Aristoteles accipiendus est primo cap. 2. lib. de ani-
ma: cùm dicit corpora naturalia esse magis substan-
tias, quàm artificialia.

Porro

Porro.) Huius loci ratio est, quia species infimæ æquè propinquæ primæ substantiæ sunt.

GLAREANVS.

De substantia.) In hoc capite septem ordine habentur. Primò, quare dicta sit substantia. Secundò, quid sit. Tertiò, substantiæ diuisio in primam & secundam. Quartò, primæ substantiæ duæ definitiones. Quintò, quæ sit secunda substantia. Sextò, quæ ratione prima substantia dicta sit. Septimò, comparatio harum duarum substantiarum.

Vt ex quarum hausta pri.&c.) Vnde dictum à Dialecticis vniuersale, vel nihil est, vel posterius suis singularibus. Et Gilbertus Porretanus dicit: Natura occultè agit in rebus: nam producendo singulare, simul cum eo producit vniuersale. Sublatis igitur omnibus primis substantiis, impossibile est esse quicquam aliorum, hoc est, secundarum substantiarum.

De sex substantia proprietatibus.

Omnibus substantijs, tam primis quàm secundis proprium quodammodo est, in subiecto nō esse. Dico autem quodammodo, quando id non his cōuenit solis: sed & earum perinde differentijs: quippe quæ nec ipsæ in subiecto sunt aliquo. Omnibus insuper secundis substantijs & earum differentijs conuenit uniuocè prædicari de primis: ut homo & animal de Socrate, & de eodem item Socrate rationale. Omnia nanque hæc de Socrate prædicantur nomine pariter & ratione, id quod uniuocè prædicari supra definitum est. Substantiæ præterea nihil est contrarium.

Quod

substantia

Quod tamen omninò uerum esse non uidetur, cum igni & aqua, & aqua ignis contrarius esse putetur. Sanè hūc scrupulum Boethius paucis uerbis ita diluit, idque iuxta Alexandri Aphrodisæi mentem: Neutrum, inquit, horum elementorum alteri contrarium est, licet eorum inter se qualitates repugnent, diuersæq; sint. Substantiæ igitur nihil est contrarium. At nec proprium hoc substantiæ est, quando & quantitati perinde conuenit, & alijs quibusdam. Substantia item neque magis, neque minùs suscipit: ut homo non est magis aut minùs homo, uel seipso priùs uel posteriùs, uel altero quolibet homine. Quod ergo dictū est, Neque magis neque minùs suscipit, id ita intelligitur, quòd substantia ipsa neque interdicitur, neque remittitur. Sed nec illud substantiæ proprium, quando neque circulus alio circulo magis aut minùs circulus est. Videtur autem omnis substantia hoc aliquid significare: id quod in primis quidem substantijs haud dubiè ita se habet. In secundis uerò nō ita planè, nisi ob appellationis figuram: ut quum quis dicit hominem, aut animal, is iam perinde ac quendam hominē, aut quoddam animal dixisse uideri potest. Atqui id ita non est, Quapropter secunda substantia nō hoc aliquid, sed potiùs quale quid significat. Maximè uerò proprium substantiæ est, quòd tametsi una eadēque numero ipsa existit, secundum sui tamen mutationem, contrariorum susceptibilis est: ut quidā homo, qui licet unus idēque numero maneat, ipse tamen nunc calidus, nunc frigidus, nunc prauus, nunc studiosus existit, mutatūque hoc pacto interim contrarijs inter se qualitatibus: id quod neque orationi, neque opinioni conuenire potest. Quippe quod neutra earum (quantum quidem in ipsa est) mutatur: etsi aliquando uera, aliquando falsa indicatur: quin potiùs

potius res ipsa, de qua uel oratio profertur, uel opinio habetur, mutationem sui admittit, patiturque. Nam, ut Aristoteles inquit, eatenus oratio aut uera, aut falsa est, quatenus res se habet. Idem de opinione sentiendum.

RAIIANVS.

De sex substantiæ.) Aristot. de more habet ea quæ à sensibus remotissima sunt, per ea quæ à sensibus proximiora sunt, explicare. Quam docendi rationem Aristot. in lib. de anima, de hystoria, partibus, generatione animalium, secutus est. Hoc loco itaq; Cæsarius Aristotelem secutus, substantiam quæ intellectu percipitur per proprietates, quæ nobis notiores sunt, copiosius declarat.

Omni bus substantiis.) Prima hæc communitas propria videtur secundo modo. Nā omni substantiæ & non soli conuenit.

Sed & earum perinde differen.) Ex hoc loco aliquis conuincere poterit, differentias non esse substantias. Nā hîc nominatim Cæsarius dicit, non esse in subiecto conuenire aliis à substantiis, nimirum differentiis. Hic modus dissoluendus est. Differentia nec omnino est substantia, nec omnino accidens, sed mediastinum locum inter vtrunque tenet: est enim qualitas (vt vulgò loquimur) substantialis.

Omni bus insuper.) Secundæ enim substantiæ & nomine, & ratione de primis dicuntur.

Substantiæ præterea.) Huius ratio est facilis, quia cōtraria propriè in solis qualitatibus reperiuntur.

Substantia item.) Hic locus à nobis iam explicatus est. Hoc tamen addam: Res omnis, cuius est aliquis terminus essentiae suæ, & ad quē cū peruenit, habet essentiae illius nomen, non dicitur esse hoc

magis aut minus quod sit. Quemadmodum Cicero dicit de beato, libro quinto Tusculan. Nam & qui beatus est, non intelligo quid requirat ut sit beator. Ita substantia postquam peruenit ad terminum suæ perfectionis, non dicitur magis aut minus. alioqui non esset perfecta.

Videtur autem.) Prima substantia significat hoc aliquid, hoc est, rem singularem. Secunda substantia prima facie etiam videtur significare rem singularem ob appellationis figuram, hoc est, quia dicitur de prima. Sed non est ita, quin potius quale quid significat, hoc est, naturam communem multis & speciebus & indiuiduis. Neq; hîc quale sumitur quemadmodum in prædicamento qualitatis, scilicet pro qualitate accidentaria, sed pro notione communi essentiali.

Maximè verò.) Hæc sexta communitas est propria quarto modo, conuenit omni substantiæ. Primis per se, secundis quatenus insunt primis: ut quia hic homo ægrotat, dicimus hominē ægrotare. Præterea conuenit soli substantiæ. Nam nihil ex prædicamento accidentium, manēs vnum & idem numero, contraria vicissim recipit.

Id quod.) Reiicit tacitam obiectionem. Substantia recipit contraria secundum sui mutationem: at oratio & opinio si contraria suscipiant, ipsa nō mutantur. Deinde oratio & opinio non suscipiunt verum vel falsum, sed potius res ipsa. Nam veritas orationis vel opinionis pendet à re ipsa. Ut enim se res habet, inquit Aristoteles, ita oratio est vera vel falsa.

Omnibus substantiis, &c.) Ratio primæ proprietatis est: quia cuiusque conuenit per se subistere, illi non conuenit esse in alio: at omnis substantia per se subsistit: ergo non est in subiecto.

Substantiæ nihil est contrarium.) Ratio huius proprietatis est: quia contraria omnia sunt in subiecto, vt calidum & frigidum in aqua: & se mutuò expellunt: sed substantia in nullo est subiecto, cum ipsa sit subiectum aliorum: substantia igitur habet quidem contrarium inhærens, sed non contrarium repugnans.

Substantia item neque magis, neque min.) Ratio huius est, quia substantiæ esse consistit in indiuisibili. Indiuisibile autem ubi est, ibi totum est, & in instanti acquiritur. Accidentale autem esse, paulatim acquiritur. Generatio enim, quæ substantiæ est, in instanti fit: alteratio verò, quæ est accidentium, fit paulatim: vt calor in aqua.

Maximè verò proprium.) Nota: Secunda substantia considerata secundum se, non est vna numero: sed vt considerata secundum esse, quod habet in prima substantia. Vt homo secundum se specie vnus, non numero: at secundum esse quod habet in prima substantia, est vnus etiam numero. Quare secundum se secunda substantia non est susceptiua contrariorum: sed vt in singulari. Notandum etiam, quod dupliciter aliquid suscipit contraria: vno modo, secundum sui mutationem, & sic substantia suscipit contraria: altero modo, secundum alterius mutationem.

tionem. Et sic opinio & oratio suscipiunt contraria: de quibus author ex Aristotele loquitur.

Id neque orationi.) Obiectio est contra hanc ultimam proprietatem substantiae huiusmodi: Oratio & opinio etiam sunt susceptivae contrariorum, nempe veri & falsi: ergo non solum substantiae hoc convenit. Sed id Aristoteles ita solvit. ait enim, neque orationem, neque opinionem ex se dici vel veram, vel falsam, sed ex rei mutatione. Nam ex eo quod res est, vel non est, oratio dicitur vel vera, vel falsa. Secundum illud vulgare dictum: Propter nostrum affirmare, vel negare, nihil mutatur in re. Sola igitur substantia contrariorum susceptibilis est.

De Quantitate.

Quantitas est, secundum quam in partes quippiam dividitur. Quantitatis autem alia continua est, alia vero discreta. Continua quantitas ab Aristotele ea esse definitur, cuius partes ad eundem terminum communem copulantur: ut lineae ad punctum, ad lineam superficiei, & ad superficiem demum ipsius corporis. Id quod de linea ostendisse satis fortassis fuerit, quantum praesens hoc institutum exigit. Itaque sit linea aliqua in duas partes per punctum in ea signatum, secta, animo tamen magis, quam re ipsa. Haec quia continua est, partes ipsas ad eundem illum punctum, nempe terminum utrique communem (sitq; c) coherentes habet & copulatas. Continua ergo quantitas est, ut linea, ut superficies, corpus. Additur his & tempus, cuius partes, quoniam successione solum continuantur, ad instans, quod & nunc dicitur, copulari habent.

Et

Et locus, sed improprie: quippe quod re magis, quam ratione quantitas sit. Porro discreta quantitas est, cuius partes ad nullum terminum communem copulantur, sed à se inuicem seiunctæ sunt atque discretæ, ut numerus, & oratio. Numeri quippe, ut exempli causa, denarii partes sunt quinque & quinque, aut tria & septem, aut quomolibet aliter idem diuidatur numerus: ipsæ nimirum, quæcunque eius numeri partes fuerint, inter se disiunctæ sunt atque separatæ. Sic & in oratione partes, nempe litteræ & syllabæ & item dictiones, tum breuitate longitudineue, tum ipsa prolatione separantur, quinetiam scriptura, ut per quam oculi eas facile discernant atque distinguant.

RAIIANVS.

De quantitate.) Inter nouem prædicamenta accidentium quantitas primum locum tenet, quia mediante quantitate cætera in substantia sunt: adde, omnis res simulatque est, in numerum cadit (est enim vna vel plures) hæc autem quantitatis scientia colliguntur.

Continua quantitas.) Continua quantitas sic dicta est, quia partes ita sunt connexæ & copulatæ, ut si quis eas seiungere velit, diuellere necesse sit: ut linea, superficies, corpus. Terminus communis hîc dicitur, qui est finis vnius partis, & initium alterius: ut punctum in linea, linea in superficie, superficies in corpore.

Additur his & tempus.) Aristoteles in prædicamento substantiæ docet, tempus esse quantitatem per se. At decimotertio cap. 5. lib. primæ philosophiæ

phia disertè docet, tempus esse quantitatem per accidens. Quæ duo tam pugnantis sunt, quam quæ maximè. Hæc quaestio subdificilis sic est dissolvenda: Aristoteles quinto Metaphysices, sumit quantitatem secundum esse, & sic tempus est quantitas per accidens, quia habet esse à magnitudine in prædicamento quantitatis. Quantitas sumitur secundum rationem mensuræ; & eo modo tempus est quantitas per se, quia habet rationem mensuræ per se.

Et locus.) Locus quocunque quis se vertat, siue rem spectet, siue rationem, non videtur esse quantitatis species distincta ab aliis. Nam secundum rem est superficies. Est enim locus, ut Aristoteles quarto lib. de physico auditu finit, superficies concava corporis continentis, immobilis prima. Si quis spectet rationem, locus est ex numero relatorum: nam ad locatum refertur. Propterea proximè videntur mihi ad veritatem accedere, qui scribunt Aristotelem hîc veterum philosophorum opinionem secutum: qui dicebant locum esse quoddam spacium immensum in quo cum corpora erant, plenum vocabant: cum verò nulla corpora continebat, dicebāt esse vacuum. Prudenter igitur Aristoteles in prima philosophia veterum opinionē explosit. Nam cum quantitatis species enumeraret, omisso loco, substituit motum.

Porro discreta.) Discreta quantitas sic dicta est, quòd partes eius sint discretæ, disiunctæ, separatæ.

Numeri quippe.) Hic locus de numero numerante est intelligendus. Est autem numerus numerans, numerus absolutè acceptus, & rebus non applica-

tus:

tus: vt denarius. Numerus numeratus est numerus rebus ipsis applicatus: vt decem homines.

Sic & in oratione.) Oratio hîc sumitur pro certo quodam tenore syllabarum, quæ modò extenduntur, modò contrahuntur. Idque quoniam fit in tempore, quod est quantitas, oratio etiam quantitas est. Et quidem discreta: quia syllabæ, quarum quædam extenduntur, quædam contrahuntur, nullo terminino communi copulantur.

GLAREANVS.


De Quantitate.) In hoc capite est definitio & diuisio quantitatis. Et continuæ quidem quantitatis quatuor sunt species: Linea, superficies, corpus, & tempus. Discretæ autem duæ: Numerus & oratio. Tres sunt dimensiones in quantitate cōtinua: Longitudo, vt in linea: Latitudo, vt in superficie: Profunditas, vt in corpore. Earum elementum est punctum, vt litera in Grammatica. Et aliud ex alio nasci, Mathematici intelligunt, Physici negant.

Litera, punctum

Syllaba, Linea

Dictio Superficies

Oratio, Corpus



Quantitas omnis continua situ cognoscitur: vt in globo tres dimensiones idem videntur, cū minimè sint idem. Et linea item situ ac superficies.

Porro discreta quātitas.) Nota: Oratio inter numerum & tempus media est. Numerus enim partibus habet permanentibus & discretis: Tempus autem succedentibus & continuis: Oratio denique partibus

f 3 succe

succedenteis & discretas. Hęc differentia bene perpendenda est: nam à paucis intelligitur. Porro oratio est ipsa mensura syllabarum, secundum longum & breue: quæ cùm in prolatione constant, & prolata auolent, necesse est partes eius non permanentes esse: & quia syllabæ ordine & diuisim exprimuntur, necesse est partes illas discretas esse. Tempus autem & motus habent se, vt mensura & mensuratum. Est enim tempus numerus motus, secundum prius & posterius. Motus quoque quantitatem habet à subiecto, ipse tamen re quantus non est: quomodo neque albedo ad superficiem extenta, est huius prædicamenti. Motus duplicem habet quantitatem per accidens: alteram durationis, & illam habet à tempore: alteram extensionis & illam habet à magnitudine. Tempus suam continuitatem à motu effectiue habet, & nō formaliter. Item, tempus est continuū, & secundum esse, & secundum essentiam: motus autem, secundum esse tantum, non secundum essentiam.

Numeri partes sunt	{	Permanentes	} Orationis partes sunt
		Discretæ	
Temporis partes sunt	{	Succedentes	
		Continuæ.	

De tribus Quantitatis proprietatibus.

CAeterum quantitati nihil est contrarium, id quod in ijs quidem, quæ finita sunt, nullam habet dubitationem ut bicubito aut tricubito nihil est contrarium. In ijs uerò quæ sunt indefinita, uidetur quidem alterum alteri

teri contrarium esse, ut multum paucum, & magnum paruum: uerum horum nihil quantitas est, quemadmodum Aristoteles dicit, sed ad aliquid potius: quippe cum nihil sit, quod per se magnum aut paruum, multum aut paucum, dicatur, sed id aliorum euenit respectu. Quantitas praeterea neque magis neque minus suscipit: ut bicubitum non est alio bicubito magis aut minus bicubitum: neque numerus alio numero magis aut minus numerus est. Maximè autem proprium quantitati est, ut secundum eam æquale quicquam dicatur, aut inæquale. Ita secundum numerum, exercitus unus alteri æqualis aut inæqualis dicitur, & secundum magnitudinem, lignum ligno æquale est, ut cum alterum alteri respondet: aut secundum longitudinē, aut secundum latitudinem, aut secundum crassitiem, aut secundum has omnes dimensiones simul. Quod quia suo constat ternario, perfectè quantum dicitur.

RAIIANVS.

Cæterum.) Definita quantitas est, quæ certa numeri quantitate censetur: ut binarius, ternarius. Indefinita, quæ nulla certa numeri quantitate censetur: ut multum, paucum.

Maximè autem.) Æquale & inæquale non tam quantitates sunt, quàm qualitates & passionēs ipsius quantitatis.

GLAREANVS.

Cæterum quantitati, &c.) Ratio primæ proprietatis est, quia contraria sunt, quæ maximè à se inuicem distant: sed non possunt dari ullæ quantitates, quæ à se inuicem maximè distent: ergo quantitas nō suscipit contrarium. Minor probatur: quia neque

in quantitate discreta maximum, neque in continua minimum dari potest. Dato enim quocunque numero, si unitatem ei addideris, erit maior. Et data quacunque minima quantitate continua, contingit illam diuidi ulterius, alioqui non esset continua quantitas, cum quantum in non quantum diuidi nequeat.

Quantitas praeterea.) Magis vno modo dicitur extentiue, prout magis respicit parteis quantitativas, & sic in quantitate reperitur. Alio modo dicitur intentiue, vt respicit esse formæ, & sic in qualitate tantum reperitur. Quare hoc dicitur magis accipere, quod manens idem numero secundum essentiam in suo esse perficitur. Ita minus suscipit, quod idem manens numero secundum essentiam diminuitur, vt calor in aqua idem manens secundum essentiam, vel roboratur, vel remittitur & debilitatur. Maius autem & minus nominaliter etiam conueniunt quantitati. Dici etiam solet: Quantitas suscipit maius & minus extentiue, sed non intentiue. Vel: Quantitas suscipit maius & minus nominaliter, sed non magis & minus aduerbialiter.

Exercitus vnus alteri æqualis.) Triplex est vnitas. In substantia, ea est causa identitatis. In quantitate, & ea est causa equalitatis. In qualitate, & ea est fundamentum similitudinis. Et propriè loquendo, æquale soli quantitati conuenit, & simile qualitati. Sed hæc aliquando confunduntur.

De ijs quæ ad aliquid dicuntur.

Ad aliquid uerò tali dicuntur, quæcūque hoc ipsum quod sunt, aliorum esse dicuntur, uel quomodolibet aliter

ter ad aliud: ut duplū hoc ipsum quod est, alterius dicitur, nempe dimidij: itidem & sciētia. Etenim ut duplū dimidij duplū est, ita sciētia scibilis sciētia. Adiectū est autem, uel quomodolibet aliter ad aliud, ut intelligamus relatiuorum quædam esse quæ casu aliquo, quædam quæ absque casu referantur. Casu referuntur, quæ aliorum esse dicuntur: absque casu uerò, quæ quomodolibet aliter ad aliud: ut cū dicitur mons magnus ad montem parū, relatio quidē est magni ad parū, sed non quæ per casum facta sit: tametsi in ea casus accusatiuus sumptus est, quod nimirum ideo euenire Boethius ait, quòd illius relationis uis non in casu, sed in præpositione sola consistit. Per casum itaque referuntur, cū aut per genitiuum referūtur, ut pater filij parte. Aut per datiuū, ut similis simili similis: Aut per ablatiuum, ut maius minori maius. Sunt etiam quæ mutatis casibus referantur, ut sciētia scibilis sciētia, & scibile sciētia scibile. Sunt item quæ referantur nominibus eisdem, ut amicus amici amicus, & socius socij socius. Sunt quæ diuersis, ut alia ferè omnia. Sciendum autem, dictam definitionem Platonis esse, non Aristotelis. id quod Boethius planè astruit: & proinde alia ab Aristotele ipso traditur, quæ huiusmodi est, & quidem propria. Ad aliquid sunt, quibus hoc ipsum esse est ad aliud quodammodo se habere. Sanè hac definitione ea relatiua describūtur, quæ in quadam comparatione & relationis habitudine considerātur solū: ut quaternarius quòd duplus est, non ex se habet, sed hoc ipsum ex medio trahit, ad quod refertur, nempe ex binario. Atque è diuerso binarius quòd medius sit, ex eo tantū habet, quòd ad quaternarium refertur. Relatiuorum igitur quæ propriè dicūtur, siue eorum quæ

f s sunt

sunt ad aliquid, hoc est esse, id est, hæc eorum natura est, ut ad aliud referatur, sine quo ne intelligi quidem possunt. Quo fit, ut prior definitio maior sit quam posterior, hoc est, communior, ut quæ omnia quæcunque ad aliquid utcunque dicuntur, complectatur.

RAIIANVS.

De iis quæ ad aliquid.) Ratio ordinis, cuius philosophum valde curiosum esse oportet, hæc est: Posita quantitate, ponitur maius aut minus, hæc autem relata sunt: ergo post quantitatem ordo efflagitat, ut de relatiuis dicatur. Adhæc, in quâtitate est mentio facta relatiuorum. Ut autem huic prædicamento lucis aliquid adferamus, tenenda in primis est hæc diuisio. Entium quædam sunt absoluta, ut substantia, quantitas, qualitas, quæ per se intelligi possunt. Alia sunt relatiua, quorum significatio ad aliud refertur. Non sum nescius, auribus delicatioribus duram & impolitam hanc diuisionem videri. Sed & docentibus & scribentibus (cuius ego sæpè auditores meos de loco superiore commonesci) artis vocabula nō tam Latina quàm vsu trita, ut res intelligatur, retinenda sunt. Verissimè Fabius. Non refert quibus quidque nominibus appelletur, modò de re cōstet. Nos si in hac spinosa & ieiuna philosophia quatuor illas virtutes orationis, emendatam, perspicuam, ornatam, bene accommodatam, exprimere nō possumus: duas priores tamen, emendatam & perspicuam (sine quibus nihil rectè docetur) retinere conabimur. Sed hæc ἡ ξωτὸν πρᾶγματος καὶ λόγῳ.

Ad aliquid ve.) Prima hæc finitio communis est,

&

& omnia relatiua quouis modo dicta cōplectitur. Prima pars finitionis ea continet, quæ cum casu ad se inuicem referuntur. Secunda verò ea complectitur, quæ vel cum casu, vel sine casu dicuntur. Prima hæc finitio est apud Platonem libr. 4. de Republic.

Ad aliquid sunt.) Secunda hæc descriptio cōplectitur solùm relatiua, quæ ex propria significatione relationem significant. Id enim sonant hæc verba, quibus hoc ipsum esse, est ad aliud se habere. Et hæc vulgò dicuntur relatiua secundum esse. Alia sunt relatiua secundum dici, quæ ex prima significatione ens absolutum significant, sed secundo loco habitudinem & respectum: vt scientia, dominus.

GLAREANVS.

De iis quæ ad aliquid dicuntur.) In hoc capite duæ sunt definitiones ad aliquid. Communis & propria. Sed notandū, duplicia esse relatiua. Quædā secundū esse, quorū totum esse est ad aliud se habere: vt pater, cuius totum esse est ad filium, & totum esse filij est ad patrem. Quædam secundum dici, quæ connotant duntaxat respectum ad aliud, at principaliter sunt absoluta: vt scientia, quæ per se est qualitas, tamen connotat respectum ad scibile. Imò vix nullum est ens, in quo non aliquid relationis inueniatur, cū omnia sint in ordine susceptibilia comparisonum.

Mons magnus ad montem paruum.) Quæcunque nomina componuntur cum hac præpositione con, sunt relatiua aliquo modo, vt commilito, conuictor, compater, conformis, concolor, compar, cognatus, cognominis. Item omnes causæ quatuor, omnia comparatiua & superlatiua, pars ad
totum

torum, & contrà: Omne superius ad inferius, domi-
nia, potestates, &c.

*De quinque eorum, quæ ad aliquid
dicuntur, proprie-
tatibus.*

INest autem & his, quæ ad aliquid dicuntur, contrarie-
tas. Nam uirtus uitio, & scientia ignorantia contra-
ria est. Atqui ut hoc ipsum nec proprium omnibus est,
ita nec commune. Videntur item & magis & minus sus-
cipere. Simile nanque alicui quippiam dicitur, & ma-
gis & minus. Verum nec hoc quidem omnibus aut pro-
prium, aut commune. Omnia porro quæ sunt ad ali-
quid, ad conuertentiam dicuntur: ut seruus domini ser-
uus, & dominus serui dominus. Sed neque in his firma sem-
per conuertentia est, nisi conuenienter id ad quod dici-
tur, assignetur, ut si ala auis ala dicatur, non rectè assigna-
tio facta est, & per hoc nec cōuertitur, ut dicatur auis alæ
auis: sed si ala alati ala dicatur, iam conuertentia fiet hoc
pacto: alatum ala alatum. Proinde rectè Aristoteles nos mo-
nuit, necesse esse aliquoties ut nomina fingantur. Videtur
autem ea quæ ad aliquid dicuntur, simul esse naturâ: id quod
in pluribus quidem uerum est, ut simul sunt duplū & di-
midiū, dominus item & seruus. In aliquibus uerò non ita
est: nam scibile quippiam est, cuius tamen scientia fortassis
nondum habetur. Vnde & à nonnullis haud ab re relati-
uorū talis assignatur distinctio, ut sint quædam quæ actu
referantur, quædā quæ potestate solū. Maxime uerò pro-
prium est eorū quæ ad aliquid dicuntur, quod ex his uno
definitè cognito, cognoscitur eodem modo & reliquum:
ut si quis definitè sciat quippiam duplum esse, idem etiam
definitè scit id, cuius est duplū, nempe dimidium. Quem-
admodum

admodum si quis scierit Anchisen Aeneæ esse patrem, is proculdubio iam sciet Aeneam Anchisæ filium esse.

RAIIANVS.

De quinque eorum.) Hoc loco regula tradenda est, qua cognoscemus quibus relatiuis inlit contrarietas. Si prædicamento, à quo relatiua sumuntur, aliquid est contrarium, etiam relatiuis erit aliquid cōtrarium: vt, virtus & vitium relatiua sunt: illa refertur ad studiosum, hoc ad vitiosum. Cōtraria quoque sunt: quia à qualitate sumuntur, in qua propriè contraria reperiuntur.

Videntur.) Hæc communitas etiam ex prædicamenti, ex quibus relatiua sumuntur, intelligenda est.

Omnia porrò.) Conuerti hoc loco est, quando primum refertur ad secundum, & rursus secundum ad primum: vt pater ad filium & filius ad patrem. Sed id non semper contingit, nisi relatiua aptè assignentur.

Videtur autem.) Ea dicuntur hoc loco simul esse naturâ, quæ mutuò se ponunt & interimunt, & quorum alterum non est causa alterius. Et relatiua actu, secundum actum: potestate relatiua, secundum potestatem se mutuò inferunt.

GLAREANVS.

De quinque eorum.) In hoc capite duæ sunt conditiones, siue communitates, sed tres proprietates.

Inest autem.) Nota: Relatiua, vt relatiua, nullo modo sunt contraria, sed fundamēta eorum videntur cōtraria. Hoc etiam ita dicitur: Relatiua secundum

dum esse non sunt contraria. Sed secūdum dici possunt esse contraria, nō ratione relationis, sed ratione qualitatis. Eodem modo dicēdum est de suscipere magis & minus.

De Qualitate.

Qualitas est, secundum quam quales esse dicimur: ut secundum musicam musici, & secundum albedinem albi. Porro qualitatis species ab Aristotele quatuor assignantur. Ex his una est, quæ habitus & dispositio siue affectio dicitur. Sed ab habitu dispositio differt, quod permanētior quidē habitus sit & diuturnior: dispositio uerō facile mobilis & citō mutabilis. Et habitus quidē sunt, ut sciētia & uirtutes: dispositiones uerō, ut calor & frigus (quæ tamē exēpla magis analogicōs, quā re uera hoc loco ponuntur) tum & sanitas & aegritudo. Namq; secundum has disponitur, afficiturque quodammodo homo, aut aliud quoduis animal: uerū citō in contrarias mutatur qualitates: ut à sanitate in aegritudinē facilis est transitus, & rursus ab aegritudine in sanitatem. Nonnunquam uerō euenit, ut earum aliqua temporis protractione in alicuius transeat naturā, ut nigritia ex solis ardore longo tempore cōtracta: & quæ hectica febris Græco uocabulo à Medicis dicta est, Latino uerō habitualis dici potest. Vnde fit, ut dispositio quasi quædam uia sit ad habitum, & per hoc habitus imperfectus. Habitus uerō, constans omninō atq; perfecta dispositio, & ueluti ipsius dispositionis terminus. Hinc habitus definitur qualitas difficulter mobilis ab eo, in quo est: dispositio contrā, qualitas quæ facile à subiecto dimouetur. Rursus autem & habitus modo quodā dispositiones dici possunt: dispositiones uerō ut habitus dicantur, non

non est necesse. Alia autem qualitatis species est, quæ naturalis potentia & impotentia dicitur, secundum quam quidem quispian nō ex eo quod talis est, dicitur, sed quod talis esse potest: ut docilis puer dicitur, non qui iam doctus sit, sed qui aptus est doceri, & fragile lignū, non quod iam fractum sit, sed quia tale est, ut frangi possit. Sic durum dicitur, quod naturalem resistendi potentiam habet, ut non facile secetur, diuidaturq;: cōtrā molle, quod ad hoc naturalem habet impotentiam. Ad hunc quoque modū & salatores, & pugiles dicimus aliquos: non quod in his artibus, saltandi, inquam, & concertandi, periculum unquam fecerint, sed quod ad eas insitam suapte natura potentiam habeant, habilitatemq;. Tertia uerò species ea esse dicitur, quæ passio & passibilis qualitas nominatur: & differthæc ab illa, perinde atq; habitus à dispositione: quod passibiles quidem qualitates perpetuò perdurāt, ut in melle dulcedo, & in glacie frigus: passionēs autem ad tempus exorta facile commutantur: quare & qualitates uix dici merentur: ut in facie rubor ex uerecundia subortus, & ex metu pallor. Quarta demū qualitatis species est, quæ dicitur figura, & circa hoc aliquid constans forma, ut triangulum, quadratum, cubitum, & alia huiusmodi, quæ qualia omninò dicuntur, ab ipsa uidelicet figura, hoc est, à linearum superficiērumque deductione; si magnitudinis nomina sunt: uel à descriptione sitūque numerorum, si multitudinis. Eadem insuper & ab ipsa forma qualia dici solent, utpote à concinna partium compositione. Haud secūs in his quæ artificio constant, sese habet id quod dictum est, ut in domo, naui, statua, & alijs huiusmodi: quorū unumquodq; duplici qualitate affectū, ex iam dictis nemo non percipit, nēpe tum figura, tum forma. Fi-

gura

gura quidem, ut uerbi gratia, statua ab ipsorum lineamentorum deductione, qua hunc aut illum exprimit & representat. Forma uero à conuenienti illorum inter se cōsensu, que debita proportio rei dici solet, & commensuratio, à Græcis *συμμετρία* appellata.

RAIIANVS.

De qualitate.) Hæc qualitatis descriptio solùm qualitates accidentarias complectitur: alsignata est etiam per notius, quia quale denominatiuum est notius, quoad sensum, qualitate denominante.

Ex his. (Aristoteles quatuor formas qualitatis proposuit. & singulas geminato vocabulo expressit penuria (credo) simplicium vocum coactus. Habitus & dispositio nec genere nec specie, sed numero tantùm differunt. Vt enim duo indiuidua qualitate accidentaria differunt tantùm: ita habitus & dispositio qualitate separantur tantùm. Habitus enim est firma qualitas, dispositio non est firma.

Alia autem.) Naturalis potentia est quædam qualitas congenita alicui, per quam ipsum redditur naturaliter potens ad aliquid agendum. Contrà uerò de naturali impotentia dicendum est.

Tertiò uerò.) Passio est qualitas transiens, quæ sensui infert passionem, ut calor tactui: vel quæ ex passione infertur, ut rubedo ex uerecundia. Passibilis qualitas est qualitas permanens, inferens sensui passionem: ut color plumbeus ex melancholia. Ceterùm hîc exoritur quæstio; Passio est genus summum, ergo non potest esse species. Hoc sic diluitur: Passio ut est effectus actionis, est genus summum: sed

sed ut sensum mouet, est species qualitatis.

Quarta demum.) Figura est, quæ termino vel terminis clauditur: ut circulus, triangulus. Forma est ipsa protractio & delineatio figuræ.

GLAREANVS.

De qualitate.) In hoc capite de qualitate tria facit. Primò ponit eius descriptionem. Secundo, quatuor eius species. Tertio, tres eius ponit proprietates.

Ex his vna est, quæ habitus.) Habitus est qualitas difficulter mobilis à suo subiecto. Dispositio verò est qualitas faciliter mobilis à suo subiecto. Ut qui literas pingere nouit, nondum autem promptè ac perfectè eas scribit, is habet dispositionem. Qui nouit notas musicas, sed nondum eas promptè exprimere potest, is habet dispositionem. At qui iam velociter scribere potest, aut expeditè canere, is habet iam habitum; qui actus nascitur ex actibus frequenter reiteratis.

Alia autem qualitas.) Ab habitu dicimur simpliciter boni vel mali, laudabiles vel vituperabiles. At non ita secundum naturalem potentiam vel impotentiam. Habitus exercitio & studio acquiritur: sed naturalis potentia inest nobis à natura.

*De communicatibus & proprietatibus
ipsius Qualitatis.*

Inest autem & Qualitati contrarietas: ut iustitiæ in-
iustitia contraria est, & albedo nigredini. Verum non in omnibus hoc ita habet. Nempe rubori & pallori, cæ-

terisque huiusmodi medijs coloribus nihil est contrarium. Alioqui uni plura contraria erunt. Tum & figura nihil contrarium est, ut exempli gratia, triangulo, quadrato, cubito, nec non & ipsi circulo. Suscipiunt autem & magis & minus, non adeò qualitates ipsæ, sed quæ ab his qualia denominatiue dicuntur: album magis, & minus album dicitur, uel seipso, uel altero quolibet albo. At uerò ne hoc quidem figuris ipsis conuenit, suscipere, inquam, magis & minus. Nam quæcunque aut trianguli, aut quadrati, aut circuli definitionem suscipiunt, omnia per æquæ aut triangula, aut quadrata, aut circuli sunt. Sciendum uerò, quòd tam hanc quàm illam communitatem potius quàm proprietatem dixerimus: quando ea secundum utrâque dicta sunt, nec solis, nec omnibus conueniant qualitatibus. Maxime autem proprium qualitati est, ut secundum eam similia & dissimilia dicantur. Simile enim, aut dissimile alterum alteri dicitur, non secundum aliud quippiam, quàm secundum id quod quale est, siue à qualitate denominatur.

RAIIANVS.

Inest autem.) Hæc cōmunitas primo modo propria est: conuenit enim soli qualitati per se, cæteris prædicamentis non nisi propter qualitates. Sed non omni qualitati conuenit.

Alioqui.) Id incommodum sic ostenditur: Sit enim (doctrinæ causa) pallor contrarius rubori. Viridis color eadem ratione erit rubori contrarius. Quia non est potior ratio de vno colore medio, quàm de alio. Quo fit, ut plura, scilicet pallor & viridis color, sint uni rubori contraria secundum idem.

Quod

Quod est euertere Aristotelis pronunciatum : qui quarto capite primi lib. de cælo & mundo docet, vnum tantum vni esse contrarium secundum idem. Nec sum nescius, plura posse esse vni contraria diuersa ratione: vt audacia & timiditas fortitudini. Qua de re differit Aristoteles 8. cap. 2. libri Ethicorum, & in capite de oppositis.

Suscipiunt.) Denominatiua magis & minus admittunt, non autem ipsa denominantia.

Maximè.) Vt secundum quantitatem dicimur æquales vel inæquales: sic secundum qualitatem similes vel dissimiles.

GLAREANVS.

De communitatibus.) Duas enumerat communitates, & vnā proprietatem: nisi quis etiam primam proprietatem vocet.

*De cæteris sex Prædicamentis
breuis annotatio.*

DE cursis hætenus prioribus quatuor prædicamentis ex Aristotelis traditione, quæ certè consideratione aliqua egere uisa sunt etiam ipsi Aristoteli, quemadmodum id ipsum & Boëthius aperte attestatur: restant posteriora sex: de quibus, priusquam ea prosequamur, præfari hoc pacto libuit: Aristotelem uidelicet, cum priora illa quatuor latissimè prosecutus esset, posteaquam omnia numero decem, in principio sui tractatus ex ordine connumerasset, & per cōuenientia exempla declarasset, hæc sex posteriora ne repetere quidē curasse, præterquam ex

his duo tantum, Agere & Pati: sed cursim admodum, atque id profectò haud inconsulte: id quod & Iacobus Faber Stapulensis ingenuè contestatur, quòd eorum scilicet uocabula, præsertim ultimorū quatuor, trita prorsus & uulgaria sint, nullumque proinde ad disciplinas momentum habeant; imò uerò ciuilibus atque fòrensibus negocijs nec non historiarum scriptoribus accommodatiora. Verum enim uerò Gilbertus cognomento Porretanus, non contentus hoc Aristotelis siue còsilio, siue iudicio, librum sex ultimis scriptum reliquit, alijs mirificè probatum, alijs propemodum contemptum, ut quibus labor ille superuacaneus planè iudicatus sit, quum si quid in illis ad disciplinas usus esset, id Aristotelem nequaquam latuisset. Nòs igitur, ut temporì aliquid concedamus, uel potius ne ab institutis quorundam prorsus abhorrere uideamur: inter Aristotelem ipsum & hunc Gilbertum mediam tenebimus uiam, & in transcurso tantummodò de his susceptum prosequemur tractatum.

RAIANVS.

Decursis.) Aristoteles prolixè copiosèque de quatuor primis prædicamentis discessit, quia hæc principia & elementa omnium aliorum sunt. Succinctè disputat de reliquis sex, quia hæc relationem significant, quæ explicata fuit. Tum etiam quia hæc in libris de Physico auditu, & prima Philosophia explicantur.

GLAREANVS.

De cæteris sex prædicamentis) In hac præfatione cula asseuerat, non absque causa omnia sex posteriora

riora prædicamenta ab Aristotele: nec Gilberti Porretani studium ab omnibus probari, se media via incellurum (non ausus annectere, quod Petrus Hispanus fecit) & aliqua dicturum.

De Actione & Passione, & earum utriusque tam communibus quam proprietatibus.

FAcere siue agere dicitur quispiam, cuius actio ab ipso in aliam quamlibet rem ueniens consideratur: Pati uero is, in quo actio illa consideratur, ut in quem uenerat: ut quum secatur quispiam, eius sectio in id quod secatur transit. Et quum quid percutitur, percutientis actio in eo recipitur, atque eatenus ipsa percussio passio dicitur. Secare igitur & percutere, agere est. Secari uero & percuti, pati. Actio igitur est, secundum quam in id quod subiicitur, agere dicimur: Passio uero, illatio effectusque actionis. Recipit autem agere & pati contrarietatem, & magis & minus: quippe calefacere contrarium est ei, quod est frigefacere: & calefieri ei, id quod est frigefieri. Sic & calefacere, & frigefacere: & calefieri item & frigefieri dicimus hoc uel illud magis aut minus.

RAIIANVS.

Actio igitur.) Actio hoc loco est forma quædã, per quam in materiam subiectam agere dicimur. Omnis enim actio requirit subiectum in quod vim suam explicet. Id dicitur hoc loco subiici, quod ab alio virtute agendi superatur.

Recipit autem.) Agere & pati recipiunt contrarietatem

rietatem, similiter magis & minus per accidens, propter contrarias qualitates, quas patiens ab agente recipit: ut calefacere est contrarium ei quod est frigefacere, quia calor & frigus contraria sunt.

GLAREANVS.

De actione & passione.) In hoc capite declarat voces, Facere & Pati: deinde definit actionem & passionem: tertio proprietates earum ponit.

Sic calefacere & frigefacere.) Quaelibet forma physica, ut calor, si consideretur in respectu ad agēs, est actio: si in respectu ad patiens, passio. Si consideretur, ut ab Esse imperfecto procedit ad Esse perfectum, sic dicitur motus, ut calor ad ignem, actio: ad aquam, passio ad Esse perfectum, motus. Beatus Thomas Aquinas, Porro in agente, exempli gratia, in igne calfaciente, quatuor ordine reperiuntur. Primo forma substantialis ignis, quæ est principium effectiuam remotum actionis. Secundo, reperitur ibi naturalis potētia, idem principium effectiuum, sed propinquum. Tertio, ibidem reperitur calor, de tertia qualitatis specie. Caterum nullum istorum est actio: possunt enim omnia hæc esse in igne, cum ignis nihil agit. Quarto, reperitur ibidem quædam alia forma superaddita igni, qua procedit de ocio in actum: ut qui prius non calfaciebat, nunc calfacit, diciturque calfactio actiua, proximum principium calfactionis passiue in aqua, quæ passio dicitur.

Quæ ratione vocabula harum duarum Categoriarum discerni possint,

Sane

SANÈ in his duobus prædicamentis spectare oportet, non ad figuram duntaxat ipsius dictionis, sed ad significata potius. Nam sunt quædam, quæ & significato & figuratione dictionis agendi vim habent: ut curare, docere, legere. Quædam figuratione tantum, non etiam significato: quippe quæ actiue proferuntur, significato tamen passiva sunt: cuiusmodi uerba seu uoces sunt timere, mœrere, uidere, intelligere. Quædam contra significato quidem actiua sunt, figuratione uero passiva: ut insidiari, proficisci. Atque id quidem quod iam diximus, maximè sanè ex parte comprobatur & confirmatur Priscianus Grammaticus libro 8. de uerborum significationibus: Actiua, inquit, species actionis semper significat, & facit ex se passiuum, exceptis duobus, metuo metuor, timeo timeor. Quin & ad sensus pertinentia uerba, si quis altius consideret, in actiuis uocibus passionem, & in passiuis actionem facere inuenimus: ut cum dico, uideo te, audio te, tangote, ostendo me in ipso actu aliquid pati.

RAIIANVS.

Videre, intelligere.) Huius ratio est: ut enim videre est suscipere speciem obiecti in oculo, ita intelligere est recipere formam rei intelligibilis in intellectu. Quare utrumque eorum pati est. Hac de re extat nobilis cōtrouersia inter Peripateticos, Platonicos, Opticos: quam Ioannes Velcurio in Physica sua accuratè examinat.

GLAREANVS.

Qua ratione.) Quædam uerba actiua sunt uoce & significatione simul: ut docere, secare, legere, per-

cutere. Quædam voce tantum actiua sunt, non significatione: ut timere, metuere, mœrere, videre, intelligere: & fermè sensus verba. Quædam significatione tantum sunt actiua, non voce: ut inlidior, loquor, luctor, & ferè deponentia.

*De situ, siue positione, & eius
speciebus.*

Situm esse Aristoteles ait denominatiuè dici à positione. Quæ quidem licet ipsa sit alicuius eorum, quæ ad aliquid dicuntur, quæ tamen ab ea denominatiuè dicuntur, proprium prædicamenti genus faciunt: ut à statione, quæ relatio est quædam, stare denominatiuè dicitur, quod quidem est situm esse. Vnde & situm esse, à Ioanne Damasceno id dicitur, quod positionem habet quoquo modo ad alterum, puta ad partes corporis, uel sic, uel sic se habentis. Huius deinde tres species esse dicit: stare, sedere, recumbere, id est, iacere. Et stare quidem est, erecto omnino, corpore esse. Sedere uerò, partim erecto, partim incuruo. Recumbere uerò, in totum esse corpore prostrato, quod & tribus contingit modis: nempe aut prone, aut supine, aut oblique. Eorum autem quæ situm habent, hæc quidem secundum naturam sita sunt, ut elementa in proprio & suo quodque loco: hæc autem secundum artem, ut statua atque columna. Rursus eorum quæ sita sunt, hæc quidem sunt, quæ nunquam loco mouentur, ut terra: hæc uerò quæ nunquam à motu quiescunt, ut cælum.

RAIIANVS.

De situ & positione.) Huius capituli interpretatio præce

præcedit. Contrà enim, quàm in aliis factum est, in quibus interpretatio sequitur. Stare, sedere, accumbere, dicuntur constituere prædicamentum positionis, non quòd sint primogenia & præcipua huius prædicamenti, sed per sua denominantia, stationem, sessionem, accubitus. Denominatiua enim non per se, sed beneficio suorum denominantium ponuntur in prædicamentis.

Eorum autem.) Ea habent situm secundum naturam, quorum partes principia sunt aliquorum motuum: vt in homine caput, pedes, in plantis radices, rami. Ea verò habent situm secundum artem, quorum partes non sunt principia motuum: vt columna, fundamentum in domo. Elementorù situm Ouidius lib. 1. Fast. & Plinius lib. 2. capi. 5. eleganter describunt.

GLAREANVS.

De situ, siue positione.) De situ, septimo prædicamento, potissimùm explicat, quot modis aliquid dicatur situm habere.

Situm esse.) Quoties respondetur ad interrogationem factam. Quomodo se habebat hæc res, cum tu inuenires? Sedebat, stabat, quiescebat, &c. Est huius prædicamenti. Et notandum, pictorum esse exercitium in hoc prædicamento, atque adeò ingenij ostentationem. Porro Gilbertus ita definit positionem. Positio est quidam partium situs: & generationis ordinatio: secundum quam dicuntur stantia, vel sedentia, leuia vel graua, vel quomodolibet aliter disposita.

De Vbi, & Quando, & Habere.

EOdē propē modo, ut Boethio placet, & ubi, & quando, & habere sese habent, ut quæ nec ipsa simpliciter intelligantur, quin potius ex alio naturam, id est, rationem trahant: id quod & Martianus Capella attestatur. Quo fit, ut nec ubi, nec quando esse possint, nisi locus & tempus fuerint. Siquidem locum ubi, & tempus quando comitatur. Neque uerò idem est tempus & quando, nec locus & ubi: sed proposito prius & loco, si qua res in eo loco est posita, ubi esse dicitur. Vnde & ab Aurelio Augustino rectē dictum est: Locus est cuique rei, ubi est. Eodem modo si res quæpiam in tempore est, quando esse perhibetur, ut natale Christi cum sit certo in tempore, nempe 8. Calend. Ianuarij, quando ipsum esse dicimus. Vbi ergo & quando hoc pacto à quibusdam definiuntur: ubi est, quæ à loci circumscriptione procedit corporis locatio. Quando uerò, quæ ex tempore relinquitur rerum affectio. Habent autem & ubi & quando proprias diuersitates. Nam ubi aliquoties quidem infinite dicitur, ut cum alicubi quempiam esse dicimus: aliquoties uerò definite, ut in foro, in gymnasio. Sic & quando nunc definite, nunc indefinite dicitur. Habent rursus & ubi & quando secundum locorum & temporum differentias diuisionesque, species quasdam & differentias. Et locorum quidem differentie sunt, sursum, deorsum, antè, ponè, dextrorsum, leuorsum. Temporum uerò, præsens, præteritum, & futurum. Habere porrò (ut subinde Boethius ait) est quidam extrinsecus adueniēs, neque innatū ei à quo habetur: imò aliud quàm est illud ipsum, à quo habetur, in se uel potius circa se retinere: ut armatum esse, uel esse uestitum, & habere uestes atque

atque arma, quæ cum eo qui habet, nata non sunt, neque aliqua communi natura proprietatē coniunguntur.

RAIANVS.

Vbi ergo.) Vbi est quædam habitudo corporis locum aliquem obtinentis. Quæ habitudo in ipso loco prouenit ex eo, quia ipsum locatum à certo loco circumscribitur & continetur. Vnde dicimus: Bellum geritur in Africa. Cato Uticæ se interfecit.

Quando.) Quando est denominatio quæ à tempore oritur: ut, Homerus fuit ante Hesiodum.

GLAREANVS.

De vbi & quando: & hab.) Tria vltima tractat prædicamenta. Et definit ac comparat, & proprietates quasdam eorum explicat.

Habere porrò.) Gilbertus Porretanus ita ait: Habitus est corporum, & eorum quæ circa corpus sunt adiacentia, secundum quem hæc quidem habere, illa verò haberi dicuntur. Porrò de octo modis habendi, dicetur vltimo huius tractatus capite.

De Oppositis.

Consequens est autem de ijs dicere, quæ (ut diximus) Post prædicamenta à recentioribus appellantur, & primum quidem de oppositis, quoties scilicet opponantur. Opponi autem alterū alteri quadrupliciter dicitur: Nempe aut ad aliquid: aut ut contraria, aut ut habitus & priuatio, aut ut affirmatio & negatio. Atque hæc omnia cōmuni quidem nomine opposita dicuntur, quòd ueluti ex aduerso sibi obistere, & contrà stare uideantur. Ad
aliquid

aliquid igitur opponi dicuntur, quaecunque hoc ipsum quod sunt, oppositorum dicuntur, uel quomodolibet aliter ad hæc: ut dimidium opponitur duplo, & eiusdem dupli dimidium est: & paruum opponitur magno, & ita, ut ipsum paruum ad magnum, cui opponitur, paruum sit. Contraria uerò dicuntur, quæ ita sibi opponuntur, ut eorum nō sint, quibus opponuntur, sed sunt sibi inuicem contraria: ut bonum, quod licet malo opponatur, non tamen mali bonum est, sed malo contrarium. Itidem & album, non nigri album est, sed nigro contrarium. Habitus autē & priuatio dicuntur, quæ & ipsa quidem opponuntur sibi, sed ita, ut circa idem aliquid necessariō uersentur: ut uisus & cæcitas circa oculum, auditus & surditas circa aurem. Quartum demum oppositorum genus est, ut affirmatio & negatio, quo quidem genere opponuntur quaecunque inter se uerum & falsum cōdiuidunt, ut Socrates ambulat, Socrates non ambulat.

R A T I A N U S.

De oppositis.) Hic tractatus dicitur vulgò Post-prædicamenta, quia continet quorundam vocabulorum explicationem, quibus Aristoteles in prædicamentis usus est. Dicuntur autem opposita: quæ in eodem, secūdum idem, eodem tempore, circa vnā candēque rem, simul esse non possunt. Rodolphus sic: Opposita dicuntur, quæ ita repugnāt vnum vni, ut neque alterum de altero, neque ambo de eodem tertio dici possint. Illud hīc silentio inuoluendum non est, oppositionem in tribus inueniri: in terminis, de qua differit hīc Cæsarius: in syllogismis, de qua disputat Aristoteles decimoquinto cap. libr. 2. priorum:

priorum in propositionibus, cuius mentio est apud Aristotelem libro de interpretatione.

GLAREANVS.

De oppositis.) Quinque sunt postprædicamenta: Oppositio, cuius quatuor sunt species: Prius, & eius quinque modi: Simul, & eius tres modi: Motus, & illius sex sunt species: Habere, & eius octo modi.

De oppositorum definitionibus & proprietatibus.

CAeterum hæc quoniam pacto definiantur, dicendum item breuiter. At uero quoniam de his, quæ ad aliquid seu relatiua dicuntur, supra dictum est, cum de prædicamentis tractaremus: de reliquis tribus id tantum nunc agamus. Itaque contraria definiuntur, quæ in eodem genere posita, plurimum à se distant, quæ eidem susceptibili uicissim insunt, unde & mutuò se expellunt, nisi quæ per naturam subiectis suis insunt. Itaque ex contrarijs si unum fuerit, non necesse est alterum esse. Contraria rursus eidem simul inesse est impossibile. Sed & contraria omnia circa idem aut genere, aut specie uersantur: ut ægritudo & sanitas circa corpus, iustitia & iniustitia circa animam. Omnia insuper contraria uel in eodem genere sunt, ut album & nigrum: uel in contrarijs generibus, ut iustitia & iniustitia: uel sunt ipsa contraria genera, ut uirtus & uitiū, bonum item & malum. Bono quippe malum ex necessitate contrarium est: malo autem aliquando quidem bonum, aliquando uero & malum. Id quod facile uidere est in uirtutibus & uitijs moralibus. Sed & de contrarijs ipsis ad eundem fere modum Victorinus loquitur in his Commentarijs,

mentarijs, quæ in Rhetorica Ciceronis de inuentione scripta: Contraria (inquit) tribus modis inueniri possunt: cum aut sub eodem genere species multum inter se distat, aut singulis generibus diuersis species etiam diuersæ sunt, aut duo genera inter se diuersa sunt. Hæc ille. Porro quæ secundum habitum & priuationem opponuntur, ea esse definiuntur, quæ circa idem fieri nata sunt ordine irreversibili, & tempore per naturam determinato. Et hæc quidem sunt, quæ potentia priuatione talia dicuntur. Nam quæ talia sunt priuatione actus, hæc utique circa idem fieri possunt ordine regressibili: cuiusmodi sanè sunt motus & quies, lux & tenebra, somnus & uigilia. Iam uerò & quæ secundum affirmationem & negationem opponuntur, ea ipsa definiuntur, quorum secundum se nullum datur medium, & quæ in contradictione consistunt. Contradictio porro dicta est, quasi opposita dictio, id est, locutio. Huius nimirum hoc præ cæteris proprium est, quod siue res subsistat, siue non sit omnino, in alterutra tamen contradictionis parte uel ueritas, uel falsitas semper inuenitur: quod certè in alijs oppositionibus minimè euenit. Nam si quid omnino non est, illud neque ægrum, neque sanum esse potest: tum neque cæcum, neque uidens. Nec, si non est omnino qui genuit, iam aut filius, aut pater erit. Verumtamen siue fuerit quippiam, siue non fuerit, contradictio nihilominus constabit semper. Et uerum & falsum dicet, quicumque dixerit, Socrates est, uel Socrates non est.

RAIIANVS.

Itaque contraria.) Finitio hæc contrariorum complectitur solum qualitates accidentarias. Cuius prima pars reicit priuatiua: quæ per se in nullo sunt genere.

genere. Secunda colores medios, qui non plurimum distant. Ultima remouet ea, quorum alterum est à natura.

Itaque ex cōtrariis.) Huic loco obiicitur inexpugnabile argumentum. Aristoteles scribit tertio capite de cœlo & mundo: Si vnum contrariorum sit, oportere alterum esse: vt si terra sit, oportere ignem esse: nam hæc contraria sunt. Hoc obiectum sic diluendum est. In contrariis elementorū si est vnum, oportet aliud esse: quia hæc perpetuò in se inuicem agunt, & à se mutuò patiuntur. Sed in aliis contrariis id non est necesse.

Porro quæ secundum habit.) Ex hac definitione priuatiuorum duplicia priuatiua cōstituenda sunt. Quædam potētia: quæ significant priuationem formæ, quæ recuperari non potest: vt cæcitas & visus. alia sunt priuatiua actus, quæ actum solū auferrunt: vt tenebræ & lux. Cū ergo dicitur, A priuatione ad habitum non est regressus: id est accipiendum de priuatiuis potentia, non autem actus.

Quorum secundum se.) Id adiectum est, quia inter omnia opposita est medium quoddā, quatenus ad contradictoria reducuntur. Inter contradictoria nullo modo est medium.

Huius nimirum.) Insigne discrimen inter cōtradictoria, & cæteras species oppositionis.

De quinque modis Prioris.

PRius autem alterū altero quinque dicitur modis. Primo quidem id quod secundum tempus altero prius est,

ut

ut quod antiquius altero est, aut uetustius. Hinc Thebanorum bellum prius, id est antiquius seu uetustius, dicitur excidio Troiano, idcirco quod tempore praecesserit: & Pythagoram priorem, id est, seniore, Socrate dicimus: & Socratem Aristotele. Secundo autem modo prius illud dicitur, à quo non conuertitur subsistendi consequentia: quo quidem modo unum duobus prius est. Nā duobus existentibus, unum iam esse consequens est: at non contrā. Non enim si unū est, consequens continuo erit, ut sint duo. Atque hoc modo quod prius est, secundum naturam prius esse dicitur. Tertio uerò modo prius esse dicitur, quod ordine quodam anteuertit: id quod in disciplinis & orationibus Rhetoricis, & alijs huiusmodi, ut in Reipubl. administrationibus facile est uidere. In disciplinis quidem, ut exempli causa, in Geometria elementa figurarum delineationibus priora sunt, & principia ijs, quæ ex illis demonstrantur, hoc est, ipsis conclusionibus. Elementa autem dico punctum, lineam, superficiem. In Rhetoricis uerò orationibus proœmium, id est, exordiū narratione prius est: & in reipubl. administratione consilium actione. Quarto deinde modo prius id dicitur, quod melius est & honorabilius: & præstantius & dignius altero. Quo sanè modo solluna prior est, & anima corpore. Sed ut ipse Aristoteles ait, alienissimus hic modus est à significatione prioris. Siquidem isto modo (quod & Boethius approbare uidetur) quicumq; dignitate & reuerētia ceteris præcellūt, magis proprie uenerabiles & honorabiles dicuntur: ut uerò priores dicantur, abusio potius est, quàm ulla proprietas. Quintò demum prius dicitur alterū altero in ijs, quæ secundū subsistendi consequentiam conuertuntur: nempe illud quod alterius quomodolibet causa est & principiū:

ut

ut ueritas imagine, & lux ipso lumine siue splendore: & in orationibus prius quidē est rem ipsam subsistere, quā ueritas constet propositionis: ut si uerum est hominem esse, uera iam ea est oratio, quæ dicit, homo est. Ac rursus, si oratio uera est qua dicitur, homo est, uerum iam quoque est hominem esse: & tamen hominem esse, hoc est, eius rei subsistentia, causa insuper est, cur propositio de homine uera habeatur. Itaque rei subsistentia ueritate sermonis prior est.

RAIIANVS.

De modis prioris.) Hunc modum primum Aristoteles vocat præcipuum, quia ab hoc cæteri omnes denominantur, & quia, quoad sensum, notior est.

Secundo autē.) Secundo modo id est prius, quo posito non ponitur posterius, & quo interempto interimitur posterius: ut posito animali, non ponitur homo: & sublato animali, aufertur homo. Et generatim omne superius est prius secundo modo, si ad suum inferius referatur.

Tertio modo.) Tertio modo ea priora dicuntur, quæ ordine quodam doctrinæ præponuntur, ut sequentibus pleniorē adferant lucem. Sic in Geometria finitiones lineæ superficiē sunt priores.

Quarto deinde.) Hoc quarto modo id dicitur prius, quod præstantius est. Aristoteles vocat hunc modum alienum; quia non quatenus aliquid melius est, prius est, sed quia in eodem genere aliud præcedit. Author Simplicius.

Quinto demum.) Hoc modo hîc dicitur prius

h

natu

naturâ, quod cum alio conuertitur, & illius est causa.

GLAREANVS.

A quo non conuertitur.) Subsistendi consequentia dicitur, quando argumentamur ab vnius existentia ad alterius existentiam: vt, Homo est, ergo animal est. Sed non conuertitur: Animal est, ergo homo est. Quare animal prius est homine, & omne superius suo inferiore. Tamen nonnunquam subsistendi consequentia conuertitur: vt in his tribus, Animal rationale, homo, & risibile: sed duo & vnum non item.

In disciplinis quidem.) Faciliora exempla erant in Grammaticis & Dialecticis. Prius enim noscere oportet literas, quàm syllabas: deinde syllabas prius, quàm dictiones, aut orationes. In Dialecticis cognitio prædicabilium & prædicamentorum præcedit cognitionem propositionis. Propositionum cognitio prior est Syllogismo & Enthymemate.

*De tribus modis eorum, quæ
sunt simul.*

Simul autem dicuntur aliqua tribus modis. Primo quidem & simpliciter & propriè simul dicuntur, quorum generatio eodem fit tempore, ut gemini: qui ob id simul esse dicuntur, quòd unius temporis ortu editi sunt. Secundo uerò modo simul dicuntur, quæcunque ad se inuicem conuertuntur, sed ita, ut alterum alteri subsistendi neque causa sit, neque principium, ut duplum & dimidium.

dium. Etenim hæc ad se inuicem conuertuntur: quoniam si duplum est, dimidium est: & si dimidium, & duplum: & tamen neutrum alteri causa est, ut nec pater filio causa est ut sit, nec filius patri. Quod uerò dico, huiusmodi est: Aeneas habuit Ascanium filium, non tamen causa fuit ut filius esset, sed ut esset Ascanius. Sicut igitur filius dicitur quispiã, cum primum ei fuerit pater: ita & pater iam dicitur, cum primum ei fuerit filius. Tertio autem modo simul dicuntur, quæ ex eodem genere ex aduerso diuiduntur à se inuicem: ut homo & equus. Homo nanque & equus, quoniam sub eodem genere ponuntur, nempe animali, simul esse dicuntur. Eodem sanè modo & de cæteris speciebus dicendum, quæ sub eodem genere, uel hoc, uel alio ponuntur. Quo fit, ut omnes species eiusdem generis æquæ sibi sint, & generi illi æqualiter supponantur. Porro autem & differentie, quæ genus aliquod condiuidunt, simul esse dicuntur, ut rationale & irrationale. Sanè sciendum, quòd quæcunque secundo & tertio modo simul sunt, hæc natura simul dicuntur, primò modo simul dicuntur tempore.

RAIIANVS.

Primò quidem & simpliciter.) Quemadmodum id propriè prius est, quod tempore aliud antecedit: ita ea propriè dicuntur simul, quorum generatio in eodem est tempore.

Secundo verò modo.) Hic secundus modus differt à quinto modo prioris. Nam hîc alterum non est causa alterius, ibi verò alterum est causa alterius.

Vt nec pater.) Pater non est causa filij: id verum

h

2

est,

est, si spectes relationem, habitudinem, respectum. Nam omnis causa est prior suo effectui: pater autem quatenus patris nomenclaturam habet, ne momento quidem temporis prior filio intelligi potest. Substantia patris est causa substantiae filij. Nam res ea quæ pater est, prior est tempore substantia filij.

Tertio modo.) Hoc modo membra diuidentia aliquod totum, sunt simul, quatenus ad ipsum totum referuntur: ut ferum & mansuetum respectu animalis. Si verò alterum membrorum ad alterum referatur, ut ferum ad mansuetum, alterum potest esse prius altero.

GLAREANVS.

Quorum generatio.) Hoc exemplum fortassis non adeò aptum est, propter Eurysthenem & Proclum geminos, & Lacedæmoniorum reges, ut refert Herodotus lib. 6. Sed duo oculi, vel duæ aures simul esse possunt. Et subiectum cum propria passione, tempore simul sunt, quanuis subiectum prius natura.

Eodem sanè modo & de cæteris speciebus.) Species inter se alia aliâ perfectior & prior est: ut homo prior est equo & asino. Species comparatæ ad genus, coæquæ sunt. Cæterum tantus inter species est ordo (inquit Herphæus) ut non possint dari duæ species eiusdem perfectionis: quoniam si eiusdem perfectionis essent, essent eodem, siue idem. Quanquam hoc in confesso est, has perfectiones nobis non esse notas.

De sex speciebus motus.

Motus uerò species sex sunt: generatio, corruptio, augmentatio, diminutio, alteratio, secundum locum mutatio. Et generatio quidem motus est ad substantiam, cui opponitur corruptio, motus proinde à substantia. Augmentatio uerò motus ad quantitatem, cui diminutio opponitur, motus uidelicet quo acquisita iam antea, & paulatim aucta quantitas fit minör, deperditurque. Alteratio est, qua aut qualitas acquiritur, aut deperditur acquisita. Secundum locum uerò mutatio dicitur, quæ fit aut ad locum, aut circa locum: ad locum quidem, ut quæ secundum rectum fieri dicitur: circa locum uerò, quæ in gyrum siue in orbem. Omnium autem horum motuum ex aduerso quietem intelligimus, cum tamen in his speciebus motuum ipsi motus sibi inuicem contrarij sint, præter eum motum, qui circa locum fieri dictus est: ut est motus corporum cælestium, cui nullus motus contrarius est. Ceterum animaduertendum hoc est, haudquaquam absolum esse, quod dictum est, motum esse motui contrarium, & item quietem: quasi uerò duo iam unicontraria esse dixerimus, non unum uni, ut in *Physicis* Aristoteles docet. Quandoquidem id quod dictum est, secundum aliud, & item aliud fieri intelligitur, quemadmodum id Ioannes Damascenus in sua *Dialectica* subtilissime adnotauit. Nam eidem motui motus quidem opponitur, ut habitus & forma, siue actus: quies uerò, ut finis & priuatio.

RAIIANVS.

Motus uerò species sex sunt.) Motus ut res diuersorum prædicamentorum comitatur, ad *Dialecticum* pertinet: sed ut est actus corporis mobilis,

bilis, ad Physicum pertinet. Motus hoc loco sumitur pro mutatione. Nam motus ut propriè & strictim sumitur, tres tantum habet species: augmentationem, diminutionem, alterationem, motum localem. Videndus est Aristoteles 2. cap. 5. lib. Auscultatoriorum.

Cæterum.) Occurrit tacitæ obiectioni: Motus est contrarius motui: & quies motui contraria est: ergo plura erunt contraria vni. Respondet, non esse incommodum, plura esse vni contraria secundum diuersa. Motus est contrarius motui, ut habitus habitui: sed quies est contraria motui, ut priuatio habitui.

GLAREANVS.

Secundum locum verò mutatio dic.) Nota: Motus in quatuor inuenitur prædicamentis: nam generatio & corruptio pertinent ad substantiam, augmentatio & diminutio ad quantitatem, alteratio ad qualitatem, loci mutatio ad vbi.

De octo habendi modis.

HAbere quoque multis modis dicitur. Nam habere quis dicitur, aut ut qualitatem aliquam, ut scientiam uel uirtutem: aut ut quantitatem, magnitudinemue, & hanc quidem uel bicubitam, uel tricubitam, aut alias quantamcunque: aut ea quæ circa corpus sunt, ut uestimentum, cuiusmodi est subucula uel penula: aut ut in parte aliqua corporis, ut in digito annulum, uel torquem in collo: aut ut partem aliquam sui, nempe ma-
num

num uel pedem, uel caput: aut ut in uase, quemadmodum modius dicitur habere triticum, & lagena uinum, & amphora aquam, ut sit habere pro continere: aut ut possessionem, quomodo dicitur aliquis domum habere uel praedium: aut ut uxorem, quemadmodum uir uxorem habere dicitur. Sed ut Aristoteles quoque ait, idque per iocum, (ut uidetur) alienissimus hic habendi modus est: siquidem nihil aliud est uirum habere uxorem, quàm eidem cohabitare. Ideò autem hunc habendi modum improprie dictum putant multi docti, ac per hoc penè respuunt, quòd aiunt non haberi posse, quod habentem habeat: sed multò rectius dici, uiro mulierem esse, & pari uice mulieri uirum.

RAIIANVS.

Habere quoque.) Varius & multiplex est usus huius verbi habere: ideo ne aliquid erroris in vocabulo relinquatur, eius enumerat potestates. Habere ut refertur ad suas species, ut armatum esse, calceatum esse, genus est: sed ut complectitur hos omnes modos, multiplex uidetur. Aristoteles hunc modum alienissimū vocat, quia in aliis modis id quod habet, non dicitur vicissim haberi ab eo quod habet: ut habens annulum, non habetur vicissim ab annulo. Sed ut vir habet uxorem, ita etiam uxor uiri. Paulò tamē eruditius dicemus, Viro est uxor, & uxori est uir. Illud tanquam appendicem praedicationum adiiciemus, geminam eorum potissimū esse utilitatem. Hinc enim omnium rerum in uniuersa natura ordo facile cognoscitur: hinc etiam vocum finitiones, si quādo de earum vi & potestate

dubitetur, petuntur. Prædicamenta enim quæ voces cum quibus cognationem habeant, ostendunt. Quintilianus libro tertio capite sexto locos statuū fecisse videtur. Omnis quæstio proposita, per hæc duci potest: Quid, quale, quantum id, de quo quæritur, sit.

GLAREANVS.


Ideo autem hunc habendi modum) Habere qualitatem, est affici qualitate: habere quantitatem, est mensurari quantitate. Cæterum in Latina lingua hi modi non habentur. Circa corpus autem, quæ propter necessitatem sunt, constituunt tertium modum, qui est prædicamentum: quæ verò ornamentum, quartum.

IN

IN TRACTATVM

TERTIVM PRÆFATIO

BREVIVSCVLA. cap. 1



Expedita utcunque à nobis in prioribus duobus libris, siue tractatibus, et parte Dialectica, quā Elementariam uocant, utpote quæ Prædicabilia tantum et Prædicamenta, simplices quidem uoces, cōplectatur: sequitur hinc tractatus tertius de propositione, quæ et ipsa huius artis pars quædam est: quippe quæ prima ex simplicibus illis et incomplexis uocibus, perfecta constituitur oratio. Atque qui huius quoniam nomen et uerbum partes sunt, et hæc ipsa per uocem definiuntur: à uoce haud ab re huius tractatus exordium sumere licebit.

RATIANVS

Expedita utcunq; Voces simplices enunciationem constituunt: explicatis itaq; uocibus simplicibus, de Enunciatione dicendum est. Huius tractatus tertij scopus est, naturam propositionis planam facere. Cuius mirifica est utilitas. Nam in omni controuersia, negotio, oratione, epistola, constituenda est aliqua propositio, in qua eius negotij summam, de qua loquimur, comprehendamus. In oratione pro Cælio: Nemo studiosus est deditus voluptati. In causa Miloniana, Omnis insidiator est iure occidendus. Et apud bonos authores sexcenta de eo genere reperire licet. Cæsarius in hac præfatione tres Diale-

h s etica

quædam D
ne rursus offe
Dialectica
partes huius
mentione
Elementaria
cu ipsa tantum
subiungitur
contineatur

ne in scopu
vbi propositio
proponitur
facit.

Utilitas pro
positionum
mirifica.

Quæ

Argumentum huius
træ quas dia
lectica pan
vnde et
iudiciu
et inuen
hōnem

ctica partes, inuentionem, iudicium, elementariam constituere videtur. Sed elementaria sub inuentione cōtinetur. Nam quinq; vocum tractatus docet, quæ voces cum quibus cognationem habeant: & in syllogismo medius terminus cum subiecto probanda conclusionis cohæret. Quinque vocum ergo tractatio inuentionem termini mediij iuuat.

GLAREANVS.

Atqui huius quoniam nomen & verb.) Quæ sequuntur, ex Petro Hispano sunt, qui propè elegantio-
rem dat rationem. Nam vt auditores faceret attētos & beneuolos, ponit quid sit Dialectica. Dialectica est, inquit, ars artium, scientia scientiarum, ad omnium methodorum principia viam habens. Sola enim Dialectica probabiliter disputat de principiis omnium aliarum scientiarum: ergo prima debet esse. Verum quòd disputatio non potest esse absque sermone, & sermo non absque voce, neque vox absque sono, ideò à sono incipiendum. Hæc ille. Cæterum Aristoteles lib. 2. de Anima, ita definit vocem: Vox est, inquit, percussio aeris respirati ab anima, ad vocalem arteriam facta, cum imagine significandi. Est autem hæc Aristotelis definitio causalis, vt illa: Dies est latitudo Solis super hemisphæriū: percussio, causa formalis: aeris respirati, causa materialis: facta ad vocalem arteriam ab anima, causa efficiens: cum imagine significandi, causa finalis.

Quid

TRACTATUS III.

Quid sit vox, cum etiam quid sonus.

Vox igitur est, ut à nonnullis definitur philosophis, ex iectu aeris elicitā qualitas, auribus accidēs. A re cētioribus autem, & ijs quidem, qui superioribus aliquot annis circa hanc artem uersati sunt, magis conuenienter accommodatēque ad hunc locum hoc pacto definitur: Vox est sonus, qui ab ore animalis proficiscitur, certis quibusdam naturæ instrumentis formatus. Sonus item ab eisdem quoque definitur, quicquid propriè & per se auditu percipitur. Itaque uox sonus est, non quilibet, sed qui (ut dictum est) ab ore animalis proficiscitur, formatūrque inter cetera certis quibusdam naturæ instrumentis, quæ quidem sunt guttur, lingua, palatum, primores quatuor dentes, & labia duo, quibus à quibusdam additur & pulmo. Nam per guttur uocalis arteria intelligitur, quæ & spiritalis fistula appellatur. Ex quo iam liquidò patet, quòd neque manuum ad se inuicem complosus, neq; pedum strepitus, aut fragor arborum, & in nubibus tonitrus, uoces ullo modo dici debent. Quin & ob eandem fortassis causam neque tuſſis, neq; excreatio, & si quid huiusmodi est, uoces propriè dici possunt, licet de animantis ore prodeant.

RAIIANVS.

Vox igitur.) Methodus omninò Cæsarius progreditur, quod & scribenti & docēti in primis curæ esse debet. Dicturus de nomine, verbo, oratione, quæ voces sunt, prius docet quid vox, & quæ eius diuisio. Quæ omnia, etsi ad naturalem philosophum pertinent potiùs, quàm ad Dialecticum: hîc tamen quatenus huic instituto utile est, breuiter & in trās-

enarranda sunt. Tria ad vocis finitionem necessaria sunt: Percutiens, scilicet anima: percussum, scilicet aer respiratione attractus: & id ad quod fit percussio, scilicet arteria vocalis. Videndus est Aristoteles octauo cap. 2. libri de Anima: & nono capit. tertij libri de hiltoria Animalium.

Sonus item.) Huius ratio est, quia sonus est proprium obiectum auditus. Vt sonus edatur, tria concurrant necesse est: corpus percutiens, percussum, & aer motus vel collisus.

Nam per guttur.) Arteria vocalis est conceptaculum spiritus naturalis misti: in quo plus spiritus est quam sanguinis: contrà, vena est cōceptaculum sanguinis, quod αγγειον medici vocant, misti confusique cum spiritu naturali, in quo plus sanguinis est, minus spiritus. Videndus est Aulus Gellius libr. decimo octauo, capite nono.

Debent.) Quia non formantur omnibus naturalibus instrumentis.

Quin &.) Rationē huius reddit Aristoteles: quia omnis vox est sonus significans naturaliter, vel ad placitum.

GLAREANVS.

Vox sonus est non quilibet.) Versus vulgares sunt de nouem vocis instrumentis,

Instrumenta nouem sunt, guttur, lingua, palatum,

Quattuor & dentes, & duo labra simul.

Sonus item ab eisdem quoque definit.) Omnium sensuū est aliquod obiectum. Visus, color, auditus, sonus, gustus, sapor, olfactus, odor, tactus, quatuor qualitates

qualitates primæ: calor, frigus, humor, siccitas, atque ea quæ eas proximè contingunt: asperum, leue, molle, durum, &c. Cōmunia verò obiecta sunt quinque: Magnitudo, quies, numerus, motus, figura.

De vocis diuisione.

Vocum autem alia quidem significatiua est, alia uerò non significatiua. Porro significatiua uox ea dicitur, quæ per auditum aliquid intellectui repræsentat. Nō significatiua autem, quæ nihil omninò significat, ut quæ neque naturaliter, neque secundum placitum apud intellectum quicquam constituit: ut literæ propemodum, & syllabæ. Itaque bisariam uox significare dicitur, tum naturaliter, tum secundum placitum. Naturaliter quidem uox significare dicitur, quæ naturalem duntaxat affectum animi monstrat: ut est dolor, aut gaudium, cuiusmodi sanè uoces sunt gemitus ægrotantium, & lugentium eiulatus, insolentium item cachinnus & risus indecēs, tum bonorum cuiusque animalium uox propria. Secundum placitum autem, quæcunque ex impositione rem aliquam designat, ut sua uniuscuiusque gētis lingua siue loquela, qua quis utitur, quoties alteri indicare uolet, quicquid animo conceperit. Hæc rursus diuiditur: Alia nanque tempus secum ad significationem trahit, ut ambulo: alia præter tempus significat, ut homo. Cæterum hæc nomen, illa uerò uerbum apud Dialecticos appellatur, ex quorum utriusque debita complexione uox constituitur, quæ oratio dicitur, uox proinde complexa: ut tam nomen quàm uerbum, uox incomplexa. At de nomine quidem primùm hîc dicamus oportet.

RAIANVS.

Vocum autem.) Prima diuisio vocum: Alia significat determinatū aliquid, vt virtus, homo: alia nihil determinatè, vt voces infantium, ebriosorum.

Itaque bifariam.) Secunda diuisio: Vocum significatiuarum alia significat naturaliter, vt quæ apud omnes homines idem significat, vt gemitus ægroti: alia ex arbitrio imponentis, vt scientia.

Hæc rursus.) Tertia diuisio: Vocum significatiuarum ex impositione alia significat cum tempore, vt lego, alia sine tempore, vt fortitudo.

GLAREANVS.

Typus

Typus huius capitis.

Non vox: est qui generatur ex collisione duorum corporu inanimatoru: vt fragor arboru: strepitus pedu

Non significativa, quae auditui nostro nihil representat: vt, Bu, ba, buff.

Naturaliter, quae apud omnes homines idem representat: vt gemitus infirmorum, latatus canum.

Sonus est, quicquid proprie ab auditu percipitur: cuius alius est

Vox est sonus ab oratione animalis prolatus, naturalibus instrumentis formatus: cuius alia

Significativa, quae auditui nostro aliquid representat. Huius alia est significativa

Ad placitum, quae ad voluntatem primi influentis aliquid significat. Huius alia est

Incomplexa. res: eius duae par

Nomen Verbum.

Complexa. & vocatur oratio. Et est duplex:

Perfecta. ea est multiplex:

Imperfecta: vt Albus homino.

Indicativa. & vocatur propositio. Ea duplex est:

Imperativa. Deprecativa. Optativa.

Categoria: vt, Homo currit.

Hypothetica: vt si homo currit, homo movetur.

De nomine.

Nomen itaque uox est significatiua, secundum placitum, sine tēpore, cuius nulla pars significatiua est separata, finitum aliquid designans, & casus recti. Sanē in hac definitione uox generis locum obtinet, utpote pluribus communis. Significatiua, deinde adiectum est: nam sunt & uoces, quæ nihil significant. Rursus secundū placitum, quòd sint uoces, quæ naturaliter tantum significāt. Sine tempore autem, quoniam uerba quoq; uoces sunt significatiuæ secundum placitum: sed distant à nominibus, quòd nomina quidem sine tempore, uerba autem cum tempore significant. Adiectum præterea est, cuius nulla pars significatiua est separata, propter rationem, siquidem huius partes utique & separatæ significāt, ut mox dicetur. Postremò autem adpositæ sunt particulae duæ, una quidē, nempe finitum aliquid designans, propter nomina infinita: altera uerò quæ quidē est & recti casus, propter nominum obliquos casus: qui quoniam cum E S T uerbo copulati, plenam absolutamque sententiam explicare nō possunt, non nomina, sed casus nominum iure nuncupantur: ut non rectē dixeris, demonstrato quopiam, Catonis est, Catoni est, aut Catonem est: sed Cato est.

R A I I A N V S.

Nomen itaque.) Explicatis communibus, ex quibus colliguntur genus & differentia nominis, integram conficit nominis finitionem. Nobile est caput apud Aristotelem 14.2. libr. posteriorū, quo docet finitionem ex diuisione inuestigādā esse: quod Dialectices candidatis etiam atq; etiam cōmendo.

Caterūm

Cæterum ut huic loco lucis aliquid adferamus, sciendum est, authores in disciplinis tradendis duplicem viam observare consuevisse: aut à toto ad partes progrediuntur, & hæc dicitur resolutoria, qua Aristoteles in libris priorum usus est: aut contrà à partibus ad totum, & est compositoria, qua Aristoteles in libro de Interpretatione usus est. Et cum hîc secutus est Cæsarius. Ex partibus enim nominis inuestigavit nominis finitionem. Deinde ex finitione nominis & verbi inquit orationis finitionem: Cæsarius singulas particulas finitionis nominis satis accuratè enarrat.

Ait aut secundum plac.) Plato in Cratylo existimat, nomina simpliciter significare naturaliter, quia sunt naturales rerum similitudines. Ammonius verò putat nomina esse naturalia, quoad etymologiam: Quia nomina à proprietate in re ipsa reperta, imposita sunt. Sed si spectemus significationem, ex institutione significant. Aristoteles verò vult, nomina significare ex impositione: quia ab arbitrio imponentis ad significandum imponuntur.

Nempe finitum.) Ita colligit: Omne nomen significat rem certam: nomen infinitum non significat rem certam: ergo non est nomen.

Alter.) Omne nomen, si ei addatur verbum, efficit orationem veram aut falsam: sed casus nominis, verbo ei addito, non efficit orationem veram aut falsam: ergo casus nominis non est nomen.

CLAREANVS.

Adiectum præterea est, cuius nulla pars.) Quic-
quid

quid minùs significat quàm dictio, nihil significat: Sed nominis partes minus significant quàm dictio: Ergo nihil significant. Et ratio est, quia dictio primariè posita est, vt aliquid significaret: neque quicquam est quod significat, nisi quod positum est primum ad significandum. Partes itaque compositi, in quantum partes compositi, nihil significant: per se autem, benè significant.

Nota quòd triplex est negatio. Negans, quæ cadit super copulam propositionis, separátque prædicatum à subiecto: vt, Homo non est alinus. de qua dici solet, Negatio est malignantis naturæ: quicquid post se inuenit, hoc totum destruit, & oppositum eius inducit. Negatio priuans est, quæ remouet formam à subiecto apto nato: id est, quæ tollit habitum, & derelinquit subiectum cum aptitudine: dicitúrque tantum de ente, vt cæcus, iniustus. Chimæra enim non dicitur cæca, sed neque lapis. Negatio infinitans est, quæ tollit determinationem, & significare facit communissimum entis conceptum. Significat enim non homo, omne ens quod non est homo, nullum tamen determinatè. Præterea hæc negatio cum coniuncto componitur: id est, cum nomine cui iungitur, fit vna orationis pars (nam non homo, est velut vna dictio) quod non facit negatio negans.

De Verbo.

Verbum autem est vox significatiua secundum placitum, cum tempore, cuius nulla pars significatiua est separata,

separata, finitum aliquid designans, & casus recti. Quæ quidem uerbi definitio, præter particulam, cum tempore, omnia cum nomine habet communia. Siquidem id uerbi proprium est, significare, inquam, cum tempore. Ergo quod & participium cum tempore significat, hoc à uerbo habet, unde deducitur. Neque uerò mouebit quempiam, quod ex nominibus quidem ipsis quædam etiam tempus significant, ut annus, mensis, dies: attamen nullum eorum tempus consignificat, quemadmodum Aristoteles ait. Cæterum ut nomina finita sunt ac infinita, ita ex uerbis quoque alia finita sunt, alia infinita: finita, ut ambulo, disputo: infinita uerò, ut non ambulo, non disputo. Rursus & de casibus uerborum haud secus ac de casibus nominum dicere par est: quippe ut nominum casus dicuntur, qui ab ipso recto flectuntur: ita casus uerborum appellari possunt, qui à temporis præsentis & modi indicatiui significatione diuariant. Verbum igitur secundum Dialecticos id solum esse dicitur, quod temporis præsentis est, & modi indicatiui.

RAIIANVS.

De verbo.) Aristoteles breuitatis amator, in finitione uerbi omisit eas particulas, quæ erant uerbo cum nomine communes. Differt uerbum à participio, quia uerbum semper à parte prædicati intelligitur, participium tam à parte prædicati quàm subiecti.

Neque uerò.) Submotio obiectionis. Quædam nomina tempus significant ex primaria significatione, ut annus, dies, mensis: sed non significant cum tempore. Est autem significare cum tempore

præter præcipuam significationem, temporis differentiam significare. Quod verbi proprium est: ut studeo, præter actum studendi significat tempus præsens.

Verbum igitur.) Angustius hîc sumitur verbum pro eo, quod modi indicatiui & præsentis est temporis: aliquando tamen latius etiam sumitur.

Cæterum.) Verba quibus extra propositionem negatio à fronte additur, vulgò infinita vocantur: ut, non ambulo. Quæ eadem si sumantur in propositione, negata dicuntur.

Vtrum Nomen & Verbum apud Dialecticos solæ partes orationis sint.

EXposita eatenus tam nominis, quàm uerbi ratione, quatenus id ipsum Dialecticorum usus postulat, occurrit non temere quæstio illa, hoc in loco nunc etiam considerata, quæ à plerisque proponi solet, Vtrum scilicet nomē atque uerbum solæ apud Dialecticos orationis partes sint: cū tamen ab ipsis Grammaticis octo huiusmodi constituentur partes. Sanè huius quæstionis nodum D. Seuerinus Boëthius, uir profectò tantus in Latina philosophia, quantus inter ipsos Latinos in arte oratoria M. Cicero, his uerbis ita dissoluit breuissimè: Grammatici enim (inquit) figuras tantummodo uocum considerantes, octo proinde orationis partes connumerant: Philosophi autem atque Dialectici, quoniam omnis eorum intentio circa ueritatem, falsitatemque locutionis uersatur, atque ea ex nomine, uerbóque plenissimè constat, duas tantum
oratio

orationis partes admittunt, easque nomen & uerbum esse docuerunt. Cetera uerò non partes, sed orationis supplementa, & ueluti colligamenta quædam appellant, quemadmodum in quadrigis fræna & lora, & in nauibus tabulæ & trabes. Non aliter autem de his sentit & Priscianus ille Grammaticus libro 11. de Participio: Quibusdam (inquit) philosophis placuit nomen & uerbum solas esse partes orationis: cetera uerò adminicula & iuncturas earum: quomodo nauium partes sunt tabulæ & trabes. Sed nunc ad orationem transeamus.

RAIANVS.

Philosophi.) Dissolutio huius quæstionis: Ex nomine & verbo perfecta constituitur oratio, ueritatem vel falsitatem significans, quæ duo potissimum proposita sunt Dialectico. Quocirca nomen & uerbum solæ habentur partes orationis apud Dialecticos.

GLAREANVS.

Utrum nomen & uerbum.) Vide Laurentium Vallam lib. 2. Dialectices, cap. 1. ex Quintiliani lib. 1. cap. 6. aut septimo. Meminit & Priscianus libro 2. de Oratione & eius partibus. Sed notandum: Quicquid potest esse subiectum aut prædicatum propositionis significantis uerum vel falsum, potest esse pars orationis apud Dialecticos.

Duas tantum orationis partes.) Reliquas enim partes consignificatiuas vocat. Sanè pronomen est uelut nomen. Aduerbium est uerbi determinatio, id est, declaratio. Sic interiectio. Participium, ve-

lut adiectiuum. Præpositiones, velut famuli, aut determinationes aliarum partium. Denique coniunctiones, velut iuncturæ propositionum, maxime hypotheticarum.

De oratione.

O Ratio est uox significatiua secundum placitum, cuius partes extra aliquid significant & separatæ. Ad hunc sanè modum à Dialecticis oratio definitur. Cuius quidem definitionis intellectum facile est ex superioribus colligere. Nam quòd oratio ipsa uox est, quòd significatiua uox, quòdque item significatiua secundum placitum, id cum nomine atque uerbo commune habet. Cuius enim partes secundum placitum significant, ipsum quoque secundum placitum significatiuum est. Differt autem ab utroque, quoniam nominis quidem & uerbi partes separatæ nihil significant, ac ne in compositis quidem, ut & Aristoteli placet: quamuis id tamen uideri uelint, ob dictionis figuram. sed tali uoci siue dictioni res ipsa repugnat, nempe suapte natura simplex & una: ut animalis nomen, quod Græcis τραγέλαφος dicitur, Latinis uerò hircocerus dici potest, ab hirci ceruique similitudine. Nam cum cerui speciem habeat, authore Plinio, ab eo tamen barba & armorum uillo distat solùm, in quo cum hircoco quadantenus conuenit: unde & nomen ei est ex utroque compositum. At uerò orationis partes multò aliter sese habent: quippe quæ & extra ipsam significare possunt: ut uerbi causa, huius orationis, Plato disputat, tam nomen ipsum, quod quid Plato est, quàm uerbum disputat, partes nimirum seorsum utique & separatim omnino aliquid significant.

Oratio est vox.) Potest nunc quivis nullo negotio orationis finitionem intelligere. Unica enim particula distat à nominis & verbi descriptionibus. Orationis partes significant separata, nominis & verbi minimè.

Secundum placitum.) Plato in Cratylo sic suadere conatur orationem significare naturaliter: Omne instrumentum quo mentis sensa exprimimus, naturaliter significat: Atqui oratio est instrumentum, quo mentis sensa exprimimus: ergo secundum naturam significat. Hic syllogismus sic est diluendus: Omne instrumentum proximum, quo animi sensum evoluimus, naturaliter significat: sed oratio est instrumentum secundarium & remotum.

Ac ne.) A maiore Aristoteles colligit: Partes nominis compositæ figuræ videntur potius significare per se, quàm partes nominis simplicis: sed partes nominis compositæ figuræ per se non significant ergo multo minùs partes nominis simplicis.

Differt autem ab utroque.) Partes nominis simplicis nihil significant simpliciter: At nominis compositi partes nihil significant secundum quid: nam si capiantur ut partes nominis compositi, nihil significant: quia hoc solum significat, quod institutum est ad significandum. Pars autem, ut pars est, non est instituta ad significandum. At si capiuntur, ut dictiones per se, sic etiam significant. Sed

demum inter Latinos præsertim Propositio dicta est, qua etiam appellatione communis Dialecticorum schola nunc passim utitur.

R A I I A N V S.

De orationis diuisione.) Prima diuisio orationis generatim sumptæ.

G L A R E A N V S.

De diuisione oratio.) Diuisio orationis est in hoc capite plusquam clarè posita. Vbi notandum, Dialectico nullam orationem esse aptam, nisi quæ sit perfecta: id est, perfectum sensum in animo audientis relinquens.

Qua etiam appellatione communis.) Aulus Gellius lib. 16. cap. 8. ait Græcos ἀξιωμα vocare; quod Varro proloquium definiuerit, sententiam, in qua nihil desideretur: à Cicerone autem pronunciatum. Hæc Gellius.

De diuisione orationis perfectæ.

Orationum perfectarum alia deprecatiua est: ut, Iuppiter omnipotens, precibus si flecteris ullis. Da deinde auxilium pater, atque hæc omnia firma. Alia imperatiua, ut: Vade agè nate, uoca Zephyros, & labere pennis. Alia interrogatiua, ut: Dic mihi Damoceta, cuium pecus? an Melibœi? Alia uocatiua, ut: Huc ades ô Melibœe. Alia enunciativa, ut: Principiò arboribus uaria est natura creandis. Præter has autem quinque perfectæ orationis species, sunt qui duas alias addant, nempe optatiuam & subiunctiuam. Optatiuam, ut: O mihi præteritos referat

i s si Iup

si Iuppiter annos. Subiunctiuam, ut, Si foetura gregē suppleuerit, aureus esto. Verum enim uerò huiuscemodi orationum siue quinque, siue septem species constituas, ea tamen sola, quæ enunciatiua siue indicatiua dicitur, propositio est: quippe quæ uel esse aliquid, uel non esse designet, & in qua aut ueritas, aut falsitas inueniatur. Reliquæ uerò poetis atque oratoribus ad affectus uarios mouendos magis accommodatæ uidentur.

RAIANVS.

Orationū perfectæ.) Secunda diuisio: Oratio perfecta alia est enunciatiua, alia non enunciatiua.

Enunciatiua.) Dicta est oratio enunciatiua uel indicatiua, quia enunciat & indicat ueritatem aut falsitatem.

GLAREANVS.

De diuisione orationis perfectæ.) Inter orationes omnium modorum, sola oratio per indicatiuū uerbum constituta, Dialectico est utilis: reliquæ poetis ac oratoribus conueniunt.

De propositione cuiusque secundum substantiam diuisione: cum quid subiectum, & quid prædicatum.

Propositio est oratio, uerum uel falsum significans. Eius uerò prima, & quidem secundum substantiam, diuuisio hæc est: Propositionum alia Categorica est, alia Hypothesica. At de hypothesica quidem aliàs, interim de Categorica (ut cœpimus) prosequamur. Hæc autem est, quæ duobus terminis perficitur, subiecto scilicet & prædicato:

dicato: hoc est, quæ simplicissimè constat ex nomine casus recti, eodèque finitio, & uerbo modi indicatiui, ut Aristoteles docet. Sunt qui præter duos dictos terminos, tertiam his ueluti partem adiiciant, nempe copulam (quam uocant) uerbalem. Et proinde propositionem huiusmodi hoc pacto illi definiunt: *Propositio Categorica est, quæ habet subiectum, prædicatū, & copulam principales partes sui: ut huius propositionis, Aristoteles docet, subiectus quidem terminus est Aristoteles, prædicatus uerò uerbum docet, & quod alterum cum altero coniungit: copula (ut dictum est) à recentioribus uocatur. Quam iidem deinde per resolutionem uerbi adiectiui, si quod in huiusmodi propositione prædicatur, ut eius uerbi docet, prodiac patere aiunt, si ita ipsam propositionem protuleris, Aristoteles est docens. Huius quippe propositionis Aristoteles subiectum est, docens prædicatum, est uerò uerbum copula: quasi uerò hoc totum est docens, non multò rectius prædicatum diceretur. Subiectum porro id esse dicitur, de quo aliquid prædicatur: prædicatum uerò, quod dicitur de subiecto. Cæterum quæ Categorica dicta est propositio uoce Græcanica, Latina à prædicando prædicatiua seu prædicatoria dici potest, quando eadem utrobique significatio est: quippe quod Latinis prædico, hoc Græcis est κατηγορέω: quod uerbum etsi aliàs accuso significat Græcis hominibus, apud philosophos tamen pro prædico accipitur. Vnde κατηγορίαι Prædicamenta dicuntur, de quibus tractatu superiori transseginus.*

R A I I A N V S.

Propositio est oratio.) Appositè assignauit finitionem

tionem propositionis per verū & falsum, quia sunt finis propositionis. Sæpè autem finitiones constant causa finali.

Eius verò.) Prima hæc diuisio vocatur secūdum substantiam, quia in hac diuisione spectamus terminos simplices, à quibus totius propositionis substantia (si ita loqui liceat) pendet.

Sunt qui.) Cæsarius reprehendit eos, qui existimant verbum substantiuum est, esse partem propositionis distinctam à subiecto & prædicato, quod perspicue falsum est. Vt enim compositum naturale (si liceat magna paruis conferre) componitur ex duabus partibus, scilicet materia & forma: sic propositio cōstat ex subiecto tanquam materia, & prædicato tanquam forma.

GLAR

Propositio
trifariam
diuiditur,
nempe vel
secundum

Substantiam:
ea duplex est

Categorica, quæ constat ex subiecto & prædicato: vt, Plato disputat.

Hypothetica, quæ ex duab. constituitur Categoricis, adiecta cōiunctione. de ea tractatu 4.

Conditionalis, quæ duas cōnectit Categoricas per Si: vt, Si Socrates currit, Socrates mouetur.

Copulatiua, quæ duas cōnectit Categoricas per Et: vt, Et dies est, & lux est.

Disiunctiua, quæ duas cōnectit Categoricas per aut: vt, Aut dies est, aut nox.

Et triplex est:

Qualitatem:
Et ea quoque
duplex est:

Affirmatiua, in qua prædicatum de subiecto confirmatur: vt Socrates currit, Homo est iustus.

Negatiua, in qua prædicatū de subiecto negatur: vt, Socrates non currit, Homo non est iustus.

Vniuersalis, quæ aut omni, aut nullo inesse dicit: vt, Omnis homo est animal, Nullus homo est lapis.

Particularis, quæ aut alicui, aut nō alicui inesse dicit: vt quidam homo est iustus, Quidam homo non est iustus.

Indefinita, quæ inesse aut non inesse significat, sine signo: vt, Homo est animal, Homo non est lapis.

Singularis, in qua de indiuiduo aliquid dicitur: vt, Socrates est homo, Socrates non est lapis. Hanc Aristoteles sub indefinita comprehendere videtur.

Quantitatem:
ea verò quadruplex est:

Vtrum

*Utrum non nisi ex nomine & uerbo perfecta
consistat oratio, an ex solo etiam uerbo
consistere aliquando possit.*

SED & hoc loco questio suboritur non incōmodè, utrū
haud unquam aliter, quàm ex nomine & uerbo, plena
& perfecta oratio, cuiusmodi propositio est, constare
queat: an ex solo etiam uerbo aliquando? Huic sanè quæ-
stioni ita Martianus Capella occurrit: Quoties (inquit)
uerbum primæ uel secūda personæ fuerit, quia per ipsum
iā aliquid significatur, quod uel negari uel affirmari pos-
sit, simul & in hominem tantū cadat, & hunc quidem
certum: utique ex solo ad hunc modum uerbo perfecta o-
ratio & propositio haberi potest: ut, disputo, aut disputas.
Quippe ut in horum altero, quod quidem primæ per-
sonæ est, subauditur protinus pronomen ego, ac per hoc
plenum per se est, atque ueritati aut falsitati æque obno-
xium: ita in altero, quod est personæ secundæ, facile intel-
ligitur tu pronomen. Vnde tantundem penè ualet, cū di-
citur, disputo, uel disputas: quantum si dixeris, ego dispu-
to, uel tu disputas: hoc excepto, quod quoties istiusmodi
pronominum expressio fit, toties uel emphasis notatur, uel
discretio aliqua intelligitur. Tertia uerò uerbi persona,
quia non hominis tantū est, sed aliarum etiam rerum, &
simulac dicta fuerit, non continuò intelligitur, de quo di-
catur, ita ut aut affirmari, aut negari possit, idcirco neque
ueritati, neque falsitati obnoxia est: quare nec propositio
ex ea sola constare unquam potest, nisi fortè de eo dicatur,
de quo solo intelligi potest id quod dicitur: ut cū dici-
mus, Pluit aut ningit, hoc quod dicitur, pluit aut ningit,
utrunque

utrūque aut uerum esse potest, aut falsum, & per hoc negari aut affirmari, licet nihil addamus, quia notum est, qui pluat aut ningat, nempe Deus aut natura. Cum uero dicimus, disputat, aut legit, aut loquitur, in nullo horum certum aliquid intelligitur. Quapropter nec uerum, nec falsum dici potest, quamuis etiam de homine intelligi possit quod dicitur, disputat: aut legit, aut loquitur: quia tamen non de uno certo aliquo dici potest, idcirco subdendum est nomen alicuius hominis, ut plenum sit quod dicitur. Prima igitur & secunda uerbi persona, quia de homine tantum etiam certo intelliguntur, idcirco solæ dictæ possunt aut uerū aut falsum significare. Tertia uero persona uerbi, ut nec de solo intelligitur homine, ita nec sola dici potest: ac per hoc nec ex sola, nisi admodum rarenter (ut dictum est) propositio constitui potest.

RAIIANVS.

Sed & hoc loco.) Hæc quæstio ex superioribus nascitur: dictum est enim, ex nomine & verbo perfectam constare orationem.

Vt disputo, aut disputas.) Huic loco ex perpendiculo repugnare videtur Aristoteles quarto cap. i. lib. de interpretatione. Quo loco scribit, nomen & uerbum dictionem esse solum. Quocirca ex hoc uerbo, disputo, oratio constitui non potest. Id sic dissoluitur: Nomen aut uerbum ut per se inspicitur, & nihil intelligitur, est tanquam dictio: sed ut aliquid subauditur, oratio esse potest. Quemadmodum Quintilianus libr. i. capi. de virtutibus & uitiis orationis ait: Solæcismus constat vno uerbo, non tamen solo uerbo, nisi ad aliud referatur.

Idcirco

Idcirco subdendum.) Mea quidem sententia, locus hic non est ita strictim intelligendus: ut in verbis secundæ & tertiæ personæ, quorum actio soli vni conuenit, necesse sit certum & singulare subiectum exprimere, ut perfecta constituatur oratio. Quinimò existimo hanc esse perfectam orationem, legis, legit, sine vlla hominis expressione. Nisi enim hoc fateamur, nō sibi constabit Cæsarius: hoc enim eodem capite dixit, disputo, disputas, esse perfectam orationem.

GLAREANVS.

Vtrum non nisi ex nomine.) Eadem dubitatio est de illis propositionibus, Deus est, homo est: quas nostri vocant de Est secundo adiacente, quando nulum sequitur nomen post est. Verum quia significat verum & falsum, igitur sunt propositiones. De tertio autem adiacente vocant propositiones, in quibus post Est sequitur nomen: ut, Homo est animal.

Vtrum quoties ex nomine & verbo propositio constituitur, ipsum nomen non alterius quam recti casus esse possit.

Rursus & alia nunc questio emergit: præcedēti baud multū absimilis, quæ huiusmodi est: Vtrum nomen, ex quo cum uerbo propositio conficitur, solum recti casus esse debeat, an alterius quoque cuiuslibet obliqui casus esse possit. Huic quoque dubitationi idem Martianus subtiliter obueniens, ad hunc modū respōdet breuissimè: Vbi uerò uerba (inquit) illa sunt, quæ impersonalia dicuntur, nō iam ex recto casu sententia impletur, fitq; propositio, sed
alios

alios casus recipit : ut disputatur , cū dicitur , ut est impersonale uerbum , plena omnino sententia est : si ablatiuum adiungas , & per hoc affirmari aut negari potest : ut est , à Cicerone disputatur , à Cicerone non disputatur . Et poenitet cū dicitur , plena quoque sententia est : si accusatiuum iungas , ut est , Ciceronem poenitet : atque de alijs quoque impersonalibus uerbis , quæ uel cum eisdem , uel cum alijs construuntur casibus , ad hunc modum dicendum est . Vt igitur quoties personale uerbum est , ex quo cum nomine propositio constituitur , ipsum nomen recti casus esse oportet : ita non minus necesse est , quoties uerbum impersonale fuerit , ut sit nomen casus obliqui , natura uerbi id ita exigente . Sed iam ad institutum reuertamur , & quonam modo propositio secundum qualitatem diuidatur , deinceps dicamus .

RAIIANVS.

Rursus & alia .) Quæstio hæc per distinctionem dissoluitur : Cū uerbo impersonali utimur , nomen obliqui casus esse potest : cū personali , nomen recti casus erit .

De diuisione propositionis secundum qualitatem.

Propositionum itaque Categoricarum aliæ quidem qualitate , aliæ uerò quantitate differentes inueniuntur . Porro secundum qualitatem differunt , quorum altera affirmatiua est , altera negatiua . Affirmatiua quidem propositio est , in qua aliquid de aliquo prædicatione enunciatur . Vel , in qua prædicatum affirmatur de subiecto :

k

ut,

ut, Plato philosophus est. Negatiua uerò, in qua aliquid ab aliquo prædicatione seiungitur. Vel, in qua prædicatum negatur de subiecto: ut, Plato philosophus non est. Hic nanque de Platone negatur philosophus, ut prædicatum de subiecto, adposito ad uerbum substantiuum (quæ utique potior pars prædicati est) negandi aduerbio: cuius quidem hæc uis esse perhibetur, ut quicquid post se inuenit, tollat prorsus, & eius oppositum reponat.

RAIIANVS.

Propositionum.) Secunda hæc diuisio propositionis dicitur secundum qualitatem, quia affirmatio & negatio ad qualitatem pertinent propositionis. Nam secundum variam uerbi dispositionem, varius est modus enunciandi.

Affirmatiua prop.) Aristoteles primo de interpretatione tenui admodum discrimine affirmationem & negationem separauit: κατὰ φασί; δέ ἐστιν, ἀπόφανσις τινος κατὰ τινος, ἀπόφασίς ἐστι ἀπόφανσις τινος ἀπὸ τινος. Affirmatio est enunciatio alicuius de aliquo. Negatio est enunciatio alicuius ab aliquo. Vt enim in affirmatione prædicatum affirmatur de subiecto, ita in negatione prædicatum remouetur à subiecto. Interim tamen obseruandum, eam esse negatiuam propositionem, in qua uerbum principale negatur. Quare hæc non est negatiua, Homo est non iustus: sed affirmatiua, habens prædicatum negatum.

De diuisione propositionis Categoricalæ secundum quantitatem.

At

AT uerò secundum quantitatem differentiae huiusmodi propositionum hoc modo sumuntur, quod aliae quidem sunt uniuersales, aliae particulares, aliae indefinitae, aliae uerò singulares. Sed harum uniuscuiusque uim propria descriptione hinc iam explicemus oportet. Vniuersalis igitur propositio est, quae tum affirmando, tum negando uniuersaliter proponit: uel in qua subijcitur terminus communis signo uniuersali determinatus: ut, Omnis homo sapiens est, Nullus homo sapiens est. Particularis uerò, quae siue affirmet, siue neget, particulariter tantum proponit, quam et alij ita describunt: Particularis propositio est, in qua subijcitur terminus communis signo particulari determinatus: ut, Quidam homo sapiens est, Quidam homo sapiens non est. Indefinita uerò est, quae absque uniuersalitatis particularitatisue nota, tam affirmando quam negando profertur. Vel, cuius subiectus terminus absque ullo signo sumitur: ut, Homo sapiens est, Homo sapiens non est. Singularis porro propositio est, in qua de indiuiduo et singulari quicquam praedicatur, idque tum affirmatiue, tum negatiue: ut, Socrates ambulat, Socrates non ambulat. Eandem autem nonnulli hoc pacto describunt: Propositio singularis est, in qua subijcitur terminus singularis, aut certe communis, qui tamen singulariter teneatur accipiatúrque: ut, Socrates, uel hic homo sapiens est.

R A I I A N V S.

At uerò.) Tertia diuisio propositionis, quae dicitur secundum quantitatem, quia à notis uniuersalibus aut particularibus propositionis pender quantitas.

k

2

Vniuer

Vniuersalis.) Breuius Aristoteles 1. capite 1. libri priorum: Propositio vniuersalis est, quæ significat omni, aut nulli inesse. Nam per hanc significamus aliquid ad vniuersos vel nullos pertinere: vt, Omnes homines sunt probi, Nulli homines sunt probi.

Particularis.) Sic Aristoteles: Particularis propositio est, quæ significat alicui aut non alicui inesse: vt, Quædam voluptas est bona, Quædam voluptas non est bona.

Indefinita.) Propositio indefinita sic dicta est, quia nullam habet certam quantitatem: sed quandoque pro vniuersali, quandoque pro particulari accipitur. Est igitur hæc constituenda regula: Quando prædicatum necessariò cum subiecto coheret, propositio indefinita pro vniuersali sumitur: vt, iustitia est virtus. huic æquipollet, Omnis iustitia est virtus. Sed quando prædicatum per accidens, & non necessariò dicitur de subiecto, æquipollet particulari vel indefinitæ: vt, Homo est iustus. est eadem cum ista, Aliquis homo est iustus.

GLAREANVS.

De diuisione propositionis.) Vt in rebus, quantitas extensio quædam est rei: ita propositionis quantitas, dicitur extensio subiecti, pro pluribus vel paucis. Nascitur autem quantitas per solum signum, quod præcedit verbum. Nam hæc propositio, Homo est omne animal, non est vniuersalis, etiamsi in ea ponitur signum vniuersale: quia id non præcedit copulam siue verbum, sed sequitur.

De

*De tribus signis quasiuis, quibus de
unaquaque propositione quaerere contingat.*

Cum igitur tres sint propositionum differentiae, ut dictum est, quae quidem sumuntur aut secundum substantiam, aut secundum qualitatem, aut secundum quantitatem, tria quoque par est quasiuis signa accommodari, quibus apte eliciatur responsio ab eo, qui de illis interrogatus fuerit. Itaque interrogatus quispiam, quae sit haec aut illa propositio: apte conuenienterque respondebit, quod sit Categorica, uel Hypothetica. Si uero idem deinde interrogatus fuerit, qualis sit: tum quoque apte respondebit, quod sit affirmatiua, uel negatiua. Rursum autem si interrogetur, quanta sit: recte nimirum & haec interrogati responsio quadrabit, si dixerit, aut uniuersalis, aut particularis, aut indefinita, aut singularis. Atque haec quidem, quanquam fortassis non tanti habentur, ut negotium facessere debeant: eo tamen pertinere uidentur, ut exercitati istis interrogatiunculis nouitij huius artis, ueluti tyrones, assuescant paulatim propositionum differentias internoscere: quod utique momenti nonnihil habet ad ea, quae deinceps sequuntur, planius percipienda.

RAIANVS.

Cum igitur.) Quomodo propositio tribus modis diuiditur, sic etiam tres sunt notae querendi. Quod, est pronunciatum praedicatorium uel conditionale: Quale, affirmatiuum, uel negatiuum: Quantum, uniuersale uel particulare, indefinitum aut singulare.

Cum igitur tres sint propositionum differentia)
 Categorica Hypothetica Negatiua Affirmatiua
 Quæ Ca. uel Hyp. Qualis Ne. uel Aff.
 Vniuersalis Particularis Indefinita Singularis.
 V. Quanta. Par. In. Sing.

Quæ propositiones suis terminis conueniant, & quæ non.

HActenus de propositione quæ Categorica dicitur, Heiusque partibus atque differentiis quibusdam: restat, ut quibus ipsa sit prædita affectionibus (quas passionibus inuiores uocant) ostendamus, idque hac præmissa diuisione: Propositionum aliæ sunt, quæ nulla terminorum participatione conueniunt: aliæ sunt, quæ conueniunt quidem, at non ex æquo. Nempe ex his aliæ utroque termino participant: ut, Plato philosophus est, Plato philosophus non est. Aliæ uero altero tantum, quod nimirum tribus modis fieri constat: quippe cum uel communis ille terminus in una propositionum subiicitur, & prædicatur in altera: uel prædicatur in utraque, uel utraque subiicitur. Communem autem terminum hic nunc uoco, non eum qui de pluribus prædicari possit, sed qui in singulis hoc pacto participantibus propositionibus reperiatur. Verum enim uero de his propositionibus, quæ altero termino, uel neutro participant, nihil ad præsens: cum de his solum hoc loco agatur propositionibus, quæ utroque termino conueniunt, id quod duobus fit modis: aut enim ordine eodem aut per ordinis commutationem. Eodem quidem ordine participant suis terminis, quæ de eodem subiecto idem pronunciant prædicatum.

tum. Per ordinis uero commutationem, quoties qui in una subiectus est terminus, in altera fit terminus prædicatus: ut, Omne iustum est bonum; & quoddam bonum est iustum. Cæterum ut ex ordinis quidem commutatione conuersio propositionum colligitur, de qua non multo post dicetur: ita ex constantia ordinis propositionum sumitur oppositio, de qua primum hic nunc dicamus.

RAIANVS.

Hactenus de propositione.) Cæsarius examinaturus propositionum oppositionem triplicem, proponit aliam diuisionem. Propositionum quædam utroque termino participant: ut, Temperantia est virtus, Temperantia non est virtus, & secundum hanc speciem vera sumitur oppositio propositionum. Quædam neutro termino participant: ut, Iustitia est virtus, Temperantia non est vituperanda. Quædam altero termino conueniunt tantum: ut, Virtus est laudanda, Virtus non est vituperanda. Secundum hæc duo ultimamembra nulla sumitur propositionum oppositio.

GLAREANVS.

Quo facilius passiones Categoricarum propositionum memoriæ iuniorum intigi possent, typum hunc subiicere voluimus.

k 4 Propo


Propo- sitionū Cate- gorica- rum a- lia par- ticipāt	Vtroque ter- mino ex qb. aliquæ par- ticipant	Secundum eundem or- dinem, ut	Homo cur- rit Homo non currit.	Et de his est opposi- tio & æ- quipollen- tia.
		Ordine con- uerso, ut	Homo est a- nimal Animal est homo.	Et de his est cōuer- sio.
	Altero ter- mino idq; tri- fariam. uel mutato	In utraque prædicato, ut	Homo cur- rit Homo dispu- tat.	
		In altera prædicato, in altera sub- iecto, ut	Homo est a- nimal Socrates est homo.	Et de his nihil ad proposi- tum.
		In utraque prædicato, ut	Animal est substantia. Corpus est substantia.	
	Nulla termino, ut		Homo cur- rit Equus mo- uetur.	

De

*De oppositione propositionum Cate-
goricarum, &
quid sit.*

Propositionum igitur Categoricarum utroque termi-
no eodem ordine participantium, aliæ quidem cōtra-
riæ sunt, aliæ subcontrariæ, aliæ contradictoriæ, aliæ ue-
rò subalternæ. Contrariæ sunt duæ propositiones uniuer-
sales, alia quidem affirmatiua, alia uerò negatiua, eiusdē
subiecti pariter & prædicati, ut omnis homo iustus est,
nullus homo iustus est. Subcontrariæ uerò propositiones
duæ particulares, altera quidem affirmatiua, altera uerò
negatiua, eiusdem subiecti pariter & prædicati: ut qui-
dam homo iustus est, quidam homo iustus non est. Contra-
dictoriæ autem propositiones duæ, uniuersalis & particu-
laris: uniuersalis quidē affirmatiua, particularis uerò ne-
gatiua: uel uniuersalis quidem negatiua, particularis ue-
rò affirmatiua, eiusdem subiecti pariter & prædicati, ut
omnis homo iustus est, quidā homo iustus non est: uel, nul-
lus homo iustus est, quidam homo iustus est. Subalternæ
porrò sunt propositiones duæ, ambæ quidem aut affirma-
tiuæ, aut negatiuæ: sed ex his altera quidem uniuersalis
est, altera uerò particularis, eiusdem subiecti pariter &
prædicati, ut omnis homo iustus est, quidam homo iustus
est: uel, nullus homo iustus est, quidam homo iustus non
est. Oppositio igitur est, ut ex prædictis patet, duarum
propositionum Categoricarum repugnantia quædam, uel
qualitate tantum, uel quātitate tantum, uel qualitate simul
& quantitate. Toties enim sibi inuicē aduersantur dictæ
Categoricæ propositiones. Quarum quidem oppositio,
k s ut

ut ueluti oculis exposita habeatur, figuram ex quatuor angulis constitutam subiungere non grauabor.



RAIANVS.

Propositionum.) Diuidit eas propositiones, quæ consentiunt in utroque termino, in contrarias, contradictorias, subalternas, & subcontrarias. Finitiones harum ex finitionibus propositionis vniuersalis, particularis, indefinitæ, perspicuæ sunt.

Toties enim.) Casarius hoc loco communē Philosophorum scholam secutus est. Aristoteles autem decimoquinto capit. 2. priorum constituit quatuor oppositiones secundum locutionem & vocem, secundum veritatem duas tantum, contrarias & contradict

tradictorias. Subcontrariæ enim & subalternæ non sunt propriæ oppositæ, quia possunt simul esse veræ. Præcedens figura propositionum oppositarum pugnam in quantitate & in qualitate perspicuè ostendit.

De triplici propositionum materia.

SED priusquam harum inter se oppositarum propositionum leges (quas uocant) exponamus, commonendus interim probus lector est, ipsius uidelicet propositionis triplicem esse materiam, naturalem, contingentem, & remotam. Voco autem materiam propositionum hoc loco, earum utrūque terminum, subiectum, inquam, & prædicatum. Quidam uerò definiunt habitudinem; quæ est prædicati, ad subiectum. Naturalem igitur materiam esse dicunt, quoties prædicatum est de essentia subiecti, aut certe proprium eius, ut homo est animal, homo est risibilis. Contingentem uerò quoties prædicatum subiecto aut adesse, aut abesse potest præter subiecti corruptionem, ut Socrates ambulat. Remotam autem, quando prædicatum ipsi subiecto nullo modo conuenire potest, ut homo est lapis. Itaque sciendum, quod iuxta primam quidem habitudinem necessariæ propositiones dicuntur: quarum ut affirmationes semper ueræ sunt, ita negationes perpetuò falsæ. Iuxta secundam autem contingentes seu accidentiæ: quarum proinde tam affirmationes quàm negationes incertæ sunt tum ueritatis, tum falsitatis, nisi suppositione facta, aut quod prædicatur accidēs sit inseparabile. Iuxta tertiam uerò impossibiles: quarum ut affirmationes quidem falsæ semper, ita negationes semper ueræ.

RAIANVS.

De triplici.) Quoniam Cæsarius dicturus est, propositiones contrarias posse simul esse falsas, & subcontrarias simul esse veras, ideo distinguit multiplicem propositionis materiam. Est autem materia hoc loco, habitudo prædicati ad subiectum. Aristoteles octauo cap. 1. libri priorum, & vltimo cap. primi libri de interpretatione, ex triplici rerum natura triplicem constituit propositionem. Omnis enim res aut est necessaria, aut contingens, aut impossibilis. Tres igitur regulas constituemus. Prima, Omnis propositio in qua genus, species, differentia, proprium, accidens perpetuum prædicatur, est necessaria. Nam hæc vniuersalia necessario coherant cum suis subiectis, vt Marcellus est homo, homo est animal, homo est particeps rationis, homo est disciplinæ capax, ignis est calidus. Secunda, Omnis propositio, in qua accidens non perpetuum dicitur de subiecto, est contingens. Ea enim est accidentis natura, vt & adesse subiecto, & ab eo emigrare possit, vt homo est studiosus. Tertia, Omnis propositio, in qua id quod repugnat cum subiecto, de eo affirmatiuè effertur, est impossibilis, vt homo est lapis, calidum est frigidum, humidum est siccum. Vt igitur in prima propositionis specie connexa est necessaria, in secunda fortuita: ita in tertia remota & aliena.

*De legibus oppositarum inter se
propositionum.*

ERgo ut id quod hoc loco instituimus, commodius fieri possit, operæ pretium fuerit hæc leges per certas quasdam

quasdam regulas digerere atque distribuere. Itaque cum quatuor sint inter se oppositarum propositionum differentia, consentaneum erit, quatuor quoque regulas de ipsis constituere, ut unicuique differentiae sua respondeat regula. Prima igitur regula erit de lege & natura contrariarum: secunda de lege & natura subcontrariarum: tertia de lege & natura contradictoriarum: quarta uero atque ultima de lege & natura subalternarum. Sed & illud obiter occurrit admonendum, non esse harum regularum ullam exactam demonstrationem hic exigendam, ut nec in sequentibus usquam, ubicunque regulae propositae fuerint: quippe quod id supra vires prorsus captumque esset eorum, qui primis adhuc huius disciplinae rudimentis imbuendi sunt atque formandi. Satis autem fuerit, si idoneis tantum exemplis utcunque declarentur. Quod profecto si ubique obseruetur, non paruum ex eo (ni fallor) sentient profectum tum auditores, tum etiam lectores, non modo ad eruditionem ipsam, uerum etiam ad sermonis facultatem: tum & releuabuntur interim & hi, qui docent artem, & qui eam docentur.

GLAREANVS.

Ergo ut id.) In hoc capite nihil dicit ad rem propositam: sed quid dicturus sit, in posterioribus quatuor capitibus innuit: & quod oporteat addiscentem credere, donec melius sapiat.

SEQUVNTVR REGVLAE.

*Prima regula de lege & natura
contrariarum.*

SI duarum contrariarum una uera est, reliqua esse falsam est necesse: at id quidem conuertitur minime. Nam possunt

possunt duæ huiusmodi propositiones simul esse falsæ, ut in materia contingenti: proinde si hæc est uera, omnis homo iustus est, falsa erit ea quæ proponit, nullus homo iustus est. Sed illud, ut dictum est, non conuertitur. Nō enim si falsa est, quæ dicit, omnis homo iustus est, uera iam erit de necessitate ea, quæ dicit, nullus homo iustus est. Fieri nanque potest, ut utraque sit falsa. Esto igitur disciplina gratia, ut aliquis homo sedeat, tunc falsa erit hæc quæ dicit, nullus homo sedet. Esto rursus, ut per idem tempus aliquis homo non sedeat, tunc hæc quoque falsa erit, quæ dicit, omnis homo sedet. Hac itaque concessa hypothese, falsa erit hæc, omnis homo sedet, falsa itidem ea quæ dicit, nullus homo sedet. Et sunt hæc quidē per definitionem inter se contrariæ. Quapropter contrarias propositiones aliquando quidem falsas simul esse nihil prohibet, esse autem simul ueras est impossibile.

RAIIANVS.

Si duarum contrariarū.) Duæ propositiones contrariæ non possunt simul esse veræ, sed possunt simul esse falsæ. Ratio primæ partis est (et si hoc quidam ut principium ponunt) quia si duæ propositiones contrariæ essent simul veræ, duæ subcontrariæ essent simul falsæ, quod Dialectici pro incommodo habent. Id ego exempli causa sic doceo: Sit hæc uera (ut est) omnis homo sentit, oportet ergo illius contradictoriam esse falsam, quæ est, quidam homo non sentit. Sit item hæc uera, nullus homo sentit, eius contradictoria erit falsa, quæ est, quidam homo sentit. At hæc, quidam homo sentit, quidam homo non sentit, sunt subcontrariæ: ergo subcontrariæ sunt simul falsæ.

Fieri

Fieri enim potest.) Demonstrat Celsarius, duas contrarias propositiones posse simul esse falsas, hac ratione: Duæ subcontrariæ possunt contentire in veritate, ergo duæ contrariæ possunt contentire in fallitate. Antecedens ita docet: Particularis affirmatiua potest esse vera, igitur vniuersalis negatiua eius contradictoria erit falsa: particularis negatiua potest esse vera, ergo vniuersalis affirmatiua erit falsa. Quocirca duæ contrariæ possunt simul esse falsæ. Consequendum est itaque ex hac regula, contrarias propositiones pugnare in veritate.

*Secunda regula de lege & natura sub-
contrariarum.*

SI duarum subcontrariarum una falsa est, reliquam ueram esse necesse est. Verum nec id unquam recurrit. Quandoquidem duæ subcontrariæ simul ueræ esse possunt, ut in materia contingenti. Quocirca si hæc falsa est, quidam homo est iustus, uera protinus erit ea, quæ dicit, quidam homo non est iustus. Atqui id (ut dictum est) non recurrit. Nam non oportet, si uera est quæ dicit, quidam homo est iustus, falsam continuo eam esse quæ dicit, quidam homo non est iustus. Siquidem utraque uera esse potest. Esto igitur, falsa sit ea quæ dicit, nullus homo sedet: mox iam uera erit ea quæ dicit, aliquis homo sedet. Similiter autem ac per idē tēpus falsa sit ea, quæ dicit, omnis homo sedet: iam tum uera erit hæc, quidā homo non sedet. Erunt igitur iuxta datā hypothesim ambæ simul ueræ: & hæc quæ dicit, quidā homo sedet, & quæ dicit, quidā homo nō sedet, & sunt inter se subcontrariæ. Quocirca sub-
contrarias

contrarias propositiones simul quidem ueras esse possibile est, atqui simul esse falsas, est impossibile.

RAIIANVS.

Si duarum.) Propositiones subcontrariæ veræ simul, falsæ autem esse non possunt. Pugnant itaque falsitate, non autem veritate.

Esto igitur.) Docet duas subcōtrarias simul esse veras. Duæ contrariæ possunt simul esse falsæ, ergo duæ subcontrariæ possunt simul esse veræ. Nam si vniuersalis affirmatiua est falsa, particularis negatiua erit vera: & si vniuersalis negatiua est falsa, particularis affirmatiua similiter erit vera: quo fit vt duæ subcontrariæ possint simul esse veræ.

Tertia regula de lege & natura contradictoriarum.

SI duarum contradictoriarum una est uera, reliquam esse falsam est necesse: & contrà, si una falsa est, reliquam protinus ueram esse oportet. Nō enim simul aut ueræ unquam, aut falsæ esse possunt. Quæ quidē regula, quoniam per totā artem logicam principij loco habetur, uix ullis uel exemplis est comprobanda. Si cui tamē hoc etiam in animo sederit, ut exempla omnino subiiciantur, poterit hic per se haud difficulter ea ex duabus superioribus mutuari commodissimè. Nam hæc ipsa regula cū duabus illis, quæ diuersas alioqui naturas inter se habēt, cōuenit quoquo modo, partibus uidelicet hinc inde suis, quæ duæ sunt, quarū quidem una est, quòd cōtradiçtoriæ inter se propositiones nunquā simul esse ueræ possunt, qua certè lege cōtrariæ etiam tenentur. Altera uerò, quòd duæ cōtradiçto-

rie

viae nunquam possunt simul esse falsae, quam legem profe-
cto subeunt & subcontrariae. Vnde haec etiam regula pri-
mo utique loco collocanda erat, ut qua niterentur reli-
quae, ueluti in aedificio tectum & parietes basi & fundae-
mento. Verum enimvero eum nunc ordinem tenere in his
libuit, quem passim in gymnasijs literarijs obseruant: id
quod & in alijs quoque haud inuite facimus, quantum
quidem rei ratio ferat permittatue: nisi quod, quam maxi-
me possumus, barbariem ubique uitare studemus, quod &
alios plerosque facere uideo, sed multo felicius, in bonis li-
teris iuuandis. Haec siquidem ut semel introducta, causa
proculdubio fuit abolitionis penè omnium bonorum stu-
diorum: ita explosa demum efficiet, ut omnia illa pristino
suonitori restituantur.

RAIIANVS.

Si duarum.) Lex propositionum contradictoria-
rum ex duabus prioribus colligitur. Contradicen-
tes propositiones nec in veritate, nec falsitate con-
sentiunt vnquam. Haec lex in tota Philosophia prin-
cipij loco est. Quare auditor naturae bonitate, sine
vlla probatione ei assentiri debet. Caeterum hic no-
tare oportet, Aristotelem sexto capite primi libri
de interpretatione triplices propositiones contra-
dictorias constituere, vniuersales vniuersaliter, vt
omnis homo studiosus est, quidam homo studio-
sus non est. Singulares, vt Cicero est eloquens, Ci-
cero non est eloquens, & de his haec regula est intel-
ligenda. Sunt etiam contradictoriae indefinitae, vt
homo est albus, homo non est albus. Et haec, vt Ari-
stoteles docet, possunt simul esse verae. Quod intel-
ligen

ligendum est, cum in utraque propositione diuersum subiectum intelligitur. Nam si idem subiectum intelligatur, nunquam possunt simul esse veræ.

Quæ quidem regula.) Quemadmodum hoc est primum pronūciatum in prima Philosophia, Idem non potest esse, & non esse: ita duæ propositiones contradicentes non possunt simul esse veræ aut falsæ. Quæ de re copiose differit Aristoteles libro 4. primæ Philosophiæ.

Quarta regula.

SI propositionum subalternarum uniuersalis siue affirmatiua, siue negatiua uera est, uera erit & eius particularis. at non contrà. Siquidem non oportet, si uera est particularis, ueram esse & eius uniuersalem: ut si hæc uera est, omnis homo est iustus, & hæc quoque uera erit, quidam homo est iustus. Rursus, si hæc est uera, nullus homo est lapis, uera etiam erit ea quæ dicit, quidam homo non est lapis. Si uerò uniuersalis fuerit falsa, iam necesse non est eius particularem esse falsam: tametsi contrà, si particularis falsa est, necesse est uniuersalem quoque falsam esse: ut si falsa est, quidam homo lapis est, falsa quoque erit hæc, omnis homo lapis est. Tum etiam si falsa est quæ dicit, quidam homo non est risibilis, falsa erit & hæc, nullus homo est risibilis.

RAIIANVS.

Si propositionum subalternarum.) Huius loci ratio est, quia ex veritate propositionis uniuersalis affirmatiuæ vel negatiuæ sequitur veritas particularis.

Sin

Sin verò.) Propositio vniuersalis falsa non colligit necessariò particularem esse falsam, sed particularis falsa colligit vniuersalem esse falsam.

De propositionum æquipollentia.

EXigit hîc ratio ordinis, ut post oppositas inter se propositiones à nobis hætenus expositas, de earum æquipollentia protinus institutum prosequamur. Quandoquidem hæc facit, ut oppositæ alioqui propositiones, atque inter se tum ueritate falsitatēue, tum aut qualitate aut quantitate dissidentes, rursus his ipsis, ueritate dico & falsitate, aut qualitate etiam & quantitate conueniant, consentiāntque inuicem. Ac proinde nonnulli eam definiunt, duarum propositionum Categoricarum formalem & necessariam consequentiam, idq; propter negationem, uel præpositam uel postpositam, uel præpositam simul & postpositam. Cuius insuper tres regulas constituunt, ex quarum prima deinde atque secunda quartam eliciunt, quæ sit ad eas perinde atque corollarium quoddam.

RAIIANVS.

Quandoquidem.) Ea est natura æquipollentia, ut propositiones prius oppositas consentientes reddat.

Ac proinde.) Spectamus hoc loco propositiones æquipollentes non ex termino subiecto vel prædicato, ut cùm dicimus, Marcus loquitur, Tullius dicit: sed ex natura signorum vniuersalium aut particularium. Idque his verbis sermone tritis ex-

plicatur: Præ. contradic. post. contra. præ postque subalter.

GLAREANVS.

De propositionum æquipollentia, &c.) Hæc est secunda pars propositiois, valde necessaria ad sacras literas, & ad optimos quosque autores intelligendos. Negotium eius maxime vertitur in monosyllabo, Non.

SEQUVNTVR REGVLÆ.

Prima regula de Æquipollentia propositionum inter se contradictoriarum.

Quoties negatio præponitur signo siue uniuersali, siue particulari, ipsa æquipollere facit propositiones inter se aliqui contradictorias: ut cum sint contradictoriae hæ duæ, omnis homo iustus est, & quidam homo iustus non est: si earum uni præponas negationem, ut exempli causa uniuersali, ac dicas, non omnis homo iustus est, protinus hæ duæ, non omnis homo iustus est, & quidam homo iustus non est, ueritate inter se aut falsitate consentiunt, ac per hoc, ut regula ipsa proponit, inuicem æquipollent. Eodem quoque modo si particulari præponatur negatio, nempe huic, quidam homo non est iustus, ac proinde ita dicatur, non quidam homo non est iustus, eruntque hoc pacto simul ueræ aut falsæ, omnis homo iustus est, & non quidam homo iustus non est: quæ aliàs ueritatem inter se falsitatemque diuidebant. Quod quidem

dem & in altera contradictionis parte ita euenire certum est.

RAIANVS.

Quoties.) Huius regulæ hic est sensus: datis duabus propositionibus contradictoriis, si vni earum negatio præponatur, illa habens negationem præpositam, redditur æquipollens ei quam prius habebat contradictoriam, vt constat exemplo textus.

GLAREANVS.

Quoties negatio.) Ratio huius regulæ est, quia contradictoriæ repugnant in quatuor: in Quantitate, Qualitate, Veritate & Falsitate. Sed negatio præposita, omnia hæc destruit, & oppositum inducit: ergo facit contradictorias æquipollere. Loquimur autem hîc de Negatione negante, non infini- tante, vel priuante.

Verum iuxta primam hanc regulam de æquipollentijs perpetuò id ita eueniat, quod illa præscribit, vt negatio præposita signo siue vniuersali, siue particulari faciat contradictorias inter se propositiones æquipollere.

Sed hîc iam questio oritur, fortassis neque friuola aded, neque omnino indigna, quæ hoc loco proponatur, examinanda tamen discutiendâque iudicio lectorum: estque

huiusmodi: An hæc propositio (exempli gratia) Non omnis qui dicit mihi domine domine, intrabit in regnum cælorum, iuxta præsentem regulam suæ tantum contradictoriæ æquipolleat, quæ quidē est, Aliquis qui dicit mihi domine domine, nō intrabit in regnū cælorū: An potius suæ contrariæ, nempe huic, Nullus qui dicit mihi domine domine, intrabit in regnum cælorum. Siquidem hunc mihi sensum (nisi tamen fallor) ipse dominus in sacro Euangelio, ut est apud Matthæum cap. 7. suis illis uerbis innuere & proferre uidetur, quibus dicit, non omnis qui dicit mihi, &c. quasi qui ita dicere uideatur, Nullus qui dicit mihi domine domine, intrabit in regnum cælorum, nisi idem fecerit uoluntatem patris mei. Neque uerò id quod hīc nūc à me proponitur, & in dubium reuocatur, prorsus exemplo caret. Nam ad eundem planè modum Aurelius Augustinus in 6. de ciuitate Dei lib. capite 4. contra Varronem disputat, ostendere inibi uolens, illum de nulla deorum natura scripsisse, cū tamen ille dixerit libros à se scriptos de natura deorum, etsi non omni. Vnde & ita tandem idem Augustinus infert atque concludit: Restat ergo (inquiens) ut de nulla deorum natura libros scripsisse intelligatur, neque hoc apertè dicere uoluisse, sed intelligentibus reliquisse. Vbi enim dicitur, non omnis, usitatè quidem intelligitur aliqua non, sed potest intelligi & nulla: quoniam quæ nulla est, nec omnis est, nec aliqua est. Hæc ille libro & capite paulò suprà citatis. Quo in loco Ludouicus Viues, uir profectò ut uariæ lectionis, ita exacti iudiciij, in scholis suis in eundem locum hoc de suo addit, Non omne (inquiens) nihil affirmat, sed siue aliquid sit, modò aliquid non sit, siue nihil, non omne uerum efficitur. Sanè hæc nobis ideo hoc loco adijcere placuit, ut studiosi artium triuialium

lium intelligant earum leges non esse immutabili necessitate (ut Quintiliani uerbis utar) astrictas. Quod tamen ita esse citius in hac arte, quàm uel in Grammatica, uel Rhetorica deprehendas, quas etiam artes tres idcirco, quòd sermonum præcipuam curam agant, lacteus ille Lactantius tertio Diuinarum institutionum libro, uno nomine Logicam appellari indicat, eamque tertiam esse philosophiæ partem dicit, cuius hæc uerba sunt: Superest illa pars tertia philosophiæ quam Logicam uocant, id est, rationalem, in qua tota Dialectica, & omnis loquendi ratio continentur.

RAIIANVS.

Sed hic.) Hoc docet, non omnes propositiones esse primæ regulæ adstrictas.

GLAREANVS.

Quibus dicit, Non omnis.) De hac regula prima hoc haud dubiè verum est, si de proprietate sermonis loquamur, quæ ex rebus ipsis nascitur, eam non deficere: sed usu loquentium hercle nonnunquam aliter reperitur, maximè in sacris literis, quæ huic sermonis rigori non subiiciuntur: idque fortassis, quòd uel ex Hebræo, ut in antiquo, uel ex Græco, ut in nouo Testamento, ita traductæ sunt. Inueniuntur tamen huiusmodi propositiones uniuersales, cum negatione præposita, quæ biparticulari (est autem biparticularis authore Valla, propositio per Omnis ac Totus negatione præposita) non faciunt: ut, Non omnis homo uolat: non uolet, Quidam uolat, quidam non uolat. Valla uult

priorem falsam, Quidam homo volat: reliquam veram, Quidam homo non volat: quæ potius videtur vana ac falsa. Porro nimis ambitiose Cæsarius hîc Viuetem adducere videtur, quasi non antea hæc tractata sint à Laurentio Valla, & argutiùs, & elegantius, denique copiosius: cuius tamen ne vno quidem verbo hoc loco mentionem facere dignatus est: imò ne Viues quidem, vt videtur. Ingrati hercle homines in virum optimè de omni disciplinæ & honestis studiis meritum. Sed ita fit: pudet nos profiteri, per quos profecerimus. Non est vetustus author Valla, sed qui cum vetustis conferri queat. De Petro Hispano idem docent omnes nostræ ætatis Dialectices professores. Quin abstinere à vocabulis artis, ab hoc, vt creditur, inuenitis? Quæ si abstuleris ab editis illorum libris, reliquum (Dij boni) quale futurum opus? Sed nunc gloriolæ agitant doctorum hominum turbam, vt quiduis malint, quàm videri in benè meritos grati.

Secunda regula de Equipollentia propositionum inter se contrariarum.

Quoties negatio postponitur signo, præsertim uniuersali, ipsa equipollere facit propositiones inter se aliqui contrarias: ut quoniam contrariæ inter se sunt hæc duæ, Omnis homo iustus est, & Nullus homo iustus est, si uni earum postponas negationem, ut (exempli gratia) huic, Omnis homo iustus est, & idcirco dixeris, Omnis homo iustus non est: tum quæ prius ueritate ipsa haudqua

quaquam conuenire poterant, utpote contrariae, ambae simul uerae esse possunt. Haud aliter eueniet, si etiamnum alteri negationem postponas, nempe huic, Nullus homo est iustus. Aequivalent ergo inter se, Omnis homo non est iustus, & Nullus homo est iustus. Item, Omnis homo iustus est, & Nullus homo non est iustus. Quarum proinde si una uera est, & altera: & si falsa una, altera quoque falsa est.

RAIIANVS.

Quoties negatio.) Secundae regulae hic est sensus: Datis duabus propositionibus contrariis, fiunt inter se æquipollentes: si signo vniuersali affirmatiuo vel negatiuo postponatur negatio. Ait Casarius: Præsertim, quia si signo particulari postponatur negatio: specialis nulla sumitur æquipollentia.

GLAREANVS.

Quoties negatio postponi.) Et in hac regula secunda habet Valla, quod iure reprehendat. Negatio, inquit, postposita, facit vniuersalem biparticularem sæpissimè, sicut præposita. Vt in hoc exemplo, Omnes diuites esse non possunt: quod est perinde ac si dicas, Nō omnes diuites esse possunt, quia quidam sunt diuites, quidam non sunt diuites. Quintilian. libr. 7. capit. vltim. Tradi enim omnia, quæ ars efficit, non possunt. quasi dicat: Non omnia quæ ars efficit, tradi possunt: sed quædam possunt, quædam non possunt. Idem in 12. At cū protinus dicendum est, omnia parari non possunt. Ita dicimus: Oratores & Philosophi multa de memoria tradunt: sed, vt sit, omnium meminisse certe non possumus. Omnium nō, id est, aliquorum possumus
l s meminisse,

meminisse:aliquorum non possumus. Non possunt omnia simul dici,aut,omnia simul dici nō possunt. id est,quædam dici possunt,quædam non possunt.

Tertia regula de equipollentia propositionum subalternarum.

Quoties negatio tam præponitur quàm postponitur signo siue uniuersali,siue particulari,ipsa æquipollere facit propositiones sibi inuicem subalternas: ut cū sint hæ duæ sibi subalternæ, Omnis homo iustus est, &, Quidam homo iustus est:item & hæ duæ: Nullus homo iustus est, &, Quidam homo iustus non est, utpote quantitate solum differentes: si de quolibet pari, & præponendo & postponendo alterutri earū negationem, ita dixeris: Non omnis homo non est iustus, & Quidam homo est iustus: uel, Omnis homo est iustus, &, Non quidam homo non est iustus. Similiter, Non nullus homo non est iustus, &, Quidam homo non est iustus. Vel, Non quidam homo haudquaquam non est iustus, &, Nullus homo est iustus: Vbique sanè inuenies binas atque binas ita constitutas propositiones, quæ inter se prius quantitate differebant, ut subalternæ, secundum eandem rursus quantitatem inter se conuenire, ac per hoc ueritate simul aut falsitate consentire.

RAIIANVS.

Quoties negatio tam.) Hęc regula sic est accipiēda: assignatis duabus propositionibus subalternis, si uni earum & præponatur & postponatur negatio, sunt propositiones æquipollentes.

Quarta

Quarta regula.

Quoties in aliqua propositione duo signa uniuersalia negativa ponuntur, alterum quidē quod ad subiectum, alterum uerò quod ad prædicatum refertur: ex his duobus id quod subiectum respicit, cōtrario: quod uerò ipsum concernit prædicatum, suo æquipollet cōtradictorio. Huius quidem regulæ huiusmodi dant exempla: Nihil nihil est: Ex nihilo nihil fit: quorum primum iuxta regulæ præscriptum huic æquipollet propositioni. Quodlibet est aliquid. Secundum uerò huic, Ex quolibet fit aliquid. Talia sunt & hæc, Nullus homo nullum animal est, Nusquam nullum corpus est, Nunquam nihil mouetur, & his similia. Verum quoniam talia apud idoneos & probatos authores aut rari usus sunt, aut certè momenti nō admodum magni: ea in præsentia missa facere consultum uidetur, & ad propositionum cōuersionem potius transire, quippe cuius maior usus in syllogismorum præsertim demonstratione habeatur.

RAIANVS.

Quoties in aliqua.) Si duo signa uniuersalia ponantur in eadem propositione, alterum ad subiectum, alterum ad prædicatum: prius æquipollet suo contrario iuxta secundam regulam, posterius suo contradictorio iuxta primam regulam.

GLAREANVS.

Quarta regula.) Hæc quarta regula nō est à prima & secunda distincta, sed ab illis est velut corollarium.

Nihil nihil est.) Nihil capitur dupliciter. Vno modo, ut includit uniuersalitatem, & velut concretuè

cretiue sumitur pro nullum Ens. Et sic procedit hæc expositio, Nihil est nihil: pro, Quodlibet est aliquid: id est, Nullū ens est, quin sit aliquid. Altero modo velut abstractiue, pro re non existente: de quatenus ita loquimur, perinde atque esset res. Et est prædicatio Identica: sicut illa, Socrates est Socrates.

De propositionum conuersione.

His igitur, quæ talia sunt, utpote uulgaria propemodum, posthabitis, de propositionum conuersione, quæ restat adhuc, potius dicamus, ob eam causam quæ dicta est. Hæc autem à Trapezuntio hoc pacto definitur: Conuersio est, quoties propositionis subiectus terminus in prædicatum, & prædicatus in subiectum conuertitur. Hanc bifariam distingui uel ex eo patere potest, quod aut in sese cōuertuntur propositiones, aut in alias. Itaque cū quatuor sint propositionum genera, iuxta quatuor uidelicet suprascriptæ figuræ angulos, ex his in se quidem conuertuntur uniuersales negatiuæ, & particulares affirmatiuæ: in alias autem, uniuersales tum affirmatiuæ, tum negatiuæ. At uerò particulares negatiuæ nec hoc, nec illo conuertuntur modo, sed per aliam quandam conuersionis formam, quæ per cōtrapositionem conuersio dicitur. Ex quo iam colligere quoque licet, triplicem esse propositionum conuersionem: Simplicem, qua in se propositiones conuertuntur: Per accidens, qua in alias: Per cōtrapositionem, qua in se quoque conuertuntur quidem ipsæ, sed non nisi mutatis earum terminis, ut mox dicetur.

RAIIANVS.

His igitur.) Conuersionis multiplex est usus.
Quandoq

Quandoque enim nobis inseruit, ut syllogismos diuersarum figurarum ad se inuicem reducamus, & bene nos collegisse ostendamus. Aliquando conuersio argumenti loco est: ut, Nemo stultus est beatus, nemo ergo beatus est stultus. Subinde etiam cōuersio adhibetur propositioni illustrandæ: ut, Nemo in calamitate constitutus, est felix: felices ergo in calamitate constitutos putas?

In se conuertuntur propositiones.) Hoc est, eiusdem quantitatis, vniuersalis in vniuersalem: particularis in particularem.

Aut in alias.) Scilicet diuersæ quantitatis, vniuersalis in particularem.

Quatuor propositionū genera.) Propositio vniuersalis affirmatiua, vniuersalis negatiua, particularis affirmatiua, particularis negatiua.

GLAREANVS.

Simplicem, qua in se. Aristoteles in priorib. Analyticis libr. 1. quamlibet seorsum vertit propositionem. Vniuersalis affirmatiua vertitur in suam particularem: Si omnis homo est animal, aliquod animal est homo. Vniuersalis negatiua in seipsa: Nullus homo est lapis, ergo nullus lapis est homo. Particularis affirmatiua in seipsa, Quidam homo est animal, quoddam animal est homo. Particularis autem negatiua non conuertitur: neque enim si aliquod animal non est homo, idcirco aliquis homo non erit animal. Hæc ille. Vniuersalis tamen negatiua etiam verti potest in suam particularem: sicut vniuersalis affirmatiua.

De conuersione simplici.

Dicimus ergo, quod simplex quidem cōuersio est, quod-
 ties conuertendæ propositionis subiectus terminus
 in prædicatum eius, in quam conuertitur, & prædicatus
 in subiectum transponitur, seruata utriusque propositio-
 nis eadem tum qualitate, tum quantitate. Quo quidem con-
 uersionis modo duæ tantum conuertuntur propositionum
 formæ, nempe uniuersalis negatiua, & particularis affir-
 matiua. Vniuersalis quidem negatiua: ut, Si nullum iu-
 stum malum est, nullum malum iustum est. Particularis au-
 tem affirmatiua: ut, Si quoddam iustum bonum est, quod-
 dam bonum iustum est. Neque uerò nos conturbet, quod
 quædam uniuersales affirmationes, & quædam etiã par-
 ticulares negationes isto modo conuerti possunt, ut in qui-
 bus id quod proprium cuiusque est, prædicatur, aut quod
 nullo modo ei potest inesse de quo prædicatur. Verū enim-
 uerò quia non fit illud uniuersaliter, nec ubique eandem
 uim retinet, idcirco à simplici cōuersione haud temere ex-
 cluduntur, reijciunturque. Siquidem propositionum quam-
 libet in se, ut in aliam conuerti, est ad eam necessario con-
 sequi aliam, ut per quam sit conuersio.

RAIIANVS.

Dicimus ergo.) Dicta est hæc conuersio simplex,
 quia propositio conuertens colligitur immediatè
 ex conuersa, non ob aliquam intermediam propo-
 sitionem: ut, Nullum vitium est virtus, ergo nulla
 virtus est vitium.

Neque verò.) Remouet tacitam obiectionē: Pro-
 positio vniuersalis affirmatiua terminorum gratia
 simpliciter

simpliciter conuertitur, vt, Omnis homo est capax disciplinæ, ergo omne id quod est capax disciplinæ, est homo. Sed huiusmodi collectiones fallaces sūt, nec in omnibus veræ materiales vulgò vocantur consequentiæ, non formales.

De conuersione per accidens.

PER accidens autem conuersio dicitur, quoties propositionis subiectus terminus in prædicatum, & prædicatus in subiectum transponitur, eadem utriusque propositionis qualitate quidem seruata, sed mutata quantitate. Sanè hoc modo duæ itidem propositionū differentię conuertuntur solum, nempe vniuersalis affirmatiua, & vniuersalis negatiua, utraque uidelicet in particularem suæ qualitatis. Vniuersalis quidem affirmatiua: ut, Si omne iustum bonum est, quoddam bonum iustum est. Etenim si uera est quæ dicit: Omne iustum bonū est: uera est ea quæ dicit, Quoddam iustū bonum est: ad quam quia sequitur per cōuersionem simplicem, Quoddam bonum iustum est, hæc ipsa nimirum & ad priorē sequetur, eritque perinde uera. Itaque recte sequitur, Omne iustum bonum est, ergo quoddam bonum iustum est: quod erat ostēdendum. Vniuersalis uerò negatiua tametsi simpliciter (ut suprà dictum est) conuertitur, ipsa tamen non minus & in particularem negatiuam cōuerti potest: ut, Si nullum iustum malum est, quoddam malum non est iustum: quoniam uidelicet nullum malum iustum est. Atque hoc ipsum profectò est, quod per accidens conuerti dicitur, secundo scilicet loco, & per aliud: sicut simpliciter conuerti, cum nihil aliunde petitur, aut mutatur quicquam.

RAIIANVS.

Per accidens.) Hæc conuersio dicta est per accidens, quia noua accedit propositioni quantitas, seruata eadem qualitate. Nam vniuersalis affirmatiua in particularem affirmatiuam, & vniuersalis negatiua in particularem negatiuam conuertitur.

GLAREANVS.

De conuersione.) Vt propositiones veræ vertantur, cautiones sunt aliquot. Prima: Si ponatur verbū actiuū, id necesse est resolui, ac postea vertenda propositio: vt, Homo currit, id est, homo est currens: vel quod est aptius, ergo quod currit est homo. Secūda: Si obliqui sequantur verbum substantiuum, addendū est ad intellectū, ens, aut, Id quod est. Panis est in fornace, ergo ens in fornace est panis. Tertia: Vt Latinitas seruetur. Nullum animal est lapis, ergo nullus lapis est animal: non, nullum. Quarta: Vt nō mutetur genus acceptionis, quam suppositionē vocāt: nec ampliatio, nec restrictio. Propterea illę propositiones, Nullus senex erit puer, Nulla meretrix erit virgo, non cōuertuntur, in quantum huiusmodi: vel conuertuntur: sed vt conuersa falsa est, ita & cōuertens, imò vtraque. Quod probatur illo syllogismo: Nullus senex erit puer: sed infans cras nascendus, erit senex: ergo non erit puer. Conclusio falsa est: ergo falsa aliqua præmissarum: sed non minor ex hypothesis, ergo maior: idque per tertiā restrictionum regulam de verbis. Posset etiam dici, quòd sint veræ in sensu composito. sed falsæ in sensu diuiso. Nullus enim senex, inquātum senex, erit puer: sed puer cras nascendus, senex futurus, etiam erit puer.

De

De conuersione per contrapositionem.

Conuersione per contrapositionem est, quoties propositionis conuertendæ terminus subiectus transit in prædicatum eius, in quam uertitur, atque interim in huius subiectum illius transit terminus prædicatus, seruata quidem utriusque propositionis eadem & qualitate & quantitate, sed mutatis terminis finitis in terminos infinitos. Ad hunc certè modum duæ similiter propositionum formæ conuertuntur solum, nempe uniuersalis affirmatiua, & particularis negatiua. Vniuersalis quidè affirmatiua: ut, Si omne iustum bonum est, omne non bonum non est iustum. Particularis uerò negatiua: ut, Si quoddam album non est dulce, quoddam non dulce non est non album. Hinc illa conuersio per contrapositionem dicta est, ut sit perinde atque per terminorum oppositionem.

RAIIANVS.

Conuersio per contraposit.) Hæc conuersio per contrapositionem dicta est, quia fit per terminos oppositos & contradictorios. Nam terminus finitus opponitur infinito. Huius conuersionis apud bonos authores, quorum intelligendorum gratia hæc traduntur præcepta, nullus aut rarus est vsus.

GLAREANVS.

De conuersione per contrapositionem.) Hanc etiam habet Boëthius lib. i. de Syllogismo Categorico, non ita longè à fine. Quod autem vniuersalis

m lis

lis affirmatiua rectè conuertatur per contrapositionem, patet ordine tali propositionum per tres consequentias.



In prima ac tertia probatione, est lex contraria-
rum in æquipollentia: in secunda, conuersio sim-
plex. Vbi notandum: Quando cunque negatio addi-
tur superiori, tunc de superiore tacit inferius.

Cum igitur homo sit inferius ad animal,

Non homo erit superis ad Non a-

nimal: ac de eo vniuersaliter

prædicabitur, vt animal de

homine: Omne non

animal est non

homo.

m

2

IN

IN TRACTATVM

QVARTVM DE PROPO-

sitione Hypothetica &

Modali

P R A E F A T I O.



Est Categoricalam haecenus expositam, alteram dehinc propositionis partem aggrediamur oportet: nempe eam, quæ Categoricalæ e regione respondet, constituiturque. Hæc autem est, quæ Græco quidem nomine Hypothetica dicta est, Latine uerò Conditionalem non ineptè appellaueris: quanquam Græci nominis crebrior usus est etiam apud Latinos. Tum etiam & de Modali agendum in hoc ipso tractatu est, sed quàm fieri poterit breuissimè. Verùm hæc à Categoricala non distinguitur, nisi fortè secundum accidens aliquod, quo differt ab ea Categoricala, quæ simpliciter quicquam inesse significat. Tamen quia plus habet fortassis difficultatis, quàm utilitatis, ut cuius non sit admodum frequens usus in syllogismorum contextu, quamuis & in hac quoque parte plus satis Aristoteles occupatus fuerit; seorsim de ea, quod restare adhuc uideretur, statim post Hypotheticam tractare libuit, tum ut illorum consuleremus capacitati, qui rudes adhuc huius artis huc accedunt, eius iam primum præceptis initiandi: tum uerò, ut eorum occurreremus mordacitati, qui nihil non improbare soleant, nisi quod ab ipsis proficiscitur, insuisum planè ac barbarum. Sed nunc propositum exequamur.

Post Categoricalam.) Omnis propositio aut est
 prädicatoria, aut conditionalis. Dictum est de
 prädicatoria, nunc differere incipit de conditiona-
 li. Vtraque hæc propositionum genera aliò refe-
 renda sunt. Vt enim ex prädicatoria syllogismus
 Categoricalus: ita ex conditionalis syllogismus con-
 stituitur Conditionalis.

*De propositione Hypoethetica,
 quid sit, & unde di-
 sta sit.*

DE Hypoethetica quidem propositione tametsi nullus
 ab Aristotele tractatus relictus est, id quod & Boë-
 thius ingenuè liberèque fatetur: eam tamen ipse à Cate-
 gorica ita distinguit in libro, quem *Ἐπὶ τῶν κατὰ πρότερον* inscri-
 psit, ut illam quidem appellet simplicem & unam, hanc
 autem compositam & coniunctione unam, ut quæ ex plu-
 ribus Categoricalis (hoc est, simplicibus) coalescat. Vnde &
 à quibusdam ita definitur: Hypoethetica propositio est,
 quæ ex pluribus Categoricalis, coniunctione omnino ali-
 qua, aut aliquo æquivalente compositis constat. Sunt qui
 & ita definiant: Propositio Hypoethetica est, quæ plures
 habet Categoricalas, principales sui partes simul iunctas:
 ut, Si dies est, lux est. Hanc idcirco diximus Latino no-
 mine Conditionalem appellari, quam tamen uerbum uer-
 bo reddentes, Suppositoriam fortassis rectius appellare-
 mus. Nam quod Græcis hypothesis est, hoc Latinis est sup-
 positio. Verum quia hypothesis præter cætera significata,

apud Græcos nonnunquam uim habet cōditionis, & item cause, ut hoc loco : placuit Latinis hominibus Conditionalem potius dici, quàm Suppositoriam, propterea quòd huiusmodi propositio sub conditione aliquid proponit ut, Si hoc est, illud est: uel si hoc est, illud non est.

RAIIANVS.

Propositio hypothetica.) Quemadmodum ergo propositio simplex ex subiecto & prædicato constituitur: ita hypothetica ex duabus simplicibus componitur.

GLAREANVS.

Sunt qui ita definiunt.) Boëthius lib. i. de Syllogismo hypothetico: Propositio hypothetica est, quæ cum quadam conditione denunciat esse aliquid, si fuerit aliud: ut, Si dies est, lux est.

De tribus propositionis hypotheticæ speciebus.

Huius autem propositionis tres esse species, inter omnes ferè conuenit huius artis professores: quas & Seuerinus Boëthius ad hunc modum colligit: Omnis (inquit) hypothetica propositio constituitur uel per cōnexionem, uel per disiunctionem. Per connexionem rursus, aut per copulationem, aut per conditionem. Per copulationem quidem, ut ea quæ copulatiua coniunctione connectitur, unde & nomen habet: ut, Et dies est, & lux est. Per conditionem uerò, ut quæ coniunctione quadam partibus interposita, ad consequentiam conditionemque ducitur: quæ
idcirco

idcirco nomine peculiari Conditionalis appellatur. Per
disiunctionem autem, ut in qua disiunctiua coniunctio
interueniens, ambas prædicatiuas (hoc est, Categoricalas)
coniungit, & per hoc disiunctiua propositio dicitur: ut,
Aut dies est, aut nox est.

RAIANVS.

Huius autem.) Distinctio harum specierum à di-
uersis coniunctionibus sumitur.

GLAREANVS.

De tribus propositionis hypotheticæ.) Gellius
libr. 16. capi. 8. Quod Græci *συνημμένον ἀξίωμα* di-
cunt, id alij nostrorum adiunctum, alij connexum
dixere. Id connexum tale est: Si Plato ambulat,
Plato mouetur: Si dies est, sol super terram est. Item
quod illi *συνωπλεγμένον*, nos vel coniunctum, vel
copulatum dicimus. Quod est eiusmodi: P. Scipio
Pauli filius, & bis consul fuit, & triumphauit, &
censura functus est. Est item aliud, quod Græci *δι-
ζευγμένον*, nos disiunctum dicimus. Id huiuscemodi
est: Aut malum est voluptas, aut bonum. Hæc ille.

*De qualitate propositionum hy-
potheticarum.*

C Aeterum quoniam omnis propositio aut uerum aut
falsum significat, & quemadmodum Aristoteles do-
cet, quicquid contingit affirmare, contingit & negare:
inquirendum & illud nunc est, quoniam pacto hypotheti-
cæ propositiones, cum affirmationem recipiant, admittāt

simul & negationem. Illud certè à nonnullis dubitatur. Itaque dicimus, quòd hypotheticae propositiones ut affirmatiuae sunt, quarum principalis copula non negatur, etsi inter partes ipsas nonnunquam negatio ponitur: ut, Si homo est, animale est: item, Si non est animal, non est homo. Ita negatiuae dicuntur, quarum copula principalis negatur. Principalem autem copulam uoco, quae partes simul iungit, & certam hypotheticae propositionis speciem constituit: cuiusmodi sunt cõiunctiones copulatiuae, disiunctiuae, & rationales seu conditionales, tum & aliae quaedam orationis partes, illis tamen æquivalentes. Igitur cum quis uolet ex hypotheticis affirmatiuis easdem facere negatiuas, is toti propositioni negationem præponet, quae tamen supra copulam principalem ferri intelligatur: ut, Non si homo ambulat, homo mouetur: Non & dies est, & lux est: Non aut dies est, aut nox est. Atque ita in his propositionibus præter contradictionem, nulla alia inuenitur oppositio, quae à Cicerone & Boëthio repugnantia appellatur.

RAIIANVS.

Aristoteles docet.) Locus est 3. cap. 2. lib. de interpretatione.

Itaque dicimus.) In propositionibus conditionalibus affirmatio & negatio à coniunctione sumitur: vt enim se habet verbum in propositionibus categoricis, ita coniunctio in conditionalibus: sed in categoricis à verbo sumitur affirmatio vel negatio: ergo in conditionalibus à coniunctione.

Atque ita.) Contradictio hoc loco pro affirmatione & negatione sumitur, quæ sola oppositio

in propositionibus conditionalibus inuenitur. Hic enim nullam habemus rationem signorum vniuersalium vel particularium: à quibus variæ formæ oppositionis sumuntur.

GLAREANVS.

De qualitate propositionum.) In hoc capite nihil de veritate & fallitate, sed duntaxat de qualitate propositionum hypotheticarum disputatur.

Igitur cùm quis volet.) - Horatius lib. 4. Carminum,

*Non si priores Maonius tener,
Sed eis Homerus, Pindarica latent,
Cæq; & Alcei minaces,
Stesichorique graues camæna.*

Affirmatiua falsa: Si Homerus habet primas partes, alij poetæ obscuri sunt. Negatiua vera: Non si Homerus primas partes tener, alij poetæ latent, & in obsouro sunt.

De quatuor Hypotheticarum propositionum differentiis.

Cum ergo affirmatio & negatio in his propositionibus non secundum partes sumantur, uidendum etiam est, quot modis partes ipsas variari contingat penes affirmationem & negationem. Vnde & tot earum differentiæ constituendæ sunt. Itaq; constant hypotheticæ aut ex duabus affirmatiuis: ut, si cælum rotundum est, cælum est uolubile: aut ex duabus negatiuis, ut si cælum rotundum non est, cælum non est uolubile: aut ex affirmatiua & negatiua: ut, si cælum quadratum est, cælum uolubile nō est: aut ex negatiua & affirmatiua, ut si cælum rotundum non

m s est,

est, cœlum stabile est. Quatuor igitur sunt istarum propositionum differentiæ, secundum partium uariationem per affirmationem & negationem: & ut in conditionalibus id iam monstratum est, ita & in copulatiuis & disiunctiuis sese habet, quod dictum est.

RAIIANVS.

Cùm ergo.) Diuisio quadrimembris: quam Boethius in libris differentiarum topicarum examinat.

GLAREANVS.

Præter hæc autem in conditionalibus.) In conditionalis coniunctio præcedit totam hypotheticā, in qua prior categorica, quæ coniunctioni proximè apponitur, dicitur antecedens, altera autem consequens. Fieri autē potest: ut & antecedens & cōsequens sint falsæ: & tamen cōsequentia sit vera, & aliis modis variegata, ut habetur Tractatu 6. cā. 16. copiosè. est enim consequentia, necessaria habitudo antecedentis ad consequens.

*Brenis de hisce propositionibus
admonitio.*

SED prius quàm hinc iam de ueritate & falsitate harum propositionum agamus, illud tantum præmonendum duximus, quòd ex his singulæ duas habent partes: unam, quæ coniunctionem ipsas coniungentem (quam principalem copulam iuniores uocant) præcedit: alteram, quæ cōiunctionem ipsam subsequitur. Atque ex his rursus interdum prior pars uera est, sequens falsa: interdum contrà. Nonnunquam etiam ambæ aut ueræ, aut falsæ. Præter hæc autem & in conditionalibus ipsis hoc amplius præmonendum subit, quod ex illis duabus partibus

ea quidem quæ prior est, & cōiunctioni, Si proximè præponitur, antecedēs dicitur: quæ uerò priorem deinde partem subsequitur, ac posterior proinde pars est, Consequēs appellatur.

RAIIANVS.

Duas habent.) Vt in propositionibus simplicibus duæ partes sunt, subiectum & prædicatum: ita in conditionalibus duæ partes sunt, antecedens & consequens. Antecedens est ea propositio prædicatoria, quæ sequitur immediate coniunctionem. Consequens est ea propositio simplex: quæ coniunctionem sequitur mediatè. Id exempli appositione doceo. Si iustitia est, virtus est: antecedēs est hæc propositio, iustitia est, consequens hæc, virtus est. Id planè intelligere necellarium est, & multis in locis vsui.

*De veritate & falsitate Condi-
tionalis.*

ITaque breuiter nunc repetamus harum propositionum definitiones, simulque ostendamus quemadmodum sese habeant singulæ secundum ueritatem, falsitatemque: Conditionalem igitur propositionem esse dicimus: quæ ex duabus constat Categoricis: Si coniunctione simul iunctis: ut si Socrates ambulat, Socrates mouetur. Conditionalium autem quoniam alia quidem affirmatiua est, alia negatiua: affirmatiua quidem uera esse cognoscitur, si oppositum consequentis antecedenti repugnat: falsa autem, si non repugnat. Ergo quidem uera est, quæ dicit, si homo est, animal est: quandoquidem huius oppositū quod est: nō est animal, ei planè repugnat, quod dicit homo est: falsa autem hæc, si homo est, album est. Nam nō albū esse.

handq

haudquaquam ei repugnat, quod est, hominem esse. At uerò si negatiua fuerit, uerane an falsa sit, ex affirmatiua facile deprehenditur negatione remota: id quod & in copulatiua & in disiunctiua, cum negatiuae sunt, ita quoque euenire certum est. Quocirca uera hæc esse iudicatur, quæ ita proponitur, non si homo est, quadrupes est: quoniam eius affirmatiua falsa est. Sunt tamen qui aliter harum propositionum ueritatē & falsitatem discutiant: sed nos Trapezuntium in hoc sequi maluimus. Verum quia tota huiusmodi propositionum uis in consequentia atque conditione consistat, iidem hoc addunt amplius, atque idcirco, ut omnem conditionalem ueram necessariam esse dicunt, ita falsam impossibilem. Itaque uera simul & necessaria hæc est, quæ dicit Si dies est, lux est: siquidem diem esse non contingit, nisi lux sit. Nec minus si ita proponas, Si uolat quisspiam, alas habet. Atqui hæc quæ dicit, Si dies est, terra mouetur, ut falsa est, ita & impossibilis, quando non ideo terra mouetur unquam, quod dies sit, aut si dies est: sed est alia tum ratio, tum causa, cur terremotus fiat, quemadmodum in *Physicis* id proditur.

RAIIANVS.

Affirmatiua verò.) Regula hæc ex Trapezuntio sumpta est, ex qua constat in propositionibus conditionalibus ueritatem & falsitatem non sumi à partium ueritate aut falsitate. Hæc enim conditionalis uera est, si homo est equus, homo est irrationalis: & tamen utraque pars est falsa. Vnde illud tritum & peruagatum in scholis Dialecticorum est: *Propositio conditionalis nihil ponit esse, quia nullā partem*
ueram

veram aut falsam esse indicat, sed tantum consequentia rationem ostendit.

Sed est alia tum.) Exhalationes terræ visceribus inclusæ. Hac de re Aristoteles, Plinius, & Gellius disserunt.

GLAREANVS.

De veritate & falsitate.) Duo dicit in hoc Capite: quid sit conditionalis, & quando vera. siue affirmatiua, siue negatiua. Continenter procedit duobus capitibus sequentibus, de copulatiuis & disiunctiuis.

De veritate & falsitate propositionis Copulatiue.

Copulatiua præpositio est, quæ ex duabus pluribusue Categoricis constat, copulatiua coniunctione, aut æquivalente aliquo simul iunctis: ut, Socrates ambulat, & Plato disputat. Copulatiua uera quidem est, cum utraque pars uera est: falsa autem, cum uel alterutra pars falsa est. Ceterum in definitione copulatiue particula quæ erat, aut æquivalente aliquo, innuit plerasque haberi copulatiuas propositiones: in quibus tamen non copulatiua coniunctio partes connectit, sed aduerbium aut temporis, aut loci, aut similitudinis. Vnde & tales propositiones ab his aduerbijs nomina sæpenumerò sortiuntur, ut aliæ quidem temporales, aliæ locales, aliæ uerò similitudinis propositiones dicantur: quas tamen sub copulatiua comprehendere licet, quemadmodum sub eadem quidem etiam comprehenduntur propositionem rationalem: ut, Quia sol lucet, dies est: quam proinde ita explicant, Sol lucet, & ideo dies est. Alij autem sub conditionali eam comprehendere malunt,

lunt, propter vim cōsequentię, quę eadem est in utraque.

R A I I A N V S.

Copulatiua propositio.) Copulatiuę propositionis veritatem eleganter docet Gellius 8. capit. 16. libri his verbis: In omni coniuncto si vnum est mendacium, etiam si cętera vera sint, totum est mendacium. Quibus verbis indicat, ad veritatem copulatiuę vtrunque partem esse veram oportere, vt hæc est vera: Scipio & bis consul fuit & triumphauit.

De veritate, & falsitate Disiunctiuę propositionis.

Disiunctiuę propositio est, quę ex duabus pluribꝫue constat Categoricalis, coniunctione disiunctiuę simul iunctis, ut Socrates ambulat, uel Plato disputat: quam ueram quidem iuniores esse dicunt, si alterutra tantummodo pars uera fuerit: falsam autem, si pars utraque fuerit falsa. Et ad hunc quidem modum de Disiunctiuę propositione loquuntur hi maxime, qui hac tempestate Dialecticam docent: cū tamen Boethius, & ante hunc M. Cicero aliam huius propositionis significationem esse tradant, atque eam esse dicant, quę ex repugnantibus inter se Categoricalis constituta sit, cuius proinde posita pars una interimit alteram, & interempta una, alterā ponit: ut, Aut dies est, aut nox est.

R A I I A N V S.

Quam ueram.) Vnde hoc iactatum in scholis est, Propositio disiunctiuę est uera, cuius altera pars est uera.

Quę

Quæ ex repugnantibus.) Repugnantia dicuntur quæ eidem competere non possunt, ex quibus oportet omnem propositionem disiunctiuam propriam constare: nam disiunctiua si verbi vim spectes, sic dicta est, quasi veritatem & falsitatem disiungat. Quocirca hæc non est propriè disiunctiua, aut homo est, aut ambulat.

GLAREANVS.

De veritate & falsitate.) in disiunctiua non puto vbique necesse esse duo immediata contraria, vt ægrotum & sanum: sed hoc necesse esse, nempe sufficientem partium enumerationem. Ideoque in pluribus si vna est vera, tota erit vera: vt, Aut agere aliquid, aut pati, aut neutrum significans. Claves hodie vel domi, vel in templo, vel in itinere amisi: nã manẽ habui, nec vsquam interim fui, quàm vel in templo, vel domi. In omni igitur diuisione iusta & perfecta, locum habet hæc propositio, etiam multarum partium. Sed ita nudè, Socrates disputat, vel Plato ambulat: vel, Tu probus es vel Deus est, vt vulgus loquitur, vbi nulla est connexio totius per partes, vbi neuiquam puto esse propositionem disiunctiuam. Nam vnio aliqua debet esse, etiam si partes disiungantur.

*De propositione Modali, sed prius quid
sit Modus, à quo dicta videtur
huiusmodi propositio.*

Sequitur propositio modalis, quæ ut nomine ipso patet, à modo dicta est. Porro modus à quibusdam definitur, adiacens,

adiacens rei determinatio. Quæ modi definitio hunc præse ferre uidetur intellectum: Modus (ut hoc loco accipitur) dictio est adiectitia, quæ rem quampiam determinat. Rem, inquam, hoc est, uocem quæ rei alicuius significatiua est. Verbum autem Determinat positum est, ut sit idem quod explanat, aut certè distinguit: quod nimirum faciunt tam aduerbia ipsa, quàm nomina adiectiua. Nam, ut Priscianus ait, hoc est aduerbium uerbis, quod adiectiua nomina appellatiuis nominibus adiuncta: ut cùm dico, prudens homo, hominem quidem aliquem designo, non tamen quemlibet, sed eum qui prudentia præditus est. Sic etiam cùm dico, prudenter agit, agere quidem aliquem innuo, at cùm hoc simul explano atque distingo, agere uidelicet non utcunque: sed prudenter. Itaque modus hoc loco nihil aliud est, quàm aut adiectiuum nomē, aut aduerbium. Itaque & hîc nunc prius quàm ad reliqua pergamus, operæpretium fortassis fuerit, adijcere ex Diomede Grammatico, quòd Scaurus uetus author ipsum aduerbium non alio pacto (quàm nos paulò suprâ modum) definit. Aduerbiū est (inquit) modus rei adiectus, ipsam pronuntiatione definiens, hoc est, terminās, uelut rectè, diligēter, optimè.

RAIIANVS.

Sequitur.) In modalibus propositionibus præclara ingenia remorāda nō sunt. Plus enim habent ostentationis quàm utilitatis, cuius permulti auditores auidiores quàm veritatis sunt. Sat igitur fuerit iuuenem, qui ad sublimiores properat facultates, prioribus (ut aiunt) labris has degustare.

Qui modi propriè modales efficiant.

CAeterum cùm aduerbium ipsum uerbum determinat, id facit aliquoties quidem ratione rei, hoc est, significati

significati ipsius uerbi, quod per eius participium explicatur. Aliquādo ratione tēporis, quod uerbū cōsignificat. Aliquoties ratione modi uerbi, quo scilicet uaria in nobis designatur affectio, prout animus noster nūc ad hoc, nūc ad illud se inclināt, quā Græci proinde multo signifiantius ἐγκλισιν, id est, inclinationem, nos modum appellamus: ut cū optamus quippiam, aut aliquem hortamur. Aliquoties uerō ratione compositionis uerbi, quæ quidem in ipso uerbo intelligitur, quatenus uerbum substantiuum intra se concludit: de quo ita Aristoteles in principio serē eius operis, quod περὶ ἐρμηνείας, id est, de interpretatione inscribitur: Nam si ipsum, inquit, est, uerbum purum dixeris, nihil quidem est: significat autem compositionem quandam, quam sine compositis, hoc est, extremis, non est intelligere. Quo fit, ut ex hac multiplici aduerbij determinatione multiplices quoque modi colligantur. Attamen ex omnibus his nulli tales sunt, qui modales propositiones efficere constituerēque possint præter quatuor, siue adverbialiter eos, siue nominaliter expresseris: qui sunt possibile, impossibile, contingens, & necessarium. Nam cū dicit quispiam: Plato grauitè disputat, aut homo albus currit, modus quidem in utraque propositione ponitur, neutra tamen ex ipsis modalis dici debet: quoniam non tota utriusque propositionis compositio determinata est, sed pars tantum altera, unius quidem subiectum, alterius uerō prædicatum. Quare quicunque modi partem propositionis aliquam, non totam eius compositionem determinant, nullo pacto eiusmodi censeri debent, ut ab his modales propositiones dicantur. Sed neque uerum & falsum, tales habentur modi, licet ipsarum propositionum compositionem determinent: quoniam in his

propositionibus, quæ modis illis determinantur, oppositio & equipollentia haud aliter sumuntur, quàm in his quæ simpliciter inesse significant, uel ideo fortassis, quòd communes omnium propositionum affectiones siue passionis sint. Omnis quippe propositio aut uera, aut falsa esse perhibetur.

R A I I A N V S.

Sed neque.) Etsi Aristoteles 3. cap. 2. libri de interpretatione, verum & falsum inter modos enumerat: tamen non constituunt modales propriè propositiones, propter eas rationes, quas Casarius affert.

G L A R E A N V S.

Nam si ipsum (inquit) Est verbum purum dixeris.) In Græcis non legitur τό ἐστίν, sed τὸ ὄν, id est, Ens. Nisi quis dicat, etiam hoc apud Græcos corruptū. Beatus Thomas tamen legit τὸ ὄν, ut est in Græcis. Ens enim non dicit actualitatem essendi, ut est. Mirari tamen quis iure possit, cur hæc Aristotelis verba huc adducat, cum hic de determinatione aduerbiorum fiat mentio, apud Aristotelem verò dicto loco de verbi significatione.

Nam cum dicit quispiam, &c.) Verus modus debet determinare totam ipsius propositionis compositionem, & in quantum compositio: & aliquid addere ultra simplicem propositionem, quæ modi signum non habet.

Quid

Quid sit propositio Modalis, & quomodo secundum quosdam diuidatur.

Modalis igitur propositio est, quæ modo ex his quatuor aliquo determinatur, cuiusmodi sunt possibile, impossibile, contingens, & necessarium. Sanè hanc ipsam, quæ iam definita est, Modalem compositam quidam appellant, quam & ita definiunt, ut sit, cuius dictum aliquo modorum determinatur: dictum quidem intelligentes id, quod ex casu accusatiuo & uerbo infinito constructum est, quale est cum dico, Socratem currere. Cum igitur dictum tale determinatur, huiusmodi propositio Modalis composita appellatur, ut cuius alteram extremorum est dictum, alterum modus ex his aliquis, qui dicti sunt: ut, Socratem currere est possibile. Idem huic quasi ex aduerso aliam ponunt Modalem, quam diuisam appellant, & ita definiunt: Modalis diuisa est, cuius copula modo aliquo determinatur: ut, sedentem possibile est ambulare: quales etiamnum propositiones simpliciter & propriè modales esse dicunt, illas autem non simpliciter, sed compositas. Verùm non ita Aristoteles & Boëthius, quorum uterque de his propositionibus, hoc est, compositis, si tamen ita appellare libet, & grauiter & subtiliter suum instituit tractatum, de quibus etiam nos hoc ipso tractatu agemus, ut qui Aristotelem potius & Boëthium, authores haud dubiè grauissimos imitari uolumus, quàm leuiscue los & clamosos sophistas.

RAIIANVS.

Sanè.) Modalis composita est, quæ habet partes

n 2

dicti

dicti coniunctas, & modum separatim positum: vt Celarem esse clementem est possibile. Et in his propositionibus possibile ita explicatur, vt propositio possibilis: impossibile, vt propositio impossibilis.

Modalis diuisa.) Modalis diuisa est, quoties inter partes modus aliquis ponitur: vt Philosophum necesse esse sapientem. Neque leue est discrimen, si quis dumeta & spineta garrulorum Sophistarum inspicere velit, inter propositionem compositam & diuisam modalem. Nam potest (inquiunt) modalis esse vera, & composita ex eisdem terminis constans, esse falsa: vt hæc est vera, album possibile est esse nigrum: hæc tamen falsa, album esse nigrum est possibile. Hæc est composita, illa diuisa. Sed hæc missa faciamus: sunt enim plusquam Cimeriis inuoluta tenebris, & felicia ingenia à disciplinis reiciunt.

*Que sit horum quatuor modorum ad signa tum
uniuersalia, tum particularia
proportio, siue con-
uenientia.*

Sed ut harum deinceps propositionum inuestigemus qualitatem simul & quantitatem, unde & earum deinde oppositio intelligi possit, scire operæpretium est, hos quatuor modos sæpe dictos magnam cum signis tum uniuersalibus, tum particularibus habere conuenientiam, affinitatemque: ut exempli gratia, necesse, cum signo uniuersali affirmatiuo: impossibile cum signo uniuersali negatiuo: porro possibile & contingens (qui duo modi hac in parte pro eodem passim accipiuntur) cum signis particulari

cularibus affirmatiuis. Vnde ut signa illa aliarum huius generis propositionum subiecta tantum determinant, ita hi quatuor modi totam istiusmodi propositionum compositionem, quæ (ut iam supra dictum est) dicti nomine intelligitur.

RAIANVS.

Sed ut harum.) Docet modales propositiones habere quandam similitudinem cum simplicibus. Nam ut in simplicibus ex signis vniuersalibus & particularibus quantitatem metimur: lic in modalibus à modis quatuor, quorum impossibile & necesse modales propositiones vniuersales constituunt, possibile & contingens particulares. Istud iam doctrinæ causa admittamus, est tantum, si verum fateri volumus, neotericorum coniectum. Nihil enim tale ab Aristotele traditum legimus.

GLAREANVS.

Quæ sit horum modorum, &c.) Differunt possibile & contingens. Possibile ampliat compositionem non essendi, sed mobilem ad esse: ut, Socratem currere est possibile, significatur occulte, cursum non inesse Socrati, sed posse inesse: utpote si iam sedeat, postea possit currere. Cōtingens ampliat compositionem essendi, sed mobilem ad non esse: ut, Socratem currere est contingens: significatur ibi Socrati cursum inesse, sed posse sibi non inesse.

Omne Necesse valet, valet Impossibile Nullus:
Possibile, Quidam: Quidam non, possibile non.

Sedentem currere est possibile. } Composita.
 Possibile est sedentem currere. }
 Sedentem possibile est currere. Diuisa.

De qualitate simul, & quantitate modalium propositionum.

EX his igitur etsi facile iam quibus uideatur intelligere posse, unde in his propositionibus tum qualitas, tum quantitas sumenda sit: tamen haud superuacuum erit, interim & illud admonere, quod in modalibus, tum affirmatio, tum negatio secundum modum sumenda est, quemadmodum in his, quæ sine modo proferuntur, atque inesse simpliciter significant, secundum uerbum, hoc est, copulam uerbalem: id quod & his penè uerbis (ita ut solet omnia) grauissimè secundum Aristotelis rationem Boethius annotauit. Quemadmodum enim (inquit) in his, quæ præter modum quicquam esse uel non esse proponunt, esse quidem & non esse oppositiones quædam (id est, prædicationes) sunt: res uerò est quæ subiicitur: ut in eo quod dicitur, homo est, uel homo non est, homo quidem quatenus rem significat, subiectum est, oppositiones autem & prædicationes sunt, est & non est. Ita quoque in his quæ secundum modum aliquem dicuntur, esse quidem subiectum est, ueluti res quædam: modus autem, qui de ipso esse prædicatur. Nam cum dicimus, hodie pluuiam esse est possibile: esse quidè iam subieciimus, possibile autem prædicamus. Sicut igitur in illis, quæ præter modum dicuntur, uerbum totam uim prædicationis habet: ita in his quæ cum modo proferuntur, ipse modus. Et per hoc ut negatio in illis

in illis ad uerbum fertur, ita in his ad modum ferenda est. Sed hinc ad earum transeamus oppositionem.

RAIIANVS.

Quemadmodum.) Aristo. 3. ca. 2. lib. de interpretatione sic colligit: ut se habet uerbum in simplicibus propositionibus, ita modus in modalibus: ac in simplicibus à uerbo sumitur affirmatio & negatio: ergo etiam in modalibus à modo. Et hæc est plena huius capitis sententia.

De oppositione propositionum modalium.

Opponuntur autem & hæc quidem inter se quatuor modis. Siquidem aut contrariæ inter se sunt, aut subcontrariæ, aut contradictoriæ, aut subalternæ. Enimvero ut harum oppositionem planius quisque discernere queat, conuenientius erit hoc pacto eas disponere, ut modus ipse subiecti, uerbum autem siue dictum (quod uocatur) prædicati locum interim teneat, tametsi perinde est, hoc uel illo ordine disponantur. Contrariæ igitur sunt, ut necesse est hominem spirare, necesse est hominem non spirare. Subcontrariæ, ut possibile est hominem spirare, possibile est hominem non spirare. Contradictoriæ uero, ut necesse est hominem spirare, non necesse est hominem spirare. Subalternæ uero, ut necesse est hominem spirare, non necesse est hominem non spirare. Quæ omnia ut digesta sunt, ita sese habere subscripta figura monstrat luculentissime, licet modis in ipsis propositionibus ubique ferè uariatis, idque haud temere: quippe iuxta signorum respondentiam: cum tamen, si libeat, ex eisdem ubique modis eas describere possis, suo uidelicet quamque loco.

Opponuntur.) Suprà admonui ex sententia Aristotel. 3. 2. cap. lib. de interpretat. in modalibus esse contradictorias oppositas propositiones. Boëthius cæteras effinxit species.

Contrariæ.) Hæc propositio, necesse est hominē non spirare, huic æquipollet, impossibile est hominem spirare. Quare hæc etiam contrariæ sunt: necesse est hominem spirare, necesse est hominem non spirare. Modò id doctrinæ causa admittamus, necesse & impossibile signis vniuersalibus æquipollere. Sed dixerit aliquis: necesse est hominem spirare, & impossibile est hominem spirare, contrariæ non sunt: nam ambæ affirmatiuæ sunt. Aristoteles enim docet, impossibile affirmatiuum esse modum. Hæc obiectio eodem modo diluenda est. Nam secūdum doctrinam Aristotelis contrariæ non sunt. Sed hoc loco impossibile sumitur pro signo vniuersali negatiuo, & sic negatiuam efficit propositionem.

De consequentijs siue equipollentijs propositionum modalium.

HInc iam ad consequentias, siue (ut iuniores dicunt) Hæquipollentias harum propositionum transeamus. Ad quas quidem intelligendas, duæ regulæ ab Iacobo Fabricio Stapulensi traditæ, plurimum nobis adiumenti præstare poterunt, si eas animo perpendamus, simulq; memoriæ commendemus, quas proinde hoc loco adijcere placuit. Ad idem quoque haud dubiè faciet subiecta figura, quatuor angulis per binos diametros descripta, appositis
insuper

insuper quatuor ad hunc usum inuentis uocabulis, unicuique angulo singulis, quæ ob id ipsum artis uocabula haud iniuria dici possunt. Quibus tum ita dispositis, scire licet omnes uniuscuiusque anguli propositiones inter se æquipollere, ac per hoc consequi sese. Cæterum ut nihil quod ad hanc rem attinet, non intelligatur planè: horum quatuor uocabulorum ars etiamnum aperienda est. Sciendum itaque, quòd per a uocalem intelligere debemus negationem in his propositionibus neque ad dictum, neque ad modum ferendam esse. Et ut pere ad dictum tantum, ita per i solum ferenda est ad modum: per u uerò ad utrumque. Sed nunc tandem ad ipsas regulas ueniamus. Quarum prima est: Si est aliqua propositio possibilis, eadem est contingens, atque eadem non est impossibilis, & eius contradictoria non est necessaria. Secunda: Si non est aliqua propositio possibilis, eadem non est contingens, eadem autem est impossibilis, & eius contradictoria est necessaria. Postremo autem exempla sumantur ex his propositionibus, quarum dicta æquivalent propositionibus uel singularibus, uel communibus: hoc est, quarum subiecti termini sunt aut singulares, aut communes. Verum quoties ex communibus terminis huiusmodi constiterint propositiones, tunc si tres præcedentes, utpote de possibili, contingenti, & impossibili, fuerint uniuersales, quarta de necessario erit particularis: at contrà, si præcedentes tres fuerint particulares, aut certè indefinitæ, quarta erit uniuersalis: atque id quidem est, quod ambæ innuunt regulæ, cum in utraque dicitur, & eius contradictoria est, uel non est necessaria.

R. A. I. I. A. N. V. S.

Sciendum itaq;.) Proponit certa certis uocabu-
n s la:

Opponuntur.) Suprà admonui ex sententia Aristotel. 3. 2. cap. lib. de interpretat. in modalibus esse contradictorias oppositas propositiones. Boëthius cæteras effinxit species.

Contrariæ.) Hæc propositio, necesse est hominē non spirare, huic æquipollet, impossibile est hominem spirare. Quare hæ etiam contrariæ sunt: necesse est hominem spirare, necesse est hominem non spirare. Modò id doctrinæ causa admittamus, necesse & impossibile signis vniuersalibus æquipollere. Sed dixerit aliquis: necesse est hominem spirare, & impossibile est hominem spirare, contrariæ non sunt: nam ambæ affirmatiuæ sunt. Aristoteles enim docet, impossibile affirmatiuum esse modum. Hæc obiectio eodem modo diluenda est. Nam secūdam doctrinam Aristotelis contrariæ non sunt. Sed hoc loco impossibile sumitur pro signo vniuersali negatiuo, & sic negatiuam efficit propositionem.

De consequentijs siue equipollentijs propositionum modalium.

HInc iam ad consequentias, siue (ut iuniores dicunt) Hæquipollentias harum propositionum transeamus. Ad quas quidem intelligendas, duæ regulæ ab Iacobo Fabricio Stapulensi traditæ, plurimum nobis adiumenti præstare poterunt, si eas animo perpendamus, simulq; memoriæ commendemus, quas proinde hoc loco adijcere placuit. Ad idem quoque haud dubiè faciet subiecta figura, quatuor angulis per binos diametros descripta, appositis
in super

insuper quatuor ad hunc usum inuentis uocabulis, unicuique angulo singulis, quæ ob id ipsum artis uocabula haud iniuria dici possunt. Quibus tum ita dispositis, scire licet omnes uniuscuiusque anguli propositiones inter se æquipollere, ac per hoc consequi sese. Cæterum ut nihil quod ad hanc rem attinet, non intelligatur planè: horum quatuor uocabulorum ars etiamnum aperienda est. Sciendum itaque, quòd per a uocalem intelligere debemus negationem in his propositionibus neque ad dictum, neque ad modum ferendam esse. Et ut per e ad dictum tantum, ita per i solum ferenda est ad modum: per u uerò ad utrumque. Sed nunc tandem ad ipsas regulas ueniamus. Quarum prima est: Si est aliqua propositio possibilis, eadem est contingens, atque eadem non est impossibilis, & eius contradictoria non est necessaria. Secunda: Si non est aliqua propositio possibilis, eadem non est contingens, eadem autem est impossibilis, & eius contradictoria est necessaria. Postremo autem exempla sumantur ex his propositionibus, quarum dicta æquivalent propositionibus uel singularibus, uel communibus: hoc est, quarum subiecti termini sunt aut singulares, aut communes. Verum quoties ex communibus terminis huiusmodi constiterint propositiones, tunc si tres præcedentes, utpote de possibili, contingenti, & impossibili, fuerint uniuersales, quarta de necessario erit particularis: at contra, si præcedentes tres fuerint particulares, aut certè indefinitæ, quarta erit uniuersalis: atque id quidem est, quod ambæ innuunt regulæ, cum in utraque dicitur, & eius contradictoria est, uel non est necessaria.

RAIIANVS.

Sciendum itaq;.) Proponit certa certis uocabu-
n s la:

la, quibus æquipollentias modalium cognoscimus. A significat propositionem omninò affirmatiuam. E negatiuam de dicto. I negatiuam de modo. V totā negatiuam, & secundum dictum & modum propositionem significat.

Si est aliqua.) Ratio huius est, quia possibile, & contingens inter se æquipollent.

Atque eadem.) Ratio huius est, quia possibile siue contingens, & impossibile præposita negatione alteri modorum, fiunt æquipollentes. Vt recte sequitur: Possibile est esse, ergo non impossibile est esse.

Et eius contradictoria.) Huius ratio: Si contradictoria propositionis possibilis esset necessaria, duæ contradictoriæ essent simul veræ. Nam possibilis potest esse vera, & etiā necessaria est vera. Quare conficitur, duas contradictorias simul esse veras.

Eadem autem.) Quia possibile & impossibile æquipollent, si alteri modorum negatio præponatur.

Et eius contradictoriæ.) Huius loci ratio est: Si propositio aliqua non est possibilis, contradictoria eius est necessaria. Nam si eius contradictoria non esset necessaria, posset esse falsa: & non possibilis potest esse falsa: ergo duæ contradictoriæ erunt simul falsæ. Sequitur figura ex propositionibus singularibus: In quolibet artis vocabulo quatuor cōstituuntur propositiones, quarum prima est possibilis, secunda contingens, tertia impossibilis, quarta necessaria: quæ omnes inter se æquipollent, & mutuò se inferunt. In figura quæ ex propositionibus communibus constat, in duobus vltimis ordinibus, scilicet

sub

subcōtrariis, in quibusdam exemplaribus vocabu-
la artis transposita sunt. Nam in hoc ordine, Omne
hominem currere est possibile, notandum est voca-
bulum artis, Amabimus. In eo verò, Omnem homi-
nem non currere: notandum Edentuli.

GLAREANVS.


De consequentiis, siue æquipol.) Sciendum, quòd
singuli istorum quatuor modorum, secundum qua-
tuor angulos quaternas habet propositiones moda-
les: ita sexdecim erunt in vniuersum propositiones.
Verbi gratia, iste modus qui est possibile, si sumatur
sine negatione, facit vnam propositionem modale:
vt, Socratem currere est possibile. Si sumatur cum
negatione, posita ante verbum, facit secundam: vt,
Socratem nō currere est possibile. Si sumatur cum
negatione, posita ad modum, facit tertiam positio-
nem: vt, Socratem currere non est possibile. Deniq;
si sumatur cum negatione duplici, altera ad modū,
altera ad verbum posita, facit quartam positio-
nem: Socratem non currere, non est possibile. Pro
his quatuor angulis siue ordinibus, sunt quatuor vo-
cabula artis: Amabimus, Edentuli, Iliace, Purpurea,
in quibus totum negotium est in quatuor vocali-
bus, a, e, i, v. A, nihil negat, neque dictum, neque mo-
dum: v, vtrunque: i, modum tantum: e, dictum tan-
tum. Vnde est versus:

E, dictum negat, Iq; modum, nihil A, sed V totum.

Sequitur

*Sequitur figura ex propositionibus
singularibus.*

Pr	Socratem non curre- re non est possib.	Socratem currere non est possibile.	I
pu	Socratem non curre- re non est cōtingens.	Con Socratem currere non est contingens.	II
re	Socratem non currere est impossibile.	ria Socratem currere est impossibile.	A
a	Socratem currere est necesse.	Socratem non curre- re est necesse.	ce




A	Socratem currere est possibile.	Socratem non curre- re est possibile.	F
ma	Socratem currere est contingens.	Socratem non curre- re est contingens.	den
bi	Socratem currere con non est impossib.	Socratem non currere non est impossib.	tu
mu	Socratē non curre- re non est necesse.	ria Socratem currere non est necesse.	II

Seq

*Sequitur figura ex propositionibus
communibus.*

Pur	Omniem hominem non currere nō est possib.		Omniem hominem cur- rere non est possib.	I
ph	Omne hominē nō cur- rere nō est conting.	Con	Omne hominē curre- re non est conting.	II
re	Omne hominē nō cur- rere est impossib.	ria	Omne hominem curre- re est impossib.	
A	Quendam hominem currere est necesse.		Aliquem hominem nō currere est necesse.	2.



A	Omniem hominem currere est possib.		Omniem hominē nō cur- rere est possibile.	1
ma	Omne hominē curre- re est conting.	Sub	Omne hominē non cur- rere est contingens.	den
bi	Omniem hominē cur- rere nō est impos.	con	Omne hominē nō cur- rere nō est impossib.	tu
mus	Aliquem hominem non currere non est est necesse.	ria	Quendam hominem currere non est ne- cesse.	li

De conuersione modalium.

SED & de conuersione harū propositionum iuxtafer-
 uatum prius ordinem, dicendū deinceps. In quo quidē
 paulò liberiùs expatiari liceat propter eos, qui hac in par-
 te omnes eiusdem ordinis propositiones, ut equipollere
 inter se ubiq;, ita & cōuerti dicunt, ipsum recte an per-
 peram, ipsi uiderint: nos uerò Aristotelē in primis ipsum,
 & post hunc Boethium, & post utrunq; Iacobum Fabrum
 Stapulens. sequentes, non per omnia id ita se habere, uel
 exemplis idoneis ostendemus. Insuper autem & illud nūc
 etiam mirari subit, quòd pleriq; in re planè perspicua, uel
 acta omnino agūt: ut in prouerbio est: uel certè nimia in-
 terdum prolixitate usque adeò laborant, ut eādem rem nō
 modò luce sua priuent, sed & obscuriorem relinquant,
 quā inuenerint. Contrā uerò, in re quæ expositione ali-
 qua indiget, uel tempus in ea prorsus malè collocāt: uel ita
 re illā oculis (ut uidetur) conniuentibus prætereunt, ut nō
 tam negligere, quā ignorare uideātur. Quid enim refert
 dicere, omnes propositiones in suo ordine equipollere in-
 ter se, & conuerti perinde, cū tamen hæ propositiones,
 quæ de impossibili sunt, id nequaquam admittant, uidelicet
 ut conuertantur? Nā cū uera sit quæ dicit, omnē substan-
 tiam esse hominē est possibile: falsa tamen erit hæc, Quen-
 dam hominē esse substantiā est impossibile. Quocirca nec
 Aristoteles ipse de modalium conuersione tractās, meminit
 usquā de propositione impossibili. Quod profectò & Iaco-
 bus Faber Stapulensis animaduertens, tales regulas de hu-
 iusmodi propositionū cōuersione posuit: Si conuersa, in-
 quit, impossibilis est, nō oportet conuertentē eius esse im-
 possibile. Item si conuersa fuerit possibilis, cōtingens, aut
 necessaria, & eius conuertens possibilis, cōtingēs, aut ne-
 cessaria

cessaria erit. Vnde rectè fit conuersio in ea, quæ de possibili aut contingenti existit, si dicamus, omnem hominẽ esse album est possibile siue cõtingens, ergo quoddam album esse hominem est possibile, siue contingens. Et in ea similiter id accidet, quæ est de necessario: ut, omnem hominẽ esse mortalem est necesse: ergo quoddam mortale esse hominẽ est necesse. Quod quidem & alijs quoq; generibus propositionum ita eueniet, secundũ duplicis conuersionis regulas suprà positas. Atq; hoc ipsum est, quod & Aristoteles ad hunc modũ proponit ubi de istarũ propositionũ conuersione agit. Eodẽ autẽ modo, inquit, & de necessarijs propositionibus se habet, & in cõtingẽtibus, quomodo in his, quæ absolute dicũtur, hoc est, simpliciter inesse significat.

RAIIANVS.

Quid enim.) Propositiones vnus ordinis inter se æquipollẽt, & de mutuo se trahũt consequio, sed nõ necessario inter se conuertũtur. Quia in conuersione necesse est terminũ subiectum transponi in prædicatũ, & prædicatum in subiectum, in æquipollẽtia autẽ satis est consequens rectè colligi ex antecedẽte.

Si conuersa.) Vt ista, Omnem subltãtiam esse hominem est impossibile.

Vnde rectè.) Hic locus est apud Aristotelem 3. capite primi libri priorũ: Propositiones de cõtingenti, necessario, possibili, eodem modo conuertuntur, vt propositiones simplices.

GLAREANVS.

Nam cùm vera sit quæ dicit, omnem sub.) Cæsar. rius non attẽdit, quòd in Iliace affirmatiua vniuersalis, Omnem hominem currere est impossibile, æquipollet illi, Aliquem hominem non currere est necesse.

necesse. Atqui illa, Aliquem hominem non currere est necesse: est particularis negatiua, saltem ex parte dicti: itaq; ex parte dicti conuerti non potest. Quare nihil hîc agit. Nam illa, Omnem substantiam esse hominem est impossibile, æquiualeat illi, Quandam substantiam non esse hominem est necesse, per Illiace. Sed hæc cum sit particularis negatiua de dicto, non potest conuerti ex parte dicti, eadem ratione, qua particularis negatiua superius negatur cōuertipolle. Et nota, quod impossibile negat pro omni tempore dictum, quod determinat: ideoque ponit, contradictorium esse verum, & necessarium. Propter quod omnis propositio de impossibili equipollet illi de necesse esse, quæ est de dicto contradictorio: vt, Hominem currere est impossibile, Hominem non currere est necesse.

Quot modis contingens dicatur.

Quoniam autem contingens, quod dicitur, eandem ubique in his propositionibus cum possibili significationem habere constat: haud abs re fuerit, antequam huic tractatui finem imponamus, eius nominis multiplicem significationem breuiter exponere. Itaque sciendum, quod contingens tribus dicitur modis. Dicitur nanque contingens & quod necessarium est, & quod non necessarium, & quod possibile est. Primo igitur modo contingens & necessarium idem sunt. Secundo contingens & nō necessarium. Tertio contingens & possibile. Rursus autem contingens, quod secundo modo dictum est, deducitur deinde in contingens ut plurimum, siue quod frequentius est, & contingens rarum, & in contingens utrumlibet. Cōtingens ut plurimum est, quod in alteram partem plus uergit: est

ut hominem in senectute canescere. Nam id quidem frequenter accidit: potest tamen etiam non canescere iam senex quispiam factus. Vnde & contingens natum idem appellatur. Contingens rarum est, ut fœdientem reperire thesaurum. Id enim si aliquando contingat, rarissimum tamen est. Contingens uero utrumlibet, quod & inaijferens dicitur, id est, cum dicimus sedere quempiam, aut uigilare, quod proinde ita definitur: Vtrumlibet est, cuius indiscretus euentus est, hoc est, quod æqualiter euenire uel non euenire potest. Et de modalibus quidem hæc tenus.

R A I I A N V S .

Itaque sciendum.) Tres hi modi contingentis sunt apud Aristotelem duodecimo cap. primi libri priorum. Hi modi adferuntur hoc loco, ut secundum diuersum modum contingentis, propositiones diuerso modo conuertantur.

O

I N

INTRACTATVM

QVINTVM DE SYLLO-

gismo Categorico

PRAEFATIO.



Vperest ut ad eam tandem perueniamus
huius artis partem, in qua tota uis artis
sita est: nempe inueniendi & iudicandi.
Nam si Dialectica (ut à M. Cicerone non
tam eleganter breuiterq; , quàm grauter
& uerè definitur) diligens differendi ratio est: fieri pro-
fectò non potest, ut ab inuentione ipsa sit separata. Siqui-
dem differere (hoc est, disputare) diligenter nemo poterit
unquam de re quapiam, nisi inuentis à se prius argumen-
tis, quibus disputatio ipsa fulciatur, procedatq; legitimè.
Rursus autem & ob id ipsum à iudicio abesse nequit, quo
is qui differit, perpendat examinè que tum inuentum nu-
per argumentum, tum ipsius disputationis instrumentum,
nempe argumentationem: quod certè nisi ritè formatum
fuerit, parùm aptum idoneumue ad disputandum adhibe-
bitur. Porro pars illa quæ de inuentione tractat, Topicè
Græcè, Latine localis dici potest. Ea uerò pars, quæ in iu-
dicando posita est, & quasdam discernendi regulas sub-
ministrat, Analytice à Græcis dicitur, à nostris resolutò-
ria. Huius rursus duplex ab Aristotele partitio traditur.
Siquidem ea pars, quæ de propositionum iunctura consi-
derat, & formam duntaxat syllogismi molitur, docens in-
terim præmissis, quas uocant, ritè dispositis, necessariò ex
his conclusionem sequi, prior Analytice dicitur, quæ uerò
de ipsis

de ipsis inuentis iudicium fert, hoc est, ostendit, utrumque inuenta sunt, conueniant necne rei in disputatione propositæ, posterior Analytice nuncupatur. Quod nimirum tribus fit modis: quippe hæc ipsa uel de necessarijs iudicat, & Demonstratio appellatur: uel de uerisimilibus & probabilibus, & peculiari nomine Dialectice dicitur: uel de falsis & cauillatorijs, & Sophistica nuncupatur. De quibus omnibus singulatim per ordinem deinceps tractabitur, & primò quidem de Syllogismo formæque argumentationis, cuius etiam præter syllogismum aliæ tres traduntur species, Enthymema, Inductio, Exemplum: quæ tamen ad syllogismum ipsum, ueluti ad quandam mensuram reduci solent. Quoniam autem omnis argumentatio omnisque syllogismus propositionibus struitur, atque hæc terminis perficiuntur: à propositionibus & terminis hunc tractatum inchoandum esse statuimus, idque etiam non absque exemplo.

RAIIANVS.

In tractatum quint.) Hic tractatus iudicio meo omnium est utilissimus: continet enim præcipuam Dialectices partem, nimirum ratiocinationē. Nam cum tria sint Dialectices instrumenta, finitio, diuisio, ratiocinatio: hæc est, circa quam omnis labor & industria differētis versatur. hunc finem & scopum semper spectamus, ut aliud ex alio conficiamus. Et si enim Dialectica docet rem vniuersam distribuere in partes, latentem explicare finiendo, obscuram explanare interpretando, ambiguam primū viderē, deinde distinguere: tamen illud multo maximum est, quòd tradat regulam, qua vera & falsa iudican-

iur, & quæ quibus sint vel non sint consentanea. Cælius in hac præfatione inuentionem & iudicium ad Dialecticā pertinere docet. Inuentio certos locos ostendit, è quibus argumenta in rem quāque probandam aut refellendam promimus. Iudicium est, quod præcepta quædam argumētandi tradit, vnde cognoscimus, an inuenta themati conueniant, necne. Cæterum Cælius ordinem naturalem turbare videtur. Inuentio est prior ordine naturæ iudicio, vt Cicero initio Topicorum ad Trebatium docet: ergo etiam prius tractanda erat. hic autem Cælius pertractat iudicium, & tractatu nono inuentionem. Sinuosa & perplexa hæc est obiectio, in qua diluenda magnorum philosophorum magna ingenia impedita fuerūt. Post omnium opiniones excussas & examinatas, cogitabam aliquando, an eam obiectionē hunc in modum diluere possem: Inuentio ordine naturæ prior est iudicio (prius enim inuenire oportet, deinde iudicare de inuētis.) Iudicium autem ordine doctrinæ, commoditatis, facilitatis, est prius inuentione. Hanc rem planius & apertius in gratiam iuniorum explico. Postquam Cælius exposuit voces simplices & propositiones, ordo doctrinæ & methodica ratio efflagitabat, vt argumentationem & eius formas, quæ ex propositionibus constant, pertractaret. & eodem modo intelligendus est Aristoteles eo in ordine, in quo libros priorum & posteriorum (in quibus de iudicio agit) præposuit libris Topicorum, in quibus inuentio continetur. Scio tamen à quibusdam ingeniosam adferri ad illum Aristotelis locum solutionem.

Aristoteles

Aristoteles in libris priorum & posteriorum, non solum docet iudicium, sed etiam inuentionem termini mediij in syllogismo generatim sumpti: sed in libris Topicorum docet inuentionem syllogismi dialectici: at syllogismus generaliter sumptus, est prior syllogismo dialectico: ergo etiam inuentio syllogismi generatim sumpti est prior inuentione syllogismi dialectici. Res igitur eò recidit, vt duplicem constituere cogamur inuentionem: alteram pertinentem ad genus, scilicet syllogismum: alteram ad speciem, scilicet syllogismum dialecticum. Sic etiam libri posteriorum, vt hæc de abundanti adijciam, optimo ordine præponuntur libris Topicorum. Nam in libris posteriorum Aristoteles disserit de syllogismo demonstratiuo, qui longè est nobilior syllogismo dialectico. Ad eundem modum inuentio syllogismi demonstratiui est præstantior inuentione syllogismi dialectici. His ita præpositis, ad rem redeamus.

Nam si.) Probat inuentionem pertinere ad dialecticam, argumento sumpto à finitione dialecticæ: quo argumento Trapezuntius initio suæ dialecticæ usus est.

Ea verò pars.) Docet iudicium ad Dialecticum pertinere.

Huius rursus.) Cæsarius eruditè & ingeniosè (vt mihi videtur) separat argumentum librorum priorum à libris posteriorum. Nam in libris priorum structuram propositionum & formam syllogismi edocet, & quomodo ex his conclusio conficiatur: at in libris posteriorum docet, quomodo iudican-

dum

dum sit de inuentis, an themati proposito conueniant. Et si non sum nescius, quid scriptum hac de re sit à numerosa interpretum turba, Thoma, Burano, Nipho: mirificè tamen mihi placet hæc erudita & ingeniosa Casarij sententia.

GLAREANVS.

<i>modo. quod an ista sit et alia quod scripta sunt a Glareano</i>	Simpliciter dictus, ad nullā cōtra- ctus materiam: Si omne b est a, & omne c est b: igitur omne c est a. Et de hoc est hic tractatus, & duo libri priorum Analytic. Arist.	<i>hæc sunt quod modis con- neris quod dialectico syllogismo</i>
<i>prolibet maclian</i>	Demonstratiuus, de materia necessaria: Omne animal rationa- le est risibile, Omnis homo est ani- mal rationale, Ergo omnis homo est risibilis. De eo est tractatus 7 & libri duo posteriorum Analy- ticorum.	Iudica- tiua. <i>act. al. tunc</i>
Quadru- plex syl- logis- mus:	Dialecticus, de materia proba- bili: Mater est, ergo amat pueram suum. Et de eo sunt Topica Cice- ronis, & octo libri Aristot. & no- nus hic tractatus, qui non continet nullum syllogismum.	<i>Et de eo sunt li. dialecti- ci quod sunt et sexus alio nomine</i>
	Sophisticus, de materia appa- rēter probabili: Crispos habet cri- nes, ergo adulter est. De eo tracta- tus 10. & libri Elench. Aristot.	Iuuen- tiua. De

TRACTATUS V.

De propositione, materiali syllogismi principio.

p 20 p 20 s 10 et 10. m
m 10 et 10. m
119 p 119 p 119
sunt syllogismi

Propositio igitur est oratio affirmativa uel negativa alicuius de aliquo: hoc est, oratio in qua aliquid de aliquo aut affirmatur, aut negatur. Cuiusmodi sane sunt propositiones in primis Categoricalae, quarum quidem haec uniuersalis est, haec particularis, illa uero indefinita. Vniuersalis quidem, quae aut omni, aut nulli inesse quippiam significat. Particularis uero, quae alicui, aut alicui non, aut non omni. Indefinita uero, quae inesse quidem, uel non inesse significat, sed absque uniuersalitatatis particularitatisue nota. *Propositiones affirmari uel negari subiecti de predicato quia illa sunt formae propositionum, non autem particularium uniuersali, quia Aristoteles. haec sunt maiora ipsius propositionum, de quo vide Verborum in Aristotele. tractatus de syllogismo.* Propositione igitur. Propositione hic finitur per affirmationem & negationem, quia hic spectamus propositionem, ut pars est syllogismi, quem necesse est affirmatiuum aut negatiuum esse: nec hoc loco veritatem aut falsitatem anxie obseruamus: at in libris de interpretatione, propositio finitur quatenus vera aut falsa est. Nec incommodum est genus finiri per species, quando nobis propriae desunt differentiae. *Quia species in se habentur per unum non in quantum dicuntur. species definitum, in quantum ipso De terminis. definitum sunt notae notores*

Terminos hac in parte Aristoteles primam definit, in quos propositio resoluitur, ut praedicatum, & de quo ipsum dicitur, quod proinde subiectum propositionis appellatur: ut huius propositionis, Omnis homo est animal, termini sunt, homo atque animal, idcirco quod in eos principaliter propositio resoluitur. *De qua agatur hic propositio et quare propositio definitur ante terminum, qui est eius pars, non autem syllogismus ante propositum, quia in syllogismo uerba perscrutemur ad primum*

cipaliter ipsa resoluatur. Et termini quidem dicti sunt, ueluti in agro limites: nam ut his ager finitus designatur, ita terminus propositio (ut dictum est) perficitur. Cuiusmodi sunt simplices in primis, & significatiuæ uoces, inter quas præcipuæ habentur nomen & uerbum. Itaque in has propositio rectè resoluitur, ut ex quibus composita est. Fieri enim non potest, ut uiterius resolutio procedat, utpote in literas, aut in syllabas: quoniam hæ, ut alibi dictum est significatiuæ non sunt.

R A T I A N U S.

Terminos.) Locus hic est apud Aristotelem primo cap. primi libri priorum. Aristoteles breuitatis studiosus, finitionem & diuisionem termini simul complexus est: terminorum enim alius subiectus, de quo aliquid dicitur: alius prædicatus, qui de alio dicitur.

Et termini quidem.) Terminus propositionis dictus est per translationem à limitibus agrorum: & ab eadem similitudine Aristoteles 4. cap. 1. lib. Topicorum, finitionem terminum vocat. Hunc terminum Ouidius lib. 2. Fast. eleganter describit:

*Termine siue lapis, siue es defossus in agro
Stipes, ab antiquis tu quoque nomen habes.*

De syllogismorum principijs regulariuis.

CAeterum ut ad rectam syllogismorum formationem connexionemq; nosse oportet, quid propositio, quid item termini, quæ ipsius syllogismi materialia principia sunt:

Sunt: ita quoque scire opera pretium est, quid sit omni aut nulli inesse: siue in toto esse, & non esse, quæ regulatiua principia syllogismi à quibusdam appellantur. Definitur igitur ab Aristotele in toto esse, siue de omni prædicari: quoties nihil est sumere subiecti, de quo non dicatur prædicatum: ut cum ita proponitur, omnis homo est animal, ipsius hominis nihil inueniri potest, de quo non dicatur animal. Ergo quia de omni homine animal prædicatur, & de Socrate & Platone, imò uerò & de quolibet particulari homine prædicari potest. Ab eodem item definitur in toto non esse, siue de nullo prædicari, quoties nihil est sumere subiecti, de quo dicatur prædicatum, hoc est, à quo prædicatum non remoueatur: ut in hac propositione, nullus homo est lapis, quia de omni homine negatur lapis, & de Socrate & Platone, & de alijs item omnibus particulis hominibus negatur. Sanè sciendum quòd in toto esse, & dici de omni, uersa uice se habet. Nam si quid de omni aliquo prædicatur, id de quo illud prædicatur, in toto eo est quod prædicatur, ut de omni homine animal. In toto ergo animali homo est, ueluti pars quædam intra suum totum latens quodammodo. Hactenus de principijs syllogismi, tam materialibus, quàm regulatiuis: nunc ad syllogismum transeamus.

RAIIANVS.

Definitur.) Ex hac finitione dici de omni, sumitur hæc regula: quicquid de subiecto quopiam dicitur, etiam de quolibet contento suo subiecto. Per hoc principiū confirmantur syllogismi affirmatiui.

Ab eodem.) Ex hac finitione dici de nullo, hæc regula colligitur: quicquid de subiecto aliquo dicitur, ut de nullo, remouetur etiam ab omni eo quod

sub subiecto continetur, hoc principio confirmantur syllogismi negatiui.

De syllogismo quid sit.

Syllogismus est oratio, in qua quibusdam positis, aliud quiddam ab his, quæ posita sunt, ex necessitate accidit, eò quòd hæc sunt. Sanè hoc pacto ab Aristotele ipso definitur syllogismus, cuius definitioni Boethius adiicit particulam, *et concessis*, ut sit quasi explanatio eius, quod Aristoteles dicit, *positis*, id quod coniunctio, *et*, innuere uideatur, quæ expositiua interdum coniunctio habetur. Boethius igitur uolens Aristotelis definitionem quodammodo explanare, syllogismum ita definit: Syllogismus est oratio, in qua quibusdam positis *et concessis*, aliud quiddam præterea quæ posita *et concessa* sunt, necessario euenit, propter ea quæ posita *et concessa* sunt. Porro per hoc quod ab utroque dicitur, aliud quiddam ex necessitate accidit ab his, quæ posita sunt *et concessa*, significatur nobis, planè eos non esse syllogismos, qui ab aliquibus fiunt, hoc modo: Quicquid homo est, homo est: homo autem est homo: igitur homo est homo. Item, omne animal est substantia, *et* omnis homo est animal, ergo omne animal est substantia. Huiusmodi sanè syllogismi ridiculi prorsus sunt, ob id quòd in his conclusio non sit aliud à præmissis. Adiectum præterea est *et illud* non temerè, eo quòd hæc sunt, propter eos, qui plerunque syllogismos faciunt, in quibus aut minus, aut plus, aut aliud quippiam propositum est, quàm proponi debuerat.

RAIANVS.

Syllogismus est orat.) Huius finitionis hic est sensus: syllogismus est argumentatio, in qua si quædam
prop

propositiones concedantur, & in modo & figura disponantur, consequitur conclusio, quæ est altera à præmissis, secundum formam, non secundum materiam, ex necessitate consequentiæ, non autem rei siue conclusionis. Particula, politis, non est sic intelligenda, concessis, etsi eam Gellius & Boethius addiderunt: nam sic syllogismus falsum assumens, & bene concludens non esset syllogismus, quia falsa non conceduntur. Aristoteles autem l. cap. primi libri Topicorum docet, syllogismum assumentem falsum & bene concludentem esse syllogismum: cum autem qui verum assumit & malè colligit, non esse syllogismum.

*De multiplici syllogismorum
differentia.*

Syllogismorum autem alius Categoricalus est, alius hypotheticus. Et Categoricalus quidem est, cuius utraque sumptarum propositionum, pariter conclusio Categoricala est. Hypotheticus uerò, cuius uel altera tantum, aut cōclusio hypothetica est. At de hoc postea proprio quodam tractatu. Rursus Categoricalorum syllogismorum alius communis est, alius qui expositorius dicitur. Communis quidem est, cuius medium quod dicitur, est terminus communis. Expositorius uerò, cuius medius terminus est singularis: hoc nomine fortassis dictus, quòd per ipsum quasi expositio designatioque fiat propositionum ad demonstrationem sumptarum. Ex Categoricalis item, & his quidem qui cōmunes dicti sunt, alij sunt perfecti, alij imperfecti. Perfectus quidē syllogismus is dicitur, qui nullius alterius indiget, præter ea quæ posita sunt, ut appareat necessariū, hoc est, ut cōclusio ex necessitate sequatur. Imperfectus uerò qui
ant

De conuersione modalium.

SED & de conuersione harū propositionum iuxta ser-
 uatum prius ordinem, dicendū deinceps. In quo quidē
 paulò liberiùs expatiari liceat propter eos, qui hac in par-
 te omnes eiusdem ordinis propositiones, ut equipollere
 inter se ubiq; ita & cōuerti dicunt, ipsum rectene an per-
 peram, ipsi uiderint: nos uerò Aristotelē in primis ipsum,
 & post hunc Boethium, & post utrunq; Iacobum Fabrum
 Stapulens. sequentes, non per omnia id ita se habere, uel
 exemplis idoneis ostendemus. Insuper autem & illud nūc
 etiam mirari subit, quòd pleriq; in re planè perspicua, uel
 acta omnino agūt: ut in prouerbio est: uel certè nimia in-
 terdum prolixitate usque adeò laborant, ut eādem rem nō
 modò luce sua priuent, sed & obscuriorem relinquant,
 quā inuenerint. Contrā uerò, in re quæ expositione ali-
 qua indiget, uel tempus in ea prorsus malè collocāt: uel ita
 re illā oculis (ut uidetur) conuiuentibus prætereunt, ut nō
 tam negligere, quā ignorare uideātur. Quid enim refert
 dicere, omnes propositiones in suo ordine equipollere in-
 ter se, & conuerti perinde, cū tamen hæ propositiones,
 quæ de impossibili sunt, id nequaquam admittant, uidelicet
 ut conuertantur? Nā cū uera sit quæ dicit, omnē substan-
 tiam esse hominē est possibile: falsa tamen erit hæc, *Quen-*
dam hominē esse substantiā est impossibile. Quocirca nec
 Aristoteles ipse de modalium conuersione tractās, meminit
 usquā de propositione impossibili. Quod profectò & Iaco-
 bus Faber Stapulensis animaduertens, tales regulas de hu-
 iusmodi propositionū cōuersione posuit: Si conuersa, in-
 quit, impossibilis est, nō oportet conuertentē eius esse im-
 possibile. Item si conuersa fuerit possibilis, cōtingens, aut
 necessaria, & eius conuertens possibilis, cōtingēs, aut ne-
 cessaria

cessaria erit. Vnde rectè fit conuersio in ea., quæ de possibili aut contingenti existit, si dicamus, omnem hominẽ esse album est possibile siue cõtingens, ergo quoddam album esse hominem est possibile, siue contingens. Et in ea similiter id accidet, quæ est de necessario: ut, omnem hominẽ esse mortalem est necesse: ergo quoddam mortale esse hominẽ est necesse. Quod quidem & alijs quoq; generibus propositionum ita eueniet, secundũ duplicis conuersionis regulas suprà positas. Atq; hoc ipsum est, quod & Aristoteles ad hunc modũ proponit ubi de istarũ propositionũ conuersione agit. Eodẽ autẽ modo, inquit, & de necessarijs propositionibus se habet, & in cõtingētibus, quomodo in his, quæ absolute dicuntur, hoc est, simpliciter inesse significat.

RAIIANVS.

Quid enim.) Propositiones vnus ordinis inter se æquipollēt, & de mutuo se trahūt consequio, sed nõ necessariò inter se conuertuntur. Quia in conuersione necesse est terminũ subiectum transponi in prædicatũ, & prædicatum in subiectum, in æquipollētia autẽ satis est consequens rectè colligi ex antecedēte.

Si conuersa.) Vt ista, Omnem subltãtiam esse hominem est impossibile.

Vnde rectè.) Hic locus est apud Aristotelem 3. capite primi libri priorũ: Propositiones de cõtingenti, necessario, possibili, eodem modo conuertuntur, vt propositiones simplices.

GLAREANVS.

Nam cùm vera sit quæ dicit, omnem sub.) Cæsarius non attēdit, quòd in Iliace affirmatiua vniuersalis, Omnem hominem currere est impossibile, æquipollet illi, Aliquem hominem non currere est necesse.

necesse. Atqui illa, Aliquem hominem non currere est necesse: est particularis negatiua, saltem ex parte dicti: itaq; ex parte dicti conuerti non potest. Quare nihil hîc agit. Nam illa, Omnem substantiam esse hominem est impossibile, æquiualeat illi, Quandam substantiam non esse hominem est necesse, per Illiace. Sed hæc cum sit particularis negatiua de dicto, non potest conuerti ex parte dicti, eadem ratione, qua particularis negatiua superius negatur cōuer- ti posse. Et nota, quod impossibile negat pro omni tempore dictum, quod determinat: ideoque ponit, contradictorium esse verum, & necessarium. Propter quod omnis propositio de impossibili equipollet illi de necesse esse, quæ est de dicto contradictorio: vt, Hominem currere est impossibile, Hominem non currere est necesse.

Quot modis contingens dicatur.

Quoniam autem contingens, quod dicitur, eandem ubique in his propositionibus cum possibili significationem habere constat: haud abs re fuerit, antequam huic tractatui finem imponamus, eius nominis multiplicem significationem breuiter exponere. Itaque sciendum, quod contingens tribus dicitur modis. Dicitur nanque contingens & quod necessarium est, & quod non necessarium, & quod possibile est. Primo igitur modo contingens & necessarium idem sunt. Secundo contingens & nō necessarium. Tertio contingens & possibile. Rursus autem contingens, quod secundo modo dictum est, deducitur deinde in contingens ut plurimum, siue quod frequentius est, & contingens rarum, & in contingens utrumlibet. Cōtingens ut plurimum est, quod in alteram partem plus uergit:
est

ut hominem in senectute canescere. Nam id quidem frequenter accidit : potest tamen etiam non canescere iam senex quispiam factus. Vnde & contingens natum idem appellatur. Contingens rarum est, ut foaentem reperire thesaurum. Id enim si aliquando contingat, rarissimum tamen est. Contingens uero utrumlibet, quod & inaijferens dicitur, id est, cum dicimus sedere quempiam, aut uigilare, quod proinde ita definitur : Vtrumlibet est, cuius indiscretus euentus est, hoc est, quod aequaliter euenire uel non euenire potest. Et de modalibus quidem haec tenus.

R A I I A N V S .

Itaque sciendum.) Tres hi modi contingentis sunt apud Aristotelem duodecimo cap. primi libri priorum. Hi modi adferuntur hoc loco, ut secundum diuersum modum contingentis, propositiones diuerso modo conuertantur.

O

IN

INTRACTATVM

QVINTVM DE SYLLO-

gismo Categorico

PRAEFATIO.



Vperest ut ad eam tandem perueniamus
 huius artis partem, in qua tota vis artis
 sita est: nempe inueniendi & iudicandi.
 Nam si Dialectica (ut à M. Cicerone non
 tam eleganter breuitérq; , quàm grauitè
 & uerè definitur) diligens differendi ratio est: fieri pro-
 fectò non potest, ut ab inuentione ipsa sit separata. Siqui-
 dem differere (hoc est, disputare) diligenter nemo poterit
 unquam de re quapiam, nisi inuentis à se prius argumen-
 tis, quibus disputatio ipsa fulciatur, procedatq; legitimè.
 Rursus autem & ob id ipsum à iudicio abesse nequit, quo
 is qui differit, perpendat examinètque tum inuentum nu-
 per argumentum, tum ipsius disputationis instrumentum,
 nempe argumentationem: quod certè nisi ritè formatum
 fuerit, parum aptum idoneumue ad disputandum adhibe-
 bitur. Porro pars illa quæ de inuentione tractat, Topicè
 Græcè, Latine localis dici potest. Ea uerò pars, quæ in iu-
 dicando posita est, & quasdam discernendi regulas sub-
 ministrat, Analytice à Græcis dicitur, à nostris resolutò-
 ria. Huius rursus duplex ab Aristotele partitio traditur.
 Siquidem ea pars, quæ de propositionum iunctura consi-
 derat, & formam duntaxat syllogismi molitur, docens in-
 terim præmissis, quas uocant, ritè dispositis, necessariò ex
 his conclusionem sequi, prior Analytice dicitur: quæ uerò
 de ipsis

de ipsis inuentis iudicium fert, hoc est, ostendit, utrūque inuenta sunt, conueniant necne rei in disputatione propositae, posterior Analytice nuncupatur. Quod nimirum tribus fit modis: quippe haec ipsa uel de necessarijs iudicat, & Demonstratio appellatur: uel de uerisimilibus & probabilibus, & peculiari nomine Dialectice dicitur: uel de falsis & cauatorijs, & Sophistica nuncupatur. De quibus omnibus singulatim per ordinem deinceps tractabitur, & primò quidem de Syllogismo formāq; argumentationis, cuius etiam praeter syllogismum aliae tres traduntur species, Enthymema, Inductio, Exemplum: quae tamen ad syllogismum ipsum, sicuti ad quandam mensuram reduci solent. Quoniam autem omnis argumentatio omnisque syllogismus propositionibus struitur, atque haec terminis perficiuntur: à propositionibus & terminis hunc tractatum inchoandum esse statuimus, idque etiam non absque exemplo.

R A T I O N E S.

In tractatum quint.) Hic tractatus iudicio meo omnium est utilissimus: continet enim praecipuam Dialectices partem, nimirum ratiocinationē. Nam cum tria sint Dialectices instrumenta, finitio, diuisio, ratiocinatio: haec est, circa quam omnis labor & industria differētis versatur. hunc finem & scopum semper spectamus, ut aliud ex alio conficiamus. Etsi enim Dialectica docet rem vniuersam distribuere in partes, latentem explicare finiendo, obscuram explanare interpretando, ambiguam primū viderē, deinde distinguere: tamen illud multo maximum est, quod tradat regulam, qua vera & falsa iudican-

iur, & quæ quibus sint vel non sint consentanea. Cælarus in hac præfatione inuentionem & iudicium ad Dialecticā pertinere docet. Inuentio certos locos ostendit, è quibus argumenta in rem quāque probandam aut refellendam promimus. Iudicium est, quod præcepta quædam argumētandi tradit, vnde cognoscimus, an inuenta themati conueniant, necne. Cæterum Cælarus ordinem naturalem turbare videtur. Inuentio est prior ordine naturæ iudicio, vt Cicero initio Topicorum ad Trebatium docet: ergo etiam prius tractanda erat. hic autem Cælarus pertractat iudicium, & tractatu non inuentionem. Sinuosa & perplexa hæc est obiectio, in qua diluenda magnorum philosophorum magna ingenia impedita fuerūt. Post omnium opiniones excussas & examinatas, cogitabam aliquando, an eam objectionē hunc in modum diluere possem: Inuentio ordine naturæ prior est iudicio (prius enim inuenire oportet, deinde iudicare de inuētis.) Iudicium autem ordine doctrinæ, commoditatis, facilitatis, est prius inuentione. Hanc rem planius & apertius in gratiam iuniorum explico. Postquam Cælarus exposuit voces simplices & propositiones, ordo doctrinæ & methodica ratio efflagitabat, vt argumentationem & eius formas, quæ ex propositionibus constant, pertractaret. & eodem modo intelligendus est Aristoteles eo in ordine, in quo libros priorum & posteriorum (in quibus de iudicio agit) præposuit libris Topicorum, in quibus inuentio continetur. Scio tamen à quibusdam ingeniosam adferri ad illum Aristotelis locum solutionem.

Aristoteles

Aristoteles in libris priorum & posteriorum, non solum docet iudicium, sed etiam inuentionem termini medij in syllogismo generatim sumpti: sed in libris Topicorum docet inuentionem syllogismi dialectici: at syllogismus generaliter sumptus, est prior syllogismo dialectico: ergo etiam inuentio syllogismi generatim sumpti est prior inuentione syllogismi dialectici. Res igitur eò recidit, vt duplicem constituere cogamur inuentionem: alteram pertinentem ad genus, scilicet syllogismum: alteram ad speciem, scilicet syllogismum dialecticum. Sic etiam libri posteriorum, vt hæc de abundanti adijciam, optimo ordine præponuntur libris Topicorum. Nam in libris posteriorum Aristoteles disserit de syllogismo demonstratiuo, qui longè est nobilior syllogismo dialectico. Ad eundem modum inuentio syllogismi demonstratiui est præstantior inuentione syllogismi dialectici. His ita præpositis, ad rem redeamus.

Nam si.) Probat inuentionem pertinere ad dialecticam, argumento sumpto à finitione dialecticæ: quo argumento Trapezuntius initio suæ dialecticæ usus est.

Ea verò pars.) Docet iudicium ad Dialecticum pertinere.

Huius rursus.) Cæsius eruditè & ingeniosè (vt mihi videtur) separat argumentum librorum priorum à libris posteriorum. Nam in libris priorum structuram propositionum & formam syllogismi edocet, & quomodo ex his conclusio conficiatur: at in libris posteriorum docet, quomodo iudican-

dum sit de inuentis, an themati proposito conueniant. Et si non sum nescius, quid scriptum hac de re sit à numerosa interpretum turba, Thoma, Burano, Nipho: mirificè tamen mihi placet hæc erudita & ingeniosa Cæsarij sententia.

GLAREANVS.

<i>modo. Quo an tota sit et alia quædam Glareanus</i>	Simpliciter dictus, ad nullā cōtra- ctus materiam: Si omne b est a, & omne c est b: igitur omne c est a. Et de hoc est hic tractatus, & duo libri priorum Analytic. Arist.	<i>Hic tractatus modis con- nectitur dialectico syllogismo</i>
<i>propter n. ad hunc</i>	Demonstratiuus, de materia necessaria: Omne animal rationa- le est risibile, Omnis homo est ani- mal rationale, Ergo omnis homo est risibilis. De eo est tractatus 7 & libri duo posteriorum Analy- ticorum.	Iudica- tiua. <i>act. ad hunc</i>
Quadru- plex syl- logis- mus:	Dialecticus, de materia proba- bili: Mater est, ergo amat pueram suum. Et de eo sunt Topica Cice- ronis, & octo libri Aristot. & no- nus hic tractatus, qui non continet nulla syllogismi.	<i>Et de possum hi duo significat et sequi quo n. m.</i>
	Sophisticus, de materia appa- rēter probabili: Crissos habet cri- nes, ergo adulter est. De eo tracta- tus 10. & libri Elench. Aristot.	Inueni- tiua.

De

TRACTATUS V.

De propositione, materiali syllogismi principio.

propositio et lo. m.
principio
sunt syllogismi

Propositio igitur est oratio affirmativa uel negativa alicuius de aliquo: hoc est, oratio in qua aliquid de aliquo aut affirmatur, aut negatur. Cuiusmodi sane sunt propositiones in primis Categorice, quarum quidem hæc uniuersalis est, hæc particularis, illa uero indefinita. Uniuersalis quidem, quæ aut omni, aut nulli inesse quippiam significat. Particularis uero, quæ alicui, aut alicui non, aut non omni. Indefinita uero, quæ inesse quidem, uel non inesse significat, sed absque uniuersalitatæ particularitatisue notæ. *propositio non affirmari uel negari subiecti de predicato quia illa sunt forme propositionis, non autem particularis de uniuersali, quia ARIANVS. hæc sunt materiae ipsarum propositionum, de quo vide Verborum in Hæp. tractatus de syllogismo*

Propositio igitur. Propositio hic finitur per affirmationem & negationem, quia hîc spectamus propositionem, ut pars est syllogismi, quem necesse est affirmatiuum aut negatiuum esse: nec hoc loco veritatem aut falsitatem anxie obseruamus: at in libris de interpretatione, propositio finitur quatenus vera aut falsa est. Nec incommodum est genus finiri per species, quando nobis propriæ desunt differentie. *qua species in se habentur potest inueniri non in quantum dicitur in se definitum, in quantum ipso De terminis. definitio sunt notæ notæ*

Terminos hac in parte Aristoteles primâ definit, in quos propositio resoluitur, ut prædicatû, et de quo ipsum dicitur, quod proinde subiectum propositionis appellatur: ut huius propositionis, Omnis homo est animal, termini sunt, homo atq; animal, idcirco quod in eos principaliter *Notæ quæ subiectum et prædicatum sunt materialia principia componentia propositionis et in se resoluitur. ita prædictum in hæc et in prædictum*

De qua agatur hic in propositione et quare prædictum definitur ante terminum, qui est eius pars, non autem syllogismus ante propositionem, quia in syllogismo uide per se ipsum in prædictum

cipaliter ipsa resoluatur. Et termini quidem dicti sunt, ueluti in agro limites: nam ut his ager finitus designatur, ita terminus propositio (ut dictum est) perficitur. Cuiusmodi sunt simplices in primis, & significatiuæ uoces, inter quas præcipuæ habentur nomen & uerbum. Itaque in has propositio rectè resoluitur, ut ex quibus composita est. Fieri enim non potest, ut uiterius resolutio procedat, utpote in literas, aut in syllabas: quoniam hæ, ut alibi dictum est significatiuæ non sunt.

R A I I A N V S.

Terminos.) Locus hic est apud Aristotelem primo cap. primi libri priorum. Aristoteles breuitatis studiosus, finitionem & diuisionem termini simul complexus est: terminorum enim alius subiectus, de quo aliquid dicitur: alius prædicatus, qui de alio dicitur.

Et termini quidem.) Terminus propositionis dictus est per translationem à limitibus agrorum: & ab eadem similitudine Aristoteles 4. cap. 1. lib. Topicorum, finitionem terminum vocat. Hunc terminum Ouidius lib. 2. Fast. eleganter describit:

*Termine siue lapis, siue es defossus in agro
Stipes, ab antiquis tu quoque nomen habes.*

De syllogismorum principiis regularibus.

CAeterum ut ad rectam syllogismorum formationem connexionemq; nosse oportet, quid propositio, quid item termini, quæ ipsius syllogismi materialia principia sunt:

Sunt: ita quoque scire opera pretium est, quid sit omni aut nulli inesse: siue in toto esse, & non esse, quæ regulatiua principia syllogismi à quibusdam appellantur. Definitur igitur ab Aristotele in toto esse, siue de omni prædicari: quoties nihil est sumere subiecti, de quo non dicatur prædicatum: ut cum ita proponitur, omnis homo est animal, ipsius hominis nihil inueniri potest, de quo non dicatur animal. Ergo quia de omni homine animal prædicatur, & de Socrate & Platone, imò uerò & de quolibet particulari homine prædicari potest. Ab eodem item definitur in toto non esse, siue de nullo prædicari, quoties nihil est sumere subiecti, de quo dicatur prædicatum, hoc est, à quo prædicatum non remoueatur: ut in hac propositione, nullus homo est lapis, quia de omni homine negatur lapis, & de Socrate & Platone, & de alijs item omnibus particulis hominibus negatur. Sanè sciendum quòd in toto esse, & dici de omni, uersa uice se habent. Nam si quid de omni aliquo prædicatur, id de quo illud prædicatur, in toto eo est quod prædicatur, ut de omni homine animal. In toto ergo animali homo est, ueluti pars quædam intra suum totum latens quodammodo. Hactenus de principijs syllogismi, tam materialibus, quàm regulatiuis: nunc ad syllogismum transeamus.

RAIIANVS.

Definitur.) Ex hac finitione dici de omni, sumitur hæc regula: quicquid de subiecto quopiam dicitur, etiam de quolibet contento suo subiecto. Per hoc principiū confirmantur syllogismi affirmatiui.

Ab eodem.) Ex hac finitione dici de nullo, hæc regula colligitur: quicquid de subiecto aliquo dicitur, ut de nullo, remouetur etiam ab omni eo quod

sub subiecto continetur, hoc principio confirmantur syllogismi negatiui.

De syllogismo quid sit.

Syllogismus est oratio, in qua quibusdam positis, aliud quiddam ab his, quæ posita sunt, ex necessitate accidit, eò quòd hæc sunt. Sane hoc pacto ab Aristotele ipso definitur syllogismus, cuius definitioni Boethius adiicit particulam, & concessis, ut sit quasi explanatio eius, quod Aristoteles dicit, positis, id quod coniunctio, &, innuere uidetur, quæ expositiua interdum coniunctio habetur. Boethius igitur uolens Aristotelis definitionem quodammodo explanare, syllogismum ita definit: Syllogismus est oratio, in qua quibusdam positis & concessis, aliud quiddam præterea quæ posita & concessa sunt, necessario euenit, propter ea quæ posita & concessa sunt. Porro per hoc quod ab utroque dicitur, aliud quiddam ex necessitate accidit ab his, quæ posita sunt & concessa, significatur nobis, planè eos non esse syllogismos, qui ab aliquibus fiunt, hoc modo: Quicquid homo est, homo est: homo autem est homo: igitur homo est homo. Item, omne animal est substantia, & omnis homo est animal, ergo omne animal est substantia. Huiusmodi sanè syllogismi ridiculi prorsus sunt, ob id quòd in his conclusio non sit aliud à præmissis. Adiectum præterea est & illud non temerè, eo quòd hæc sunt, propter eos, qui plerunque syllogismos faciunt, in quibus aut minus, aut plus, aut aliud quippiam propositum est, quàm proponi debuerat.

RAIANVS.

Syllogismus est orat.) Huius finitionis hic est sensus: syllogismus est argumentatio, in qua si quædam
prop

propositiones concedantur, & in modo & figura disponantur, consequitur conclusio, quæ est altera à præmissis, secundum formam, non secundum materiam, ex necessitate consequentiæ, non autem rei siue conclusionis. Particula, positis, non est sic intelligenda, concessis, et si eam Gellius & Boethius addiderunt: nam sic syllogismus falsum assumens, & bene concludens non esset syllogismus, quia falsa non conceduntur. Aristoteles autem 1. cap. primi libri Topicorum docet, syllogismum assumentem falsum & bene concludentem esse syllogismum: cum autem qui verum assumit & malè colligit, non esse syllogismum.

De multiplici syllogismorum differencia.

Syllogismorum autem alius Categoricalus est, alius hypotheticus. Et Categoricalus quidem est, cuius utraque sumptarum propositionum, pariter conclusio Categoricala est. Hypotheticus uerò, cuius uel altera tantum, aut cōclusio hypothetica est. At de hoc postea proprio quodam tractatu. Rursus Categoricalorum syllogismorum alius communis est, alius qui expositorius dicitur. Communis quidem est, cuius medium quod dicitur, est terminus communis. Expositorius uerò, cuius medius terminus est singularis: hoc nomine fortassis dictus, quòd per ipsum quasi expositio designatioque fiat propositionum ad demonstrationem sumptarum. Ex Categoricalis item, & his quidem qui cōmunes dicti sunt, alij sunt perfecti, alij imperfecti. Perfectus quidē syllogismus is dicitur, qui nullius alterius indiget, præter ea quæ posita sunt, ut appareat necessariū, hoc est, ut cōclusio ex necessitate sequatur. Imperfectus uerò qui
ant

aut unius, aut plurium indiget ad hoc, ut necessarium appareat ex his quæ posita sunt. Vnius quidem, uerbi causa, aut conuersionis tantum, aut præmissarum transpositionis, aut reductionis ad impossibile. Plurium uerò, cum ex his tribus perficiendi syllogismi instrumentis duo necessario requiruntur. Id autem quonam fiat pacto, postea, ubi de modis syllogisticis tractabitur, perpicuum euadet.

RAIANVS.

Syllogismorum.) Prima diuisio syllogismorum quæ à diuersis propositionibus sumitur.

Rursus.) Secunda diuisio quæ à terminis pendet.

Ex categoricis.) Tertia diuisio quæ à figura syllogismi sumitur. Syllogismus tam perfectus quam imperfectus recipit syllogismi finitionem, & conclusio necessario sequitur: tamen id nō est nobis manifestum in syllogismis secundæ & tertiæ figuræ, propterea indigent reductione, ut nos bene collegisse planum fiat.

GLAREANVS.

De multiplici syllogismorum differētia.) In hoc capite de quatuor principiis syllogismi perfectius tractat, quæ sunt: Expositio, conuersio, transpositio & reductio.

Aut reductionis.) Reducere syllogismum imperfectum ad perfectum, nihil aliud est, quam manifestare necessitatem consequentiæ syllogismi nō euidentis, per necessitatem alterius syllogismi euidentis. Quare Aristoteles ait syllogismorum reductionem

nem fieri ad hoc, ut appareat necessarium, πρὸς τὸ
φανῆναι τὸ ἀναγκαῖον.

*Ex quibus & quot propositionibus syllogismus
constet, & de terminorum secundum
propositionem differentia, tum
de triplici figurarum di-
stinctione.*

OMnis porro syllogismus ut ex tribus terminis, ita ex
tribus quoque constat propositionibus. Quarū qui-
dem prima, maior propositio, secunda minor, tertia con-
clusio appellatur. Maior item & minor communi nomine
præmissæ quoque dicuntur. Cæterum ex tribus terminis
neutiquā tres propositiones fieri possunt, imò ne duæ qui-
dem, nisi singuli bis sumantur. Ex his igitur, qui bis sumi-
tur ante conclusionem, ipsam non ingrediens, medium di-
citur, ut per quem extrema in conclusione connectuntur.
Aliorū autem alter maior extremitas, alter minor extre-
mitas. Et maior quidem extremitas is terminus est, qui in
maiori propositione cum medio sumptus, in cōclusionē de
minori extremitate prædicatur. Minor uerò, qui in mi-
nore propositione cum medio sumptus, maiori extremita-
ti in conclusione subiicitur. Atque id quidem ita se habet
in his syllogismis siue modis, qui directim concludere di-
gnoscuntur, quos & ab Aristotele accepimus numero qua-
tuordecim: quibus quinque indirectim concludentes Boe-
thius autumat, uel à Thephrasto, uel ab Eudemo adiectos,
atque ita in summa esse decem & nouem modos. Ut ergo
definitiones illorum terminorum omnibus illis modis ex
quo conueniant, dicamus maiorem quidem extremitatē
eum esse terminum, qui cū medio in maiori sumitur pro-
positione: minorem uerò, qui in minore. Cæterum is ter-
minus

minus qui bis sumitur ante conclusionem, & medium vocatur, siquidem subiicitur in una sumptarum propositionum, & in altera predicatur, primam fecit figuram: si in utraque predicatur, secundam: si uero in utraque subiicitur, tertiam.

RAIIANVS.

Omnis porrò.) Cum hoc loco pugnare videtur id quod Aristoteles docet 26. capi. primi libri priorum. Omnis, inquit, syllogismus constat ex duabus propositionibus & non pluribus. Hoc sic diluitur, Aristoteles sumpsit eo loco propositionē strictiùs, pro ea quæ conclusionem probat: & hoc sensu conclusio non est propositio. Hic autem propositio latius sumitur, pro ea quæ actu vel potentia conclusionem probat.

Ex his igitur.) Terminus medius est neruus, vinculum, & (ut ita dicam) anima syllogismi, quo inuento facile est aliud ex alio colligere.

Indirectim concludentes.) Indirectim concludere est, quando minor extremitas de maiore in cōclusionē dicitur. Directim concludere est quando terminus maior dicitur de minore.

Quid sit figura, & quorū unaquæque figura modos sub se contineat.

QUOD uerò tres sint Syllogismorum figure, trium dispositio terminorum paulò antè facta plane indicare potest. Vnde & ita figura à nonnullis definitur: Figura est trium terminorum secundum debitam subiectionem prædicationemque ordinata dispositio. Harū autem unaquæque plures, & hos quidem certos sub se modos habet,

bet, ita ut modi ipsi sub figuris sint. perinde atque species sub suis generibus. Habet igitur prima figura sub se, auctore Aristotele, modos quatuor, tertia uero sex. Sed ut paulò suprà meminimus, quatuor illis primæ figuræ modis adiecti sunt alij quinque, ut essent illius figuræ nouem modi. In summa igitur modi sunt (ut dictum est) undeuiginti, ex quibus omnibus priores quatuor primæ figuræ modi perfectos nobis subministrant syllogismos, reliqui omnes imperfectos.

RAIIANVS.

Figura est.) Figura in syllogismo est varia termini mediij dispositio. Nā si terminus medius subiiciatur in maiore, & prædicetur in minore, prima constituitur figura, si bis prædicetur, secunda: si bis subiiciatur, tertia.

Perfectos.) Aristoteles duos tantum perfectos modos constituit. Nam & reliqui omnes ad duos priores modos primæ figuræ reducuntur. auctor Aristoteles 6. cap. primi libri priorum.

Quid sit modus: & de quibusdam regulis.

Hinc iam ad modos ipsos paulatim ueniendum est. Vnde etiam quid sit modus definiendum prius, tunc uero & certæ quædam regulæ subiiciendæ, quippe quæ modis omnibus generatim inseruire dignoscatur. Itaque modum hoc pacto definiunt quidam: Modus est ordinatio duarum propositionum in debita qualitate & quantitate. Potest quidē & ita definiri. & fortassis rectius: Modus est tum sumptarum propositionum, tum ipsius cōclusionis secundum qualitatem & quantitatem cōueniens ordinatio.

Porro

& artis uocabula appellari solent, ut alibi quoque annotauimus. Sciendum itaq; quòd post priores quatuor primæ figuræ modos, qui perfecti euidentésque sunt, quicumque ex sequentibus ab aliqua harum quatuor consonantium *b, c, d, f*, incipit, is reduci habet, ut euidentis scilicet & ipse habeatur, ad eum ex illis quatuor superioribus modum, cum quo principali litera conuenit. Verumenimvero ut hæc ipsa reductio facilius percipiatur, adiunctæ sunt aliæ consonantes quatuor, *c, m, p, s*, quibus intelligi planè possit, quomodo reductio illa fieri debeat, utrum uidelicet cuius propositionis conuersione, aut sumptarum propositionum transpositione, aut syllogismo ad impossibile ducente, qui conuersiuus à quibusdam esse creditur, id quod *c* litera ab his posita innuit: quemadmodum in præmissarum indicat transpositionem, *p* & *s*, propositionum conuersionem: *p* quidem, si per accidens conuertenda est propositio aliqua: *s* uerò si simpliciter. Porro per quatuor uocales his consonantibus passim interpositas, quatuor propositionum genera accipere debemus, uidelicet per *a* uniuersalem affirmatiuam, per *e* uniuersalem negatiuam, per *i* particularem affirmatiuam, per *o* particularem negatiuam. Quibus iam expeditis modos tandem ipsos aggrediamur.

RAIIANVS.

Sciendum) Hæc uocabula etsi barbariem quandam redolere videntur, tamen rem totam ob oculos ponunt & apertius declarant,

Barbara, Celarent, Darij, Ferio, Baralipson.

Celantes, Dabitis, Fapesmo, Frisomorum.

Cesare, Canestres, Festino, Baroco, Darapti.

Felapton, Disamis, Darisi, Bocardo, Ferison.

A, vniuersalis propositio affirmatiua.

E, vniuersalis propositio negatiua.

I, particularis propositio affirmatiua.

O, particularis propositio negatiua.

S littera in vocabulo artis posita, significat propositionem immediatè præcedentem, & per vocalem denotatam, esse simpliciter conuertendam, vt syllogismus reducatur. P denotat eandem propositionem per accidens esse conuertendam. Vnde versus:

Simpliciter verti vult S. P. verò per acci.

M, significat præmissarum transpositionem, hoc est, maioris in loco minoris, & contrà. C significat totum modum posse per impossibile reduci ad perfectum syllogismum. Hinc versus:

Simpliciter verti vult S, P verò per acci.

Reductio verò ad impossibile quomodo fiat ex his verbis constat:

Seruat maiorem, variatque secunda minorem:

Tertia maiorem variat, seruatque minorem.

His breuiter obseruatis ars nullo negotio percipit.

De modis prime figura.

PRima igitur figura nouem habet modos, ut dictum est supra: sed ex his priores quidem quatuor directim, sequentes uerò quinque indirectim concludere probantur. Sanè directim concludere modus tunc dicitur, cum maior extremitas de minore in conclusione prædicatur. Indirectim uerò contrà, cum minor de maiore. His ita præmissis cognitisque, superest ut unumquemque modorum deinceps suo ordine definiamus. Itaque primus modus est, in quo datis tribus terminis, conficitur syllogis-

mus ex duabus uniuersalibus affirmatiuis, uniuersalem affirmatiuam directam concludens. Termini quidem sunt, animal substantia, homo: ut omne animal est substantia, & omnis homo est animal, igitur omnis homo est substantia. Vocabulum autem artis, Barbara. Secundus autem modus est, in quo datis tribus terminis, conficitur syllogismus ex uniuersali negatiua maiori, & uniuersali affirmatiua minori, uniuersalem negatiuam directam concludens. Termini quidem sunt, animal, homo, lapis: ut nullo animal est lapis, omnis autem homo est animal, nullus igitur homo est lapis. Vocabulum autem artis, Celarent. Tertius modus est, in quo datis tribus terminis, conficitur syllogismus ex uniuersali affirmatiua maiore, & particulari affirmatiua minore, particularem affirmatiuam directam concludens. Termini quidem sunt, animal, substantia, homo: ut omne animal est substantia, & quidam homo est animal: igitur quidam homo est substantia, & quidam homo est animal: igitur quidam homo est substantia. Vocabulum autem artis, Darij. Quartus modus est, in quo datis tribus terminis, conficitur syllogismus ex uniuersali negatiua maiore, & particulari affirmatiua minore, particularem negatiuam directam concludens. Termini quidem sunt, animal, homo, lapis: ut nullo animal est lapis, quidam autem homo est animal, igitur quidam homo non est lapis. Vocabulum autem artis, Ferio.

RAIIANVS.

Prima igitur.) Aristoteles vndecimo capite primi libri posteriorum, valde commendat hanc figuram: est enim accommodatissima ad scientiam pro

ducendam, propterea Mathematici hac maximè v-
tuntur. Sed cùm hæc prima figura perfectà sit, &
omnia genera problematum colligat, duæ reliquæ
superuacaneæ esse videntur. Hoc sic dissoluitur:
Non ob id duæ figuræ sunt superuacaneæ: nam pri-
ma maximè & solâ colligit vniuersalem affirmati-
uam, secunda vniuersalem negatiuam, tertia parti-
cularem affirmatiuam & negatiuam.

GLAREANVS.

De modis primæ figuræ.) Notandum, nullam ef-
ficaciorẽ consequentiam modi, quàm Barba-
ra, polleum Celarent, deinde Darij, ac Ferio. Hi
enim quatuor modi, omnia quantitatis genera con-
cludunt, Vniuersalem affirmatiuam, vniuersalem
negatiuam, particularem affirmatiuam, particula-
rem negatiuam: vt meritò omnes alij modi ad hos,
tanquam ad arcem veritatis & efficaciam, reducan-
tur. Porro, cùm in vnaquaque figura sint conne-
xiones sexdecim, vt subscripta forma indicat, non
valent tamen in prima vlli modi, præter quatuor di-
rectè concludentes, & quinque indirectè; in secun-
da itidem quatuor, in tertia sex. Sed quod dictum
est de sexdecim combinationibus, hoc ita colligi-
tur: quia in omni syllogismo vel ambæ sunt vni-
uersales, vel ambæ particulares: vel maior vniuer-
salis, minor particularis: vel maior particularis, mi-
nor vniuersalis. Idque in quatuor angulis quadrifa-
riam accidit; quia vel ambæ affirmatiuæ, vel ambæ
negatiuæ: vel maior affirmatiua, minor negatiua,
aut contrà. Id etiam in reliquis tribus angulis eo-
dem modo.

Ambæ

Ambæ uni- uersales,	Ambæ par- ticulares.	
Aa	Ii	Petrus Hispanus qua-
Ee	Oo	tuor inuenit terminos
Ae	Ii	Homo, Animal, Sub-
Ea	Oi	stantia, Lapis: per quos
Prior uni- uersalis, po- sterior par- ticularis.	Prior parti- cularis, po- sterior uni- uersalis.	omnes cōficiuntur syl-
Ai	Ia	logismi. Affirmatiui
Ei	Oe	quidem per hos tres,
Ao	Ie	Homo, Animal, Sub-
Eo	Oa	stantia: negatiui verò
		loco substantiæ acci-
		piunt Lapis extra-
		neum tã homini quàm
		animali.

*Sequuntur modi indirectim con-
cludentes.*

Quintus modus est, in quo datis tribus terminis, conficitur syllogismus ex duabus uniuersalibus affirmatiuis, particularem affirmatiuam indirectim concludens. Termini quidem sunt animal, substantia, homo: ut omne animal est substantia, & omnis homo est animal, igitur quedam substantia est homo. Vocabulum autem artis, Baralipton. Et reducitur hic modus ad primum huius figure modum, conclusione illius per accidens conuersa. Sextus modus est, in quo datis tribus terminis conficitur syllogismus ex uniuersali negatiua maiore, & uniuersali affirmatiua minore, uniuersalem negatiuam indirectim cōcludens. Termini quidem sunt, animal, homo, lapis: ut nullum animal est lapis, omnis autem homo est animal, nullus igitur lapis est homo. Vocabulum autem artis,

Celantes. Et reducitur hic modus ad secundum huius figuræ modum, conclusione conuersa simpliciter. Septimus modus est, in quo datis tribus terminis, conficitur syllogismus ex uniuersali affirmatiua maiori, & particulari affirmatiua minori, particularem affirmatiuam indirectim concludens. Termini quidem sunt, animal, substantia, homo: ut omne animal est substantia, & quidam homo est animal, igitur quedam substantia est homo. Vocabulum autem artis, Dabitur. Et reducitur hic modus ad tertium huius figuræ modum, conclusione conuersa simpliciter. Octauus modus est, in quo datis tribus terminis conficitur syllogismus ex uniuersali affirmatiua maiore, & uniuersali negatiua minore, particularem negatiuam indirectim concludens. Termini quidem sunt, animal, substantia, lapis: ut omne animal est substantia, nullus autem lapis est animal, quedam igitur substantia non est lapis. Vocabulum autem artis, Fapesmo. Et reducitur hic modus ad quartum huius figuræ modum, maiore per accedens, & minore simpliciter conuersa, ac insuper præmissis transpositis. Nonus modus est, in quo datis tribus terminis, conficitur syllogismus ex particulari affirmatiua maiore, & uniuersali negatiua minore, particularem negatiuam indirectim concludens. Termini quidem sunt, animal, substantia, lapis: ut quidam lapis est substantia, nullam autem animal est lapis, quedam igitur substantia, non est animal. Vocabulum autem artis, Frisefomorum. Et reducitur hic quoque modus ad quartum huius figuræ modum, utraque præmissa simpliciter conuersa, insuperque transposita.

... R A T I A N V S.

Quintus modus.) In hoc capite sex modi enumeran-

merantur, qui indirectim colliguntur, quorum rarus apud bonos authores est usus.

GLAREANVS.

De reductione ad impossibile.) Nota, quòd non potest dari certa regula de his quinque modis indirecte còcludentibus, quod ad reductionem per impossibile attinet. Quidam enim contradictorio còclusionis pro maioreposito, cum maiore prioris syllogismi loco minoris posita, contrariam inferunt minoris conuersam: vt Baralip. & Fapelsmo. Aut còrradictoriam conuersam, vt Dabitis. At verò Celantes & Frilesom conclusionis contradictorio pro minore propositione posito, cum minore prioris syllogismi loco maioris posita, contradictoriam maioris conuersam inferunt.

De modis secunda figura.

Secunda uerò figura modos habet quatuor, quorum primus est, in quo datis tribus terminis, conficitur syllogismus ex uniuersali negatiua maiore, & uniuersali affirmatiua minore, uniuersalem negatiuam directim concludens. Termini quidem sunt, lapis, animal, homo: ut nullus lapis est animal, omnis autem homo est animal, nullus igitur homo est lapis. Vocabulum autem artis, Cesare. Et reducitur hic modus ad secundum primæ figure modum, maiore simpliciter conuersa. Secundus modus est, in quo datis tribus terminis, conficitur syllogismus ex uniuersali affirmatiua maiore, & uniuersali negatiua minore, uniuersalem negatiuam directim concludens. Termini quidem sunt, animal, homo, lapis: ut, omnis ho-

mo est animal, nullus autem lapis est animal, nullus igitur lapis est homo. Vocabulum autem artis, Camestres. Et reducitur hic quoque modus ad secundum primæ figuræ modum, minore simpliciter conuersa, ac in super præmissis transpositis. Tertius modus est, in quo datis tribus terminis, conficitur syllogismus ex uniuersali negatiua maiori, & particulari affirmatiua minori particularem negatiuam directim concludens. Termini quidem sunt, lapis, animal, homo: ut nullus lapis est animal, quidam autem homo est animal, igitur quidam homo non est lapis. Vocabulum autem artis, Festino. Et reducitur hic modus ad quartum primæ figuræ modum, maiore simpliciter conuersa. Quartus modus est, in quo datis tribus terminis, conficitur syllogismus ex maiore uniuersali affirmatiua, & minore particulari negatiua, particularem negatiuam directim concludens. Termini quidem sunt, homo, animal, lapis: ut omnis homo est animal, quidam autem lapis non est animal, quidam igitur lapis non est homo. Vocabulum autem artis, Baroco. Et reducitur hic modus ad primum primæ figuræ modum, syllogismo ad impossibile ducente.

RAIIANVS.

Secunda verò.) Omnes syllogismi huius figuræ imperfecti sunt, & ad priores duos modos primæ figuræ reducuntur: ut Aristoteles disertè docet quinto capite primi libri priorum.

Et reducitur hic modus.) Baroco reducitur per impossibile ad barbara, sumendo contradictorium conclusionis pro minore in barbara, & inferendo contradictorium minoris, ex quo conficitur aut
bonum

bonum esse syllogismum in baroco, aut duas contradictorias simul esse veras. Id exemplo doceo: omnis homo est animal, quidam lapis non est animal, ergo quidam lapis non est homo. Sic reducitur: omnis homo est animal, omnis lapis est homo, ergo omnis lapis est animal. At concessum erat, quidam lapis non est animal, igitur duæ contradictoriæ simul veræ.

GLAREANVS.

De modis secundæ figuræ.) Hæc figura concludit solum negatiuè, propter regulam peculiarem secundæ figuræ, quæ ita sonat: Propositionibus vtrisque præmissis affirmatiuis, in secunda figura nihil sequitur. Vnde oportet & conclusionem esse negatiuam, propterea quòd conclusio semper sequitur deteriorem partem. Cæterùm in hac eadem figura, reducere ad impossibile, est ex contradictorio conclusionis cum maiore, inferre oppositum contradictorium minoris. In qua reductione maior immobilis manet, pro minore autem ponitur contradictoria.

De modis tertiæ figuræ.

SEquitur tertia figura, quæ modos sex habet. Primus ex his modus est, in quo datis tribus terminis, conficitur syllogismus ex uniuersali affirmatiua maiori, & uniuersali negatiua minori, particularem affirmatiuam directam concludens. Termini quidem sunt, homo, animal, substantia: ut, omnis homo est substantia, & omnis homo est animal, igitur quoddam animal est substantia. Vocabulum autem artis, Darapti. Et reducitur hic modus ad tertium

primæ figuræ modū, minore per accidens conuersa. Secundus modus est, in quo datis tribus terminis, cōficitur syllogismus ex uniuersali negatiua maiore, & uniuersali affirmatiua minore, particularē negatiuā directim cōcludens. Termini quidē sunt, homo, substantia, lapis: ut, nullus homo est lapis, omnis autē homo est substantia, igitur quādā substantia non est lapis. Vocabulum autem artis, Felapton. Et reducitur hic modus ad quartum primæ figuræ modum, minori conuersa per accidens. Tertius uero modus est, in quo datis tribus terminis, conficitur syllogismus ex particulari affirmatiua maiori, & uniuersali affirmatiua minori, particularē affirmatiuam directim cōcludens. Termini quidem sunt, homo, animal, substantia: ut, quidā homo est substantia, & omnis homo est animal, igitur quoddam animal est substantia. Vocabulum autem artis, Disamis. Et reducitur hic modus ad tertium primæ figuræ modum, maiore pariter & conclusione cōuersa simpliciter, ac insuper præmissis transpositis. Quartus modus est, in quo datis tribus terminis, cōficitur syllogismus ex uniuersali affirmatiua maiori, & particulari affirmatiua minori, particularem affirmatiuam directim cōcludens. Termini quidem sunt, homo, substantia, animal: ut, omnis homo est substantia, & quidā homo est animal, igitur quoddam animal est substantia. Vocabulum autem artis est, Datisi. Et reducitur hic modus ad tertium primæ figuræ modum, minore conuersa simpliciter. Quintus modus est, in quo datis tribus terminis, conficitur syllogismus ex particulari negatiua maiore, & uniuersali affirmatiua minore, particularem negatiuam directim cōcludens. Termini quidem sunt, homo, animal, lapis: ut, quidam homo non

est

est lapis, omnis autem homo est animal, igitur quoddam animal non est lapis. Vocabulum autem artis, Bocardo. Et reducitur hic modus ad primum primæ figuræ modum, syllogismo ad impossibile ducente. Sextus modus est, in quo datis tribus terminis, conficitur syllogismus ex uniuersali negatiua maiore, & particulari affirmatiua minore, particularem negatiuam directim concludens. Termini quidem sunt, homo, animal, lapis: ut, nullus homo est lapis, quidam autem homo est animal, igitur quoddam animal non est lapis. Vocabulum autem artis, Ferison. Et reducitur hic modus ad quartum primæ figuræ modum, minore simpliciter conuersa. Et de modis quidem hætenus.

RAIIANVS.

Sequitur tertia figura.) Huius figuræ etiā omnes syllogismi imperfecti sunt, & in prima figura comprobantur.

Et reducitur hic modus.) Bocardo per impossibile reducitur ad barbara, sumendo contradictoriam conclusionis pro maiore, & colligendo contradictoriam maioris. Sic hic syllogismus doctrinæ causa in bocardo, quidam homo nō est lapis, omnis homo est animal: ergo quoddam animal non est lapis. Sic reducitur: omne animal est lapis, omnis homo est animal, ergo omnis homo est lapis. At prius datum fuit, quidam homo non est lapis: quo fit ut duæ contradictoriæ sint simul veræ: hoc non est admittendum, ergo prior syllogismus erat bonus.

GLAREANVS.

De modis tertiæ figuræ.) Hæc figura ut est vltima, ita omnium imperfectissima, concludens solum

solùm particulariter:& habet duplicem item reductionem, ostensiuam:& ad impossibile. In ostensiuâ reductione, minor ubique conuertitur. Quanquam in Disamis maior, sed quæ fit minor conuersa. Reducere ad impossibile in tertia figura est ex contradictorio cõclusionis, maioris loco posito, cum minore, quæ manet immutata, inferre contradictorium maioris: præterquam in primis duobus modis, in quibus non contradictorium, sed contrarium inferitur.

De quibusdam regulis specialibus, tum quid commune omnibus cuiuslibet figura modis, & quid cuique figura proprium.

Igitur post definitos modos, præter iam dictas regulas, aliae restant magis speciales, nihilominus ipsis modis inseruientes, ut quæ, uelut corollaria quædam, ex tribus expositis figuris eductæ uideri possint. Quarum quidem prima est: In prioribus quatuor primæ figuræ modis, & in omnibus tertiæ, si minor fuerit negatiua, nihil sequitur. Secunda: In prioribus quatuor primæ figuræ modis, & in omnibus secundæ, si maior fuerit particularis, nihil sequitur. Tertia: In secunda figura oportet alterutram præmissarum esse negatiuam. Quarta: In tertia figura cõclusio semper erit particularis. Sanè tum has, tum superiores illas regulas Nicephorus, Græcus author, ut alia dicendi figura, ita & grauius & artificiosius complexus est: Commune est (inquit) omnibus syllogisticis modis per tres dispositas figuras, ut conclusio deteriorem sequatur propositionem. Est autem deterior particularis uniuersali, & abdicatiua aiente, hoc est, negatio affirmatione. Atqui proprium quidem primæ figuræ est, per modos
saltem

saltem directos, maiorem propositionem uniuersalem esse, & minorem semper affirmatiuam. Secundæ uerò figuræ proprium est, maiorem propositionem uniuersalē esse, minorem uerò dissimilis ab illa qualitatis, & colligere cōclusionem semper negatiuam. Tertiæ porrò figuræ proprium est, maiorem propositionem indifferentem esse, minorem uerò affirmatiuam semper, & colligere cōclusionem semper particularem.

RAIIANVS.

Igitur post.) Profert quasdam regulas speciales, quæ triū figurarum velut appendices quædam sunt.

Quarum prima.) Non valet igitur hæc collectio: nullus lapis est animal: nullus homo est lapis, ergo nullus homo est animal.

Et in omnibus tertiæ.) Hæc collectio ob id non est firma: omnis homo est animal, nullus homo est lapis, ergo quidam lapis est animal.

Secunda.) Ob hanc regulam hic syllogismus nō valet: aliquod animal est homo, omnis equus est animal, ergo quidam equus est homo.

Et in omnibus secundæ.) Quare non valet hic syllogismus: aliquod animal non est rationale, omnis homo est rationalis, ergo aliquis homo nō est animal.

Tertia.) Ratio huius regulæ est, quia ex duabus affirmatiuis in secunda figura nihil sequitur necessario. Vt hæc est inepta collectio: omnis homo est animal, omnis equus est animal, ergo omnis equus est homo.

Quarta.) Hæc regula docet hanc non esse veram collectionem: omnis homo est rationalis, omnis homo est animal, ergo omne animal est rationale.

Commu

Commune est.) Omnes hæ regulæ, quæ ad finem huius capitis sequuntur, facillè ex vocabulis singularum figurarum intelliguntur.

De tribus instrumentis, quibus imperfecti syllogismi ad perfectos reducuntur, brevis commemoratio.

Cum sint autem tria (ut supra diximus) instrumenta quibus imperfecti syllogismi ad perfectos reduci possunt: nempe Conuersio, præmissarum transpositio, & Syllogismus ad impossibile ducens, de his paulò altius repetere hoc loco haud inutile fuerit, ne quicquam prætermittatur quod ad intellectum eorum quæ dicta sunt conferre utcunque possit. Verum enim verò quia de horum primo, ut de Conuersione, tractatu tertio satis (ut arbitror) à nobis est dictum: de reliquis duobus hinc restat tractandum.

RAIIANVS.

Cum sint.) Proponit tria instrumenta, quibus omnes syllogismi imperfecti ad perfectos reducuntur.

Nempe conuersio.) Reductio per conuersionem vel præmissarum transpositionem, vocatur Aristoteli Reductio ostensiva.

GLAREANVS.

De tribus instrumentis.) Ad finem capitis quinti huius tractatus, tria posuit perfectiua principia syllogismi: sed in eodem capite etiam syllogismi expositoriij mentionem fecit, quem hîc meritò etiâ numerasset. Sunt igitur quatuor perfectiua syllogismi principia, conuersio præcipuum, expositio, transpositio, & reductio.

De

*De transpositione præmissarum, &
quot modis fiat.*

TRansponuntur præmissæ, quoties ambæ locum mutant, ita ut ex maiore minor, & ex minore uicissim maior fiat propositio: quod aliquando quidem contingit, alterutra, aut etiam utraque ex ipsis cōuersa. Quo sanè modo idoneū reductionis instrumentum habetur. Aliquādo uerò absque alicuius cōuersione: uerū hoc pacto haudquam inter instrumenta illa de quibus nunc loquimur, cōnumerari debet: quin potius aliam tum uim habet, nempe per quā in omni figura modi indirecti fieri posse probantur. Quo fit ut tot modi esse possint indirectim cōcludentes, quot sunt qui directim concludunt. Cui quidem sententia illa Iacobi Fabri Stapulensis regula subscribit, Ad quasunque præmissas aliqua sequitur cōclusio, eadem ad easdem sequitur transpositas: id quod nunc exemplo tantum probare liceat, sitq; hic syllogismus: Omne animal est substantia, & omnis homo est animal, igitur omnis homo est substantia. Huius nanq; syllogismi si præmissas transponas, ad easdem eadē continuò sequitur conclusio: ut, omnis homo est animal, & omne animal est substantia, igitur omnis homo est substantia. Quod certè & in omnibus modis necessariò euenire etiamnum demonstrari posset: sed nūc non est hic locus.

RAIIANVS.

Transponuntur præmissæ.) Vt sit in Camestres, cū reducitur ad Celarent. Nam maior in Camestres fit minor in Celarent.

Nempe per quam.) Vt sit hic syllogismus in Celarent: Nullum animal est lapis, omnis homo est animal, ergo nullus homo est lapis. transponendo præmissas

missas sine conuersione fit hic syllogismus, concludens indirectim: Omnis homo est animal, nullum animal est lapis, ergo nullus homo est lapis.

Huius nanque.) Nam in prima figura medium aliquādo prædicatur in maiore, & subiicitur in minore. Author Trapezuntius.

GLAREANVS.

De trāspōitione præmissarū.) Quatuor sunt omninò modi, in quibus est hæc transpositio propositionum, Fapelmō, Friselmō, Cameltres & Disamis, quorum priores duo concludunt indirectè, duo sequentes indirectè. Atqui hoc nunquam fit, nisi cum conuersione aut ambarum, vt in Fapelmō ac Friselmō: aut alterius præmissarum cum conclusione, vt in Cameltres ac Disamis.

Ad quascunque præmissas aliqua sequitur.) Dicendum ad illam Stapulensis regulam, quòd non est verus syllogismus, sed regula prima anteprædicamentalis, quæ in essentialibus duntaxat valet: & est forma quartæ figuræ, de qua dictum capi. huius Tractatus.

De syllogismo ad impossibile ducente.

PER impossibile uerò factus ostèditur syllogismus, quoties contradictio ponitur conclusionis, & assumitur altera sumptarum propositionum nota pariter & confessæ: ex quibus deinde, nempe posita & assumpta, colligitur syllogismus alteram ab assumpta concludens: quæ quia manifestè falsa deprehenditur (quippe cuius contradictoria uera per hypothesim extabat unà cū assumpta) per eam alterutra perimenda uenit præmissarum: ut, exēpli gratia, sit factus syllogismus in primo primæ figuræ modo:

modo: omne animal est substantia, & omnis homo est animal, igitur omnis homo est substantia. Huius syllogismi si conclusio ipsa uel dubitetur, uel negetur prorsus, tunc sic contexo syllogismum ad impossibile ducentem: quidam homo non est substantia, omnis autem homo est animal, igitur quoddam animal non est substantia. Atqui hæc quoniam manifestè falsa est, sequitur alteram præmissarum falsam quoque esse, non minorem quidem, quoniam & ipsa in altero syllogismo uera ex hypothese concessa fuit: ergo maiorem. Quare eius contradictoria quæ erat, omnis homo est substantia, uera est, & hæc nimirum conclusio prioris syllogismi erat, quod erat propositum. Vnde & ex hoc etiamnum error eorum manifestatur, qui per cliteram superius inter artis literas positam, significari credentes syllogismum conuersiuum, eundem proinde illum existimare uidentur cum syllogismo ad impossibile ducente, cum sint à se longè diuersi.

RAIIANVS.

Per impossib.) Est itaque syllogismus ducens ad impossibile, cum ex opposito conclusionis probanda cum vna uera & concessa colligimus vnam propositionem perspicuè falsam & impossibilem, à qua opponens regreditur ad conclusionem probandam. & sic in omni syllogismo ducente ad impossibile tria sunt necessaria; conclusio probanda, ut omnis homo est substantia: oppositum conclusionis, ut aliquis homo non est substantia: & id quod tanquam verissimum sumitur, ut omne animal est substantia.

Sequitur alteram.) Quia falsa conclusio non
q collig

colligitur, nisi ex falsis præmissis.

Vnde ex.) Syllogismus conuersiuus partim conuenit cum syllogismo ducente ad incommodum, partim differt. Conueniunt inter se, quia ambo in omnibus fiunt figuris: differunt, quia in syllogismo conuersiuo damus, & fingimus syllogismum prius factum ab opponente: sed in syllogismo ducēte ad incommodum, nullus præsupponitur syllogismus factus: vel (vt ait Philoponus) in syllogismo conuersiuo colligitur tam contrarium quàm contradictorium alicuius propositionis: sed in syllogismo ducente ad incommodum, contradictorium tantum. Vide Aristotelem vndecimo cap. secundi libri priorum, quo loco legendus Philoponus.

GLAREANVS.

De syllogismo ad impossibile ducente.) Syllogismus ad impossibile ducens, inuentus est contra pertinaces, qui si nollent consequentiam syllogismi concedere, cū tamen concederent præmissas esse veras, coguntur tamen hoc primum principium concedere: De quolibet est, vel non est, de nullo verò simul. Ergo sumendo contradictorium conclusionis negata, cum altera præmissarum concessa, infertur contradictorium, vel nonnunquam contrarium alterius præmissæ etiam concessæ, quod fuit ostendendum.

Quòd præter prædictos modos alij omnes magna ex parte asylogisti habeantur.

Insuper

INsuper & illud nunc, quantum quidem ad definitos modos attinet, adiiciendum haud ab re puto, quod quicumque modi contra praedictas syllogismorum formas siue leges fiunt ordinanturq; , omnes hi a syllogisti habentur. Si quidem hoc pacto contingeret in ipsa conclusione, primum ex tribus datis terminis interdum omni inesse postremo, interdum nulli: hoc est, ut planius intelligatur quod dictum est, ex tribus terminis, seruata eadem forma, conclusionem colligi nunc uniuersalem affirmatiuā, nunc uniuersalē negatiuam. Atq; id quidem est, quemadmodum & in prioribus Analyticis Aristoteles docet, dare terminos, in quibus omni, & in quibus nulli. At hoc ipsum nunc exemplis subiectis ostēdamus. Constituatur itaq; syllogismus in prima figura, sintq; termini, in quibus omni, id est, ubi primus omni postremo inest, animal, homo, equus, ut, omnis homo est animal, & nullus equus est homo, igitur omnis equus est animal. Alter rursus constituatur syllogismus, sintq; termini, in quibus nulli, hoc est, ubi primus nulli inest postremo, animal, homo, lapis: ut, omnis homo est animal, nullus autem lapis est homo, igitur nullus lapis est animal. Et ut hoc iam in uniuersalibus ostēsum est propositionibus, ita & in particularibus ostēdere licet, particularē colligendo conclusionē, si quibus id ita placet. Ex quo manifestum euadit, huiusmodi datorum terminorū contextum inutilem prorsus esse, id quod & in secunda & tertia figura simili ostendi potest: quanquam in tertia haud ita omni ex parte sese habet. Ceterum ut huiusmodi terminorum facilis habeatur inuentio, haec à quibusdam tradita regula est per disiunctionem: Accipiendi sunt tres termini, quorum tertius ad reliquos duos se habeat, ut genus ad species, quae sub ipso continentur, ut homo, equus,

animal: uel extraneus, hoc est, disparatus ad utrunque, ut homo, equus, lapis: uel utcunque superior ad illos sit, qui & de se inuicem prædicentur aut conuertibiliter, aut nõ. Conuertibiliter quidem, ut homo, risibile, substantia. Non conuertibiliter uerò, ut homo, animal, substantia.

RAIIANVS.

Insuper & illud.) Docet hoc capite Cæsarius omnes colligendi modos, præter prædictos, esse reijciendos & incollectiles.

Atque id.) Locus est apud Aristotelem quarto capite primi libri priorum. Dantur termini, in quibus omni, quãdo ex duabus propositionibus simul veris conclusio colligitur vniuersalis affirmatiua vera: & dantur termini, in quibus nulli, quando in eadem forma argumentandi ex duabus propositionibus veris infertur vniuersalis negatiua vera: quocirca duo contraria essent simul vera. Vt exempli gratia, in quatuor prioribus modis primæ figuræ, maiore vniuersali affirmatiua, minore vniuersali negatiua, nihil colligitur necessariò. Ratio Aristotelis est, quia dantur (vt vulgò loquimur) termini, in quibus omni & quibus nulli, hoc est, idem extremum omni subiecto verè inesset, & ab eodem verè remoueretur. termini, in quibus omni, animal, homo, equus, sic colligendo: Omnis homo est animal, nullus equus est homo, ergo omnis equus est animal. termini in quibus nulli, animal, homo, lapis, sic colligendo: Omnis homo est animal, nullus lapis est homo, ergo nullus lapis est animal. Innumera huiusmodi exempla sunt apud Aristotelem quarto, quinto, sexto capitibus primi libri priorum.

Quan

Quamquam in tertia.) In tertia figura concludendo vniuersaliter; non dantur termini, in quibus omni vel nulli: quia id nunquam contingit; nisi quando erratur in dispositione maioris vel minoris propositionis. In tertia autem figura quando concludimus vniuersaliter; est error in conclusione; non in antecedente.

In secunda.) In secunda figura dantur termini, in quibus omni & quibus nulli. si maior sit particularis in quibus omni, vt animal, homo, equus: aliquod animal est equus, nullus homo est equus, ergo omnis homo est animal. Termini in quib. nulli, equus, animal, lapis: aliquod animal est equus, nullus lapis est equus, ergo nullus lapis est animal.

GLAREANVS.

Quod præter prædictos.) Modi syllogisti vocantur, in quibus est formalis consequentia: hoc est, in quibus conclusio semper vera est, siquidem præmissæ veræ fuerint; quibuscunque datis terminis: nec infertur contraria, vel contradictoria ex iisdem conclusio. A syllogisti autem vocantur modi in quibus non est formalis consequentia, sed contingit vt dentur termini, in quibus non infertur verâ conclusio, cum tamen præmissæ sint veræ, imò sæpè contrariæ. Vt si quis ex meris particularib. sic constituat syllogismum: Quoddam animal est asinus, quidam homo est animal: inferri debebat, ergo quidam homo est asinus, cum ea conclusio sit falsa: imò contradictoria eius est vera, Nullus homo est asinus. Quandoque igitur in aliquo modo præmissis veris infertur aliquando vniuersalis affirmatiua ve-

ra, aliquando vniuersalis negatiua vera, is modus reiiicitur, vt asyllogistus.

De Enthymemate.

Postremo autem & de reliquis tribus argumentationis speciebus tractandum hic est, id quod initio huius tractatus ita polliciti sumus: atque ex his primum de Enthymemate dicendum. Enthymema itaque est (quemadmodum & ab Aristotele definitur) ex icotibus & signis imperfectus syllogismus. Ex icotibus quidem, hoc est, ex consentaneis & probabilibus: *ἰκνός* enim Græcè præter alia, consentaneum quoque significat Latinis & probabile. Cuiusmodi illud est, Diligere quenque amantem se: & item illud, Omnem matrem suam diligere prolem. Ex signis autem, id est, ex necessarijs & probabilibus: ut est, Si quid cuiuslibet rei additum fuerit, totum maius efficietur. Definitur & sic: Enthymema est oratio, in qua non omnibus positis propositionibus, festinata infertur conclusio. Itaque in Enthymemate altera semper deest propositio, uel propter breuitatem, uel propter notitiam prætermissa, quæ tamen mente interim eius qui ratiocinatur concipitur: ut, Omne animal est substantia, igitur omnis homo est substantia. Vnde & truncatus syllogismus à quibusdam dicitur. Hinc à Iuuenale Satyrico poëta dictum est de muliere impudica: Ne curtum sermone rotato Torqueat Enthymema. Rotato inquit, id est, celeri. Siquidem apud Græcos *ἐνθύμημα* cogitationem significat, qua ceterum nihil celerius.

RAIANVS.

De Enthymemate.) Argumentationis quatuor sunt formæ, Syllogismus, Enthymema, Inductio, Exemp

Exemplum. Cæsarius hoc capite finit Enthymema, argumentationem ex antecedente & consequente constitutam. Eius materia est plerunque probabilis: vt, Hic cum gladio sanguinario inuentus est, ergo hominem occidit. Dici non potest, quàm Aristotel. exactè examinauerit vim Enthymematis primo & secundo Rhetoricorum ad Theodecten. Initio primi libri inquit: οἱ γὰρ ὅτι ἐνθυμημάτων εἰδὲν λέγουσι, ὅτι ἐστὶ σῶμα τὸ πείσῃ. Insectatur veteres Rhetores, qui nihil de Enthymemate dixerunt, quod est fundamentum probationis.

RAIIANVS.

De Enthymemate.) In iudiciis publicis plerunque Enthymemate vtuntur, & maiorē vt notam (nēpe plerunque legem) omittunt. Milo occidit Clodium, ergo debet mori. Maior est, lex Portia, Quicumque Romanum ciuem occidit, debet mori. Aliquando omittitur minor: vt, Omnis mater amat filium, ergo Cornelia amat Gracchum: omissa est minor, Cornelia est Gracchi mater, quia omnibus nota. Ex quo patet, in maiore vsu esse Enthymema, quàm syllogisum: quamuis Enthymema sit virtute syllogismus: vt, Socrates currit, ergo Socrates mouetur: omissa est maior, Quicquid currit, mouetur.

De Inductione.

Inductio, quæ Græcis ἰπαγωγὴ, siue, ut vult Cicero, ἰπαπαγωγὴ dicitur, hoc pacto definitur: Inductio est oratio, per quam à singularibus ad uniuersale fit progressio. Sanè per singularia hoc loco intelligere debemus non solum ea quæ simpliciter talia sunt, ut indiuidua & numero differentia, verum etiam minus communia respectu ipsius

uniuersalis, quod ex ipsis per inductionem colligitur: ab his enim plerumque uniuersale conflatur colligiturque. Vt si quis uelit ostendere omnem numerum esse duorum iuxta se positorum medium, id inductione probauerit: quoniam ternarius medius est binarij & quaternarij, & quaternarius item ternarij & quinarij, & ita deinceps: igitur omnis numerus est duorum iuxta se positorum medius. Eodem modo, si probandum nobis fuerit, quod omnis uirtus moralis in mediocritate consistit, dicemus hoc pacto: Fortitudo in mediocritate consistit, nempe inter audaciam & timiditatem: & liberalitas, ut inter auaritiam & prodigalitatem: temperantia item & iustitia: omnis igitur uirtus moralis in mediocritate consistit. Vnde & inductio hanc precipue uim habere putatur, ut per eam de principijs scientiarum aliquoties disputare contingat. Neque uero cum inductione utimur, opus erit semper adijcere particulam, & sic de alijs, ut Sophistæ solent. Quandoquidem id inducentiam compertum esse debet, cætera similia esse his quæ sumpta. Nam si Aristoteli credimus, qui singularium ignorat similitudinem, is non facile inducet.

R A T I A N V S.

De inductione.) Aristoteles 10. cap. 1. lib. Topicorum duplicem differentiam inter syllogismum & inductionem constituit. Primum, quia inductio secundum sensum est notior & pluribus communis, syllogismus uero secundum intellectum. Secundò, inductio est accommodatissima rudioribus, syllogismus autem contra proteruos efficacior.

Vt sunt indiuidua.) Hæc sunt diligenter in inductione enumeranda, ne non plenam conficiamus inductionem: aut sub hac particula, & sic de alijs,

complectenda. Est autem hæc via à natura profecta: prima enim ratio discendi est à singularibus.

Vnde &.) Præcipua utilitas inductionis est, quia per eam artium principia (si negetur) tanquam per nobis notiora probantur. In quam rem insignis est locus apud Aristot. 7. cap. 1. libri Ethicorum.

GLAREANVS.

Inductio est oratio, per quam à singularibus.) In inductione requiruntur tria, primum, ut fiat argumentatio à singularibus sufficienter enumeratis. Inde non sequitur, Socrates currit, Plato currit, ergo omnis homo currit. Secundò, ut sit argumentatio à singularibus ad proprium vniuersale. Quare non sequitur, Socrates currit, Plato currit, atq; ita in aliis, ergo omnis equus currit. Tertium, ut sit proximum vniuersale. Quare non sequitur, Socrates currit, Plato currit, atque ita in aliis, ergo omne animal currit. Laurentius Valla lib. 1. de Dialecti. cap. ultimo, ridet hoc totum ab Aristotele & à Boëtio traditū. Ipse enim tria inductioni adesse debere asserit: Interrogationē, similem appositionem, & probationem: motus Quintiliani autoritate magis quàm vel Aristotelis, vel Ciceronis, vel Boëtij. Qui velit, sequatur.

Nam si Aristoteli credimus.) Vide quid faciat reprehensionis studium. Dum Cæsarius sophistas, ut putat, cōfutare conatur, ipsum carpit Aristotelem. Aristoteles enim inquit, Oportet autem intelligere, minorem extremitatem ex omnibus singularibus cōpositam: ipsa enim inductio per omnia erit.

De exemplo.

EXemplum, quod à Græcis ἐξέμπεϋμα dicitur, ita definiunt: Exemplum est cum ex multorum collecta particularitate aliud quiddam particulare ostenditur: ut si quis probare uelit, rectores nō esse sorte dandos reb. publicis: quoniam neque nauibus, neque curribus morandis sorte præponuntur rectores, sed qui arte & experimentis plurimum ualent. Sunt qui ita definiant: Exemplum est, quoties unum particulare per aliud probatur, propter simile quod in utroque conspicitur: ut, si malum est Græcos cum Troianis belligerari, malum quoque est Lacedæmonios cum Atheniensibus armis decertare.

RAIIANVS.

De exemplo.) Exemplum est, ut vulgò finimus, cum à particulari ad particulare decurrit oratio: ut, malum est Athenienses bellum gerere cū Lacedæmoniis: ergo malum est Phocenses bellum gerere cū Thebanis.

Aliud quiddam.) Differt itaque exemplum ab inductione, quia ut in exemplo ex vno particulari vel pluribus colligimus aliud particulare: sic in inductione ex pluribus particularibus colligimus vnum vniuersale.

INTRACTATVM

SEXTVM PRAE-

FATIO.



Post hoc tractatum de syllogismo hypothetico aggressurus, illud praefari in animo constitui, quod tametsi de modalibus simul & hypotheticis propositionibus tractatus à nobis institutus est, nēpe quartus: id tamē haud ita uisum est in eo facere tractatu, in quo de syllogismo hypothetico tractabitur, ut etiā de syllogismo ex modalibus in eodem tractetur, imò nec alibi usquam in his tractatibus: non ob eam solam causam, quod nouitij adhuc huius artis tyrones nimium alioqui grauarentur, sed quod illorum syllogismorum qui ex modalibus constituuntur, non admodum frequens usus sit, ut etiam supra notauimus. Accedit quod praeter unum Aristotelem nullus alius (quod scire potuerim) de huiusmodi ex modalibus syllogismis quicquam scriptum reliquerit, nisi quantum Boetius in his laborauerit, idque tamen magis Aristotelem ipsum exponēdo, quā institutum probando. In qua etiam sententia Iacobum Fabrum Stapulēsem esse uideo, uirum profectō in omnibus disciplinis exercitatissimum: unde & non parua mihi subit admiratio de Aristotele ipso, cur in re nō tam necessaria etiam plus satis operosus fuerit, nisi quod in hac praesertim arte ingenium suum ostentare omnino uoluit uir ille, in omnibus alioqui disciplinis admirandus. Quapropter multi etiam tam Graeci quā Latini hoc animaduertentes, per compēdia

de

de hac arte scribere maluerunt, ne in hac discenda apud Aristotelem opus esset toties noctesque diesque insomnes ducere, absque magno etiam fructu. Nō tamen negauerim hanc unam artem necessariam admodum esse, ideoque inuentam à maioribus nostris, ut sine qua error in studijs plerunque committeretur, qui cum alibi, tum hīc maxime cauendus est: quippe quod hęc sola rerum rationes inuestigare doceat, atque de his ipsis disputare possit. Itaque qui in hac errauerit, uix in alijs erroris periculum euitare poterit. Nanque (ut Aurelius Augustinus author est) hęc sola docet docere, docet discere, in hac seipsam ratio demonstrat atque aperit, quæ sit, quid uelit, & quid ualeat: sola item scientes non solū facere uult, sed etiā potest. Hęc ille: at nos hinc ad hypotheticos syllogismos transeamus.

RAIANVS.

In tractatū sextū.) hic tractatus utilis, & pernecessarius est: etiā ad grauiores disciplinas facilius intelligēdas. In his enim identidē syllogismorū conditionalium mentio incurrit. Quocirca hic tractatus studiosè & attentè legendus est.

Non ob eam.) Profert aliquot causas, cur de syllogismo modali scripturus non erat.

GLAREANVS.

In tractatū v i.) In quarto tractatu de duabus propositionibus, nēpe Hypothetica ac Modali scriptus: verum hīc de syllogismo hypothetico scripturus, nequaquam adnectet vel hīc, vel vsquam alibi, de syllogismo ex modalibus tractationem, cuius duplicem causam esse ait: tum difficultatem magnam, tum utilitatem oppidò paruam. Tandem præfationem concludit Dialecticæ laudibus.

De syllogismo hypothetico, quid sit.

Syllogismus igitur hypotheticus (ut à Martiano Capella definitur) is est, cuius propositio & plenum argumentum, & plenum item id de quo quæstio est, continet, ita ut assumpto argumento iā certum inferri possit de quo quæstio erat: ut sit exempli causa quæstio, utrum Rhetorica sit utilis. Itaque uolentes eam utilem probare argumentum protinus ab eius definitione commodè capere possunt, quæ quidem est bene dicendi sciētia. Ex hac deinde, ut argumento sumpto, & quæstione proposita, syllogismus hypotheticus ad hunc modum contextitur: Si Rhetorica bene dicendi scientia est, utilis est: est autem Rhetorica bene dicendi scientia: Rhetorica igitur utilis est. In hac sanè oratione cū prius proponitur: Si Rhetorica bene dicendi scientia est, utilis est: ac deinde assumitur, Est autem Rhetorica bene dicendi scientia: tum qui hæc duo concesserit, propositionem inquam & assumptionē, is uel inuitus concedat oportet, Rhetoricam utilem esse, id quod in quæstione propositum erat, quod tantisper dubiū erat donec & propositio & assumptio concederetur.

RAIIANVS.

Syllogismus igitur.) Vel sic facilius finiri potest, syllogismus hypotheticus est, cuius vel altera tantū, vel propositio vel conclusio hypothetica est.

Cuius propositio.) Hoc est, antecedens.

Plenum argument.) Hoc est probationem plenā.

Si Rhetorica.) Hic syllogismus est in primo modo syllogismorum conditionalium: assumitur enim antecedens, ut assumatur consequens.

Ex

*Ex quibus constet syllogismus hypotheticus, &
quantum ei conseruat syllogismus
categoricus.*

Ceterum ut Categoricus syllogismus in propositiones resolvitur, ut ex quibus constituitur, & propositiones rursus in terminos, neque ulterius resolutio procedit in his: ita hypothetici syllogismi in categoricos resolutio fit: quippe quod ex his ipse, ut ex simplicibus constet compositus: cum praesertim prima eius propositio uim consequentiae ex simplicibus (hoc est, categoricis) capiat syllogismis. Prima namque hypothetici syllog. propositio, si dubitatur an uera sit, praedicatiua demonstrabitur conclusione, hoc est, syllogismo praedicatiuo. Assumptio porro, quae secunda huiusmodi syllogismi pars est, in pluribus modis praedicatiua esse perspicitur, itemque conclusio, ueluti cum dicimus: Si Rhetorica bene dicendi scientia est, utilis est: at qui Rhetorica bene dicendi scientia est, hic assumptio praedicatiua, item categorica est, si quaeratur, hoc est, in dubitationem trahatur, ipsa quoque praedicatiuo probabitur syllogismo. Hinc si demum inferatur, Rhetorica igitur utilis est, & haec ipsa praedicatiua est atque facti syllogismi conclusio: utpote quae ad assumptionem probatam necessario consequitur. Nam si Rhetorica bene dicendi scientia est, cur non & utilis ipsa erit? Praeterea si hypothetica propositio ex categoricis iungitur: & ex his fidem capit, simul & ordinem partium consequitur: necesse est categoricos syllogismos hypothetico uim conclusionis administrare.

R A I I A N V S.

Ceterum) Inquiritelementa & principia syllogismi conditionalis.

Ne

Neq; vltcrius.) Resolutio quidem vltcrius procedit, sed in syllabas, quæ ad dialecticum non pertinent.

Ipsa quoque.) Id hoc modo fiet: omnis ars inueniendi, disponendi, eloquendi, est bene dicendi scientia, Rhetorica est huiusmodi, ergo est bene dicendi scientia.

Præterea.) Ratio probans à simili syllogismū hypotheticum vim suam à categorico sumere.

G L A R E A N V S.

Ex quibus cōstet syllogismus, &c.) Cicero libro primo de Inventionē, vbi de ratiocinatione disserit, & syllogismi partes tractat, vocabula subinde confundens, & syllogismū ratiocinationem appellans, tale exemplum subnectit.

Propositio. { Melius accurantur, quæ consilio geruntur, quàm quæ sine consilio administrantur. } Maior.

Approbatio multiplex. { Domus ea quæ ratione regitur, omnib. instructior est reb. & apparatus, quàm ea quæ temerè & nullo cōsilio administratur. Exercitus is cui præpositus est sapiens & callidus imperator, omnibus partibus cōmodius regitur quàm is qui stultitia & temeritate alicuius administratur. } Minor.

Assumptio. { Eadem nauigij ratio est: nā nauis optimè cursum conficit ea quæ sciētissimo gubernatore vtitur. } Minor.

Assumptio. { Nihil autem omnium rerū melius quàm omnis mūdus administratur. } Minor.

Appro

Appro- batio multi- plex.	{	Signorum ortus & obitus definitū quē- dam ordinem seruant.	{	Annux commutationes per partes qua- tuor ternis mensibus pulcherrime fiunt.
		Dies & nox per horas secundū solis cur- sum optimè procedunt:		
		Conclu- } Consilio igitur mundus admini- } Conclu- sio. } stratur. } sio.		

*De partibus syllogismorum, siue ex quor
partibus syllogismi consistunt.*

SYllogismos autem tam categoricos quam hypothetia-
cos alij quinque, alij quatuor, alij tribus, constare par-
tibus arbitrantur: quorū controuersiam Boëtius ad hunc
modum diiudicat atque discernit: quoniam omnis (inquit)
syllogismus ex propositionibus textitur, prima uel propo-
sitis, uel sumptum uocatur: secunda uerò assumptum siue
assumptio dicitur. Ex his quæ tertia inferitur, conclusio nū-
cupatur, ut cū dicimus: Si homo est, animal est: homo au-
tem est, animal igitur est: ea quidem enuntiatio, per quam
dicimus, Si homo est, animal est, propositio uel sumptū uo-
catur: ea uerò quam huic adiunximus, quæ quidem erat,
Est autem homo, assumptio siue assumptum dicitur. Ter-
tia autem ab his conclusio appellatur, ut per quam osten-
dimus animal esse, si homo fuerit. Eadem sanè & in cate-
gorico syllogismo ipsarum partium & ratio est & ordo.
Sed quoniā sæpè euenit, ut propositio ipsa nō sit uerisimi-
lis, ei tū adiungitur approbatio, per quam id quod propo-
sitū est, uerū esse mōstratur. Assumptio quoq; sæpè numero
ad fidē per se nō uidetur satis idonea, idcirco huic quoque
probationis iuuamen adiūgitur, ut uera esse intelligatur.

Quo

tur. Quo fit ut sæpè quinque partes, sæpè quatuor, interdum tres solum ipsos syllogismos habere contingat. In qua quidem sententia M. Tull. esse deprehenditur, qui in Rhetoricis syllogismos quosdam quinque partitos, quadripartitos alios, & nonnullos tripartitos esse confirmat. At uerò quibus ipsorum syllogismorum non placet partes ultra ternarium numerum propagari, hi propositionum atque assumptionum probationes non putant inter syllogismi partes ponendas esse, sed potius illarum, cum dubiæ sunt, fulcimenta quædam haberi. Quorum sanè iudicio atque sententiæ Boëtius ipse manibus pedibusque accedit: Vnde nostra (inquit) sententia his potius accedit, qui tribus partibus syllogismum constare dicunt.

RAIIANVS.

Syllogismos autem.) Quemadmodum in syllogismo condicionali prima pars dicitur propositio, secunda assumptio, tertia conclusio: ita in syllogismo categorico prima pars dicitur maior, secunda minor, tertia conclusio.

Sed quoniam.) Hunc locum Quintilianus decimoquarto cap. quinti libri his verbis expressit: Cic. maximè quinque defendit, ut sit propositio, deinde ratio eius, tum assumptio, & eius probatio, quinta complexio. Quia verò interim & propositio non egeat rationis, & assumptio probationis, nonnunquam etiam complectionis, non opus fit quadripartitam & bipartitam fieri ratiocinationem: mihi à plurimis authoribus tres ad summum videntur. Et sic ex sententia oratorum syllogismus aliquando quinque, aliquando quatuor habet partes: sed ex sen

rentia philosophorum, qui concisa vtuntur oratione, syllogismus tantum tribus partibus constat.

GLAREANVS.

De partibus syllogismorum) Apud Aristotelem hoc ambiguum non fuit, qui tres syllogismi partes per omnes omnium figurarum modos ponit: sed apud Romanos utique dubium fuit, quot partes haberet syllogismus, vt videre est apud Ciceronem libr. 1. de Inuent. Et author Rhetorices ad Herennium syllogismi veram vim, quam habent tres propositiones, non intellexit: vt satis claret ex libri secundi exemplis, in quibus nulla est syllogismi veritas, vt acutè discutienti patet: Propositio, ratio, rationis confirmatio, exornatio, complexio. Cicero autem, propositio, approbatio, assumptio, approbatio siue iuuamen, conclusio.

Quo fit vt sæpè quinque, &c.) Si quis quærat quare Aristoteles duarum præmissarum approbationem non etiam syllogismi partes facit. Quia ad inferendam conclusionem satis superque sunt duæ præmissæ: & definitio syllogismi non requirit nisi duas præmissas. Quare autem, inquires, Cicero posuit? Ad disputantium utilitatem, qui iuuantur, si priores declarentur ac probentur propositiones. Cæterum ad illationem prorsus nihil faciunt, cum ipsæ sæpè sint vel ἐνθυμήματα, vel integri syllogismi.

De modis ex hypotheticis propositionibus.

His itaque præmissis, consequens est, ut ad modos hypotheticorum syllogismorum transeamus, quos certè
quantum

quantum hîc eos definire liceat, dicere possumus ipsorum syllogismorum formas, & ueluti præsriptas leges. Sciendum autem, quòd tametsi innumeri propemodum huiusce modi modi sint, qui ex hypotheticis conficiantur propositionibus, ut de quib. Seuerinus Boëtius latissimè disputat duobus libris: nos tamen ex his paucos deligere statuimus, propterea quòd eorum usus non parum frequens habeatur. De reliquis autem admonuisse tantum sat erit, ut si cui cognoscendi eos cupido incesserit, is Boëtium ipsum in primis adeat. Sed nunc ex his primum definiamus.

RAIIANVS.

His itaque præmissis) Hoc capite Cæsarius docet quemadmodum categoricorum syllogismorum modi leges quædam sunt, quibus syllogismi probantur: sic hi septem modi sunt ueluti leges & regulæ, quibus syllogismos conditionales bonos esse ostendimus.

Primus modus.

Primus igitur modus est, cum in conditionali propositione, assumpto eo quod præcedit, ostendimus id quod sequitur, ita necessario esse, ut est in connexionem propositum: ut si homo est, animal est: atqui homo est: animal igitur est. Hic antecedens, homo est, proponitur ueluti dubium, cum dicitur, Si homo est: assumitur deinde idem ut argumentum, cum absque conditione repetitur: atqui homo est. Ad quod demum necessario sequitur animal esse, quemadmodum erat propositum. Quòd si parte ex altera annexum siue consequens assumamus, atque dicamus, est autem animal, haudquaquam de necessitate euenit homi-

nem idcirco esse. Inueniuntur autem certi termini, in quib. per æquæ ualeat assumptio, siue præcedens, siue subsequens assumatur, ut in homine atque risibili. Nam ut rectè sequitur, Si homo est, risibile est: ita rectè quoque sequitur, si assumatur hoc modo: Atqui risibile est, igitur homo est. Sed in his hæc est consequentiæ causa, quia homo & risibile æqui sunt termini, atque idcirco uno posito, alterum comitari est necesse. Verum quia hoc in omnibus non ita se habet, idcirco non recipitur ut firmum & stabile, sed magis improbatur, ut incertum & minimè constans.

RAIIANVS.

Primus igitur) In hoc primo modo colligimus à positione antecedentis ad positionem consequentis: ut si iustitia est, virtus est: atqui iustitia est: ergo virtus est. Quid hoc loco sit antecedens, quid consequens, dictum est suprà à nobis. Ponere hoc loco est affirmare, tollere negare.

Inueniuntur autem) In terminis æquis & recurrentib. possumus utroque modo & antecedens & consequens assumere, sed hæc formæ colligendi terminorum tantùm gratia validæ sunt.

GLAREANVS.

Primus modus) Georgius Trapezontius ita ait: Primus modus est, cùm primum assumitur (id est, antecedens pro minore sumitur) ut annexum concludatur, id est, consequens fiat conclusio. Tractat autem & Cicero hos modos in Topicis, & Boëtius lib. 5. in commentario super eundem Ciceronem. Dialectici nostri ita aiunt: Argumentando à rota
condi

conditionalis, cum positione antecedentis, ad positionem consequentis, est bona consequentia: ut, Socrates currit, Socrates mouetur; sed Socrates currit, ergo Socrates mouetur.

Secundus modus.

Secundus uerò modus est, cum in conditionalis, opposito consequentis assumpto, aufertur id quod antecesserat, hoc modo: Si homo est, animal est: non est autem animal: igitur homo non est. Quòd si contrà hominem esse negemus, non tollitur proinde quod connexum est: ut si dicamus, non est autem homo, non iam continuo sequitur, animal non esse, atque idcirco hic modus à consequentibus appellatur: quemadmodum qui hunc præcedit ab antecedentibus dicitur. Quare & hi duo modi à recentioribus ita distinguuntur, ut prior quidem dicatur à positione antecedentis: sequens uerò à destructione consequentis. Cæterum ut utroque modo ex datæ conditionalis partibus affirmatiuis firma ubique sententia probatur, id quod paulò suprà exemplis adhibitis ostensum est: ita eadem consequentiæ uis erit, si negatiuæ eius partes fuerint: ut, si animal non est, homo non est: non est autem animal, igitur homo non est. Item, si animal non est, homo non est: atqui homo est, animal igitur est.

RAIIANVS.

Secundus uerò modus) In hoc secundo modo colligimus ex opposito consequentis ad oppositum antecedentis. Est autem oppositum consequentis contradictorium consequentis: ut si consequens sit negatiuum, affirmetur: si affirmatiuum, negetur: ut

si dies est, nox non est: atqui nox est, ergo dies non est. Si liberalitas est, & virtus est: atqui virtus non est, ergo liberalitas non est.

Atque idcirco) Huius loci ratio est, quia si ad positionem antecedentis sequitur positio cōsequen-
tis: oportet oppositum consequentis inferre oppo-
situm antecedentis. Principium enim dialecticum
est, oppositum consequentis non posse coherere cū
antecedente. Ut quia hæc est ratæ fidei consequen-
tia, si felicitas operatio animi est, necessariò conse-
quitur, non est operatio animi, ergo non est felici-
tas. Operationem enim animæ non esse, & felicitatem
esse, fieri non potest.

*De quadam argumentatione contra
secundi modi regulam facta,
ex Themistio.*

Hic iam obijciat aliquis fortassis nobis Aristotelem i-
psū, qui in proœmiolibri de Anima, talicōtra præ-
scriptum secundi modi formam (ut uidetur) usus est ar-
gumentatione: Si quod est animæ (inquiens) proprium o-
pus, potest contingere ut ipsa à corpore seorsum sit: si ue-
rò nullum est opus animæ proprium, contingere non po-
test ut à corpore seorsum maneat, subsistatue. Sanè hanc
argumentationem sunt qui ob id calumniantur, reprehen-
dantque ceu minùs firmam, minùsque dignam tanto phi-
losopho. Calamnia autem huiusmodi est: Oportebat, in-
quiunt, accepto consequentis opposito, ita tollere demoli-
rique antecedens: at hic contrarius ordo seruatur. Verùm
hanc calumniam (si qua tamen dici meretur) Themistius
haud dubiè nobilissimus Peripateticus subtilissimè dissola-
uit ac diluit: Vnde quicunque, ait, tam malè animati sunt,
ut

ut hæc quæ in dialectica atque in exercitio argutiarum iactata, & prompta omnibus sunt, ignorasse Aristotelem putent, hi planè ignorantissimi uidentur. Nanque uerbum illud, Potest contingere (quo quidem Aristoteles in sua oratione utitur) non necessariam, sed possibilem & contingentem connexionem habet: in quo genere non oportet, abolito consequente, aboleatur & antecedens: id quod omnino ita euenit, quoties necessaria connexio est. Sed hic in contrarium obseruatio est, ut scilicet abolitio antecedentis aboleat consequens. Cui rei causam idem author huiusmodi affert: semper enim (inquit) id quod contingenter sequitur, tanquam pars sit antecedentis: propterea quod quandoque accidit, quandoque non accidit. Ita qui antecedens interemit, totum interemit. Toto autem sublato, consequens est parti quoque abolitionem afferri. Hinc & ab eodem authore aliud haud dissimile proponitur exemplum, quod tale est: Si animal est, quod procul ad nos accedit, potest contingere ut sit equus: igitur si animal non est, neque ut equus sit contingere potest. Quò sit ut inscitia potius illi arguendi sint, qui talem argumentandi formam, ut minus sanam cauillantur: & non Aristoteles ipse, qui rectissime ita argumentatus est. Hæc ita ex Themistio, quem Hermolaus Barbarus ætate nostra latinitate donauit, uir utique impensè eruditus.

R A I I A N V S.

Hic iam obiiciet) Cæsarius hoc loco grauem ponit quæstionem, quæ contra hunc secundum modum exoritur. Huius autem hæc est solutio: Quando consequens est, siue contingens, siue possibile, tunc possumus in secundo modo colligere à destru-

ctione antecedentis ad destructionem consequentis. Adde etiam, id verum esse, quando termini æqui sunt. Quod ad veritatem quæstionis attinet, intelligere est propria animæ operatio, & sic assumptio est neganda. Huius loci à nobis facta est mentio in primo libro Auscultatoriorum cap. 3. & in scholiis primi libri de Anima, capite primo.

Oportebat, inquiunt) Nam in secundo modo argumentandum est ex opposito consequentis ad oppositum antecedentis: Aristoteles autem 1. cap. 1. libri de Anima, ex opposito antecedentis ad oppositum consequentis est ratiocinatus.

GLAREANVS.

Si quod est animæ (inquiens) proprium opus) Ut lector sciat quare Aristoteles hæc verba dixerit: notandum, apud eum non admodum certum fuisse, quod nos diuino oraculo edocti, piè & inconcussè credimus, animam esse immortalem: sed cum dubitatione illum hoc dixisse: Si anima operationem habuerit propriam, postquam separata à corpore fuerit, illam utique subsistere posse: sin minùs, non posse. Nempe operari præsupponit esse: neque enim quicquam operatur, quod non est. Quare si anima operetur absque corpore, etià subsistet absq; corpore. Sed si non habebit operationē propriam, nō subsistet separata à corpore. Frustra enim esset eius esse, cuius nulla est operatio: nec vllum tale ens est in natura quod non habeat aliquā operationem. Quare & si esse priùs quidem est operatione secundum naturam, nō tamē inuenitur absque operatione. Quare possunt hæc conuerti, operari & esse. Ideoque Aristotel

Aristotelis argumentatio non est in hoc modo, nisi gratia terminorum, quod & in priore modo dictum est de homine & risibili. Item his modis prima propositio conditionalis est, subsumptio verò & cōclusio assertiuè: sed in argumento Aristotelis duæ sunt conditionales.

Aristotelis uerbalib. 1. *ἢ ἐὰν ἢ ψυχῆς,*

Εἰ μὲν ἔν ἐστι τι τῆς ψυχῆς ἔργον, ἢ παθημάτων ἰσχύς, ἐνδέχεται ἀν αὐτῷ χωρεῖν· εἰ ὃ μὴ ἐν ὅτιν ἰδίον αὐτῆς, ἐν ἃν εἴη χωρεῖν. Id est. Si quid animæ operum, vel passionum proprium est, contingere potest ut ipsa à corpore separetur. Sin verò nullum est animæ proprium opus, contingere non potest, ut à corpore seorsum maneat.

Tertius modus.

Tertius deinde modus est, qui appellatur à repugnantibus, in quo demonstratur non posse simul hoc esse, & illud. Fit autem, quoties connexæ propositionis affirmatiuæ antecedens adstruitur, ut consequens tollatur. Quod certè ideo ita euenire manifestum est, quòd huiusmodi propositiones ex repugnantibus, aut ex contrarijs constent partibus. Ex repugnantibus quidē: ut, Non si dies est, nox est: atqui dies est: nox igitur non est. Ex contrarijs autem: ut, Non si sanum est, ægrum est: atqui sanum est, non est igitur ægrum. In quibus syllogismis propositiones sumptæ huiusmodi sunt, ut impossibile sit, si antecedens est consequens esse. Itaque cū ita proponitur, Non si dies est, nox est, huius propositionis sensus hic est, non rectè sequi, si dies est, ut nox sit. Dictum est autem ex repugnan-

tibus, aut ex contrarijs, quoniam quæ aliter se habent, syllogisimum ad hunc modum nullum constituunt. Quapropter haudquaquam recipiendus est hic syllogismus: Non si homo est, album est: est autem homo, igitur album non est. quando nec repugnantia sunt inter se homo & album, nec contraria. Fit item & hic modus aliquoties, cum inter alterutram connexæ propositionis partem negatio interponitur, atque ea ipsa rursus denegatur: ut sit propositio, Si animal non est, homo est, hæc repugnans est, & ob id falsa. Fit autem uera, si negatio huic à fronte adijciatur, hoc modo: Non si animal non est, homo est. Huius quippe propositionis hæc est sententia: Si animal non sit, fieri non posse ut sit homo. Ea igitur concessa, assumimus protinus hoc modo, Atqui animal non est: ac deinde concludimus, Igitur homo non est. Similiter uerò si ita proponatur, Si homo est, non est animal: quæ & ipsa falsa est, propter partium inter se repugnantiam: quare si & huic deinde negatio apponatur, uera fit, hoc modo: Non si homo est, non est animal. Nam huius sententia est, Si homo sit, non posse fieri ut non sit animal. Itaque ea concessa, talis contextitur syllogismus: Non si homo est, animal non est: atqui homo est, animal igitur est. Rursus autem sit propositio ex utrisque partibus negatiuis: Si non est dies, non est nox, quæ idcirco quòd partes eius inuicem repugnant, falsa est: fit autem uera si adiungamus negationem, hoc modo, Non si non est dies, non est nox. Huius quoque propositionis sensus est talis: quòd si non est dies, esse non potest quin nox sit. Vnde ea ipsa concessa, assumimus hoc pacto: Atqui dies non est, & concludimus deinde, Est igitur nox.

RAIIANVS.

Tertius deinde modus) In hoc modo fit syllogismus

mus conditionalis, quando antecedens affirmatur, hoc est, cum negatio quæ conjunctioni præposita est abiicitur, deinde tollitur annexum, ut constat exemplo textus.

Fit autem) Putarem hunc locum sic legendum esse: Fit autem quoties connexæ propositionis negativæ antecedens astringitur, &c. idque docet exemplum Cæsarij. Deinde Trapezuntius id perspicuè in hoc tertio modo scribit: Tertius modus, inquit, cū propositionis negativæ conditionalis, quæ contrariis aut repugnantibus constat partibus, antecedens affirmatur.

Quod certè) Nam ea est natura repugnantium aut contrariorum, ut vno eorum affirmato, tollatur alterum.

Si animal non sit) Huius ratio est, quia sublato superiore, aufertur inferius.

GLAREANVS.

Tertius modus) Hic tertius modus varius est, & improprius, ac quasi vulgaris. Boëtius huiusmodi exemplum ponit: Non si dies est, lux non est: Atqui dies est, lux igitur est. Et in declaratione textus Ciceronis hoc ponit exemplum: Non si homo est, animal non est: Atqui homo est, animal igitur est. Idem exemplum ponit Trapezuntius, qui tamen Boëtiū reprehendit, quòd alia exempla dederit quàm in quibus sint repugnantia.

Poëtæ ita argumentantur, ut putes argumentū esse à tota conditionali duabus negativis partibus, ut habent Boëtij exempla, compositione consequentis ad positionem antecedentis. Ovidius lib. 13,

Nec

Nec tamen hæc series in causam profit Achivis,
Si mihi cum magno non est communis Achilli.

Et lib 2. apud eundem:

Mentiar, obscurum nisi cum nox fecerit orbem,
Nuper honoratas summo mea vulnere cœlo
Videbitis stellas. ---

Quintilianus: Mentiar, nisi factum est. Quasi diceret:
Verum nō dixero, si non est factum: sed est factum,
ergo verum dixi. Sic illud Ouidij: Verum non dixero,
si non videbitis noctu stellas: sed videbitis, Igitur
verum dixi. Item illud eiusdem: Non profit mihi se-
ries, nisi cum Achille sit communis: sed est commu-
nis mihi cum Achille, ergo profit. Multa alia exem-
pla reperias apud Vallam lib. 3. Elegantiarum, ca. 29.

*Quo pacto tertius hic modus à superio-
ribus duobus differat.*

EX his porro colligere licet, quid intersit inter hunc
tertium & superiores duos modos. Sanè inter ipsos
hæc est diuersitas, quòd in eo quidem modo, qui ab ante-
cedentibus dictus est, ponitur antecedens, ut id quod sequi-
tur astruatur. In eo uerò qui à consequentibus appellatus
est, perimitur consequens, ut id quod antecesserat austra-
tur. At uerò in hoc tertio, qui dictus est à repugnantibus,
neutrum horum seruatur. Si quidem neq; antecedens po-
nitur, ut quod sequitur confirmetur: nec interimatur con-
sequens, ut id quod præcesserat euertatur: sed ponitur an-
tecedens, ut interimatur consequens. Quod ideo euenire
dictum est, quoniam hic propositionis modus partes inter
se continet repugnantes. Aduersum quippe est atq; repu-
gnans

nans quod dicitur, si dies est, nō est lux: quare propositio hæc falsa est, quæ tamē rursus negatione præposita fit uera hoc modo: Non si dies est, lux non est: atque ita consimilis est affirmationi, nēpe huic, si dies est, lux est: quod & rectē quidem ita euenire receptum est, quando scilicet affirmationem geminata facit negatio.

RAIIANVS.

Ex his porrò) Docet discrimen inter hunc tertium modum & duos superiores. Nam in primo modo argumenta colliguntur ab antecedentibus: in secundo à consequentibus, in hoc tertio verò à repugnantibus.

Partes inter se continet repugnātes) Repugnantiæ cohærere non possunt, nec de se verè dici: vt si quis dicat avarum esse pium, sapientem infelicem: at in his propositionibus prædicati oppositum subiecto verè iungitur: vt, sapiens est felix, avarus est impius.

Quartus modus.

Quartus modus est eorum, qui ex disiunctiuis consistunt, syllogismorum. Fit autem, cum data disiunctiuæ propositionis antecedens in assumptione ponitur, ut quod consequens est auferatur, hoc pacto: Aut dies est, aut nox est: at qui dies est, non est igitur nox. Item, Aut sanus est, aut ægrotat: at qui sanus est, non ægrotat igitur. Hic uerò si ita quispiam argumentetur, Aut dies est, aut nox est: at qui dies est, nox igitur est: ac rursus, Aut sanus est, aut ægrotat, est autem sanus, igitur ægrotat: talis profectò modus a syllogistis & incollectilis prorsus habetur. Nam in eo data disiunctiuæ posita parte una, non tollitur reliqua: quod utique repugnantium natura requirit.

Quartus

RAIIANVS.

Quartus modus) In hoc quarto modo sic componitur syllogismus: Prima pars disiunctiue affirmatur, vt secunda negetur: Vt, Aut dies est, aut lux solaris non est: sed dies est, ergo lux solaris est.

Hic verò) In collectiles argumentationes proponit: quia pugnantia simul coniunguntur.

GLAREANVS.

Quartus modus) Haftenus de cōditionali, nunc de disiunctiua totidem ponit modos. Et hic primus modus, excepta negatione quæ ad conclusionē apponitur, est similis primo modo, qui in conditionali-
libus est.

Quintus modus.

Quintus autem modus est, cū id quod in disiunctiua propositione præcesserat, in assumptione tollitur, ut quod sequitur affirmetur, hoc modo: Aut uiuit, aut mortuus est: non uiuit autem, mortuus igitur est. At hic quoque syllogismus fit, & in collectillis, quoties data disiunctiue una sublata parte, tollitur simul & reliquum, ut, Aut uiuit aut mortuus est: non uiuit autē, igitur nō est mortuus.

RAIIANVS.

Quintus autē) In hoc quinto modo antecedens negatur, vt consequens affirmetur: idque exempla textus abundē docent.

GLAREANVS.

Quintus modus) Hic modus eādem cum priore habet propositionem, sed assumptionem cōtrariam, atque ideò etiam contrariam conclusionem: vt, Aut dies est, aut nox est: Non est autem dies, igitur est nox. Atqui si secundum conditionalis modū exprimere

mere vellemus, possemus ita formare: Aut viuit, aut mortuus est: sed non est mortuus: igitur viuit.

Sextus modus.

Sextus uerò modus est, in quo duobus per disiunctionem: propositis, ostenditur si unum sit, non posse simul esse & reliquum. Fit autem ex disiunctiua in copulatiuam mutata, addita uidelicet negatione, idque modis duobus: Primo, cum propositionis datae antecedens ponitur ut tollatur consequens, hoc pacto: Non & dies est, & nox est: sed dies est, non est igitur nox. Item: Non & prudens est, & ineptus: atqui prudens est, ineptus igitur non est. Secundo, cum propositionis datae antecedens tollitur ut consequens ponatur, hoc modo: Non & dies est, & nox est: sed dies non est, igitur nox est. Sanè tertius hic ex disiunctiuis modus consimilis ei est, qui ex propositionibus conditionalibus tertius est positus, præterquam quòd in illo propositio cum conditione, in hoc sine conditione proponitur. Verum & hoc amplius hic obseruandum, ut tam repugnantia, quàm contraria ita sibi repugnent atque cōtraria sint, ut posito uno interimatur alterum, & uno interempto alterum ponatur. Quare locutiones huiusmodi: Aut perijt, aut literas docet, Item, Aut cucurbita florem, aut ipsam concurbitam, & alia pleraque (quæ apud Græcos olim in proueria cessere) consuetudine atque ipso euentu magis recepta fuerunt, quàm ueritatis cōstantia, de quibus & alijs penè innumeris Erasmus noster in opere Adagiorum, non tam copiose quàm fructuose eleganti narratione perscribit, uir profectò hac nostra ætate extra omnem ingenij aleam positus, ut Plinij uerbis utar, qui hoc sua ætate M. Ciceroni tribuit uerissimè. Ex prædictis autem
sequi

Cur ex copulatiuis non fiant syllogismi.

IAm uerò mirabitur fortassis quispiam, quid causæ sub-
sit, quòd cum tres sint superius positæ hypotheticarum
propositionum species, & ex conditionalibus quidem, &
disiunctiuis certi syllogismorum modi à nobis iam per-
scripti sint, nullos præterea subiiciamus, quibus ex copula-
tiuis perinde syllogismi fieri demonstrantur. Huius sanè
rei hanc esse causam arbitror, quòd quæ hypotheticæ pro-
priè dicuntur, huiusmodi sunt, ut in his cōditio aliqua uel
exprimatur, ut in eis, quæ peculiari nomine cōditionales
appellantur, uel subintelligatur, ut in disiunctiuis. Nam
cum ita proponitur, Aut dies est, aut nox est: hæc eadem
propositio cum conditione nihilominus pronunciari po-
test hoc modo: Si dies est, non est nox: uel, Si non est dies,
nox est. Itaque per has neq; esse aliquid, neq; non esse sim-
plicitèr significatur, sed aut illud esse si hoc fuerit, aut quo-
ties unum fuerit, non posse simul & aliud esse. Vnde & in
his consequentiæ uis inesse quoq; perspicitur. At uerò quæ
copulatiuæ dicuntur, ut non ueræ hypotheticæ sunt, ita
nec in his consequentiæ uis ulla deprehenditur: quæ nimis-
rum facit potissimum, ut ex propositionibus hypotheticis
hypothetici syllogismi struantur. Hypotheticæ tamē quo-
quo modo dici possunt, quatenus ex categoricis composi-
tæ constant. Quare nec Boëthius etiam, cum aliàs de syl-
logismis ex hypotheticis copiosissimè tractet, ullos præ-
scribit modos, iuxta quos syllogismi ex copulatiuis per-
inde fierent. Nec ipse admodum probo eas consequentiæ
formas, quas uulgò ex copulatiuis eliciunt, ut à tota copu-
latiua ad alteram eius partem, & item à destructione par-
tis copulatiuæ ad destructionem totius: quæ licet necessa-

riae utique sint, utiles tamen non sunt. Ex copulatiuis tamen rectè fortassis argumentatio procedet, siue syllogismus uoces, siue aliam quamlibet argumentationis speciem, quoties per has ex disiunctis ad coniuncta procedimus: hoc est, quoties quæ diuisim prædicantur de subiecto aliquo, de eodem etiamnum coniunctim dici posse probantur. Qued quia aliquando ita contingit, aliquando uerò minime: certè ad hoc regulæ ex ipso Aristotele colliguntur, quibus id discernere licet, & quas proinde hic subijcere non grauabimur.

RAIANVS.

Iam verò). Dissoluit quandam quaestionem, quæ ex superioribus oritur.

Huius sanè) Prima ratio cur ex propositionibus copulatiuis per se sumptis non fiat syllogismus conditionalis. Quoniam in conditionalibus conditio vel exprimitur, vel subintelligitur: at in copulatiuis neutrum contingit.

Vnde &). Secunda ratio: In syllogismis conditionalibus optima struitur argumentatio, in qua consequens colligitur ex antecedente.

Vt à tota copulatiua) Vt, Deus est immortalis, & homo est mortalis, ergo Deus est immortalis.

Ex copulatiuis) Hic locus intelligetur ex tribus regulis capitis sequentis.

GLAREANVS.

Cur ex copulatiuis non fiant syllog.) Aulus Gellius lib. 16. capite 8. de propositione copulatiua ita ait: In omni coniuncto si vnum est mendacium, etiam si cætera vera sunt, totum esse mendacium dicitur.

citur. Nam si ad ea omnia quę de Scipione dicuntur in hac propositione, P. Scipio Paulinus, & bis Cos. fuit, & triumphauit, & censura functus est, & collega in censura L. Mumij fuit: adiecerō, & Hannibalem in Africa superauit, quod est falsum, vniuersa quoque illa quę coniuncte dicta sunt, propter hoc vnum, quod falsum accesserit, quia simul dicuntur, vera non erunt. Hęc ille. Ex quibus liquet, etiam aliquid cōsequentię & in copulatiuis esse, etiam si non formalis vel syllogismus vel consequentia syllogistica, est tamen materialis consequentia. Vide latius cap. 7. Tractatus quarti.

Sequuntur tres regule.

EX his igitur prima regula est: Quęcunque diuissim secundum accidens de aliquo prædicantur subiecto, aut alterum de altero, hęc simul atque coniunctim de eodem prædicantur minime. Cuius regule hanc reddit rationem Aristoteles, quod uidelicet unum non faciāt. Quare non recte sequitur, Socrates est albus, & Socrates est musicus, igitur Socrates est albus musicus. Dictum est autem secundum accidens, quoniam sciens & Grammaticus licet secundum accidens de subiecto aliquo dicantur, tamen alterum de altero non secundum accidens, sed per se dicitur: & proinde ut diuissim, ita & coniunctim de eodem prædicari possunt: ut, Socrates est sciens, & Socrates est Grammaticus, igitur Socrates est sciens Grammaticus. Secunda regula: Quęcunque diuissim de aliquo prædicantur, ut de subiecto, si id quod sequitur, in præcedenti includitur, ipsa de eodem simul & coniunctim non prædicantur. Huius quoque regule hęc ab Aristotele redditur ratio, quia committeretur vitium nugationis. Vnde non re-

Et sequitur, Socrates est homo, & Socrates est animal, igitur Socrates est homo animal. Siquidem in homine animal includitur. Nec sequitur ob id ipsum, Socrates est Grammaticus, & Socrates est sciens, igitur Socrates est Grammaticus sciens. Tertia est, quæ ex his sequitur, regula: Quando aliqua de aliquo, ut subiecto, seorsim atque diuisim prædicantur, idq; neque secundum accidens omnino, neque ex his posterius in priori directim continetur, hæc de eodem simul atque coniunctim prædicantur: ut, Socrates est homo, & Socrates est albus, ergo Socrates est homo albus. Item, Homo est animal, & homo est rationalis, ergo homo est animal rationale.

R A I I A N V S.

Ex his igitur) Hæc regula est apud Aristotelem, 2. cap. 2. libri de interpretatione, cuius hic est sensus: Quando duo prædicata dicuntur per accidens de subiecto aliquo, vel alterum prædicatum de altero per accidens, ea coniunctim minimè prædicantur: ut non sequitur, homo est mulicus, homo est bonus, ergo homo est bonus mulicus. Si autem vtrumque prædicatum dicatur de subiecto per se, & tamen alterum prædicatum dicatur de altero per se, ea coniunctim prædicantur: ut, homo est sciens, homo est philosophus, ergo homo est sciens philosophus. ratæ fidei est consequentia, quia sciens est genus philosophi, ut scientia genus philosophiæ.

Secunda reg.) Quando duo prædicata dicuntur de subiecto per se, si posterius continetur in finitione prioris, non rectè colligitur à diuisis ad coniuncta, ut non valet hæc ratiocinatio, Cato est homo,

Cato

Cato est animal, ergo Cato est homo animal: sed sic erat colligendum, ergo Cato est animal homo. Posterius duobus modis in priori includitur. Primo in ipsa prolatione: ut Cato est homo albus, & Cato est albus, ergo Cato est homo albus albus. Secundo modo posterius est in prioris finitione: ut, homo est bipes, homo est animal, ergo homo est bipes animal, Neutro modo rectè colligitur à diuisis ad coniuncta.

Tertia est) Hæc regula tollit vitia duarum priorum, & docet, quomodo liceat à diuisis ad coniuncta aptè ratiocinari.

GLAREANVS.

Quia committeretur vitium nug.) Nugatio est, & vnius & eiusdem rei ex eadem parte orationis inutilis repetitio. Aristoteles vocat ἀδολοχῆσαι, id est, nugari.

De ratione consequentia.

Post hæc etiam de consequentia ratione haud absurdum fuerit hac in parte nonnihil adijcere, propterea quòd in superioribus sæpius in huius incidimus mentionem. Primò igitur dicendum est quid sit, deinde quomodo diuidatur, tertio regulæ quædam subiiciendæ sunt. Neque uerò ut uana res existimari debet, consequentia uim posse intelligere: quoniam ad hoc summa totius Dialecticæ tendit, & utilitas. Sanè hæc ex eo potissimùm percipitur, si cui rectè uti contigerit coniunctione rationali ergo, siue igitur, aut si qua huiusmodi est: quæ alioqui (ut Alexander Hegius dicere solebat) multum faceßit negotij studiosis huius artis hominibus. Porro hac ipsa rectè uti po-

terit, quicumq; rei probanda tñ causam tum signū intellexerit. Ita enim res una ab alia depēdet, ut certus proculdubio ordo aliquis in ipsa rerum natura esse intelligatur: id quod Seneca inter philosophos non contemnendus author, primo naturalium quæstionum libro his uerbis non tam disertè, quàm grauitè expressit: Omnium (inquit) rerū certus ducitur ordo, & alia alijs ita complexa sunt, ut quod antecedit aut causa sit sequentium, aut signum.

RAIIANVS.

Post hæc) Quoniam in superioribus regulis consequentiæ habita est mentio, ideo quasdam regulas & diuisiones de ea subiicit. Consequentia ut generatim sumitur, eadem est cum argumentatione, siue hæc fuerit syllogismus, enthymema, inductio, exemplum. Nam omnis consequentia est argumentatio, & contrà.

Quoniam ad hoc) Nam Dialectica est diligens disserendi ratio: disserere autem nemo poterit, nisi inuenerit, & inuenta in formam argumentationis coniecerit.

Porrò) Locus hic dignus est obseruatione: etsi enim omne verum vero est consentaneum, ut Aristot. 6. cap. 1. libri Ethicorum, & 2. cap. 1. lib. Priorum docet: tamen non omnibus probandis omnia conueniunt, sed id quod adfertur ad alterius probationem, debet cum eo quodammodo esse coniunctum. Id eleganter (ut omnia) Rodolphus Agricola vnicum eruditionis lumen, 2. capite 1. lib. de inuentione dialectica docet.

De

De consequentia, & eius diuisione.

Consequentiam igitur hoc pacto quidam definiunt: Consequentia est oratio ex antecedente & consequente, suis quidem partibus constituta, quas rationalis aliqua coniunctio connectit. Eam ita diuidunt, ut sit & bona, & mala consequentia. Et bona quidem ab eisdem definitur, cuius si antecedens uerum est, non potest esse quin consequens quoque uerum sit: ut, Homo est, igitur animal est. Mala uerò, cuius etsi antecedens uerum est, non est tamen necesse, ut consequens uerum sit. ut, Socrates ambulat, igitur cœlum serenum est. Bonam rursus diuidunt in materiale & formale. Verum qui Aristotelem potius sequuntur, quam barbaros sophistas, eam in necessariam, & non necessariam dispeſcunt: ut sit tamen necessaria consequentia, quam illi formalem uocant: non necessaria, quæ materialis ab illis dicitur. Ergo formalis consequentia est, quoties datis quibuslibet terminis iuxta præscriptam aliquam argumentandi formam, si antecedens uerum est, & consequens esse uerum necesse est. Cuiusmodi in primis sunt syllogisticae consequentiae omnes, & quæ ex ipsarum propositionum tum conuersione, tum equipollentiæ eliciuntur, & si quæ aliæ his consimiles sunt. Materialis uerò, quæ tametsi bona quidem est, tamen iuxta eandem similemque argumentandi formam firma ubique & constans non est, quales ferè sunt Dialecticæ argumentationes, & quæ per Enthymemata, & cæteras argumentationis species constituuntur, nempe terminorum tantum gratia, uidelicet qui materiæ uicem præstant. Itaque materialis consequentia est, si hoc modo argumenteris: Cœlum uolubile est, ergo cœlum rotundum est. Quippe quod iuxta eandem formam ita argumentari licebit: Cœlum uo-

lubile est, ergo cœlum stellatum est. Cæterum probabilitas in his ac confirmatio ex locorum aliquo Dialecticorum peti solet, proficisciūturque.

R A I I A N V S.

Consequentiam) Tria in omni cōsequentia sunt necessaria: antecedens, quod est prima pars argumentationis: consequens, quod est secunda: & nota illationis, rota argumentatio quæ ex his tribus componitur, consequentia est: vt nulli liberales sunt auari, omnes philosophi sunt liberales, ergo nulli philosophi sunt auari.

Et bona quidem) Consequentia bonitas non ex eo pendet: quòd antecedens est verum simul & consequens. Nam huius consequentia, Fabius est cunctator, ergo cœlum mouetur, vtraque pars vera est, & tamen inepta est consequentia. Regula igitur hæc perpetuò danda est memoria: Bonitas consequentia ex eo spectatur, quòd consequens necessariam cum antecedente habeat habitudinem ac connexionem: si verò consequentia sit syllogismus, adde præter illam necessariam connexionem, obseruandam esse modi & figura aptam dispositionem. Partes bonæ consequentia multis modis connectuntur, primo, antecedens potest esse verum simul, & consequens: vt Iustitia est formosa, ergo virtus formosa est. secundo, antecedens potest esse falsum, & consequens verum: vt homo est equus, ergo homo est animal. tertio, antecedens potest esse falsum, & consequens falsum: vt homo est equus, ergo homo est rationis expers. quarto, bonæ consequentia anteced

recedens nunquam potest esse verum, & consequens falsum, ea enim est inepta collectio, in qua antecedens potest esse verum, & consequens falsum, ut princeps rerum Deus bonus est, ergo homines boni sunt.

GLAREANVS.

Ergo formalis consequentia est) Formalis consequentia dicitur, quæ est vniuersalis: hoc est, quæ valet, quibuscunque datis terminis: ut sunt syllogismorum nouemdecim modi. Materialis autem, quæ gratia terminorum valet: hoc in quibusdam terminis, in quibusdam verò non. Nam sic licet ex puris negatiuis, ex puris particularibus, & aliis item formis non vniuersalibus argumentari.

Quales ferè sunt Dialecticæ argumentationes) Hoc non rectè exponit, cum enthymema sit imperfectus syllogismus. Illa enim, Socrates currit, ergo Socrates mouetur, est tam certa consequentia, atque si maior adhibeatur: Quicquid currit, mouetur. Sed ideo dicitur materialis consequentia, quia gratia terminorum valet, non gratia formæ.

Sequuntur due regulæ, tum instantia contra secundam, tum etiam quæ sit bonæ consequentiæ proprietas.

SEquuntur hinc regulæ duæ, quarum prima est: Si ad antecedens bonæ consequentiæ sequitur consequens, ad oppositum consequentis oppositum sequitur antecedens. Et oppositum quidem hîc intelligo id, quod contradictorium dicitur. Cæterum ipsius regulæ tale sit exemplum: homo est, igitur animal est. Hîc quia rectè sequitur,

homo

homo est, igitur animal est: ad oppositum consequentis, quod est, nullum animal est, recte quoque sequitur, igitur nullus homo est. Secunda regula: Quicquid sequitur ad consequens bonæ consequentiæ, sequitur & ad eius antecedens: ut quia ad hanc, homo est, recte sequitur, igitur animal est: & ad hanc rursus, animal est, igitur substantia est: ad eandem idcirco, quæ erat, homo est, recte quoque sequitur substantia est, ut sit, homo est, igitur substantia est. Sanè has duas regulas ideo adijcere libuit hoc loco, quòd unaquæque harum per totam artem logicam principij uim obtineat. Contra secundam tamen regulam huiusmodi fit instantia. Nam si quid necesse est esse, illud quoque possibile est esse. Rursus autem, si quid possibile est esse, illud iam non necesse est esse. Igitur si quid necesse est esse, idem erit non necesse esse: quod prorsus inconueniens uidetur. Sanè huius difficultatis nodum Theophrastus Græcus author, uir utique in omnibus disciplinis consummatissimus, dignus proinde qui in Aristotelis diatribam, ipso etiam Aristotele id ita adiudicante, succederet (ut author est Aulus Gellius) ad hunc modum soluit: Non omnino, inquit, idem est possibile esse, & non necesse esse: quòd hoc negatiuam speciem habeat, illud uerò affirmatiuam: quamuis tamen eadem propemodum utrobique sit significationis uis. Itaque affirmationem, quæ est, necesse est esse, non recte sequitur negatio, per quam aliquid non necesse esse proponitur. At de consequentia quidem, quæ sit, & quæ bona, tum quæ necessaria, hætenus quàm breuissimè dictum sit. Bonæ præterea consequentiæ id esse proprium obseruatum est, ut ex uero quidem non nisi uerum sequatur unquam, ex falso autem cum plurimum falsum, nonnunquam etiam uerum.

RAIANVS.

Sequuntur hinc) Prima hæc regula sumpta est ex primo capite secundi libri de interpretatione, & ultimo capite primi libri priorum, cuius hæc est ratio: quia oppositum consequentis non potest verum esse cum antecedente, idcirco infert oppositum eius.

Secunda regula) Hæc est quædam species gradationis, siue aceruus vocum necessariò cohærentium: nisi enim necessariò cohærerent, non valeret collectio.

Contra secundum) Hæc questio tractatur apud Aristotelem tertio capite secundi libri de interpretatione, cuius hæc brevis est dissolutio: duplex est possibile, aliud est actus tātum, quod affirmationem significat, & istud sequitur ad necessariū: aliud quod actum & potentiam significat, & istud non sequitur ad necessarium. Vides optime lector, questionem satis impeditam & sinuosam verbo vno esse expeditam, in qua multi & nobiles Aristotelis interpretes & multum desudarunt, & integras paginas impleuerunt: quocirca spero hæc nostra scholiola studiosis mirificè esse profutura.

Bonæ præterea) De hoc præcepto videndus est Aristoteles initio 2. lib. priorum.

Ipsò etiam Aristotele) Hanc historiam eleganter Aulus Gellius libro decimotertio capite quinto explicat.

GLAREANVS.

Cæterum ipsius regulæ tale sit exemplū) Quod si
obiic

obiiciatur, Bene sequitur, Homo currit, ergo risibile currit: Sed nullus homo currit, Ergo nullum risibile currit: & tamen contra regulam argumentamur ex opposito contradictorio antecedentis, ad oppositum contradictorium consequentis. Dicendum, Hoc esse gratia materiæ in terminis conuertibilibus, non gratia formæ. Quia statim ad similem formam dantur termini, in quibus hoc non valet, nempe sic: Si homo currit, animal currit: sed nullus homo currit, ergo nullum animal currit. Antecedens potest esse verum, & consequens falsum.

IN TRACTATVM SEPTIMVM DE DEMON- STRATIONE.

P R A E F A T I O.



SAEPIVS mecum reputavi, ac toties admiratione nō parua captus sum, quid causæ esset, cur bonus ille vir, qui cum in artem Dialecticam tractatus aliquot scribere constituisset, eosdem pro sua (ut videtur) opinione ita demum paravit, ut per eos ad Aristotelis Logicam studiosi eius artis introducerentur: non id etiam tentauerit in eam huius disciplinæ partem, quæ Demonstratiua dicitur, ac per hoc omnium potissima & est & habetur, etiam eorum iudicio, qui illorum tractatum authorem non frigide, imò strenue (ne dicam superstitiose) sectantur, cum tamen illud neque grauiori illius labore, neque minori traducendorum in hanc quoque huius

ius artis partem utilitate fieri potuisse constet: maxime quod pueri olim (quod utinā hodieq; obseruaretur, omis-
sis friuolis cauillationibus) ad Philosophiam instituendi,
in mathematicis disciplinis, ad quas comparandas hac par-
te plurimum iuuamur, antea exercebantur, etsi non ex-
acte, rudi saltem modo: quod & exempla passim per Ari-
stotelis libros dispersa disseminataq; indicare planè ui-
dentur. Vnde etiam in foribus Platonicae diatribae scriptū
legebatur, Nemo huc ingrediatur Geometriae expers: quo
nomine simul & Arithmetica intelligebatur. Sed ego iam
causam ipsam uel subolifacere uideor, quod uidelicet hac
pars Dialecticae uisa sit illi haudquaquam idonea ad so-
phisticas captiunculas, & steriles illas nugas, quibus per
id temporis, quo uir ille claruit, scholae omnes atque lite-
rarij ludi non tam uacabant sedulo, quā strepebant acri-
ter. Atque interim (proh pudor) dum in his nugae illae le-
uiusculae ueluti imperiose docebantur, optimi quique bo-
narum artium auctores in pluteis & sub scamnis delitesce-
bant, situ & puluere obducti, & (quod hoc etiam misere-
rabilius est) esca blattis & tineis. In quorum subiēre lo-
cum barbari paulatim, idq; fere in singulis artibus, ut uer-
bi causa, in Grammatica Alexander Gallus, in Dialectica
Petras Hispanus, in Poëtica Gaufridus Britannus, & in
Rhetorica Eberhardus quidā, qui etiam ob rem à se obs-
cურიis fortassis traditam opusculum suum Labyrinthi no-
mine inscripsit. Taceo Gracistan, Floristan, Cornutum,
Alanum in parabolis, & ceteros huius farinae uiros. Dij
boni, quos hic auctores recenseo? Sed neq; defuēre tamen
interim, qui in mathematicis quoque studiis operam suam
nauarunt, quanquā non satis feliciter, uerū pro tem-
porum iniuria excusandi potius quā incusandi. Quae
quidem

quidem studia, quoniam (ut paulò superiùs diximus) demonstrandi uia, quæ utique certissima est, comparantur in primis, de horum utilitate pariter & dignitate ex Seuerino Boëthio acris haud dubiè iudicij uiro, paulò altius repetere libet, priusquam institutum tractatum aggrediamur. Talia (inquit ille) studia sunt ea, quæ mathematica dicuntur, ut si his careat diligens ueritatis inquisitor, uerum ipsum inuenire non possit. Quinimo sine hac ueritatis speculatione nulli rectè sapiendum est. Proinde qui hæc spernit, id est, has semitas sapiëntiæ negligit, ei denuncio non rectè philosophandum. Siquidem philosophia amor sapientiæ est, quam certè in his spernendis, antè iam aliquis contempserit. Hæc ille. Quare cùm hæc studia minime spernenda sint, nec uia etiam qua ad illa pergitur, negligenda erit. Hac igitur ratione persuasus, cùm in cæteras Dialecticæ partes tractatus certos, atque hos quidem introductorios parare instituerim, in hanc quoque partem, hoc est, de Demonstratione tractatum aliquem parandum duxi.

RAIIANVS.

In præfationem) Cæsarius in hac eleganti præfatione insectatur Petrum Hispanum, qui etsi aliquot tractatus de arte Dialectica scriptos reliquit, nullam tamen mentionem demonstrationis fecit, quæ inter omneis argumentationes necessaria, utilis, ac nobilis est. Continet enim verum solidumq; iudicium, quo argumenta inuenta examinamus, an quæstioni propositæ confirmandæ vel refellendæ conueniant. Huius artificium Aristoteles duobus libris resolutoriis acutè & eleganter pertractauit.

Ac

Ac per hoc omniū) Prima ratio cur Petrus Hispanus de demonstratione scribere debuerit, quæ sumitur à iudicio eorum, qui Petri Hispani studiosi fuerunt.

Maximè quod pueri) Secunda ratio: hæc pars Dialecticæ elementa tradit, quibus in disciplinis mathematicis maximè utimur, ex quibus solis veræ demonstrationes petendæ sunt.

Sed ego iam) Rationem subuertit, cur vir ille de demonstratione nihil scripserit, nimirum quod hæc pars cauillis, & gryphis sophisticis accommodata non fuerit.

Quæ quidem studia) Excurrit obiter in laudem disciplinarum mathematicarum.

GLAREANVS.

Maximè quod pueri olim, &c.) Dicere vult, cum magno puerorum fructu potuisse Petrum Hispanū hanc introductionem scribere. Nam notitia demonstrationis deseruit ad Mathematicas disciplinas: sed pueri olim maximè dabant operam Mathematicis demonstrationibus: ergo non omitti debuit, etiam cum tyrones doceret.

In Dialectica Petrus Hispanus) Hic nominat Petrum Hispanum, cum tota Præfatione eum carpēs non nominet, quasi alium volens innuere.

Omnis demonstratio est syllogismus necessarius, & plerunque in Barbara concluditur: in eo autem frequenter medium est subiecti definitio: maior extremitas, propria passio: minor extremitas, subiectū ipsum, ut in Arithmetica, numeri definitio est medium:

dium: at par vel impar, maior extremitas, est enim propria passio. Ipse numerus, subiectum, erit minor extremitas. Et fit demonstratio in Barbara, sic:

Omnis multitudo ex vnitatibus conflata, est par vel impar.

Sed omnis numerus est multitudo ex vnitatibus conflata.

Ergo omnis numerus est par vel impar.

Porro subiectum vocant, rem ipsam quam docet scientia: materiam item, circa quam versatur ipsa scientia. Scopum denique, quò tendit omnis in disciplina tractatio.

	Subie- ctum	Subiecti defi- nitio:	Propria passio:
In Dialectica	Homo, Minor ex- tremitas.	Animal ratio- nale, Medium.	Risibile, Maiorex tremitas.
	Bar Omne animal rationale est risibile		
	ba. Omnis homo est animal rationale,		
	ra. Omnis homo est risibilis		
In Grammatica, Pars orationis.	Dictio signifi- catua.	Declinabilis, vel indecli- nabilis.	
In Arithmetica. Numerus.	Multitudo ex vnitatibus cō- flata.	Par, vel im- par.	
In Geometricis, Triangulus.	Habere treis angulos duo- bus rectis æ- quales.	Habere angulum externum. duo- bus internis æ- qualem.	

*De quadam alia Dialectica diuisione, ut per quam
etiam potissima philosophia instrumenta col-
ligantur, quæ sunt demonstra-
tio, definitio, &
diuisio.*

Quemadmodum autem Dialectica in duas breuissi-
mæ partes diuidatur, inueniendi unam, alteram iu-
dicandi, superius à nobis expositam est: restat nunc (cuius
& ipsa res iam nos admonet) ut ab eodem repetentes
principio, aliam eius diuisionem aggrediamur, quæ &
tripartita eius uis siue facultas esse dignoscatur: quæ ta-
men secunda diuisio priore destituta esse ut non debet, ita
non potest. Diuisio autem hinc patet. Nam cum Dialecti-
ca ex M. Ciceronis sententia diligens differendi ratio sit,
quæ fieri potest, ut non etiam ratio sit tum definiendi, tum
diuidendi, tum colligendi? Id quod de definiendi facultate
idem Cicero locupletissimè præcipit primo Officiorum li-
bro his uerbis: Omnis autem (inquit) quæ à ratione susci-
pitur de aliqua re institutio, debet à definitione proficis-
ci, ut intelligatur quid sit de quo disputetur. Haud secus
& de diuisione sentiendum est, quando nec sine ipsa di-
sputatio legitimè procedere potest: quippe quæ uiam ad
ipsam definitionem non tam parare, quàm aperire ui-
deatur, ut sequenti tractatû conuenienti exemplo osten-
demus. Maximè uerò ad hanc ipsam artem pertinere pro-
batur colligendi facultas ex eo, quòd quicquid in disputa-
tionem affertur, collectione tandem aliqua consummatur
perficiturq; idq; secundum triplicem diuersitatem, quem-
admodum & suprâ annotatum est. Nam aut ex proprijs
& ueris ac necessarijs huiusmodi collectio fit proceditq;,
& Demonstratio appellatur: aut ex communibus & ma-
ximè

xime probabiliibus, & Dialectica peculiari nomine dicitur: aut ex capciosis & plane falsis, & Sophistica, id est, cavillatoria perhibetur: sed quæ tamen abiectissima, despectissimaque; totius Logicæ pars est, ut quæ magis deceptionem eius, cum quo disputatio desumpta est moliatur, quam rei in disputatione propositæ probationem. Itaque Dialectica quæ est differendi peritia, tum de definitione, tum de diuisione, tum de collectione quoque tractat: quæ quidem si (ut debet) sit cum ratione, Syllogismus Græcè dicitur. quippe συλλογισμὸς Græcè, ratiocinari Latine interpretatur, hoc est, cum ratione colligere aliquid. Videtur enim uerbum ipsum συλλογισμὸς compositum esse ex præpositione σύν, quæ cum significat, & in compositione idem facit, quod con inseparabilis præpositio apud Latinos, & ex nomine λόγος, quod præter alia multa rationem quoque significat. Vnde & ars ipsa à ueteribus Peripateticis Logica postea appellata est, quam antea & Stoici, & Plato Dialecticam appellauerunt, ut qui angustius de ea tractauerint, quam Peripatetici, ut à Boethio ad memoria proditum est. Logica igitur quasi rationalis scientia dicta est: non quidem, ut barbari nomen ipsum interpretantur (ut alia fere omnia) infantissime, sædissimeque; etymologia ad hoc adducta aliqua: sed ex Græcorum potius consuetudine, qui artes & disciplinas possessiuis ab aliquo deductis nominibus significari uoluerunt, & his quidam sæminini generis, subintellecto (ni fallor) artis nomine, quod Græcè τέχνη dicitur, quod utique sæminini generis nomen est, ut quod huic respondet apud nos, ars.

R A T I A N V S.

Quemadmodum) Profert aliam dialecticæ diuisionem

sionem: nam vna eademq; res diuersis rationibus variis modis diuidi potest, quemadmodum quantitas diuiditur in continuam & discretam: præterea, quædam habet positionem in continuo, quædam non.

Priore destituta) Ratio huius est, quia finitio, diuisio, ratiocinatio inuentionem & iudicium tanquam partes priores præsupponunt.

Qui fieri potest) Est enim Dialectica ars finiendo, diuidendo, & argumentandi, in quibus tribus tota vis dialecticæ sita est.

Maximè verò) Docet à triplici syllogismo, demonstratiuo, dialectico, sophistico, aliud ex alio colligere maximè proprium esse dialecticæ.

Nam ex propriis) Demonstratio enim ex principiis propriis, veris & necessariis conflatur.

Aut ex communibus) Id docet Aristot. 8. cap. 1. libr. posteriorum, & 11. cap. 1. libr. elenchorum, & initio 1. libr. Rhetoricorum ad Theodecten, cuius hæc sunt verba: ῥητορικὴ ὅτι ἀντίστροφος τῇ διαλεκτικῇ, ἀμφοτέραι γὰρ αὖτε τινῶν εἰσιν, ἀ κοινὰ, τρόπον τινὰ πάντων ἴσιν γνωρίζειν καὶ ὑδαμῶς ὁπσιήμης ἀφωρισμένης.

Dialectica) Profert tripartitam aliam diuisionem: Dialectica enim finitione, diuisione, ratiocinatione utitur.

Vnde &) Hunc locum in præludiis primi tractatus planum fecimus.

Quo pacto inter se dua Dialecticæ diuisiones conueniant, aut altera alteram contineat.

Videndum nunc etiam, hæc dua diuisiones quānam se attingant cognatione. Nam cūm aliquid de finitione
 explic

explicare uolumus, genere in primis opus est, tum & differentijs, quibus id, quod definiendum est, ab alijs omnibus distinguatur. Quas nisi prius cum ipso genere iunxerimus, haudquaquam definitionem constituere poterimus. Inuentio igitur necessaria est, si definitio perfici debeat. Similiter autem & cum quid diuidere in animo est, ea omnia prius inuenire oportebit, quibus diuisio ipsa perficiatur. Hæc autem sunt tum differentia in primis, tum accidentia nonnunquam, maxime uero inseparabilia & propria. Tam uero si inuentio absit, nec collectio unquam ualebit; id quod in superioribus, paulò latius explicauimus. Sed his omnibus nisi iudiciũ accesserit, frustra haud dubie aut definire quicquam, aut diuidere, aut colligere tentabimus. Ergo an recte definitum quid sit, aut diuisum, aut collectum iudicatio perpendit, examinatq; Quo fit, ut prior Logica diuisio secundam quasi continere uideatur, quia neq; existere quicquam sine inuentione, neq; inter nosci præter iudicium potest. Sed nunc propositum exequamur, & primum quid sit Demonstratio dicamus,

R A T I A N V S.

Videndum nunc) Quomodo cum vna res plures recipit finitiones, illæ inter se conciliandæ sunt: ita etiam cum vna eademq; res plures recipit diuisiones, videndum est quomodo illæ inter se conueniant, id quod Cæsarius hoc capite docet.

Nam cum) Finitio præsupponit inuentionem: id à partibus finitionis docet, qui enim aliquid finiturus est, genus & differentiam inueniat oportet.

Similiter autem) Diuisio præsupponit inuentionem. Id etiam ab his docet ex quibus diuisio constat.

Iam

Iam verò) Argumentatio sine inuentione eorum ex quibus conflatur, nulla confici potest.

Sed his) Iudicium commune est finitioni, diuisioni, & collectioni.

CLAREANVS.

De quadam Dialecticæ diuisione) Ex definitione Dialectices, quam in Topicis ponit Cicero, colligit hic author tria Philosophiæ instrumenta, quibus omnis res inquiritur: Definitionem, Diuisionem, ac Demonstrationem. Definitioni responderet prima intellectus operatio, quæ est simplicium apprehensio. Diuisioni autem secunda intellectus operatio, quæ est compositio & diuisio. Demonstrationi verò responderet tertia intellectus operatio, nempe operationis discursus. Vltimò, vnde syllogismus dictus sit, & vnde Dialectice Logice sit appellata, edocet. Vide Boëthium, initio in Topica Ciceronis.

Idq; secundum triplicem diuersitatem) Syllogismus alicui materię applicitus est triplex. Demonstratiuus ex necessariis, de quo in posterioribus Analyticis libris duobus Aristoteles, & in hoc septimo Tractatu hic author. Dialecticus ex probabilibus, de quo Aristoteles octo libris in Topicis, & hic noster author Tractatu 9. Sophisticus ex apparentibus, non autem veris, de quo Aristoteles libris Elenchorum, & hic author Tractatu vltimo. Ad hos tres syllogismos superiùs est syllogismus, de quo Tractatu 5. qui Simpliciter dictus vocatur. Sed quia in demonstratione frequenter propria passio de subiecto demonstratur, idq; per definitionem subiecti,

necesse fuerit etiam de definitione tractationē fieri. Ceterum definitio per diuisionē habetur, vt postea ostenditur. Igitur de his duabus, Diuisione ac definitione, instituetur Tractatus octauus.

Vt Barbari nomen ipsum interpretantur) Ita in-
quiunt: Logica à λόγος, id est, sermo, & icos, id est,
scientia, quali scientia de sermone vero ac falso; ita
quidem infantissimè, cūm λογικός possessiuum, &
fœmininum λογική ad Techne referatur, quemad-
modum hic vult author. Nisi quis referre malit ad
ἐπιστήμη, id est scientia.

*De Demonstratione quid sit, cum etiam
quid sit Scire.*

Demonstratio igitur ab Aristotele definitur, syllo-
gismus faciens scire, hoc est, syllogismus per quem
rei alicui scientia comparatur, pariturq; : quem proinde
syllogismum Aristoteles Græco uerbo ἐπιστημονικὸν ap-
pellat: quod uerbum apud nos interpretari potest scien-
tialis, si linguae usus ferat, δὲ τὸ ἐπιστᾶν, hoc est, à scien-
do deflexum. Ab eodem prætereà scire quoque definitur,
rem per causam cognoscere, propter quam res est, qua-
tenus uidelicet illius est causa, nec est possibile hoc aliter
se habere. Sanè cū multis alioqui modis scire dicatur,
latius & præstius, latius quidem qualitercunq; , præstius
uerò eo duntaxat modo, quo nunc definitum est. Quo qui-
dem modo scire is dicitur, qui demonstratione aliquid co-
gnoscat. Demonstratione inquam, hoc est, per syllogismū
demonstratiuum, qui idcirco scire facit, quòd ex his sit
constitutus propositionibus, quæ primæ & immediatæ,
tum notiores, prioresq; conclusiones habentur, ac eius in-
super causæ sunt.

RAIANVS.

Demonstratio igitur) Locus est apud Aristotelem secundo capite primi libri posteriorum. Hæc finitio per causam finalem assignatur: finis enim demonstrationis est animo scientiam in generare, syllogismus genus est finitionis, faciens scire differentiam, quæ separat demonstrationem à syllogismo dialectico & sophistico, demonstratio est secundarium instrumentum quo acquirimus scientiam: intellectus verò primarium.

Ab eodem) Scire hoc loco strictim admodum sumitur, pro ea cognitione, quam ex veris, primis, immediatis, causisq; conclusionis, haurimus, quomodo dictum est ab Aristotele initio primi libri de Physico auditu, tunc arbitramur vnumquodq; scire, cum causas primas, principiaq; prima vsque ad elementa cognoscimus: qui igitur aliquid scit per effecta vel causas remotas, non propriè is quidem scire dicitur. Est igitur huius finitionis sensus: Scire, est firmiter alicui conclusioni assentire propter probationem præmissarum, quæ causam veritatis conclusionis continent: vt hanc conclusionem scimus, homo respirat, per hanc propositionem, homo habet pulmonem.

Demonstratione inquã) Hinc colligitur secunda finitio demonstrationis, quæ datur per causam materiale. Demonstratio est syllogismus cõstans propositionibus primis, veris, immediatis, notioribus, & causam conclusionis continentibus.

GLAREANVS.

Sed his omnibus nisi iudicium access.) Ad iudicium

cium requiritur eruditio & experientia. Qui ergo sunt acri ingenio, sed ineruditi, plerunque malè iudicant: ut omni quidem ætate, sed hac nostra maxime videretur.

Quòd ad omne scibile opus sit prænoscere aliquid.

AT uerò priusquam aliquid demonstrare contingat, præscire aliqua oportet, nempe principia quæ uocantur, & significata eorum, quæ ad demonstrationem sumuntur: ut exempli gratia, cum à Geometra definitur punctus, cuius nulla pars est, tum præscire oportet, quid partis nomine significetur. Sic & in ædificijs, quid lapides, quid intritum, quid materies sit prænosse debet is, qui ædificandi artem discere uult. Atque hoc ipsum profectò est, quod Aristoteles in principio operis de posterioribus Analyticis his uerbis proponit: Omnis doctrina, & omnis disciplina intellectiua ex præexistente sit cognitione. Id quod cum in alijs omnibus artibus perspicitur, tum in his præcipue, quarum aliæ sermocinales, aliæ peculiari nomine disciplinæ appellantur. In quibus omnibus prænoscere necesse est, quid nomine eius, quod ad demonstrationem sumitur, intelligatur, significeturque: tum ipsa principia, ut ex quibus conclusio demonstratur, cuius per hoc etiam scientia habetur solum.

R A T I A N U S.

At verò) Priusquam demonstremus propriam passionem de subiecto, necesse est præcognoscere principia, genus subiectum, & propriam passionem. Qua de re Aristoteles disputat primo capite primi libri posteriorum.

Omnis doctrina) Ostensurus Aristoteles omnem
dem

demonstrationem esse ex præexistente cognitione, hoc utitur syllogismo: Omnis doctrina & disciplina intellectiua fit ex præexistente cognitione: omnis demonstratio est disciplina intellectiua: ergo omnis demonstratio fit ex præexistente cognitione. Intellectiua, inquit, ut omnis doctrina, quæ per syllogismum, enthymema, exemplum, inductionem fit. Vel intellectiua, inquit, ad differentiam sensitiuæ doctrinæ, quæ non fit ex priore cognitione. Et hæc est facilis interpretatio illius primi pronunciati, apud Aristotelem primo capite primi libri posteriorum.

GLAREANVS.

Ab eodem præterea scire quoque de fin.) Tria requiruntur ad scire. Primò, ut sciatur per causam: secundò, ut sciatur per propriam causam: tertio, ut non contingat eam causam aliter habere. Quidam addunt applicationem causæ ad effectum. Scire tamen etiam aliis modis contingit, per effectum scilicet non per causam: ut conclusio nascitur ex principiis, item per simplicem terminorum inspectionem, ut prima principia sine causa cognoscimus: ut, Omne totum est maius sua parte.

Tum notiores priorésque conclusione hab.) Differunt primum & prius. Primum dicit, abnegationem prioris: nam ad eius rationem sufficit negatio anteriorum. Sed prius dicit, cum hoc etiam ordinem ad posterius.

Quòd due sint prænotiones, quòd est, & quid sit.

EX his igitur quæ dicta sunt, patet duobus modis contingere, ut aliqua prænoscamus, tum quòd sunt, tum

t 5 quid

quid fiat. Vt quærenti propter quid à magnete ferrum trahatur, prænosendum utique est, ferrum à magnete trahi. Id ubi iam perspectum quispiam habet, sciscitatur deinde, propter quid ita eueniat. Similiter quærens aliquis, quid motus, uel quid tempus sit, exploratum iam is habere debet, utrumq; esse, & motum, & tempus. In quibus uerò sciscitantur adhuc, sint necne aliqua: uerbi gratia, an sit prouidentia, in his necesse est prænoscere, quid uocabulo ipso indicetur. Atqui contrà euenit, ut sciatur quid quidem uocabulo siue nomine significetur, sed nescitur an sit: ut quæ sit Scyllæ aut Hippocentauri appellatio, nemo est qui non sciat. An uerò etiam sint, incertum fortassis cum pluribus adhuc. Sanè non idem putandum est esse quid nominis, & quid rei: quinimò longo hæc & insigni inter se interstitio dissentiunt differuntq;. Significatum nanque uocis cuiusque omnium etiam imperitissimis & uulgo frè perspectum est. Quid tamen sit id, quod uoce una qualibet significatur, non nisi exercitatisimis facile traditu est.

RAIIANVS.

Ex his igitur) Vt faciliùs hoc caput assequantur iuniores, duo præuix cognitionis gratia dicenda sunt: quid sit præcognitio, & quotuplex. Præcognitio est ante demonstrationem requisita cognitio. ea est duplex: Quia est, & quid est. Præcognitio quia est, dicitur qua principia vera esse cognoscimus: quid est, dicitur qua quid quodque uocabulum in demonstratione sumptum significet, scimus. Præcognitio quia est, principiis: quid est, propriæ passioni, utraq; generi subiecto tribuitur. Author Aristoteles primo capite primi libri posteriorum.

Vt

Vt quærenti) Huius causa est occulta, & nemini mortalium nota, vt docet Alexander Aphrodisæus initio problematum. Videndus est Plinius libr. trigésimo quinto, cap. decimosexto.

GLAREANVS.

Quòd duæ sint prænotiones) Dialectici aiunt duas esse præcognitiones in genere: Quid est, & quia est, scilicet in rerum natura. Quid est, maximè quid nominis hîc intelligitur, vt est præcognitio. Sed quando capitur pro esse rei, quæstio est. Iidem dicunt tria esse præcognita: Subiectum, dignitatem, & passionem. De dignitate præcognoscitur, quia est: de passione, quid nominis: de subiecto, tum quia est, tum quid est. Præcognitio igitur est, id quod de aliquo præcognoscitur: præcognitum verò, de quo aliquid præcognoscitur.

✱

Cogni

	Sensiti- ua est du- plex:	Exterior, & fit sine præexisten- te cognitione, quia sensus exte- riores mouentur proximè à suis obiectis.
		Interior, & hæc fit à cognitio- ne sensitiua exteriori, per quam sensibus interioribus præsentan- tur sua obiecta propria.
Cogni- tio est duplex.	Intelle- ctiua, & est noti- tia intel- lectus de obiecto intelligi- bili. & est duplex:	Incomplexa, & est terminorū cognitio, acquiriturq; ex præxi- stente cognitione sensitiua. Ha- betur autem solum per primam intellectus operationem.
		Principiorum, & illa acquiritur ex cognitione in- tellectiua termi- norum per viam sensus, memo- riæ, experimen- ti: & est per sub- stantiam intel- lectus operatio- nem.
	Complexa est qua aliqua cō- ponuntur ac diuiduntur. & est duplex:	Conclusionum, & illa fit præxi- stente cognitione intellectiua prin- cipiorum, in qui- bus præsciuntur conclusiones in vniuersali. Est autem tertia in- tellectus opera- tio.

V. Sensus exteriores.

Visus, Auditus, Gustus, Olfactus, Tactus.

I I I I. interiores.

Sensus communis, imaginatio, virtus aestimatiua,
memoria,

1

2

Sensus exterior, sensus interior, per phantasmata
cognitionem sortiuntur.

3

4

5

Notitia terminorum, notitia principiorum, noti-
tia conclusionum,

Hæc quinque se sequuntur, & est status in ultimo.

*Quid sit propositio immediata, & quòd du-
plex sit demonstratio.*

Quoniam autem demonstratio syllogismus est, qui fit ex propositionibus primis & immediatis, ut dictum est, de huiusmodi propositionibus, quæ nam sint, paulò altius repetere operæ pretium est. Itaque dicimus ex Aristotele & Themistio, quòd Propositio immediata est, quæ & prima & summa dicitur. Prima quidem, ut quæ non est alia prior: Summa uerò, ut quæ non est superior alia. Immediata igitur dicta est, ut quæ alia demonstratione confirmari non possit. Quo fit, ut huiusmodi propositiones prima etiam principia appellentur, Sed de his mox plura suo loco. Cum igitur fit syllogismus per primas & immediatas rei causas, hæc demonstratio propter quid dicitur: cum uerò per causas quidem, sed non immediatas, aut per prima quidem & immediata, sed non quæ causæ rei sunt: huiusmodi demonstratio uocatur, quia est. Sanè prima & immediata causa est, quæ affectioni, quæ quidem
de re

de re quapiam demonstranda proponitur, æquatur, atq; cum ea conuertitur: ut cum per definitionem rei subiectæ propria ei inesse affectio demonstratur. Prima uerò & non immediata causa est, quæ diffusior est & magis ampla, & quæ in his præcipue sciētij locum habet, quæ subalternatæ dicuntur, ut in Perspectiua, quæ Geometriæ subalternata est. Ergo quicumque probat arbores, frugesque non spirare, quia pulmo his desit, is scire dicitur propter quid, quòd pulmo proxima & immediata ratio & causa sit spirationis. Qui uerò idem facit per hoc quòd nō sunt animalia, hic iam scire illud dicitur, quia est. Nam hæc probatio non de proximo, sed de longinquo cōmeat. Ita & Anacharsis, cum percontanti cuipiam, quare Scythia tibicines non efficiat, respondisset, quia Scythia uitem non ferret, causam reddidit remotissimam. Nam proxima huius causa erat, quòd Scythæ temulenti non fierēt: causa item huius, quia temetum non haberent: huius denique, quia uites essent illis negatæ.

RAIIANVS.

Cum igitur) Demonstratio propter quid dicitur, quæ ostendit causam cur res sint, & progreditur à causa immediata ad effectum: ut omne animal rationis particeps est risus capax, omnis homo est animal rationis particeps, ergo omnis homo est risus capax.

Cum uerò) Dicta est demonstratio, quia est, eo quòd præmissæ conclusionem esse, sed non cur ita sit, ostendant. Hæc fit duobus modis: primo, cum procedimus à causa remota ad effectum: secundo, cum ab effectu ad causam. Hac de re Aristoteles disser

differit decimo cap. primi posteriorum.

Subalternæ dicuntur) Philosophantes duplicem scientiam nobis excogitauerunt, subalternatam & subalternantem. Scientia subalternata est, quæ sub alia continetur, à qua sua mutuatur principia: ut medicina sub naturali, iurisprudentia sub morali, musica sub arithmetica, perspectiua sub geometria. Ex hac scientia subalternata sumuntur demonstrationes, quia est. Subalternans scientia dicitur, quæ suppediat principia aliis scientiis, ut moralis philosophia iurisprudentiæ & ex hac sumuntur demonstrationes exquisitæ: hæc sunt, quæ vulgò in scholis recepta sunt, quæ ego ut nolo per omnia probare, ita nec etiam improbare. Illud tantum dicam, si in vtrâq; scientia, & subalternante & subalternata, sunt principia, genera subiecta, & affectiones propriæ: cur non fiant in vtrâq; exquisitæ demonstrationes, non video.

Ergo) Hic syllogismus sic est cõtendendus: Quicquid respirat, habet pulmonem: arbores non habent pulmonem, ergo non respirant. Est demonstratio in secundo modo secundæ figuræ, ex quo exemplo colligere possumus, etiam in secunda figura exactam fieri demonstrationem.

GLAREANVS.

Quid sit propositio immed.) Propositio dupliciter dicitur immediata. Vno modo, qua nihil est prius, neque notius: & hoc modo duntaxat Metaphysica principia sunt immediata: ut, Omne totum est maius sua parte. Altero modo, qua nihil est prius vel notius in tali scientia, determinata videlicet: ut
in

in Dialectica, Genus est, quod prædicatur de pluribus specie differentibus, &c. Et hoc modo cuiuslibet scientiæ principia sunt immediata. Priores propositiones Aristoteles vocat dignitates, posteriores autem positiones: quas deinde in suppositionem & definitionem subdiuidit: quarum altera significat esse, & non esse: ut, Omnis homo est animal, Nul lus homo est lapis. Altera nec esse, nec non esse: ut, Animal rationale. De his cap. 12.

Quid sit dici de omni, & quid item per se.

Rursus autem, quoniam propositio omnis ex subiecto aliquo & prædicato cōnectitur, scire conuenit, prædicatum in demonstrandis propositionibus non utcumq; sed per se de subiectis dici oportere: quare quid sit hoc, quod per se uocatur, protinus dicendum est. Interim tamen absolvere prius licebit id, quod de omni prædicari hoc loco dicitur. Nam absque hoc id quod per se prædicari dicitur, explicari probè non potest. Prædicari igitur de omni (ut breuissimè dicam) est, cum prædicatum subiecto & omninò & semper inesse significatur: nec quicquam refert, siue substantiæ siue accidentis proprii quidē & inseparabilis rationem habeat id, quod prædicatur: ut, Omnis homo est animal, & omnis cygnus est albus. Per se uerò dicuntur, quæ sunt in eo quod quid est: ut triangulo per se linea inest, & lineæ punctus: & arbor item platanus. Nam ut ex linea trianguli, ita ex arbore ipsius platanus substantia, ratioq; substantialis constat. Ceterum non omne quod de omni prædicatur, etiam per se prædicatur. Quippe de omni cygno candidum dicitur, quia & semper & omni cygno inest: non tamen in eo quod quid sit, cygno inesse

inesse dicitur. Ex his igitur, quæ dicta sunt, patet, propositionem per se eam dici, in qua prædicatum est aut definitio subiecti, ut homo est animal rationale: aut definitionis pars aliqua, ut homo est animal, uel homo est rationalis.

RAIIANVS.

Prædicari igitur) Id de omni hoc loco prædicatur, quod secundum rem inest omni subiecto. Hoc autem duobus modis contingit: primo, quando prædicatum est de essentia subiecti, ut genus, species, differentia: secundo, quando est proprium quarto modo, vel accidens inseparabile. De omni verò, ut in libris priorum sumitur, est quando prædicatum vel secundum rem, vel secundum opinionem omni subiecto inest: ut, omne animal respirat.

Per se) Strictiùs hîc sumitur per se, quàm de omni. Nam id quod per se dicitur, ad essentiam pertinet: id verò quod de omni, etiam extra essentiam esse potest.

Nam ut) Est enim triangulus figura plana, tribus lineis comprehensa: linea verò longitudo, cuius duo extrema sunt duo puncta.

GLAREANVS.

Quid sit dici de omni, & quid item per se) Prosequitur nunc tres conditiones eorum, quæ demonstrationem ingrediuntur. Neque enim demonstratio fit ex quibuslibet præmissis, sed ex præmissis certo modo dispositis, ut sint de omni per se, & secundum quod ipsum, id est vniuersalia. Hæc autem tria respiciunt propinqua materialia syllogismi de-

monstratiui principia: cū illa tria, de quibus capite 11. dicetur, remota respiciant.

Ex his igitur) Omnia superiora in recta linea prædicamentali de inferioribus prædicata, sunt in primo modo per se.

Quot sint modi eorum, quæ per se sunt.

Eorum porro quæ per se sunt, quatuor ab Aristotele & Themistio modi traduntur, quorum præter tertium reliqui tres propriè per se dicuntur, qui & distinguuntur, & dignoscuntur extremis propositionum ad se inuicem collatis. Primus igitur modus est, cū prædicatum propositionis est de ratione quid est dicente subiecti, aut ipsamet ratio subiecti: ut, homo est rationalis, uel homo est animal rationale. Secundus uerò, cū subiectum est de ratione quid est dicente prædicati: ut, numerus est par, & numerus est impar. Cui Themistius hoc addit, dicens: Aut quoties accidentia sunt, in quorum definitionibus subiecta collocantur, quomodo simū esse per se naso inest, nempe similitudo nasi curuitas definitur. Tertius modus est eorum, quæ neq; per aliud sunt, neq; in alio continentur, ut indiuidua substantiæ. Quartus denique modus est, cū subiectum causam importat, ob quam causam prædicatū ei competat: ut iugulatus interiit. Sanè ex his quatuor modis priores duo sunt, qui demonstrationibus accommodabiles præcipuè sunt. Sequentes uerò duo adiecti ab Aristotele uidentur (ut Themistius opinatur) amplificandi, exornandiq; gratia.

RAIIANVS.

Eorum) Locus hic est apud Aristotelem quarto capite primi libri posteriorum: Primus modus est,
quan

quando id quod subiecto attribuitur, pertinet ad formam eius: & quoniam finitio ad formam pertinet, ea omnia sunt per se primo modo, quæ sunt vel tota finitio subiecti, vel pars finitionis.

Secundus verò) Hoc secundo modo ea accidentia per se dicuntur, in quorum finitionibus subiecta ponuntur, ut exempla textus declarant.

Tertius modus) Hoc modo primæ substantiæ per se dicuntur, idq; propriè: nam omnium aliorum sunt substerniculum.

Quartus) Subiectum continens causam prædicati, hoc modo per se dicitur, ut iugulatio est causa interitus.

Sanè ex his) Huius loci ratio est, quia ea quæ sunt per se primo modo & secundo, etiam per se prædicantur: sed ea quæ dicuntur per se aliis modis, per se non prædicantur. adhuc, ea quæ sunt per se quarto modo, non semper causam necessariam prædicati significant.

GLAREANVS.

Sanè ex his quatuor modis) Per præpositio in primo modo significat habitudinem causæ formalis: est enim definitio formalis, causa definiti. In secundo, habitudinem causæ materialis, saltem in qua ut corpus est coloratum. In tertio autem, solitudinem. In quarto modo, habitudinem causæ efficientis. Primi duo modi vocantur prædicandi, tertius essendi, quartus causandi. Caterùm in demonstratione vera, in maiore est secundus modus, in minore primus, in conclusione quartus: & impropriè tertius, quia in subiecto.

Quid sit vniuersale, siue vniuersaliter dici.

Dicendum quoq; quid sit, quod hîc vniuersale dicitur. Vniuersale Aristoteles definit id, quod cûm de omni sit, & per se inest, & quatenus ipsum. Eodem plane modo & Themistiûs ipsum definit: Vniuersale, inquit, appello, quod de omni, & per se, & quatenus ipsum est, dicitur. Quapropter si quæ de omni dicantur, non tamẽ propterea necesse est, ut vniuersaliter statim sint. Siquidem albû de omni cygno, & atrum de omni coruo affertur, attamen haudquaquam vniuersaliter, quia neq; per se, neq; quatenus ipsum. Vnde & exploratum iam haberi potest, idem esse & vniuersale, & quod per se dicitur. Exempli gratia: Inest per se lineæ longitudo, quia in definitione eius affertur: Inest etiam quatenus ipsa est. Neque verò si quæ per se sunt, continuò sequitur: ut etiam vniuersaliter sint. Nam quæ secundo aut sequentibus duobus modis per se sunt, vniuersaliter esse non possunt. Sed ut definitio eius quod hîc vniuersale dicitur, accuratissima absolutaq; & completa reddatur, adiicienda est particula Primam, ut id scilicet dicatur vniuersale, quod est de omni, & per se, & primum. Itaq; propositio vniuersalis hoc loco dicitur, in qua prædicatum subiecto & omni, & per se, & primo inest. Verbi gratia: esse animal rationale, homini adest primum, non quatenus animal, sed quatenus homo, nec quatenus Socrates aut Plato, sed his inest secundo loco, quia sub homine continentur. Vniuersaliter igitur inesse dicitur, quod omni & per se & primum inest.

R A I I A N V S.

Dicendum quoq;) Locus hic est apud Aristotelem quarto capite primi libri posteriorum. Vt autẽ hoc

hoc loco aliquid dicatur vniuersale, necesse est prædicatum insit omni subiecto necessario, & cum eo conuertatur, vt est proprium vel finitio.

Vnde & exploratum) Existimo, nisi vehementer fallor, hîc legendum esse, idem quatenus ipsum & quod per se dicitur. Nam hæc propositio, Homo est animal, est per se primo modo: & hæc, Numerus est par, secundo modo: neutra tamen est vniuersalis. Aristoteles etiam quarto capite primi libri Posteriorum disertè docet, per se & secundū quod ipsum idem esse. τὸ καὶ αὐτὸ ὃ ἐστὶν αὐτὸ, ταὐτὸν, οἷον καὶ αὐτὸ τῇ γραμμῇ ὑπάρχει σιγμῇ, καὶ τὸ ἐνθῇ. Hoc est: Per se autem & secundum quod ipsum est, idem est: vt per se lineæ inest punctum & rectum. Neque Aristoteles ibi dicit vniuersale & per se idem esse. Obseruet tamē studiosus lector, etiam per se & quatenus ipsum idem sunt in exemplis adductis ab Aristotele & Cæsario, non tamen in omnibus hoc verum esse. Nam habere tres angulos æquales duobus rectis, per se inest Isosceli, sed non quatenus ipsum, vel quod idē & primum. Hunc autem locum sic legendum esse, idem esse quod per se dicitur, & quatenus ipsum, ex exemplo Cæsarij perspicuum est. Nam longitudo, inquit, per se inest lineæ, & etiam quatenus ipsa est. Obstinatè & præfractè nihil defendo: lectorem admoneo, liberum relinquens cuiq; suum iudicium.

Verbi gratia) Sic habere tres angulos æquales duobus rectis, primo inest triangulo, non quatenus est figura, nec quatenus Isosceles, sed quatenus triângulus.

Quod est de omni, &c.) Per primum intelligitur conuertibilitas: quia habere tres angulos duobus rectis æquales, primum, id est, conuertibiliter conuenit triangulo. Figuræ autem & Ilosceli inæqualiter: figura enim excedit, Ilosceles exceditur. Simile est, risibile homini cōuenit adæquatè, ab animali exceditur, Socratem excedit.

*Quòd demonstratio sit ex necessarijs, quòdque sit
perpetuorum: quid item definitio ad
demonstrationem.*

His ita cognitis, manifestum est demonstrationem ex necessarijs constare. Nam cum scientia per demonstrationem acquisita ex his fiat, quæ aliter fieri non possunt, consequens est eam ex necessarijs omninò confieri. Huiusmodi autem maximè ea sunt, quæ per se & uniuersaliter adsunt. Ad hoc rursus argumento est illud, quòd quoties demonstrationem aliquam euertimus, illa uti solemus infirmatione, quòd ea quæ sumpta sunt, necessaria non uideantur. Ex quo & illud sequitur, conclusionem uidelicet demonstrationis perpetuam esse, nullamque demonstrationem caducorum, corruptibiliumque & fortuitorum. Nam quæ confirmatio esse potest ipsius conclusionis, cuius subiectum dissolubile caducumque habeatur, & cui prædicatum neque semper, neque omninò simpliciterque, sed modò insit, modò non insit? uerbi causa, inest Socrati ut animal sit, sed non tantum, nec quia Socrates est, sed quia homo est. Atqui homo semper est, non autem semper Socrates. Et quemadmodum igitur demonstratio caducorum non est, ita nec definitio. Quandoquidem definitio uel demon-

strat

strationis principium est, uel demonstratio solo situ differens, uel demonstrationis conclusio. Principium quidem, ut cum uel pro immediata propositione, uel pro termino in propositione huiusmodi desumitur. Situ uero solo à demonstratione differens est, quoties talis definitio est, quæ causam rei, quòd ita sit, contineat: ut hæc, Deliquium solis est occultatio luminis eius, ob lunam ei oppositā atq; subiectam. Definitio hæc ordine paulum mutato, in demonstrationem comineat, hoc pacto: Luna subijcitur atq; opponitur soli: quod autem subijcitur atq; opponitur, occultat: luna igitur subiecta atq; opposita solem occultat. Conclusio porro demonstrationis, ea est definitio, quæ causam materiale[m] attingit. Vnde & hæc quidem materialis, illa uero formalis à quibusdam appellatur definitio.

RAIIANVS.

His ita cognitis) Prima ratio docens demonstrationem confici ex necessariis. Effectus demonstrationis est necessarius (scilicet ipsa scientia) ergo etiam principia sunt necessaria: id enim quod necessarium est, per necessaria scitur.

Ad hoc) Secunda ratio à signo sumpta. Sic enim colligere consueuerunt Dialectici: Demonstratio hæc non constat ex necessariis, ergo est euertenda. Indicium igitur, hoc est, demonstrationem ex necessariis esse debere.

Ex quo) Conclusio conficitur ex necessariis, ergo est necessaria.

Nullamq; demonstrationem) Aristoteles vicesimonono capite libri primi posteriorum, hac ratione probat fortuitorum non esse scientiam: Omnis

demonstratio vel est necessariorum, vel eorum quæ frequenter eueniunt: sed fortuita nec necessariò, nec frequenter eueniunt: ergo eorum non est scientia.

Demonstrationis principium) Vt in hac demonstratione: omne aptum natum ridere, est risibile: omnis homo est aptus natus ridere: ergo omnis homo est risibilis.

Situ verò) Finitio hæc ita in demonstrationem com meat: quicquid opponitur soli, occultat solem: luna opponitur soli: ergo occultat solem.

Conclusio) Vt finitio materialis tonitruui, restinctio ignis in nubibus: ita per formalem demonstratur, quotiescunque est sonitus elisus in nubibus, est restinctio ignis in nubibus: atqui nunc est sonitus elisus in nubibus, ergo nunc est restinctio ignis in nubibus.

GLAREANVS.

Vnde & hæc quidem materialis) Iræ finalis siue formalis definitio: Ira est vindicta illata iniuriæ. Materialis: Ira est ebullitio sanguinis circa cor. Quæ duæ definitiones in vnâ conflatæ, duas demonstrationes efficere possunt, Propter quid, si finalis materialem ostendat: Quia est, si contrà materialis finalem. Prioris exemplum: Omnis vindicta illata iniuriæ, est ebullitio sanguinis circa cor: Sed ira est vindicta illata iniuriæ: Ergo ira est ebullitio sanguinis circa cor. Posterioris: Omnis ebullitio sanguinis circa cor, est vindicta illata iniuriæ: Sed ira est ebullitio sanguinis circa cor: Ergo ira est vindicta illata iniuriæ.

*Quod tria sint, quæ ad demonstrationem omnem
requirantur, & quot modis horum
vnumquodq; prænotetur.*

Cum autem tria sint ueluti momenta quædam in una-
quaque demonstratione, ut id ab Aristotele & The-
mistio traditur, quibus uidelicet omnis scientia absolui-
tur: primum, genus subiectum, ut numerus, aut triangulus.
Secundum, affectiones, quæ & propriæ passiones à qui-
busdam dicuntur, & subiecto generi inesse demonst-
rantur, ut paritas & imparitas numero, & tres angulos æ-
quales duobus rectis æquipollere triangulo: tertium prin-
cipia. Ex his, inquam, genus quidem subiectum statuere
oportet, ut sint affectiones, quid significant, quorū utrum-
que principia & dignitates desiderant: nam & ut sint,
& quid significant, antequam demonstrationes fiant, sciē-
dum est. Principijs itaq; utraque prænotio necessaria est.
Nec tamen me fugit, quædam ex principijs esse, quæ non
statim cognitis terminis explorata habeantur, sed obscu-
riora paulò, declaratione proinde probationeq; aliqua,
nempe dialectica, indigentia: quippe quæ fiat uel per in-
ductionem, uel per diuisionem: atque id nimirum est, quod
Aristoteles ait Dialecticæ proprium esse & peculiare, ut
cum sit inquisitiua, ad omnium methodorum principia
uiam habeat.

RAIIANVS.

Cum autem) Locus est apud Aristot. 7 cap. lib.
posteriorum. Genus subiectum in demonstratione
vocat Aristot. non quod est alicui scientiæ restrictū,
sed subiectum conclusionis, de quo propriam pas-
sionem demonstramus.

Vt paritas) Id hoc modo fiet: omnis multitudo ex vnitatibus collecta, est par vel impar: omnis numerus est multitudo ex vnitatibus collecta: ergo omnis numerus est par vel impar. Quæstio hoc loco existit: par & impar sunt differentie numeri, vt docet Aristot. 2. ca. 3. li. Topicorū, ergo non sunt accidentia. Ad hanc quæstionem respondere poterimus: par & impar apud Aristot. modò pro contrariis immediatis, exēpli loco assignata esse: modò pro propria passione, nimirum eū sub disiunctione sumūtur.

Et tres angulos) Hoc sic demonstratur omnis figura planatibus lineis comprehensa, habet tres angulos æquales duobus rectis: omnis triangulus est huiusmodi: ergo habet tres angulos æquales duobus rectis.

Quorum vtrunq;) Hic locus omnino pugnare videtur cum eo, qui est apud Aristotelem 1. cap. 1. libri posteriorum, vbi Aristotel. docet vtranq; præcognitionem generi subiecto attribui. Illud sic accipiendum puto. Præcognitio quia est, attribuitur principiis quatenus complexa sunt. Ea enim cognoscere oportet, quia sunt, hoc est, quia vera sunt. Sic intelligendus est locus Aristotelis 8. cap. 1. lib. posteriorum: Principia dicuntur, quæ cum sint, non contingit ea demonstrare, hoc est, cum vera sint. Præcognitio quid est, attribuitur principiis respectu terminorum, ex quibus principia componuntur.

GLAREANVS.

Quòd tria sint, quæ ad demonstrationē, &c.) Hæc tria in hoc capite respiciūt propriè terminos treis in demonstratione: cum illa tria, de quibus ca. 7. respici

spiciant qualitatem præmissarum. Quasi diceret, Hæc tria in hoc cap. respiciunt remota syllogismi demonstratiui principia materialia, illa verò propinqua: quia præmissarum qualitatem. Et sunt de omni, per se, & vniuersale.

Ex his, inquam, genus quidem subiectum) Aristoteles primo libro posteriorum Analyticorum, aliquando ista tria vocat his nominibus, Conclusionem, dignitatem, & genus subiectum: ut vbi loquitur de descensu generis in genus. Deinde post aliquot folia hæc tria habet nomina, Genus, dignitas, passio. Sed subiectum quatuor habet nomina, passio tria, dignitas decem, ut hoc patet typo.

Genus scibile,	}	4	DEFINITIO.	}
Materia circa quam			subiecti.	
Obiectum.	}		Idem Dignitas	}
4		SVBIECTVM.	Maxima	
Affectio.	}		Proposit. maxima	}
4		PASSIO.	Idem Principium	
Conclusio.			Primum principium	Idem
			Proposit. per se nota	
			Cōmunis animi con-	
			ceptio.	
			Causa	
			Medium.	

De principijs, & eorum multiplici differentiâ

P Rincipia in unoquoque genere sunt (quemadmodum Aristoteles ea definit) quæ quod uera sint, non contingit demonstrari. Rursus & hoc modo: Principia sunt, quæ per se, & non per alia fidem habent. Per alia quidem idcirco adiectum est, ut intelligamus scientia cuiusque principia esse, quibus in eadē scientia nihil præsuperi

superiusq; sit, per quod confirmari explicariq; possint. Nā si hæc quoq; comprobare necesse fuerit, rationem hanc in infinitū tandem extrahere oportebit. Quare si id necesse non est, sed subiacent, supponunturq; hæc tanquā notissima, meritō principia statuātur dicanturq;. Ex his autē alia quidē propria uniuscuiusq; scientiæ sunt, alia uerò cōmunia. Propria quidē, ut in Geometria, lineā esse longitudinē sine latitudine. Et in Dialectica, De quolibet uera est affirmatio uel negatio, de nullo uerò simul. Communia autem, ut si ab æqualibus æqualia demas, remanentia sunt æqualia. Item, quæcunq; uni & eidem sunt æqualia, ipsa inter se sunt æqualia. Communia idcirco dicta, quòd pluribus et his etiam diuersis scientijs applicari possint. Talia quoq; sunt & Dialectica quædā principia, ut si quid prædicatur de definitione, idem & de definito prædicatur, &c. eiusmodi. Porro ex principijs, quæ propria alicuius scientiæ sunt, hæc quidem dignitates siue proloquia dicuntur, hæc uerò positiones. Dignitates quidem dictæ ob id, quòd iure illis fides habenda sit. Nā talia principia sunt, quæ statim quisq; audita probat, & quæ quemlibet discipulum natura habere necesse est: quod profectò nihil aliud est, quàm illis (eorum tantum cognitis terminis) intellectu nostrū naturali lumine protinus assentire. Cuiusmodi illud est, Totum unum quodlibet maius est qualibet sua parte. Dicuntur rursus & maximæ, siue maximæ propositiones, & communes animi conceptiones, quòd multorum scilicet intellectu facile percipiuntur. Positiones uerò sunt principia, quæ cum demonstrari non possint, necesse tamen non est, quemlibet docendum ea habere. Ex ipsis rursus quædam suppositiones dicuntur, quædam definitiones. Suppositiones quidem, quæ aut esse, aut non esse

esse significant, ut punctum esse Geometra supponit. Definitiones uerò, quæ absq; eo quod est esse, uel nō esse, quid sit res indicant. Porro suppositionū aliæ quidem dicuntur petitiones siue postulata, aliæ uerò suppositiones assumptæ. Petitiones siue postulata sunt, quæ hypothesebus ponendis maximè accommodantur aptanturq;: ut quoties data propositione quapiā, eius deinde petitur à discente contraria siue contradictoria concedi, idq; interim disciplinæ gratia, ne quid scilicet in disciplinis absurdum ponatur, aut earum principiis repugnans. Assumptæ demum propositiones dicuntur, quum præmissæ demonstrationum assumuntur. Vt ad demonstrandum, quòd demonstratio omnis ex ueris procedat, assumitur à docente, quòd falsum non scitur, & quòd uerum non scitur, nisi ex ueris. At de principiis quidem hætenus, quib. colligendis haud parum mihi profuit cōmentarijs suis Iudocus Clichthoueus in Iacobū Fabrum Stapul. uir apprimè doctus, & inter scholasticos quoq; Theologos, partes si non primas, secundas tamen haud dubiè obtinēs. Cæterum ab his demonstrabiles propositiones *Συμφύματα* à Græcis appellantur, quæ Latinis speculationes dici possunt.

R A T I O N E S.

Principia) Locus hic paulò antè explicatus fuit. Illud obseruandum, principia cuiusq; scientiæ non posse probari per alia principia notiora illius scientiæ, sed Dialectica ratione, aut metaphysica. Qua methodo utitur Aristot. li. I. de physico auditu cū antiquorum philosophorum opiniones refellit, & 4. lib. primæ philosophiæ.

Ex

Ex his) Prima diuisio. Principiorū quædam sunt propria, quædam communia. Propria alicui certæ scientiæ addicta sunt, vt hoc in Dialectica, contradicentia non possunt simul esse vera. Hoc in morali philosophia, cupiditates indomitæ ab abstinentia vincuntur. Communia dicuntur, quæ per se nulli scientiæ addicta sunt, sed tamen cōtrahuntur ad certum genus scientiæ, vt si ab æqualibus æqualia demas, remanentia sunt æqualia, sic contrahitur si ab æqualibus numeris, &c.

Porro) Secunda diuisio: principiorum propriorum quædam sunt dignitates, quædam positiones, hæc satis dilucidè à Cæsario explicantur.

Ex ipsis) Tertia diuisio: positionum quædam est suppositio, quædam est finitio.

Porro) Quarta diuisio: suppositionum aliæ sunt petitiones, aliæ suppositiones assumptæ. Ex his diuisionibus hæc exoritur difficultas. Si finitio est positio quædam ergo est propositio: sed nō est propositio, ergo neq; positio. Hūc scrupulum Themistius submouisse videtur. Finitio si cū finito & verbo sumatur, facilè in propositionem com meat.

GLAREANVS.

De principiis, & eorum multiplici differentia)
Propriè loquendo, scientia est conclusionum, sed intellectus est principiorum. Quia autem conclusio scitur per principia. Principia ipsa non sciuntur per alia principia, sed statim cognitis terminis noscuntur. Ergo nō simpliciter omnis scientia est per
demo

demonstrationem. Quinimò principiorum immediatorum est scientia indemonstrabilis, hoc est cognitio neutiquam per demonstrationem accepta, alioquin esset processus in infinitum, cum oporteat principia semper notiora esse conclusionem.

Dignitates quidem dictæ od id) Dignitas est propositio simpliciter indemonstrabilis, & quam necesse est habere quemlibet qui doceri cupit. At positio est oratio, quam non est necesse habere, qui discere cupit: Oratio inquam indemonstrabilis, indeterminata aliqua, at in altiori demonstrari potest. Item dignitas construitur ex specialibus. Dignitati necesse est omnem addiscentem assentiri, non autem positioni: dignitas per se nota est, nō autem positio. Dignitas per se ipsa videtur interiore ratione, non exteriori: positio contrario modo se habet. Contra dignitatem non fit instantia, sed bene contra positionē. Omnes tamen sunt necessariae propositiones, & veræ.

Petitiones, siue postulata sunt) Apud Euclidem lib. I. sunt quinque postulata. Quale primū est: Ab omni signo ad omne signum lineā ducere. Secundum: Rectam lineam in continuum producere.

Ceterum ab his demonstrabiles propositiones) *Θεώρημα*, id est, speculatio, propositio apud Euclidē, quæ dicit quid ita esse: ut, Omnis triangulus habet tres angulos æquales duobus rectis. Problemata vero dicuntur, quæ iubent quid facere: ut, Super datam lineam triangulum constituere.

Digni

Dignitas, quæ est propositio simpliciter indemonstrabilis, & quæ necesse est habere quemlibet docendum.

Principio-
rum imme-
diatorum aliud
vocatur

Positio, quæ est indemonstrabilis indeterminata scientia, nec est necesse habere quemlibet docendum. huius alia est

Definitio, oratio est, quæ necesse, nec non esse significat per se quidem, sed cum cōiuncto definito: ut, Animal rationale.

Suppositio, est, cui addiscens assentitur.

Petitio, est, cui addiscens nec assentitur, nec dissentit.

Questio, est, cui addiscens dissentitur.

Quòd per quatuor causarum genera demonstratio potissimum fiat..

Quoniam autem omnis demonstratio ex principiis fit, principia autem & causæ idem: illud quoque iam dicere oportet, quòd causæ numero quatuor sunt. Una quidem quod quid est esse, hoc est, substantiæ ratio formaque; & definitio. Secunda uerò, quæ cum est forma, ut ipsa sit necesse est. Hæc autem materia est. Nam non potest sine subiecta materia forma subsistere. Tertia autem, unde initium fit motus, quæ est efficiens causa. Quarta uerò, cuius gratia quippiam fit, idque finis est rei cuiusque. Sanè omnes hæ causæ in demonstrationibus spectantur, & mediis in his termini sunt. Ac ratio quidē ipsa substantiæ quemadmodum in demonstrationem ueniat, sumaturque, prius dictū est, uidelicet cum dicebatur, definitionem demonstrationis esse principium, uel ab ipsa demonstratione solo
sit

situ differentem. Materia uerò hoc modo redditur, cum quæritur, quamobrem animalium corpora consumantur corrumpanturq; quia ex contrarijs constant. Omne siquidem, quod ex contrarijs conflatum est corrumpi natum est. Redditur & primum mouens, si quærat, quare mundus est miranda pulchritudine, quia Deus opifex & ipse pulcherrimus sit. Redditur item finis, si quis sciscitet, propter quid Deus fabricatus est mundum, quia bonus est. & quamobrem quispiam uxorem sibi ducendam statuit: nempe ut liberos habeat.

RAIIANVS.

Quoniam autem) Principium & causa idem sunt, si generaliter sumantur, non autem si propriam significationem spectemus. Nam punctum est principium lineæ, non tamen eius est causa. Videndi sunt Aristotelis interpretes statim in vestibulo 1. lib. de physico auditu.

Vna quidem) Hæ finitiones causarum sunt apud Aristot. 11. cap. 2. lib. posteriorum.

Materia uerò) Ex causa materiali non fit exacta, ut videtur, demonstratio. Nam omnis demonstratio componitur ex notioribus, materia uerò per se ignota est.

GLAREANVS.

Secunda uerò, quæ cum est forma) Alij ita exponunt: cum sit materia, necesse est formam esse: uerum de materia, disposita vltima dispositione intelligunt. Sed Cæsarius videtur loqui cum Aristotele, cuius hæc sunt verba: μία ἡ, τὸ τίνα ὄντων ἀναγκη τῶν ἐν. id est, Vna uerò, cum hæc sint, necesse est hoc esse.

Quo pacto scientia ab opinione differat.

Sequitur hinc iam ut dicamus, quò nam pacto ab opinione differat scientia. Differt autè hæc ab illa modis duobus, rebus inquam subiectis, & genere probandi. Rebus quidem subiectis, quòd scientia quidem eorum est, quæ necessaria sunt, & aliter sese habere non possunt. Opinio autem & eorum, quæ falsa plerunq; sunt, & aliter se habere possunt, licet uera sint. Genere uerò probandi, quòd scientia quidem ex necessarijs proficiscitur propositionibus: opinio uerò ex possibilibus contingentibusue, quæ nimirum neq; ad scientiam, neq; ad intellectum pertinent, qui principiorum habitus ab Aristotele definitur. Quare si habitus omnis, quo uera cognoscuntur, aut scientia est, aut intellectus, aut opinio: relinquitur opinionem earum rerum esse, quæ tametsi ueræ aliquando sunt, secus tamen esse possunt.

R A I I A N V S.

Sequitur hinc) Scientia est habitus conclusionis necessariò ex principijs collectæ: opinio autè assensus alicuius propositionis, sed absque certitudine & omnimoda firmitate. Sic Aristot. 26. cap. 1. li. posteriorum: ut scientia est necessariorum, ita opinio contingentium.

Quare si habitus) Sic Aristoteles 6. cap. 6. li. Ethicorum, & ultimo cap. 2. lib. posteriorum: Scientia, prudentia, sapientia sunt habitus ipsius intellectus, quibus semper uera dicimus. & quemadmodum intellectus est habitus principiorum, ita sapientia est habitus conclusionis & principiorum.

G L A R E A N V S.

Quo pacto scientia ab opinione differat) Aristoteles

teles ad finem libri primi posteriorum Analytico-
rum, tria hæc, intellectum, opinionem, ac scien-
tiã, hoc modo discriminat: Intellectus, est acceptio
propositionis immediatæ necessariæ: vt Omne to-
tum est maius sua parte. Opinio, est acceptio pro-
positionis immediatæ non necessariæ: vt Omnis ho-
mo est misericors. Scientia est acceptio propositio-
nis mediatæ necessariæ: vt, Omnis homo est risibilis.
Alij hæc ita digerunt: Intellectus est per nullum me-
dium. Opinio autem per medium contingens, &
variabile. Scientia verò per media necessaria, & non
contingentium se aliter habere. Item alij sic: Intel-
lectus est principiorum: vt, Omne totum est maius
sua parte. Opinio, probabiliorum, sed cum formidi-
ne de opposito: vt, Omnis mater diligit filium. Sci-
entia est conclusionum.

Quare si habitus omnis) Tres sunt habitus veri:
Intellectus, qui est circa principia necessaria, homi-
ni inexistentia à natura, per quem intelligit prima
principia: Scientia, quæ est circa conclusiones ve-
ras: Opinio, quæ se habet ad verum, sed non necessa-
rium, quia sæpe falsum.

Nota tres conclusiones. Prima: Vnus homo eo-
dem tempore, de eodem, non potest habere simul
scientiam & opinionem. Secunda: Diuersi homines,
eodem tempore, de eodem, vel etiam temporibus
diuersis, possunt habere vtrunque. Tertia: Vnus ho-
mo, diuerso tempore, de eodẽ, potest habere & scien-
tiam, & opinionem.

Quòd duplex sit ignorantia, & quid sit solertia.

Ignorantia porrò, quæ scientiæ in totum opponitur, duplex ab Aristotele esse traditur. Vna quidem, cum alicuius rei penitus rudes ignariq; sumus, puerorum instar, quæ ob id ignorantia secundum negationem dicitur: altera uerò, quæ affectionis ignorantia uocatur, quoties quis rudis quidem omnino non est, sed falsam illius rei, quam tenere se putat, scientiam opinionemue habet. Dicta est autē hæc ignorantia affectionis, quòd cui contingit, illius animus persuasionem quadam affectus sit. Putat enim se scire aliquid, quod tamen nescire melius esset: idq; aut per simplicem apprehensionē, aut per syllogismum. Vnde & ab eodem Aristotele dicta est, partim per syllogismū facta deceptio: partim in sensu error & hallucinatio. Tales profectò sunt barbari omnes, & sophistæ, qui cum omnia intelligere uideri uelint, nihil intelligunt, nisi suo more omnia, hoc est, corruptè. Præterea ab Aristotele definitur solertia, subtilitas quædam in non prospecto tempore mediij inueniendi. Vel sic, Solertia est sagax, repentinaq; coniectatio inuentioque mediij: ut si quis uidens lunam, eam quidem partem, quæ solem uersus semper deuergit, lucidam habere intellexerit ob id, quia luna splendorem à sole mutuatur. Aut si quempiam quis cum numulario argentarioque colloquentē uidens, intelligat statim uersurā eum facere, & causam omnino fœneratitiā esse: hæc tum coniectatio solertia est.

RAIIANVS.

Ignorantia porrò) Locus hic est apud Aristotelem 12. cap. 1. lib. posteriorum. Ordinis ratio hæc est: postquàm Aristot. disseruit de syllogismo demonstratiuo, per quem scientiam acquirimus, prosequitur

tur deinde disputationem de syllogismo, ex quo oritur ignorantia, ut eo cognito ne nos labi, errare, & decipi contingat. Et si enim rectum est iudex sui, & obliqui: perutile tamen est, & bonum & malum novisse, ut illud sequamur, hoc vitemus. Quam sententiam Xenophon mirifice lib. 1. *Κύριε παρ' εἰας* sub persona Socratis docet. Aristot. duplicem statuit ignorantiam: alteram negationis, cum rei alicuius penitus rudes, & ignari sumus: alteram affectionis, qua hi imbuti sunt (ut ait Cicero) qui ignota pro notis habent. Hæc est illa ignorantia, qua omnes barbari infecti erant, Gorgias Leontinus, Protagoras, Menedemus, Epicurus, & cetera sophistarum turba. Omnes nunc docti certatim contedunt, ut hanc fundant profligeturque, nec profecto iniuria: est enim tanquam *λεπὴν τῶν κακῶν* & multorum perniciosorum errorum fons & origo. De qua Quintilianus hunc in modum scribit: nihil est peius ijs, qui paulò aliquid ultra primas literas progressi, falsam scientie persuasionem induerunt.

Idque; aut) Duplex est ignorantia affectionis: quædam per simplicem fit propositionem, ut si quis putaret hanc esse veram, nulla virtus est laudanda. quædam per syllogismum, ut si quis putaret hunc esse verum syllogismum, nulla virtus est laudanda, iustitia est virtus, ergo iustitia non est laudanda.

Præterea) Locus hic est ultimo ca. 1. lib. posteriorum. definit solertiam, quæ est habitus intellectivus pertinens ad medium demonstrationis. Est enim ingenij promptitudo & facilitas ad medium excogitandum in succincto tempore.

Verfuram eum facere) Hoc est as alienum ere alieno dissoluere, & ita se ex vno debito explicare, vt grauiori impliceris.

De quatuor questionibus scibilibus.

Postremo autē de questionibus scibilibus hac in parte nonnihil dicendum est. Sunt autem numero quatuor, quæ sunt: quòd est, propter quid est, si est, & quid est. Questiones quidem scibiles dictæ, quod per has quærimus de qualibet re in unaquaque scientia. Quærimus ergo aut de simplici, aut de composito. Simplex quidem hoc loco intelligitur, quod seorsum ex uno aliquo decem generum sumitur, ut est, uel Deus, uel Homo, uel Centaurus, uel Charibdis. Compositum autem, ut utrum luna deficiat: aut utrum iustum natura, an lege potius, & institutione hominum constet. Quoties igitur de simplici quærimus, prima & obuia protinus quæstio est, an sit: secunda, quid sit. Primum nanque quærimus, an sit Deus, deinde quid sit Deus. Si autem de composito quærimus, prima quæstio est, an subiecto prædicatum insit: secunda, quamobrem insit, hoc propter quid. Nam simul ac didicimus lunam deficere, continenter quamobrem deficiat, quærimus. Hactenus de demonstratione dicta sufficiant.

RAIANVS.

Postremo) Inter quatuor has quæstiones duæ sunt simplices, si est, & quid est. Nam si est, quærit de subiecto an sit: quid est, de prædicato quidnam sit, vt an sit aliqua antipodum regio, & quid sit. Duæ verò compositæ, quia est & propter quid est: illa quærit an hoc huic insit, hæc cur prædicatum subiecto conueniat.

IN TRACTATVM OCTAVVM

PRAEFATIO.



Equitur hinc tractatus de Definitione pariter & de Diuisione. Quæ quidem quod partes quoq; huius artis sint, ex tripartita superius facta dialecticæ diuisione facile intelligi potuit. Nunc illud addendum insuper est quod sicut absque demonstratione nulla scientia rite comparari potest: ita absq; duabus his partibus non scientia solum, sed nec ars ulla. Quo fit, ut & merito ipsæ quoque philosophiæ instrumenta censeri debeant. Distant autem uel hoc ipso hæc tria inter se, quod diuisio quidem ipsa aditum ad artes omnes & disciplinas præparat, ceu diligens quædam exploratrix, quantum uidelicet ars se unaquæq; extendat. Definitio uerò præparata iam atq; explorata, uelut lumine adhibito, illustrat. Demonstratio deinde hæc omnia perficit & cōsummat. Ratio autem cur, cū ordo in his tribus ita se habeat, prius tamen de demonstratione, quàm de cæteris duabus tractare instituerim: quia nimirum ipsa demonstratio est, cui reliquæ due, nempe Definitio & Diuisio inservire interdū probantur, & accommodari solent, quemadmodum etiam de definitioni ipsa diuisio. Hinc & de definitione quoq; prius dicendum, quàm de diuisione.

R A I I A N V S.

Sequitur hinc) Huius rationem reddit Trapezuntius, cur simul de finitione & diuisione dicendū sit. Finitio & diuisio ita se habent, ut altera aliterius

ope egere videatur. Nec enim, nisi qui recta distributione usus est, finire se vnquam intelliget, nec vnquam rectè distribuere, nisi quid sit quod distribuendum est, circumscripserit.

Itaq; absque duabus) Plato partitur vniuersam Dialecticam in finitionem, diuisionem, & resolutionem siue argumentationem. Et si autem est cuiuslibet artis finire, diuidere, & vnum ex alio colligere: tamen solius est Dialecticæ præcepta tradere, quibus id fiat.

Ratio autem) Duplex ratio, cur demonstrationem præposuerit finitioni, & diuisioni: tum quia demonstratio est dignior: tum quia demonstratio est velut totum: finitio & diuisio, partes eius.

*De definitione, quid sit, & quo pacto à nomine differat, tum item & à descriptione:
& quid sit descriptio.*

Igitur quid sit definitio, ipsa definitione nunc explicemus oportet. Hæc à Platone quidem definitur hoc modo: Definitio est oratio, quæ quid sit de quo agitur, ostendit quàm breuissimè. In qua definitione oratio posita est, ut à nomine distinguatur: quòd nomen quoque rei naturam quomodocunque significet, at ex unica constat uoce: definitio autem ex duabus saltem uocibus. Adiectum deinde est, quæ quid sit de quo agitur, ostendit: quoniam inuenias orationes quidem, quas tamen definitiones nemo dixerit: quandoquidem rei naturam non exponunt. Cuiusmodi orationes sunt, quæ apophthegmata seu dicteria dicuntur: ut, Nosce te ipsum, Ne quid nimis, & id genus alia. Postremo adiectum est, quàm breuissimè, quo ab alijs distinguitur

orat

orationibus multò longioribus, utpote quæ certis constituuntur partibus: quales sunt Ciceronis, & ceteræ huiusmodi. Ab Aristotele uerò in Topicis ipsa ad hunc modum definitur: Definitio est oratio, quod quid est esse significans, hoc est, oratio explicans, quæ sit rei natura, essentiæ. Quo in loco aduertendum est, Aristotelem Græcè loquentem, in definitione sua usum uerbo *ἔστι*, quod Græcis est temporis paratatici, Latinis præteriti imperfecti. Atq; hoc ipsum ita consueſſe Aristotelem, Georgius Valla Placentinus fideliter aſſerit, ut erat pro eſt poneret. Quasi uerò id illi non cū alijs Græcis hominibus commune fuiſſet, ut certè fuit. Vnde ad confirmandum quod dico, ex Galeno Græco authore ſimilè omnino orationem huc adferre non grauabor. Galeni oratio illa huiusmodi est, atque ita legitur in quarto Therapeuticæ libr. ἐν τῷ γένος ἔστι νόσος. Quam utique orationem etiam Thomas Linacer, uir & Græcè & Latine doctiſſimus, ita uertit, atque interpretatus est: Vnum quoddam genus est morbi. Quare ex loquendi libertate & consuetudine (ut dixi) id potiùs euenire exiſtimandum est, qua Græci uerbum paratatici tēporis plerunque pro præſenti uſurpant. Itaq; nos *ἔστι*, est uertimus: etſi Ariſtotelis interpres, quiſquis ille fuerit, Erat interpretatus est, uerbo ad uerbum: ob id fortaiſſis, quòd illud, quod diximus, uel non animaduertit, uel prorsus ignorauit. Vnde & eam ipſam definitionem hìc ſubiſciendam duximus his uerbis, quibus ab Ariſtotele poſita eſt, nempe Græcis: ὅτι ἡ ὁρος αὐτὴ λὼς γος, ὁ τὸ τί ἔστι σημαίνων. Sed ne illud quidem omittendum puto, definitionem ipſā terminì nomine, quod Græcè ὁρος dicitur, plerunq; appellari, à translatione terminorū terræ. Nam ſicut per illos fundi in agro à ſe inuicem diſ-

pesuntur : ita per definitiones res à se invicem discernuntur. Rursus autem & à nomine definitio differt : quoniam quod nomen obscure & indiscrete significat, id definitio evidenter & discrete exponit. Differt item & à descriptione : quod descriptio quidē veluti opaca alicuius pictura imaginem gerit, definitio autem perfecta pictura faciem refert. Hinc & descriptio à Boethio definitur, ex proprietatibus informatio quadam rei, & tanquam coloribus quibusdam depictio. Ex proprietatibus inquit, hoc est, ex proprijs cuiusque rei accidentibus. Atq; hæc præinde Poëtis atq; Oratoribus magis usu venire solet : nec in id adhibetur, ut quid sit res indicet, sed qualis sit, quasi inspicendam ante oculos ponat.

RAIIANVS.

Igitur quid sit) Nō est igitur incommodum, aliquam esse finitionem finitionis.

Definitio est) Locus est apud Aristotelem 4. capite 1. libri Topicorum. Catarius dilucidē singulas finitionis particulas enarrat. Nam est oratio propter simplices voces, quæ finitiones non sunt : ut decens respectu honesti. Præterea ostendens quid sit quàm brevissimè. Nam illæ orationes quæ nō explicant rei essentiam, & numerosæ sunt, non sunt finitiones. Nam licet hunc terminum Romulus instituit, deinde Numa Pompilius eum constituit præsidem & custodem omnis amicitia.

Differt item) Descriptio, quæ Poëtis crebrò, nonnunquam Oratoribus in usu est, verbosius rem explicat : nec in id adhibetur, ut quid res sit indices, sed quale sit, veluti ante oculos ponat. Videndus est Rodolphus Agricola 5. capite 1. libri.

Quod

Quòd duplex sit definitio.

ERgo duplicem esse definitionem, tam ex his, quæ dicta sunt, authore Seuerino Boëthio, quàm ex Aurelio Augustino uel potius alio quopià, qui etià Augustino ipso uetustior fuit (ut Laurētius Valla sentire uidetur) colligere licet. Alia nāque Dialectica est, alia Rhetorica: & Dialectica quidē est, quæ cōmuni tantum designatur nomine, & definitio appellatur: Rhetorica uerò, quæ alio nomine descriptio dicitur, qualis ea est, quæ paulò superiùs à nobis ex Boëthio definita est. Inter utranq; porrò hoc interesse ex eodem Boethio animaduertimus, quòd hæc quæ Oratoribus apta est, non etiam Philosophis perinde conuenit: quæ tamen Philosophorum propria est, ea conuenire potest & Oratoribus. Omnia nanq; (inquit ille) quæ Philosophorum sunt, Orator in dicendo rectè usurpare, atq; his uti potest. At contrà Philosophus in disputationibus suis, quæ Oratorū propria sunt, cuncta serè contemnit. Neque enim adiungit aliquando signū, neque quod credibile est, aut probabile solum, sed quod necessarium omninò fuerit. Sed de harum utriusq; siue differentijs siue speciebus, tam proprijs quàm communibus, deinceps ex ordine dicere haud alienum fuerit.

R A I I A N V S.

Ergo duplicem) Duas formas finitionis hoc loco constituit, Dialecticam & Rhetoricam.

Alia nanq;) Dialectica finitio est exacta finitio, genere & differentia constans, ut Aristoteles 3. cap. 6. Topicorum docet.

Rhetorica uerò) Finitio Rhetorica per accidentia rem declarat: ut hæc respectu hominis, animal sagax, prouidum, multiplex, memor, acutum, plenum

num rationis & consilij.

GLAREANVS.

Neque enim adiungit aliquando signū) Signum tertium constitutionis coniecturalis membrū est, per quod ostenditur idonea perficiēdi facultas esse quæ sita. Id diuiditur in sex partes: Locum, tempus, spacium, occasionem, spem perficiendi, spē celandi.

*De triplici Dialectica definitionis forma,
ex Cicerone: tum quemadmodum
alia ab alia distet.*

Eius igitur definitionis, quæ Dialectica dicta est, tres à M. Cicerone differētiæ ponuntur, siue formæ principales. Ex his una quidem est, quæ substantialis dicitur: altera uerò, quam idem à partiū enumeratione appellat: tertia, quæ à nota dicitur. Porro eam, quæ substantialis dicitur, & Philosophorum maxime propria est, Aristoteles plenam atq; perfectam consistere ait ex genere & differētijs: ut cū homo definitur animal rationale mortale. A partium uerò enumeratione definitio est, cū enumeratis omnibus totius alicuius partibus, id quod totum est, cognoscitur quid sit. Qua quidem definitione pœna quæ legibus sancita est, definitur hoc modo: Pœna est: quæ uno ex octo modis fit: nempe aut damno, aut uinculis, aut uerberibus, aut talione, aut ignominia, aut exilio, aut seruitute, aut morte. Eadem quoque definitione & mundus à Cleomede in libro de Mundo ita definitur: Mundus est, inquit, ex cælo terraq;, necnon ex naturis, quæ intra hæc concluduntur, constitutio. Vnde & admonendus hīc est diligens lector, non esse necesse, ubi quodammodo partiū infinitas quædam est, uniuerſa in ipsa partium enumeratione

tionem concludere, ut in definitione mundi iam facta. Tali item usus est Cicero, cum eum definit, qui non liber est: Is (inquit) est, qui neque censu, neque uindicta, neque testamento talis est. Etenim hæ partes sunt dandæ libertatis. Nec moueat quempiam, quod per hanc definitionem quid sit non liber, constitutum est, non quid sit: quando per æquæ definitione opus est, cum ostendere uolumus quid non sit quippiam, quam quid sit. Porro à nota, ut Cicero: siue ab etymologia: ut Aristoteles, definitio dicitur, cum uis uerbi, quæ in compositione sita est, rem suam facta quadam discretionem designat: ut in primo Offic. lib. Cicero, quid sit fides, hoc modo definit: Fides est, inquit, quia fiat quod dictum est. Tribus igitur positis, ueluti principalium definitionum formulis, sola prima, quæ substantialis est, & à toto dicitur, uerè definitio nuncupatur: aliæ duæ, nominis tantum honore.

RAIANVS.

Eius igitur) Tres formas finitionis Dialecticæ subiicit: substantialem, à partium enumeratione, & à nota.

Ex genere & differentiis) Genus enim & differentia sunt simpliciter notiora & priora, qualia esse debent, ex quibus finitio constat.

Qua quidem) Hæc octo genera poenarum Vlpianus commemorat in l. Si quis fortè. §. final. de poenis.

Porro à nota) Hanc tertiam speciem finitionis vulgò à nominis interpretatione vocat. Videndus est Rodolphus Agricola lib. 1. cap. 12.

Tali item) Hos tres modos Boethius in commentariis ad Topica Ciceronis explicat. Censu liberi fiebant, quorum nomina consensu domini in censum refer

referebantur, & seruitutis vinculo liberabantur. Vindicta virga erat, quam Prator manumittendi serui capiti imponens, eundem in libertatem vindicabat, asserens, Aio te liberum. Is testamento liber fiebat, cui à testatore libertas relicta erat.

*Quæ & quot sint in summa definitionum siue
differentia, siue species, tam Philoso-
phis quam Oratoribus, necnon
& Poetis communes.*

IN summa autem, ipsius definitionis siue differentie, siue species, numero quindecim ex Boëthi ocolliguntur, quarum tamen bonam partem ex Aurelio Augustino in eo, quem de Dialectica scripsit, libello (si tamen authorem titulus non mentitur) Boëthius collegisse uideri potest: quas & hic nunc per ordinem recensere collibitum est. Ex his igitur prima quidem à Græcis *ὁρισμός* dicta est, à Latinis uerò substantialis, siue essentialis appellari potest, ut quæ substantiam essentiæue rei cuiuslibet propriè demonstrat, quæ & Philosophi proinde maximè utuntur. Cuiusmodi est hæc hominis definitio, animal rationale, mortale, risus & disciplinæ capax. Hæc enim per species & differentias descendens, ad propriam tandem uenit. Secunda uerò, quæ à notione Latine, Græcè *ἐννομήσις* dicitur. Hæc rem non per substantiā, sed per actum potiùs explicat: ut, homo est, quod rationali conceptione & exercitio cunctis præest animantibus. Hic quidem nō, quid homo sit, dictum est sed, quid agat: atq; ita quodam quasi signo in notitiam deuocatur. Tertia, quæ à qualitate nomen accepit, Græcè *ποιότης* dicta, quæ
quale

quale quippiā sit ostendit potius, quā quid sit : ut, homo est qui ingenio ualet, artibus pollet, bonumq; ac malum discernit. Hic enim non quid homo sit, sed qualis sit, designatus est. Quarta tamen est, quæ à Græcis ὑπογραφήν à Latinis descriptiua, à Cicerone uerò descriptio appellatur : ut, luxuriosus est, qui uictus non necessarij, sed sumptuosi appetens est, delicijs affluens, & ad libidinem procliuius. Quinta uerò est, quæ Græcè καὶ λέξις, Latine ad uerbum dicitur. Hæc uocem illam, de qua queritur, alio sermone designat, & quodāmodo quid sit, declarat: ut cōticescere est tacere. Quæ etiam definitione locus tum ab Aristotele, tū à Cicerone sedes argumēti definitur. Sexta, quæ Græcis καὶ διαφοράν, Latinis per differentiam dicitur: ut cū queritur, quid inter regem & tyrannū intersit, uterq; adiecta differentia, quid sit, definitur hoc pacto: Rex est, qui pietate & modestia erga suos utitur: Tyrannus autem, qui in suos seuit, & crudelitatem exercet. Hinc & illud apud Terentium in Adelphis: Hoc pater ac dominus interest. Septima est, quæ καὶ μεταφοράν, id est, per translationem dicitur: ut, adolescentia est flos ætatis, senectus, ætatis occasus: item caput arx corporis. Octaua uerò est, quæ καὶ ἀφαιρῶν & ἐναντίος, id est, per priuantia eius cōtrarij quod definitur dicitur: ut, bonum est, quod malum non est. Quo quidem genere definitionis uti licet, cū notum est alterum contrarium. Hac & Horatius epistola prima ad Mæcenatem usus est, cū ait: Virtus est uitium fugere, & sapientia prima Stultitia caruisse. Nona est, quæ καὶ ὑποτύπωσις, id est, per quandam informationem dicitur: ut, Aeneas est filius Veneris & Anchisæ. Porro hæc in indiuiduis, quæ Græcè ἀτομα dicuntur, uersatur semper. Desideratur

præterea & in nominibus, quæ ὁμώνυμα sunt, hoc est, æquiuoca: ut est Ajax Oileus, & Telamonius. Ergo quoties unum aliquem definire uolumus, à genere, à corpore, à factis, à dictis, ab animo, hoc genere definitionis utimur. Decima deinde species est, quæ dicitur ὡς τύπος, hoc est, ut secundum figuram dicam, uel exempli causa. Cuiusmodi definitio est, ut si quærat, quid est animal, & respondeatur, ut homo. Quæ & Aristoteles usus est, cum dixit, ὅτι ἐστὶ ὡς ἀνθρώπος, id est substantia est, ut homo. Undecima, quæ καὶ ἐνδεῶς πληρὸς ἐκ τοῦ ὁμοῦ, id est, per indulgentiam pleni ex eodem genere dicitur: ut si quærat, quid sit quadrans, & respondeatur, cui dodrans deest ut as sit. Duodecima, quæ καὶ ἑπαινον dicitur, id est, per laudem: ut apud Ciceronem pro Cluentio, Lex est mens, & animus, & consilium, & disciplina ciuitatis. Qualis etiam ea est, quæ ab Aristotele philosophia definitur, ars artium, & scientia scientiarum. Tertiadecima est, quæ καὶ ἀναλογίαν, id est, iuxta proportionem dicitur, ut cum maioris rei nomine minor designatur: ut Edictum est lex annua, & homo minor mundus. Quartadecima uero, quæ καὶ τὸ πρὸς τί, id est, ad aliquid dicitur: ut, pater est, cui filius est. Quintadecima demum, quæ αἰτιώδης, id est, causalis dicitur, ut quæ causam rei de qua quæritur, reddat: ut, Dies est latio solis super terram. Similis huic & illa est apud Ouidium: Res est solliciti plena timoris amor. Efficit enim amor, & causa plerunque est, ut quis nimis sollicitè, anxieq; alteri timeat.

RAIIANVS

In summa) Istas quindecim species finitionis Trapezuntius ad quatuor genera reducit, ad finitionem
nem

nem substantialem, descriptionem, partitionem, & per diuisionem: cetera enim genera finiendi aut leuiores sunt, quàm vt finitiones appellari debeant: aut ad hæc quatuor facillè reducuntur.

Cuiusmodi hæc est) Hanc hominis finitionem Aristoteles refellit 2. cap. 6. lib. Topicorum. Est enim Topicum elementum, finitionem esse euertendam, si in ea propriū ponatur. Cuius ratio est, quia proprio sublato, oratio quæ restat, plena est finitio: quocirca fatendum est, finitionem hominis hîc adductam non esse plenè philosophicam.

Quarta autem) De hac specie differit Aristoteles toto libro 5. Topicorum.

Tyrannus autem) Tyrannus olim honoris vocabulum erat: nam tyrannum dominum ac fortem vocabant. Vnde est illud:

Pars mihi pacis erit dextram tetigisse tyranni.
Sed postquam vi & libidine dominari cœperunt, in inuidiam nomen abiit. Quid inter regem & tyrannum intersit, pulchrè Xenophon lib. quarto ἀπομνημονευμάτων docet: βασιλείαν ἢ τυραννίδα, ἀρχὰς μὲν ἀμφοτέρων ἡγεῖτο ἔτι, διαφέρειν ἢ ἀλλήλων ἐνόλησε, πλεὺς μὲν γὰρ ἐκόντων τῆς ἀνθρώπων, καὶ κατὰ νόμους τῆς πόλεως ἀρχαὺς, βασιλείαν ἡγεῖτο: πλεὺς ἢ ἀκόντων τε, καὶ μὴ κατὰ νόμους, ἀλλ' ὅπως ὁ ἀρχὼν βάλῃ τυραννίδα. Hoc est: Regnum autem & tyrannidem, principatum vtrunque esse arbitrabatur, sed inter eos multum putabat interesse: illum enim qui volentibus & non repugnātibushominibus, ac secundum leges ciuitatum imperat, principatum, regnum putabat: qui verò inuitis, & non secundum leges, ad principum volunta-

tem ageretur, tyrannidem. Quibus verbis Xenophon indicat, regem esse, qui volentibus hominib, & secundum leges ciuitatis imperat: tyrannum autem, qui inuitis, & contra leges.

Septima est) Hęc forma finitionis est finitio κατὰ ἄνω, hoc est, abusuè. Omnis enim finitio debet constare ex notioribus & prioribus, vt Aristoteles tertio capite sexti libri Topicorum docet: at omnis metaphora est obscura, eodem teste, secundo capite sexti libri Topicorum.

Item caput) Vt enim ἀκρόπολις, hoc est, arx propugnaculum est fortissimum ciuitatis: sic caput nobilissima pars hominis.

Lex est mens) Nam vt Aristoteles primo Rhetoricorum ait: ἐν τοῖς νόμοις ἐστὶ σωτηρία τῆ πόλεως. In legibus salus ciuitatis posita est. Et quemadmodum corpus hominis maximè mente & animo continetur: ita ciuitas legibus.

*Ex quoc constet, & à quibus sumatur ea
definitio, quæ substantialis
dicitur.*

SANc definitio illa, quæ Philosophis magis peculiaris est, cum ex genere & differentiis constituatur præcipuè, interim tamē sumitur aut à materia, aut à specie siue forma, aut à subiecto, aut à fine. A materia quidem, ut si statuam definias ex are, uel alia qualibet materia, quæ huius uel illius rei referat simulachrum. A forma siue specie, ut si quis definiat iram, quòd est ulciscendi cupiditas: quæ eadem à materia definitur esse ebullitio sanguinis circa cor. A subiecto, ut cum dicit quisspiam: Astrologia est

est ars, quæ circa cœlestia corpora uersatur. A fine uerò, ut quem consequitur: ut: Medicina est ars, in humano corpore sanitatis effectrix.

RAIIANVS.

Sanè definitio) Finitio exacta & philosophica præcipuè, inquit, genere & differentia constat. Nam cum penuria verarum differentiarum laboremus, interdum proprijs vel accidentibus utimur.

Interim tamen) Varius hic finiendi modus est apud Aristotelem primo capite primi libri de Anima: nec tamen ea finitio quæ per formam tantum, ut ea quæ per materiam tantum assignatur, plena est, sed ea quæ ex materia & forma simul componitur. Author Aristoteles loco citato. Cæterum subdifficilis hoc loco emergit quaestio. Si eiusdem rei varius est finiendi modus, ergo eiusdem rei plures erunt finitiones: quod tamen fieri non posse Aristoteles tertio capite sexti libri Topicorum hac ratione docet: Finitio explicat rei essentiam: unius autem rei una est essentia: ergo unius rei una est finitio. Nodus hic satis implicatus sic dissolui potest: Eiusdem rei plures possunt esse finitiones eadem & recurrentes inter se, diuersæ autem & non consentientes minimè.

*De virtute definitionis, tum &
de eius vitijs.*

ANte omnia autem, & quæ sit uirtus definitionis, dicendū. Sanè hæc est, ut definitio suo ex altera parte definito respondeat. Hanc Rodolphus Agricola legem definitionis uocat, eamq; huiusmodi esse dicit, ut neq; plura cōplectatur quàm ipsum definitum, neq; pauciora: sed

de quocunque unum dicitur, & alterum dicatur. Huic porro aliam idem adiungit, ut, quid sit res, hoc est substantiam rei explicet. Præter has deinde duas, tertiam quoq; adiicit: ut sit aperta, hoc est, neq; ambiguis nominibus, neq; obscuris, aut ex longinquo translatis constet. Sunt & aliæ ad hanc rem ab eodem posita leges, quas hic breuitatis studio prætereo. Ex prædictis igitur & quæ sint uitia definitionis, facile est intelligere. Sunt autem duo præcipua: primum, ne quid abundet: alterum, ne quid deficiat. Et dictionum quidem abundantia rei facit defectum: defectus uero dictionum abundantiam rei. Atque ex utroque minus apta definitio est. Sed hæc nunc exemplis ostendamus. Per abundantiam igitur definitio fit, si hominē ita definias: Homo est substantia animata sensibilis. Est hæc quidem definitio declaratio quædam hominis. Nam hæc omnia homo est. Verum si conuertas, non respondet. Per defectum uero, ut si quis definiat cupiditatem hoc modo: Cupiditas est aliena appetendi desiderium. Sed ne hæc quidem ex æquo respondet rei definitæ, propterea quod minus comprehensum ea est, quam res nominis postulabat. Nam non sola cupiditas auaritia est: imò præter auaritiam, quæ habendi propriæ cupiditas dicitur, est insuper tum dominandi, tum ulciscendi cupiditas. Potest & tertium his duobus uitium adijci, quoties scilicet falsum quippiam definitio dicit, hoc pacto: Sapientia est pecuniæ quærendæ diligentia. Verum de definitione hæc ætenu.

R A T I A N U S.

Sanè hæc) Hæc igitur oratio, animal bipes implume, non est hominis finitio, quia cum eo non conuertitur.

Huic

Huic porrò.) Hæc igitur oratio, animal habens caput ad sydera erectum, non est hominis finitio, quia non explicat quid sit homo.

Præter has.) Male igitur quispiam hominem sic finiret, arbor euerfa: quia constat metaphora, quæ obscura est.

Et dictionum) Verba hæc Trapezuntij sunt satis inuoluta, quorū hic est sensus: Finitio, in qua quidpiam desideratur, latius patet quàm finitum, & sic defectus dictionum, quibus opus est in finitione, facit abundantiam rei, scilicet ipsius finitionis, quæ pluribus quàm finitum conuenit. Id hoc exemplo declaro: Si quis finiat equum, animal quadrupes, finitio propter defectum dictionum pluribus quàm finitum conuenit: si autem aliquid abundauerit in finitione, contrarium eueniet, scilicet definitum de pluribus dici, quàm ipsam finitionem: vt si quis sic finiat hominem, animal rationale medicum, homo dicitur de omnibus hominibus, non tamen animal rationale medicum. Hæc est eorum perplexorum verborum dilucida explicatio.

GLAREANVS.

De virtute definitionis.) Tres sunt bonæ definitionis conditiones. Prima: Definitio conuenire debet omni contento sub definito. In hoc peccat illa: Cupiditas est aliena appetēdi desiderium. His enim sola auaritia definitur, cū cupiditas latius pateat: est enim & dominandi & vlciscendi cupiditas. Secunda: Definitio debet conuenire soli definito. In hoc peccat hæc definitio: Homo est substantia animata sensibilis, quia etiam asino conuenit. Tertia:

Definitio explicare debet totam naturam definiti. In hoc peccat hæc definitio : homo est animal pulcherrimum.

De Diuisione.

Restat hinc tertium philosophiæ instrumentū, quod quidem est diuisio : quæ quem habeat usum ad disciplinas comparandas, hinc quoque nosse licebit, quod sine hac quemadmodum definitio quidem fieri debeat, haud planè intelligi possit. Quippe per quam ea, quæ ad definitionem sumuntur, ex ordine prius colliguntur : id quod facile liquebit, si exempli causa, nomen ipsum susceperis definiendum. Nam primò huius genus uox sumitur, deinde uocem ipsam diuido in uocem significatiuam, & non significatiuam. Definitio igitur nomen, quod est uox significatiua. quæ oratio quia nomini nondum æquatur, rursus diuido significatiuam uocem in eam, quæ secundum placitum significatiua est, hoc est, ex hominum impositione : & eam, quæ naturaliter significat. Itaque prædictæ orationi addo, secundum placitum, fitq; definitio nominis hoc modo : Nomen est uox significatiua secundum placitum. Verum quia nec sic definitio definito ex æquo conuenit, idcirco id, quod est significare secundum placitum, deinde diuido, ac dico : Vocum secundum placitum significantium aliæ quidem cum tempore, aliæ uerò sine tempore significant. Sed quia ne sic quidem perfecta nominis definitio haberetur, rursus aliam aggredior diuisionem, nempe eius, quod est significare sine tempore. Nā huius aliud quidem est, cuius partes extrā nō significant. Itaque nominis definitionem tandem hoc modo compleo, ac dico : Nomen est uox significatiua secundum placitum, sine

sine tempore, cuius nulla pars extrà significatiua est. Sed nunc quid sit diuisio, & quotupliciter dicatur, dicendum hinc est.

R A T I A N V S.

Restat hinc.) Finitionem esse inuestigandam ex diuisione, Aristoteles decimoquarto capite primi libri posteriorum docet.

Quòd sine hac.) Diuidere enim nihil aliud est, quàm ex genere per differentias diuiso in species descendere. Vide Rodolphum Agricolum septimo capite primi libri.

Quippe.) Docet exemplo finitionem per diuisionem esse inquirendam.

G L A R E A N V S.

Definitio igitur nomen.) Quoties speciem definire voluerimus, quando genus omnia superiora essentia complectitur, non est opus omnia superiora enumerare, sed genus cum differentia ponendū, vt: Homo est animal rationale: æquè perfecta definitio est, atque illa, Homo est substantia corporea animata sensitiua rationalis: quia animal omnia ea includit.

De diuisione quid sit, & quot modis dicatur.

Diuisio igitur (ut in uniuersum dicamus) est communioris in minus communia diductio. Semper enim quod diuiditur, communius ijs est, per quæ diuisio fit, & per hoc latius patet. Fit autem multis modis. Siquidē alia

est diuifio generis in fpecies, alia cū totum ueluti in partes fecatur, quam proinde quidam partitionē dicere malunt: alia rurfus, cū uox multorum fignificatiua, in proprias fignificationes diftrahitur. Quem tamen diuidendi modum Rodolphus Agricola nō aamodum probat, fed Enumerationem potius dicendā exiftimat, quemadmodum & cū fpecies in indiuidua diducitur, id quod etiā Ioan. Damafceno ita placet. Similiter autem & quoties ab uno ad plura, & à pluribus item ad unum diductio fit, enumeratio dicenda uidetur. Ab uno quidem ad plura, ut à medicina, homo medicus, liber medicus, herba medica, manus medica (hinc illud Vergil. Dum medicas adhibere manus ad uulnera pastor Abnegat) & item uas medicinale, & medicinale emplaftrum, fiue cataplafma, & id genus infinita alia. Hæc enim omnia ab uno funt, quoniam à medicina nomen inuenēre. Ad unum autem, ut falubre medicamē, falubris efca, falubris aura. Hæc fi quidem ad unam tendunt fanitatem. Cæterū præter prædictos diuidendi modos, eft qui fecundum accidens dicitur, cū aut fubiectum in accidentia diuiditur, aut accidens in fubiecta, aut accidens in accidētia. Ex prædictis igitur patet, quòd diuifionum alie quidem propriæ dici poffunt, alie uerò impropriæ, & abufiue.

R A I I A N V S.

Diuifio igitur) Hæc finitio diuifionis tam ad logicos pertinet, qui voces præcipuè, quàm ad phyficos, qui res potius confiderant.

Semper enim) Diuifum eft cōmunius membri diuidentibus, fi ad fingula referatur, fed fi ad omnia fimul, cum illis recurrit.

Fit autem) Trapezuntius ita partitur: Omnis diuifio

uisio aut est per se, aut per accidens. diuisio per se, aut generis in species, aut totius in partes, aut vocis in suas significationes : per accidens aut est subiecti in accidentia, aut accidentis in subiecta, aut accidentis in accidentia.

GLAREANVS.

Siquidem alia est diuisio, &c) Nota: Diuisio generis in species est in omnibus prædicamentis, & substantiæ & accidentium: vt, Substantiæ alia corporea, alia incorporea. Corporum aliud simplex, aliud mixtum. Ita in qualitate: Colorum alius est albus, alius est niger, alius medius. Quantitatum alia est continua, alia est discreta.

De Diuisione generis in species.

Generis in species diuisio fit, cum ipsū in species per differentias diducitur, aliquoties autem & in ipsas species citra differentias: ut magnitudinum hæc est linea, hæc superficies, illa uerò corpus. Aliquoties autem nominibus carent eæ, quæ sub eodem genere continentur species. Quod ubi cōtingit, accipimus unius alicuius species differentiam: deinde quia aliarum specierū unam aliquam differentiam communem non inuenimus, circumloquimur eam alterius differentię negatione, quemadmodum in animalis diuisione fieri uidemus, cum ipsum ita diuiditur: animalium aliud rationale, aliud irrationale: Hic irrationale nō nisi eius quod est rationale, negationem explicat. Quamobrē hæc uera differentia esse non potest, quippe cum omnis species ex differentia constituatur. Nihil autem ex negatione constituitur. Ergo quoties negatione facimus diuisionem, prius affirmatio, post negatio subi-
cienda

cienda est : nec id ab re quidem : quippe quòd affirmatio natura ipsa prior sit negatione. Aliquoties item & differentia loco specierum in diuisione ponuntur, ut cùm dicimus : Quantitatis aliud continuum, aliud discretum : quæ cùm differentiarum nomina sint, uice tamen specierum posita sunt.

R A T I O N E S.

Generis in species.) Diuisio generis in species fit duob. modis : primo, cùm ipsum diuisum est genus, & membra diuidentia eius species : ut animalium aliud homo, aliud brutum. secundo, cùm diuisum est genus, & membra diuidentia eius differentia, quæ singulas inferunt species : ut substantiarum alia est corporea, alia incorporea.

Hic irrationale.) Irrationale, insensibile animalium voce tantùm priuatiua sunt : significant enim naturam quandam diuersam illi, cui ex aduerso opponuntur : ut incorporeum significat spiritum, irrationale brutum. hic locus est apud Rodolphū Agricolum libro 1. cap. 7.

Utrum in species, an in differentias rectius genera diuidantur.

VNde & illud iam haud indignum inquisitu suboritur, Utrum in differentias, an in species rectius genera diuidantur. Sanè huic inquisitioni ita ex Boethio obuiam itur : Quoniam definitio diuisionis generis est in species proximas distributio, idcirco oportet secundum naturam diuisionis, in proprias species generis disgregationem fieri. Verùm hoc interdum fieri nequit propter eam, quæ suprà reddita causa est. Multis siquidem speciebus

bus nomina desunt. Atque ideo, quoniam quædam sunt genera prima, quædam ultima, quædam media. Primum quidem est, ut uerbi causa, substantia: ultimum, ut animal: medium, ut corpus. Corpus namque ut animalis genus est, ita substantia corporis. Unde quemadmodum neque super substantiam quicquam inueniri potest, quod generis loco collocari ualeat: sic nec sub animali. Homo enim species est, non genus. Quare antiquior uidebitur per species diuisio, si indigentia nominum non sit. Ergo si his non abundamus, genera prima usque ad ultima conuenit in differentias separare. Hoc autem fit, si primum genus in suas differentias disgregemus, non in sequentis proximæ, aut posterioris generis differentias: & rursus posterius in suas, & non in sequentis deinde differentias. Neque enim eadem sunt differentie substantiæ & corporis, aut corporis & animalis. Si quis igitur dicat, Substantiarum alia corporalis est, alia incorporalis, recte quidem diuisionem fecerit. Hæ namque propriæ differentie sunt substantiæ. At non recte, si ita dixerit: substantiarum alia animata, alia inanimata est. Siquidem hæ corporis, non substantiæ differentie sunt, id est, secundi, non primi generis. Quare manifestum est, secundum proprias differentias diuisionem faciendam esse, quoties per differentias genus distribuendum uenit.

RAIIANVS.

Corpus nāque.) Aristot. 5. cap. quarti libri Topi-
corum, hac ratione docet corpus non esse genus ani-
malis. Omne genus dicitur de sua specie: at corpus
non prædicatur de animali (nam est pars animalis,
nulla autem pars dicitur de suo toto) ergo corpus
non

non est genus animalis. hæc quæstio sic dissolui potest: corpus duobus modis sumitur: primo pro parte ea cui anima inest, & sic non est genus animalis: secundo corpus accipitur pro toto composito, & sic genus animalis est.

Neque enim.) Differentia substantiam diuidens cum genere sumpta, corpus finit, quia quæcunque sunt differentia superiorum, etiam sunt differentia inferiorum, quam regulam quidam de differentia prædicati constitutiva intelligendam putant. possunt enim quædam esse differentia diuisiua prædicati, quæ nullo modo erunt differentia subiecti, ut volatile, aquatile animalis sunt differentia, non tamen hominis. Videndus est Aristoteles in antepædicamentis.

GLAREANVS.

Vtrum in species, an in differentias.) Genera rectius diuiduntur in species, quàm in differentias, si quidem apta nomina erunt: sed illud rarum est. Tanta enim est in Latina lingua nominum penuria, ut ipsa decem prædicamenta per omnia nominare nequeamus: ne apud Græcos quidem. Quando enim, & Vbi, sunt aduerbia pro nominibus: Iacere, Agere, Pati, pro nominibus.

*De diuisione totius in partes, & quot modis
totum dicatur, & de partium
inter se differentia.*

Totum quoniam multipliciter dicitur, eius quoque in partes multiplex diuisio est. Dicitur nanque totum aliud quidem secundum quantitatem, idque duobus modis. Nam aut continuum id est, ut corpus: aut discretum, ut grex,

grex, item exercitus & populus. Aliud uerò quod uniuersale appellatur, ut animal, & unumquodq; superius, si ad eius referatur inferius. Aliud quod totum in modo dicitur. Aliud autem, quod ex quibusdam uelut uirtutib. & potentijs constat, ut anima. At hinc nunc exempla subiiciamus oportet. Totum igitur si continuum fuerit aut discretum, in eas diuiditur partes, ex quibus compositum constat, ut hominis corpus in caput, manus, thoracem, & pedes. Quo etiam modo totus populus Romanus in tres partes olim diuisus fuit, in equestres, in senatores, & plebem. Ceterum partium, & perinde etiam totius non eadē ratio est. Quaedam nanq; pertinet ad substantiā, quaedam ex quantitate nomē habent, quaedam uirtutis & efficacie cuiusdam. Substantiæ sunt, cuiusmodi corporis partes supradictæ. Quantitatis uerò, ut in ijs, quæ extensa sunt: ut bipedale, tripedale, partes dicimus rei decempedalis. Et in tempore, præteritum, instans, futurum. In numero, ut denarij quinque & quinque. Et item unum, duo, tria, quatuor. Virtutis autem partes sunt, quos & gradus quidam uocant, quemadmodū dicimus, Achilli plus roboris fuisse, quàm Aiaci. Sic & animæ partes quatuor faciunt, uiuificandi, sentiēdi, mouendi, & intelligendi. Rursus autem quæ substantiæ partes sunt, aliæ de propinquo substantiā constituunt, ut materia & forma, ut in homine corpus & anima, in arbore uita & lignum. Aliæ ad integritatem ritè explendam pertinent, ut domus, parietes, tectum & fundamentum. Est præterea & alia partium differentia. Siquidem ex his aliæ quaedam sunt, quas ὁμογενεῖς Græci uocāt, nos cognatas dicere possumus & similes, ut partes ligni aut lapidis. Omnes enim tam ligni quàm lapidis partes eiusdem generis sunt, ut natura, ita nomine participant

cipant. Alia uerò ἐτερογενῆς à Græcis dictæ, à nostris alterigenæ, id est alterius atq; alterius generis, siue dissimilares: ut partes domus, ligna, & lapides, & in homine caro, nerui, & ossa. At de partibus quidem totius secundum quantitatem hætenus. Totius uerò uniuersalis diuisione hoc modo fit: Hominum alij in Europa habitant, alij in Africa, alij in Asia.

RAIIANVS.

Totum quoniam) Quemadmodum duplex est quantitas, alia cōtinua, alia discreta: ita duplex est totum, aliud secundum quantitatem continuam, aliud secundum discretam.

Aliud uerò) Totum vniuersale est quod ex multis particularibus colligitur: ut virtus, scientia.

Totum in modo) Totum in modo est quilibet terminus sine determinatione sumptus, ut homo: & idem sit pars in modo, si cum determinatione sumatur, ut homo sapiens.

Aliud autem) Totum potestate est quod diuiditur in potentias & virtutes, ut anima in vegetatricem, sentientem, intelligentem.

Cæterum partium) Quæ ab hoc loco dicuntur usque ad finem capituli, sumpta sunt ex nono capite primi libri Rodolphi Agricolæ.

Siquidem ex his) Similares partes dicuntur, quæ & nomen & apellationem sui totius sortiuntur, ut partes sanguinis, ossis: quælibet enim pars sanguinis, ossis, est sanguis & os. dissimilares dicuntur, quæ nec nomen nec apellationem sui totius recipiunt, ut partes capitis, pedis. nec enim pars capitis est caput, nec pars pedis est pes. Videndus est Ari-

stoteles

stoteles primo capite primi libri de historia animalium.

GLAREANVS.

De diuisione totius in partes, &c) Est sextuplex totum. Primum vocatur integrale, quod compositum est ex partibus quantitatem habentibus. Secundum vniuersale quodlibet superius, & substantiale, respectu sui inferioris in recta linea predicamentali, vt animal. Tertiū, totum in modo vniuersali sumptū, sine determinatione: vt animal. pars eius cū determinatione: vt, Malum animal. Totum in quantitate est vniuersale, sumptum cum signo vniuersali: vt, Omnis homo. Totum in tempore, est dictio comprehendens omne tempus aduerbialiter, vt semper. Vltimum totum in loco, est dictio comprehendens omnem locum aduerbialiter: vt vbique.

De diuisione uocis in significationes.

Diuiditur uox in plures significationes, quoties uel æquiuoca est, uel ambigua. Aæquiuoca, ut canis: quæ uox cum una & simplex sit, plura tamen significat, nempe canem domesticum, canem cœlestem quæ stella ad Orionis pedem, authore Higino, micat) & canem marinum. Ambigua uerò, ut oratio, qualis hæc: Aio te Aeacida Romanos uincere posse. Hæc enim oratio ambigua prorsus est, quippe quæ significare uidetur nō tam Romanos Pirrhum superaturos, quàm Pyrrhum ipsos Romanos. Cæterum præter hanc uocis diuisionem est alia, qua uox secundum plures modos diuiditur: ut cum non plura significat uox aliqua, sed multis dicitur modis, ut infinitum, quod quidem dicitur aut secundum mensurā, ut est mundus

diu opinione aliquorum infinitus: aut secundum multitudinem, ut cū dicimus cōtinuum diuidi posse in infinitū, hoc est, in partes multitudine infinitas, quas partes proportionales quidam uocant: aut secundū tempus, ut cuius terminus inueniri non possit: aut secundum potentiam, quemadmodum Deum infinitum esse dicimus. Alia item diuisio est, qua cū determinatione uox aliqua significare dicitur, uel sine determinatione, ut homo: quæ uox quādo sine determinatione dicitur, (quod quidē tū maxime est, cū simpliciter profertur) facit in intellectu audientis dubitationem, quæ tamen protinus tollitur, si determinatio aliqua adiiciatur, ut omnis homo.

R A I I A N V S.

Diuiditur autem) Acquiuocatio in simplici uoce, ambiguitas in oratione locum habet: ut enim equiuocatio est multiplicitas significationū in uoce simplici, ita ambiguitas in structura orationis continet multiplicem sensum.

Aio te Aeacida) Ennij versus est, quo finxit Apollinem Pyrrho regi Epirotarū Delphis responsa dedisse. Aeacida uocatiuus est Græcorum more, à nomine Aeacides, quod Pyrrhi patris nomē fuit. Ambiguitas nascitur ab accusatiuo te, qui uel à parte anteriori uel posteriori uerbi vincere cōstrui potest.

Ut est mundus) Quidam in ea sententia fuerunt, mundum neq; incepisse, neq; interiturū, & sic omnium rerum esse mensuram.

Ut cū dicimus) Id de infinito potentia est intelligendum. est autem infinitum potentia res, cuius quantitatem dimetiens uel numerans aliquis, semper inuenit aliquid quod supersit. Infinitum actu
(ut

(ut hoc quoque in transcurso adijciamus) esset, si daretur corpus habens actu infinitam quantitatem, & tale nullum est in rerum natura, ut Aristotel. multis verbis lib. 3. de Physico auditu docet.

Quas partes) Partes proportionales dicuntur quæ habent eandem proportionem cum partibus præcedentibus alicuius magnitudinis. Ut verbi causa, si magnitudo cubitalis diuidatur in duas medietates, & rursus medietas in aliam, &c. tunc enim diuisio in infinitum exhibit: si verò fiat diuisio seruata eadem quantitate partium, non exhibit in infinitum, ut si quis à linea centum cubitorum semper subtrahat vnum cubitum, tandem tota magnitudo exhauritur.

De diuisione quæ secundum accidens fit.

Porrò eorum quæ secundum accidens diuiduntur, alia est diuisio subiecti in accidentia, ut animalium aliud mansuetum, aliud ferum, aliud mediæ inter utrumque nature: quemadmodum & id à Plinio annotatum est libro octauo, capite quinquagesimo sexto. Alia accidentis in subiecta, ut feritatis alia serpentis, alia uolucris, alia reliquarum beluarum est. Alia demum accidentis in accidentia, ut candidorum aliud durum, ut margarita: aliud molle, ut lac. Quæ etiam diuisio uicissim in alterutra membra mutari potest: ut eorum quæ dura sunt, aliud album est, ut alabastrum: aliud nigrum, ut ebum. ac rursus eorum quæ mollia sunt, aliud album, aliud nigrum.

R A I I A N V S.

Porro eorum) Diuisio subiecti in accidentia di-
z citur

citur, cū diuisum est subiectum, & membra diuidentia eius sunt accidentia, vt animalium aliud sanum, aliud ægrum.

Quæ etiam) Sumptus est hic locus ex Boethio, cuius hic est sensus : quando accidens diuiditur in accidentia, tunc diuisum, & illius contrarium per easdem differentias diuidi possunt : vt si album per durum & molle diuidatur, nigrum eisdem differentijs diuidi poterit, deinde singula membra in diuisum, & illius oppositum posse commutari, vt durū & molle in album & nigrum.

De quibusdam legibus, vt rectè diuisio fiat, obseruandis.

VT autem rectè ipsa diuisio procedat, certæ leges obseruandæ produntur. Prima, ut differentia, per quas genus in species diuiditur, è regione constituentur, & inter se oppositæ sint. Hinc nullus rectè dixerit, animalium aliud rationale est, aliud bipes : idcirco quòd rationale & bipes licet differant, nulla tamen à se inuicem oppositione seiunguntur. Huic sanè legi etiam subiacet ea diuisio, quæ secundum accidens fieri dicta est. Secunda, ut quicquid in diuiso continetur, id totum mēbra diuidentia explicet, hoc est, ne quid ultra citræue dicatur, quoties quippiam diuidendum est. Alioqui aut superflua, aut diminuta erit facta diuisio, id quod etiam in definitione cauendū est. Tertia, ut si fieri commodè possit, diuisio omnis bimembris sit, id quod in definitione eodem modo requiritur. Verum quò minùs illud fiat, uocabulorum indigentia plerunq; impedimēto est, ut cū quærit quispiam, quid est homo : respondentem minimè necesse foret dicere, animal

animal rationale mortale, si id quod est animal rationale, proprio nomine nuncupatum esset: quod deinde cum reliqua differentia iunctum, nempe mortali, definitionem hominis uerissima atq; integra oratione perficeret. Eodem sanè modo & diuisio ipsa duobus tantum terminis perficeretur, si non interdum propria uocabula deessent: ut cum dicimus, *Figurarū*, quæ quidē trilateræ sunt, aliæ sunt æqualiteræ, aliæ ex tribus duo æqualia latera habēt, aliæ totæ inæquales. Hæc trimembris diuisio duobus clauderetur terminis, fieretq; bitembris, si ita proferretur, *Figurarum* quæ trilateræ sunt, aliæ sunt æquales, aliæ inæquales. Inæqualium rursus aliæ sunt duo tantum latera inæqualia habentes; aliæ tria, hoc est, omnia simul. Sic cum dicimus, rerum aliæ bona sunt, aliæ mala, aliæ indifferentia, qualia sunt, quæ neque bona, neque mala sunt. Hæc quidem diuisio trimembris quoque est, ac bitembris fit, si ita dicatur, *Rerum* aliæ sunt differentia, aliæ indifferentia. Differentium item aliæ bona, aliæ mala. His tribus iam expositis legibus, quarta demum accedat, quæ est huiusmodi: Quoties genus aut in differentias, aut in species dissoluitur, post factam diuisionem, eorum per quæ diuisio fit, definitiones atque exempla protinus subdenda sunt. Atque in hoc absolutus sit tractatus octauus.

RAIIANVS.

Vt autem) Profert quasdam leges bonæ diuisionis.

Prima) Differentiæ condiuidentes aliquod genus debent esse oppositæ, hoc est, diuersæ & repugnantes, ita ut non possint vni eidemque compe-

tere, nō enim semper necesse esse videtur, ut mēbra diuidentia aliquo oppositionis genere opponātur: rationale enim & irrationale nullo oppositionis genere opponi videntur, id quod studiosus facile ex inductione quatuor formarum oppositorum colliget.

Secunda) Quare hæc non est bona diuisio hominum alius est medicus, alius physicus: diuisum enim latiùs patet ipsis membris diuidentibus.

GLAREANVS.

Rerum alia sunt differentia) Ita dicimus, Colorum alius albus, alius non albus; non alborum alius niger, alius medius. nisi malimus definire per disgregatiuum ac congregatiuum visus. Est enim albus color, qui disgregat visum: niger verò, qui congregat visum. Posset tamen & ita diuidi color:

Colorum alius albus, alius niger, alius medius. Sola enim diuisio generis per differentias requirit, ut sit bimembris. quod patet in arbore Porphyriana.

*

IN

IN TRACTATVM

NONVM DE LOCIS

DIALECTICIS,

*

P R A E F A T I O.



SUPEREST pars illa Dialectica, quae locos nobis subministrat, è quibus argumenta ueluti eruuntur, atque ea quidem potissimum, per quae de quauis re, imò uerò & de principijs etiam disciplinarum probabiliter disputare cōtingit. Vnde euenissereor, quòd Dialectica ipsa à quibusdam dicta est ars artiū, & scientia scientiarum, ac proinde digna iudicata, quae primum locum inter artes atque scientias omnes obtineat. Tum & eodem iure disputatoria ars appelletur, id quod nomen ipsum apud Græcos planè indicat, quippe quod non aliūde deduci certū est, quàm à Græco uerbo διαλέγομαι, quod præter alia, quae significat, disputo quoque apud nos significat, id quod facile ijs pro comperto esse potest, qui uel mediocriter illius gentis linguam callent. Quam qui improbant, ac per hoc ut inutilem contemnunt, hi mihi uidentur uel inuidiator queri, uel stupore grauari, aded ut sint planè sine omni iudicio. An ijdē nesciunt à Quintiliano probatissimo, grauissimoq; studiorum censore suasum esse, ut à Græco sermone pueri initium disciplinarum capebant? Nec iniuria quidem, quippe quòd (ut idem autor est) à Græcis ad nos omnes bonæ artes manarint: sed hi, ut uideo, sicuti nihil probant, nisi quod

ad suum faciat palatum, ita Gryllum suum ducem (ut est apud Plutarchum) sequentes per loca inculta prorsus, steriliaq; , & penè deserta, glandibus adhuc uesci malunt, quàm per amœnos atq; feraces campos spatiantes optimas colligere fruges, unde probè pascantur. At de hoc satis superq; ad præsens. Ceterum in hac parte de locis id præstitit, quod nec antè, nec post alius quissiam, Rodolphus Agricola è Frisia, quæ Germaniæ haud ignobilis prouincia est, uir profectò non satis laudatus etiam à laudatissimis uiris Hermolao Barbaro, & Eras. Roterod. cuius proinde si etiam uestigia imitari uelim, uix potero. Ita enim omnia & grauius & acutè ab eo tradita sunt, ut ueluti maiestas quædam in his elucere uideatur. Tamen si quid obiter apud eundem inuenero, quod ad rem nostram faciat (faciet autem haud dubiè plurimum) haud grauabor huic operis parti inserere, quantum quidem nostra hæc institutio ferre possit.

R A I I A N V S.

In tractatum nonum) Hic tractatus inuentionem, quæ locos nobis suppeditat, continet. cur autem Casarius postposuerit inuentionem iudicio, dictum est à nobis in præfatione quinti tractatus.

Per quæ de quauis re) Sic Aristoteles statim in principio primi libri τῶν Τοπικῶν: ἡ μὲν πρόθεσις τῶν πραγματειῶν, μέθοδον εὑρεῖν ἀφ' ἧς διυνησόμεθα συλλογίζεσθαι περὶ πάντων τῶν ποτεθέντων προβλήματος ἐξ ἐνδόξων, & αὐτοί λόγον ὑπέχοντες μηδὲν ἐρεῖμεν ἐσάντιον.

Iam verò) Nam principia scientiarum in eadem scientia non habent notiora, sed per argumenta probabilia, quæ ex locis topicis eruuntur, probantur.

Vnde

Vnde euenisse) Dialectica est ars artium, non dignitate, sed via & ratione quam tradit ad disciplinas grauiores explicandas. Locus hic est desumptus ex secundo capite primi libri Topicorum.

Tum & eodem iure) Sic Rodolphus, Nomen dialectices nonnulli latinè tentantes dicere, disputationem vel disputaturam, quemadmodum grammaticen literaturam dixere.

Gryllum suum) Hoc est, ineptum & insulsum aliquem authorē. Plutarchus in dialogo, quem scripsit, an brutis insit ratio, fingit Gryllum gratum à Circe venetica muliere in suem conuersum, cū multis aliis sociis Vlyssis. Hos cū repeteret Vlysses, vt ad suos reduceret, Circe se facturam negauit, nisi Vlysses prius cum aliquo sociorum in certamē descenderet: quo instituto prodiit Gryllus, tanquam ceterorū dux, à quo Vlysses, etsi astutissimus & eloquentissimus (vt Homerus ubiq; fingit) superatus est. De hoc Gryllo Angelus Politianus, vir politioribus literis egregiè perpolitus, libro secundo epistolarum, epistola, Nō tu, &c. sic scribit: Nam etiam huic nostro nondum audeo sperare, quoniam praua quadam consuetudine sic penè quidam homines obbrutuerunt, vt glandem adhuc defendāt reperitis frugibus. similēsq; mihi Gryllo vidētur illi, qui cum Vlysse disputat apud Plutarchum, nec vllis potest adduci rationibus vt ex sue rursus in hominē redire velit, quem prius ex homine Circe mutauerat in suem.

G E A R E A N V S.

Ad præfationem) Tria in hac præfatione facit.

2

4

Primo

Primò, laudat Dialecticē, quòd sit scientiarum scientia, & iure disputatoria appellata. Secundò, laudat linguam Græcam, à qua incipiendum pueris esse docet, authore Quintiliano. Tertiò, laudat Rodolphum Agricolam, quem se hac in parte sequi profitetur.

De utilitate Dialectica.

Quoniam igitur hæc pars (ut dictum est) peculiari nomine Dialectica appellatur, de utilitate eius pauca nobis ex Aristotele dicenda uidentur, prius quàm locos ipsos aggrediamur. Est autē utilis (ut ille ait) ad tria, ad exercitationes, ad colloquia, & ad eas quæ sunt secundum philosophiam disciplinas: quæ eadem Græcè idem his uerbis expressit: πρὸς γυμνασίας, ἐν τῷ ξέῳ, & τὰς καὶ φιλοσοφίας ἐπισήμας. Ad exercitationes quidem utilis sanè est, quia methodum hanc habentes facile de proposito quouis argumentari poterimus. Ad colloquia uerò, eò quòd multorum recensentes opiniones, non ex his quæ extranea sunt alicui disciplinæ, sed ex proprijs sermocinabimur ad eos, uel potius contra eos, transmutantes si quid ab his nobis perperam dictum esse uideatur. Quod quidem tum maxime fieri consuevit, cum inter confabulandum (ut sit plerunque, uel in congressu, uel conuictu) quicquam proponebatur discutiendum. Cuiusmodi profectò colloquia illa uideri possunt, quæ apud Aulum Gellium in Noctibus Atticis, & apud Macrobiū in Saturnalibus passim leguntur. Ad eas porrò, quæ sunt secundum philosophiam, disciplinas utilis omninò est, quòd cum possimus ad utranque partem disputare, facile in singulis intuebimur, quid uerum
uel

uel falsum sit. Præterea autem & ad prima eorum, quæ in unaquaque disciplina principia sunt, utilis probatur. Nam ex proprijs propositæ alicuius disciplinæ principijs dicere aut disputare de ipsis, impossibile est: eò quòd in unaquaque disciplina, prima omnium principia sunt. Atqui id multò commodissimè fieri potest ex probabilibus, qualia præsertim in hac arte traduntur: quæ cum sit inquisitiua, ad omnium methodorum principia uiam habere dicitur. Sed nunc quid sit locus, deinceps dicamus.

RAIIANVS.

Quoniam igitur.) Præmia, ut Plinius ait, vbique plurimum valent. Vtilitas etiam homines desidiosos excitare solet. Scripturus igitur Arist. locos dialecticos, dialecticæ utilitatem proponit, ut ea re animos iuuenum in spem vberissimi fructus futuri erigat. Hic locus est 2. cap. 1. libri Topicorum.

Est autè.) Rodolphus Agricola 6. capite 2. libri hunc locum Aristotelis his verbis vertit: Aristoteles itaque Dialecticā tribus his utilem putauit, exercitationi differendi, cōfutando aduersario, & probandis primis artium principiis.

Non ex his.) Extranea Aristot. vocat aduersarum sectarum opiniones: propria verò, quæ ab aduersario concessa sunt.

Ad eas porrò.) Nam proposita quæstione aliqua, vtrunque rationib. adductis, facile elucescet veritas. Si autem non dubitaueris (ut Plato ait) veritas te fugiet. Dubitatio enim, veritatis est inuentio. Propterea rectè dictum est ab Aristotele, *ἡ ἀπορίη τῶν ἀπὸ πάντων, ἢ ἐστὶ ἀχρηστὸν*: hoc est, omnia in dubiū reuocare non est inutile.

*De loco, quid sit, tum & de argu-
mento ipso.*

Locus igitur est (ut ab Aristotele & Cicerone definitur) sedes argumenti. Quæ definitio (si tamen definitio dici meretur) ab eodem Cicerone à similitudine instituta esse monstratur. Vt igitur (inquit) earum rerum, quæ absconditæ sunt, demonstrato & notato loco facilis inuentio est: sic cum peruestigare argumentum aliquod uolumus, locos nosse debemus, ex quibus argumenta ipsa promantur. Argumentum deinde ab ipso quoque definitur, ratio rei dubiæ faciens fidem. Itaque locus est ueluti publicum receptaculum, & (ut Rodolphus Agricola ait) thesaurus quidam, in quo faciendæ fidei instrumenta reposita sunt: hæc nimirum sunt ipsa argumenta. Argumentum igitur, quod fidem rei dubiæ facit, hoc est, rem dubiā probat, à loco aliquo educatur oportet.

R A T I O N E S.

Locus igitur.) Locus est id, unde ad propositam materiam conueniens ducitur argumentum. Idquæ indicat finitio loci data à Rodolpho Agricola: Communis quædam rei nota, cuius admonitu quid in quaque re probabile sit, inueniri potest. Et quemadmodum locus naturalis continet locatum: ita locus Dialecticus continet in se argumentum. Quam sententiam Cicero quoque his verbis probat: Locus est sedes argumenti. Videndus est Aristoteles initio 1. libri Rhetoricorum ad Theodectem.

Argumentum.) Ratio, inquit, quia licet visus faciat fidem de his quæ videntur, tamen non est argumentum, quia non est ratio. Rei dubiæ inquit, quia nihil probari nisi dubium, aut tãquam dubium potest.

tell. Faciens fidem ait, quia omne argumentum aut probabiliter, aut necessario rem conficit. Sic Quintilianus: Argumentum est ratio probationem praestans, qua colligitur aliud per aliud, & quæ quod est dubium, per id quod dubium non est, confirmat. Vide Fabium libro 5. capite decimo.

De multiplici argumenti significatione, & quemadmodum ab argumentatione differat, quod hic argumentum vocamus.

ARgumenti sanè multiplex significatio à Quintilianus traditur. Siquidem & fabulae ad actum scenarum compositae, argumenta dicuntur. Rursus omnis ad scribendum destinata materia, argumentum appellari potest. Et argumenta etiam dicuntur orationum velut themata, quemadmodum de Ciceronis orationibus Asconius Pedianus exponit: Argumentum (inquit) huius orationis tale est. Verum nullam horum tale argumentum est, quale hic quaeritur, ab arguendo dictum, quod uidelicet rem arguat, hoc est, probet. Nam arguere ueteres etiam ostendere dixerunt. Hinc illud Vergilij: Degeneres animos timor arguit. Hoc, inquam, tale argumentum ab argumentatione differt: quod argumentatio est uerborum contextus, certum aliquid ex ijs quæ antecedunt, concludens, ut syllogismus & inductio: argumentum uero, ipsius argumentationis ratio, quod & medium nonnunquam dicitur. Ac proinde ut in corpore anima, & in anima rursus mens: ita in argumentatione argumentum. Igitur uis illa atque sententia, & ratio, quæ oratione clauditur, cum aliquid probatur ambiguum, argumentum uocatur. Ipsa uero argumenti locutio expressioque, argumentatio dicitur. Vnde à Boethio

thio ita definitur: Argumentatio est argumenti per orationem explicatio.

R A I I A N V S.

Argumenti sanè.) Locus hic est apud Fabium decimo capite s. libri Institutionum oratoriarum.

Hoc inquam.) Argumentum differt ab argumentatione, ut pars à toto. Nam argumentum est una propositio argumentationis, vel ipsum medium, vel (ut Boëthius ait) vis, ratio, quæ in argumentatione continetur. Argumentatio est integra orationis series.

G L A R E A N V S.

Argumentatio est argum.) Omnis argumentatio probat conclusionem per medium aliquod, idque dupliciter: vel per medium vniuersale, vel per medium particulare. Si per medium vniuersale, rursus hoc fit dupliciter: vel enim per duas propositiones, & sic est syllogismus: vel per vnam tantum, & est enthymema. Si probatio fit per medium particulare, id rursus est bifariam. Vel hoc particulare infert vniuersale, & sic est inductio: vel infert particulare, & est exemplum.

Boëthius libro 2. de differentiis Topicis, duas ponit argumentationis species: syllogismum, & inductionem. Petrus Hispanus adiicit duas species, enthymema & exemplum: quia ex prioribus duabus velut emanant. Si enim argumentatio diuidatur per duas species, est diuisio generis per differentias formales: si per quatuor species, est diuisio generis in species. Potest enim diuidi diuersis modis & rationibus.

De

*De quaestione, quid sit, & quemadmodum ab
Enunciatione, Propositione, & Con-
clusionione differat.*

ERgo cum argumentum sit ratio, quæ rei dubiæ fidem faciat: quid hoc loco res dubia uocetur, inuestigandum quoque est. Itaque sciendū, quòd res dubia haud aliud quippiam hìc intelligi debet, quàm propositio dubitabilis, quæ proinde quaestionis sibi nomen inuenit atque sortita est: quandoquidem quaestio, dubitabilis propositio definiri solet. Quocirca quaestio non simpliciter propositio dicenda est, sed quæ cum interrogationis nota proponitur: ut, Nunquid anima immortalis est? Eadem tamen oratio, si simpliciter proferatur, nempe citra interrogationis notam, quatenus uidelicet aliquid de aliquo enunciat, Enunciatio dicitur. Quatenus uerò ipsa syllogismi alicuius pars sit, Propositio appellatur. Insuper & conclusio esse potest, cum ex sumptis propositionibus collecta fuerit factò syllogismo, aut utcunque aliter probata, conuenienti adhibito argumento. Est enim Conclusio argumento uel argumentis probata propositio. Sed illud exemplo nunc ostendamus. Agè igitur quaestio sit, Num anima immortalis est? Id ita quispiam probauerit, tali principio ex Platone desumpto: Quicquid semper mouetur, immortale est: anima autem semper mouetur: anima igitur immortalis est. Atque ita eadem oratio, quæ prius in dubitationem adducta, quaestio proinde erat, postea facta est conclusio. Quæ si in altero syllogismo pars sumpta fuerit, propositio dicitur, & ante hoc enūciatio. Igitur quaestio, propositio, enunciatio, & conclusio, subiecto reque ipsai dem sunt, etsi ratione distinguantur.

Ergo cum.) Quæstio, propositio, enunciatio, conclusio, sunt eadem secundum rem, sed differunt ratione: idem enim pronūciatum potest esse quæstio, propositio, enunciatio, conclusio.

*Quo pacto Locus sedes argumenti intelligatur,
& de Loci diuisione, & de argumen-
ti rursus multiplici ac-
ceptione.*

Sed nunc etiam aperiamus oportet, quo pacto intelli-
gi planè possit quod dictum est, Locus est sedes argu-
menti. Sanè id ipsum aperire, non paruam huic parti lu-
cem afferre uidebitur. Itaque dicamus ex Boëthio, quod
sedes argumenti partim maxima propositio intelligi de-
bet, partim maximæ propositionis differentia, in quæ
etiam, ueluti membra quædam, locus ipse diuiditur, ut sit
ipsius diuisio huiusmodi: Locorum alius est locus maxi-
ma, alius locus differentia maximæ. Porro maxima pro-
positio quæ dicitur, aliquoties quidem intra ambitum ar-
gumenti continetur, hoc est, ipsi argumentationi inseri-
tur: aliquoties uerò extrà posita, uim tamen argumenti
supplet ac perficit. Agè igitur, exemplū subiiciamus eius
argumenti, intra cuius ambitū maxima propositio con-
tinetur, sitq; quæstio, An sit regnum melius consulatu,
fiatq; argumentatio hoc pacto: Quod diuturnius bonum
est, melius eo est, quod minùs diuturnum est: regnum autē
diuturnius est quàm consulatus: regnum igitur melius est
quàm consulatus. Huic nimirum argumentationi maxi-
ma propositio inserta est, quæ quidem est: Quod diutur-
nius bonum est, melius eo est, quod minùs diuturnum est.
Quæ præterea ita nota est, ut extrinsecus probatione non
egeat

egeat: quinimò ipsa alijs probatio esse potest. Et quia inde nascitur argumentum, rectè locus, id est, sedes argumenti uocatur. Rursus subiiciatur exemplum, in quo extrà posita maxima propositio, nihilominus uim affert argumento. Sit ergo alicui propositum ostendere, quòd inuidus sapiens non est, à quo proinde huiusmodi nectatur syllogismus: Qui inuidus est, alienis affligitur bonis: atqui sapiens bonis alienis non affligitur: sapiens igitur inuidus non est. Hic quidem maxima propositio inclusa nō est, sed extrà posita, uim tamen argumentationi ipsa subministrat. Est enim huic argumentationi fides ex ea propositione, quæ dicit: Cuicunque definitio non conuenit, nec ipsum definitum. Insuper & argumentum, quo fides rei dubiæ facta est, à definitione deductum est. Sciendum autem, quòd argumenti nomine tum hic, tum alibi. nunc quidem maxima propositio, imò & tota ipsius argumentationis probatio intelligitur: nunc ipsa argumentatio, quæ maxima propositione confirmari solet, id quod his quoque uerbis Quintilianus apertè indicat libro 5. ubi de argumentis disputat: hoc enim nomine (inquit) complectimur omnia, quæ Græci enthymemata, epichheremata, & apodixeis uocant. Interim uerò & terminus, qui medius constituitur, quoties alijs duobus adiunctis, argumentatio contexitur, ac per hoc uim tenet probationis, argumentum appellatur.

RAIIANVS.

Sed nunc.) Finitio loci aliquid difficultatis continere videbatur, ideo Cæsarius eam copiosius explicat.

Itraque dicamus.) Ex hac diuisione exploratum est, omnem locum Dialecticum esse tanquam propositionem

positionem per se notam, à qua argumēta vim suam habent.

Quod diuturnius bonum est.) Maxima hæc propositio est apud Aristotelem primo capite 3. lib. Topicorum.

CLAREANVS.

Quo pacto locus sedes argumenti.) Totum negotium Topices cōsistit in maximis propositionibus, quæ sunt argumentorum sedes. Nam totius probationis vis, ex maximis illis sumitur, propterea quòd sunt notissimæ: ideòque facilem fidem faciunt, neque ipsæ vltiore indigent probatione, vt videantur veræ.

Quid sit locus maxima, & quid locus differentia maxima.

EX his igitur quæ dicta sunt, manifestū euadit, quòd locus quidem maxima est uniuersalis & principalis & indemonstrabilis, atque ita per se nota propositio. Cuiusmodi est maxima illa suprà posita: Cuicunque definitio non conuenit, nec ipsum definitum: & id genus aliæ. Ideo autem uniuersales, & maximæ propositiones dicuntur, quoniam ipsæ sunt quæ cæteras continent propositiones: quippe per quas consequens, & rata conclusio fit. Locus uerò differentia maximæ est, quo maxima à maxima differt: ut si dicam, à definitione, aut à definito, aut ab alio quouis huius generis communi termino. Siquidē per hunc iam maxima propositio, in qua ipse ponitur, ab ea differt maxima, in qua idem terminus uel non ponitur omninò, uel si ponitur, non tamen qui argumentum præstet ad fidem rei dubiæ faciendam. Quare ab illa iam aliquoties repetita maxima, hæc differt maxima: Cuicūque
non

non conuenit definitum, nec ipsa definitio: propterea quòd tametsi idem terminus in utraq; ponitur, ab eodem tamen in utraq; non sumitur argumentum. Vnde illarum duarum maximarũ altera à definitione, altera à definito ut nomen, ita differentiam accipit. Atq; id ipsum quidem est, quod Boethius his prope uerbis inuenire uisus est: Differentiæ (inquit) maximarum propositionum idcirco dictæ sunt, quod cùm plurimæ sint propositiones, quæ maximæ uocantur, per has illæ ueluti differre inter se dignoscuntur: ut cùm ex quibus terminis maximæ propositiones constituentur, per ipsas nomine expresso indicantur. Itaque non in eo quòd maximæ sunt, inter se differunt, sed in eo quòd hic à definitione, ille à definito: & hic rursus à genere, aut à toto locus dictus sit. Præterea si maximæ propositiones loci argumentorum sunt, & differentias maximarum locos esse necesse est. At de his quidem hætenus. Nunc propositum prosequamur, hoc est, rem ipsam, quam quærimus, aggrediamur.

R A I I A N V S.

Ex his igitur) Propositio maxima per similitudinem sic dicta uidetur: ut enim maior propositio in syllogismo dicitur, in qua est ueluti firmamentum totius syllogismi, & cui minor inest: sic hæc dicitur maxima propositio, ex qua plurima depromi possunt ad varias quæstiones probandas.

Cuiusmodi est) Est igitur hæc maxima propositio. A quocunq; finitio remouetur, ab eodem finitum. & Cui genus non conuenit, nec species. Locus uerò quia est, differentia maximæ est: ut cùm dicimus, Locus est à finitione à genere, à specie. Est enim

A locus

locus differentia maximæ, qua vnam maximam ab alia separamus.

GLAREANVS.

Quid sit locus maxima) In propositionibus secundum naturam rerum ita est, vt vna sit minor, alia maior. Contingit igitur, vt aliqua sit maxima. Item, cum vna sit dubitabilis, altera indubitabilis erit. Maxima igitur est, quæ maximè vniuersalis, indubitata, ac notissima. Verum quoniam hæ maximæ innumerabiles sunt, considerandum quo pacto has discriminemus, & eam multitudinem in paucas ac vniuersales colligamus differentias: ita vt alias maximas dicamus in definitione consistere, alias in genere, alias in causa, in toto, alias alio modo. Vt igitur maximæ aliarum propositionum loci dicuntur, quia eas intra ambitum suum continent: ita ipsæ quoque differentia illarum maximarum loci dici possunt, quod in ipsas maximæ velut in quasdam classes reducantur. Est autem elegans exemplum in Grammaticis, vt noscatur differentia inter locum maxima, & differentia maximæ. Omnis dictio est pars orationis. quod si quis omnes dictiones requirere velit, cum sint infinitæ, incassum laborarit, nisi in ordinem aliquem digesserit, videlicet vt sit inter eas differentia aliqua, Itaq; Donatus in octo differentias, siue classes, omnes dictiones conclusit, quas vocauit orationis partes, Nomen, Pronomen, Verbum, Aduerbum, Participium, &c. Dictiones igitur sunt velut maximæ: orationis autem octo partes velut differentia maximæ,

Quo

Quo pacto loci differentiarum maximarum diuidantur.

Restat igitur, ut posthabita locorum maximarum diuisione, eos deinde subdiuidamus locos, qui maximarum differentiae dicti sunt: idque ob eam in primis commoditatem, quod hi illis pauciores sint, quippe qui eos contineant ut uniuersaliores. Vnde & per hos facilius transitus fiet, attestante id ipsum Aristotele in Topicis libro undecimo. Accedit, quod ex horum diuisionem, quam quaerimus, citius assequi poterimus. Sit autem diuisio huiusmodi: Locorum, qui maximarum differentiae dicti sunt, alij ab his dicuntur terminis, hoc est, nomen accipiunt, qui in quaestione positi sunt: alij extrinsecus sumuntur, alij inter hos medij sunt. Sed illud nunc animaduertendum hic est, quod cum dicitur, ab his terminis, qui in quaestione positi sunt, id cum primis intelligendum est ab altero illorum. Nam cum duo sint unaqualibet proposita quaestione termini, subiectus unus, & praedicatus alter: ab horum altero locus differentiae maximae nomen accepit. Vt sit proposita quaestio, Estne concha animal? in hac duo sunt termini, animal & concha. Dubitatur autem, utrum animal de concha praedicetur. Tertius proinde restat inueniendus, qui illos duos connectat, atque id quod propositum est, ita esse confirmet: unde & medium appellatur, & ratio, & argumentum. Hinc iam tertius ille terminus ab altero illorum nomen accipiet, utpote quod ad eum sit aut ut definitio, aut ut definitum, aut ut genus, aut ut totum, aut ut causa, aut quomodocumque aliter. Vt sit, exempli causa, tertius iste terminus, animalis definitio, quae est substantia animata sensibilis. Tunc sic ar-

gumentor: Concha est substantia animata sensibilis, igitur concha est animal, quod nimirum iam antea dubitari poterat: cuius dubitationis scrupulus hinc pendere uidetur, quòd conchæ nec uideant, nec ullum aliũ sensum habeant, quàm cibi & periculi, hoc est, gustus & tactus, authoribus Aristotele & Plinio. Ergo qui tertius accessit terminus, & à definitione alterius è duobus, ueluti è loco aliquo eductus, hunc scrupulum sustulit: factusq; est illius argumentationis probatio & argumentum, cuius deinde maxima superueniens propositio (quæ quidem est: De quocunque prædicatur definitio, & definitum) omnem tollit dubitationem ambiguitatemq;: si fortè interim dubitabatur adhuc, quænam sit ipsius definitionis ad definitum habitudo.

R A I I A N V S.

Restat igitur) Proposita diuisione locorum maximarum, redit ad diuisionem eorum locorum, qui differentiarum maximarum dicti sunt.

Quòd hi illis pauciores sint) Omnia vniuersaliora sunt pauciora: loci qui differentiarum maximarum, sunt vniuersaliores: ergo sunt pauciores ipsis maximis. Ratio hæc est Boethij libr. 2. differentiarum Topicarum.


Locorum) Hæc diuisio locorũ est Themistij, cuius Boethius refert sententiam libro 3. differentiarum Topicarum. Aristoteles verò libro 1. Rhetoricorum, locos in artificiales & inartificiales partitionitur. Quam partitionem Aristot. Cicero libro 2. de Oratore ad Quintum fratrem, Quintilianus lib. 5. imitati sunt. Loci mediij à Themistio constituti facile ad internos reduci possunt: cui sententiæ Rodolphus

phus 4. cap. 1. libri subscribit.

Authoribus Aristotele & Plinio) Gustus & tactus sunt sensus necessarij omni animali: ceteri videntur ornamenta quædam. Author Aristoteles ultimo cap. 3. lib. de Anima. Plinius in eam rem libro decimo cap. decimo sept. scribit: Tactus sensus omnibus est etiam quibus nullus alius. Nam & ostreis & terrestribus vermibus quoq; Aestimauerim omnibus sensum & gustatus esse: cur enim alios alia sapores appetunt? in quo est præcipua naturæ architectio. Hactenus Plinius.

GLAREANVS.

Sed illud nunc animaduertend.) Nostri Dialectici diuidunt locum per internum, externum, & medium. Internum vocant, quando argumentum sumitur ab his, quæ sunt de substantia rei: vel quando terminus inferens est in termino illato, secundum aliquem modum esse in. De quibus tractatu 2. cap. 4. Externam vocant, quando sumitur argumentum ab his, quæ omnino separata sunt à substantia rei: aut quando terminus inferens non est in termino illato, secundum aliquem modum esse in. Locum medium vocant, quando argumentum sumitur ab his, quæ partim conueniunt cum terminis in questione positis, & partim differunt ab eis: vel quum terminus inferens & illatus medio modo se habet, sic, quod aliquo modo idem sunt, aliquo modo non idem.



De tribus locis, qui à substantia dicuntur.

TErminorum porrò, qui in quæstione ponuntur, alij substantiâ rei indicant, alij ipsam consequuntur substantiam. Substantiam rei indicant, siue à substantia termini dicti sunt, quicunque in definitione uel sola consistunt. Definitio quippe est, quæ substantiam rei monstrat, indicatq;. Sed id iam exemplo patefaciamus. Agè igitur, queratur an arbor sit animal, fiatq; huiusmodi argumentatio: Animal est substantia animata sensibilis: arbor autem substantia animata sensibilis non est: non est igitur arbor animal. Locus quidem differentia maxime, à definitione. Locus uerò maxima, Cuicunque definitio non conuenit, nec definitum. Præterea autem, & quoties à descriptione argumentum ducitur, Locus à substantia dici potest. Nam ut definitio substantiam rei monstrat per genus & differentias, ita descriptio eiusdem intelligentiam claudit quibusdam accidentibus, unam proprietatem, quæ rei conueniat, efficientibus, uel substantialibus differentiis præter conueniens genus aggregatis. Quod quidem tum maxime contingit, cum prima genera describuntur. Huius tale sit exemplum: Albedo nullis subiacet accidentibus, ergo albedo substantia non est. Etenim substantia est, quæ omnibus subiacet accidentibus. Locus quidem differentia maxime, à descriptione. Locus uerò maxima, Cuicunq; non conuenit descriptio, nec descriptum. Præter hos duos à substantia locos, tertius est, qui à nominis interpretatione dicitur, quem Marc. Cicero Notationem, Aristoteles Symbolum uocat, illis haud multum absimilis. Siquidem interpretatio nominis, eius rei quæ

nomine ipso significatur, quædam quasidesignatio est. Ab hac argumentum ducitur, si quærat: Vtrum Philosophiæ studendum sit. Ad quod probandum talis instituitur syllogismus: Philosophia amor sapientiæ est: at qui sapientiæ esse studendum nemo dubitat: Philosophiæ igitur studendum est. Locus quidem differentia maximæ, ab interpretatione. Locus uerò maxima, Cui nominis interpretatio conuenit, & ipsum nomen, cuius interpretatio facta est. Sanè hoc loco rectè uti possunt ij, qui linguarum imperiti non sunt. Siquidem interpretari nihil aliud est, quàm linguam unam per aliam exponere. Fit tamen & in eadem nonnunquam lingua: ut locuples dicitur, qui locis abundat, hoc est, prædijs & possessionibus. Cauendum autem ne temerè quicquam interpretemur, quemadmodum ij solent, qui nullius propè linguæ satagunt. Quo fit, ut ijdem dictum lapidem esse interpretentur, quòd pedem, lædat: & petram, quòd pedibus quasi trita sit: cum utrunq; Græcam originem habeat, id quod Laurentius Valla quoque attestatur. Insuper & alia pleraque ad eundem interpretantur modum, ridiculè uidelicet magis, quàm scitè. Neque uerò nominis interpretatio ob id dicenda non est, si ad uiuum (quod dicitur) non reddiderit id quod interpretandum proponitur, ut cælum, quod (ut Varro interpretatur) quasi cælatum dictum est. Nec item refert, si non rei cui attribuitur, omni ex parte conueniat, ut Philippus, quod nomen interpretatur, amator equorum. Quid si non omnibus conueniat, qui hoc nomine uocentur? dummodo tamen illi conueniebat, cui primùm impositum est, patri fortassis Alexandri Magni. Ex quo frustrà mihi laborare uidentur hi, qui duplicem nominis interpretationem inducunt. Vnam quid

quidem, quæ cum interpretato conuertatur: alteram uerò, quæ conuertibilis non sit. At nunc illud potius scire debemus, quod per dictos locos uariè argumentari possimus, nunc subiiciendo, nunc prædicando eundem terminum, atque ipsum etiã de aliquo nunc construendo, nunc destruendo. Tum & cōuerso ordine totidem modis, uerbi gratia, à definito, à descripto, ab interpretato nomine: simulq; & maximas ipsas toties uariare: id quod studiosus huius artis facile ex seipso intelliget, alioqui inutilis prorsus, qui huic studio addicatur. Sed iam ad reliquos huius diuisionis locos transeundum esset, nisi illud succurreret prius admonendum, quod ut à definitione ad definitum, à descriptione ad descriptum, & à nominis interpretatione ad interpretatum firma est & perpetua consequendi ratio: ita & à proprio, ad id cuius est propriū, & contrà: ut si quid risibile est, idem homo est. Hinc & equus mansuescere posse probatur, cū animal sit disciplinæ capax, iuxta illud Horatij: Fingit equum tenera docilem ceruice magister. Ire uiam, quā monstrat eques. Locus quidem differentia maximæ, à proprio. Locus uerò maxima, Sicui proprium alicuius rei conuenit, & id cuius est proprium.

RAIIANVS.

Terminorum porrò.) Locorum qui sumuntur à terminis positis in quæstione, alij sumuntur à substantia, alij à concomitantibus substantiam. Locus à substantia dicitur, quando sumitur argumentum ab his, quæ sunt de substantia rei de qua quæritur, cuiusmodi est genus, species, differentia. Finitio autem est tota rei substantia. A concomitantibus substantiam sumitur argumentum, quando ducitur ar-

A S gumentum

gumentum ab aliquo, quod eius rei de qua quaeritur, comitatur substantiam.

Huius tale.) Hoc Enthymema sic in syllogismū coniicitur: Omnis substantia accidentibus substat, nulla albedo accidentibus substat, ergo nulla albedo est substantia.

Ad quod probandum.) Hic locus sic in formam syllogismi reducitur: Omni amor sapientiæ est studendum, philosophia est amor sapientiæ, ergo philosophiæ est studendum.

At nunc illud.) Ab his tribus locis, finitione, descriptione, interpretatione nominis quatuor modis argumentari possumus, duobus affirmatiuè ex parte subiecti, & prædicati: & ab iisdem terminis totidem negatiuè.

De his locis, qui terminorum substantiam consequuntur.

His ita præmonitis, eos iam aggrediamur locos, qui terminorum substantiam cōsequuntur. Horum sanè multifaria diuisio est. Siquidem plura sunt, quæ singularibus substantijs adherescunt. Ex his igitur alij à toto dicuntur, alij à partibus, alij à causis, alij ab effectibus, siue ut Cicero ait, ab effectis, nonnulli à generatione, & à corruptione, & alij item ab usibus, quidam etiam à communiter accidentibus. Sed ex his omnibus, primus exponendus uenit, qui à toto dictus est: quod ut commodius fiat, quorū modis ipsum totum dicatur, subiicere oportet. Dicitur autem totum duobus modis: Aut enim ut genus, quod & totum uniuersale dicitur: aut ut id, quod ex partibus integratur. A toto igitur, quod & genus est, argumentum
duci

ducitur, ut si queratur, An iustitia sit bona, fiatq; syllogismus hoc modo: Omnis uirtus est bona, iustitia autē uirtus est, iustitia igitur bona est. Locus quidē differentia maxima, à toto, hoc est, à genere. Locus uerò maxima, Quæ generi adsunt, & speciei. Rursus sit questio, an humanæ res prouidentia regantur. Dicimus ergo sic: Mundus prouidentia regitur, humanæ autem res mundi partes sunt, humanæ igitur res prouidentia reguntur. Locus quidem differentia maximæ, à toto, id est, ab integro, quod partibus constat. Locus uerò maxima, Quod toti conuenit, & partibus. Porro ut à toto, tum hoc, tum illo argumenta ducuntur, ita & contrà ab utriusque partibus duci possunt. Itaque à partibus totius, quod genus est, argumentum ducitur, ut si queratur: An uirtus sit mentis bene compositæ habitus, & fiat syllogismus hoc pacto: Iustitia, fortitudo, temperantia, atque prudentia habitus sunt mentis bene compositæ: & hæc quatuor uni uirtuti uelut generi subiunguntur: uirtus igitur mentis bene compositæ habitus est. Locus quidem differentia maximæ, à partibus totius siue generis. Locus uerò maxima, Quod singulis inest partibus, id toti inesse necesse est. A partibus autem, quæ integri partes esse dicuntur, argumentum ducitur, ut sit hæc questio: Est ne Rhetorica utilis? Dicimus hoc modo: Inuentio utilis est, & dispositio, & elocutio, & memoria, item & pronuntiatio: & hæc quinque: Rhetoricæ partes sunt, ut ex quibus ipsa integratur: Rhetorica igitur utilis est. Tum uerò & per destructionem argumentatio procedit, ut si querat quispiā, num hic, quem seruum esse constituerit, liber sit. Hunc si quis non esse liberum monstrare uelit, hic dicet: Si neque censu, neque uindicta, neque testamento liber factus est, liber non est: At nulla earū par-

teliber

te liber factus est: non est igitur liber. Locus quidem differentia maximæ, à partibus, siue (ut Ciceroni placet) à partium enumeratione. Locus uerò maxima, Si omnes partes à re qualibet abiunctæ fuerint, & totum necessario abiungetur.

RAIANVS.

His ita præmonitis.) Explicat hoc capite locos quosdam, qui substantiam eius rei de qua quæritur, consequuntur.

A toto igitur.) A toto vniuersali affirmatiuè colligimus, quando ipsum totum cum nota vniuersali sumitur: vt, Traianus omnibus virtutibus præditus fuit, ergo etiam iustitia.

Quæ generi.) Quæ generi insunt, etiam alicui formarum conueniunt. Videndus est Aristot. 2. cap. 2. lib. Topicorum.

De alijs quibusdam modis totius.

SVnt præterea ab his duobus modis alij modi totius. Nanque & totum dicitur in quantitate, & totum in modo, & totum in tempore, & totum in loco. Quorum tamen duos posteriores sub toto in quantitate comprehendere plane licet: horum uerò partes sunt, quæ sub ipsis particulariter sumuntur. Totum ergo in quantitate est, cum vniuersaliter quicquam dicitur: ut est, omne animal, cuius partes sunt homo, leo, bos, & aliud quoduis animal. Totum in modo dicitur, cum simpliciter aliquid proponitur, ut homo, aut ambulat. Pars uerò in modo est, quoties idem cum adiectione aliqua proponitur, ut homo literatus, aut ambulat pedetentim. Totum in tempore est, ut cum dicimus, semper: cuius partes sunt, nunc, hodie, aliquando. Totum in loco, ut cum dicimus, ubique: cuius partes sunt, hic,

hic, alicubi, Romæ. At horum omnium nunc exempla subi-
 ciantur. Igitur à toto ad partem secundum quantitatem
 exemplum sit: Si in omnibus est uerus uates Apollo, & in
 hoc uerus esse perhibetur, quod dixit: Aio te Acacida
 Romanos uincere posse. A toto autem ad partem secundum
 tempus, ut si Deus semper est, & nunc est. Rursus à toto
 ad partem secundum locum, ut si ubique Deus est, & hic
 est. Ceterum in his haudquaquam id consequens est, si à
 parte ad totum argumentum ducitur, nisi per negationem
 siue destructionem: ut non est hic, ergo nec ubique est. At
 uerò à parte secundum modum utique recte argumentatio
 procedit, licet non contrà: ut, si quoquo modo mouetur
 Deus, & simpliciter mouetur: irascitur autem Deus, ergo
 mouetur. & si quis pedetentim ambulat, & simpliciter
 ambulat. Talibus fere exemplis tum hic, tum alibi per hunc
 tractatum, si cui id magis libeat, uti omnino potest, ut à
 toto uniuersali, siue à genere ad species, siue partes. per
 destructionem quidem, ut si non est animal, quod eminus
 uidetur, ergo nec homo est, nec equus. per constructionem
 uerò, ut homo est, aut equus: ergo animal. Sic & à toto,
 quod partibus, integratur, ad ipsas partes per constructio-
 nem quidem: ut domus est, ergo tectum est, & parietes, &
 fundamentum. Per destructionem uerò, ut si non est pa-
 rietes, aut tectum, aut fundamentum, neque domus est.

R A I I A N V S.

Sunt præterea.) Totum in quantitate hoc loco
 dicitur quilibet terminus communis cum nota uni-
 uersali sumptus. Totum uerò uniuersale est termi-
 nus communis sine nota uniuersali sumptus, ut iu-
 stitia est totum uniuersale, omnis iustitia est totum
 in

in quantitate. Ab utroque termino eodem modo argumentamur.

Cæterum in his.) A parte in loco ad totum validum est argumentum negatiue tantum, ut in cælo non sunt mala, ergo nec ubique.

De locis qui à causis dicuntur.

A Causis loci dicuntur, uel ab efficiente, uel à materia Ali, uel à formali, uel à finali. Tot enim modis causa dicitur. Et efficiens quidem causa est, quæ principium motus præstat, ut aliquid fiat. Materia, quæ formas rerum subiecta suscipit. Forma autem, quæ cuiuslibet rei species est & ratio. Finis uerò, cuius gratia aliquid fit. Effectus porro, qui has sequitur. Ab efficiente igitur causa argumentum ducitur, ut si quis iustitiam naturalem esse ostendere uoluerit, & dicat hoc modo: Congregatio hominum naturalis est: homo quippe naturaliter ciuile animal est. Iustitiam uerò hominum fecit congregatio: Iustitia igitur naturalis est. Locus quidem differentia maximæ, à causa efficiente. Locus uerò maximæ, Quorum efficiens causa naturalis est, ipsa quoque naturalia sunt. A materiali uerò, ut si quis Mauros non habere arma contendat, idcirco quòd ferrum eis desit. Vel hoc modo: Ferrum non est, igitur gladius non est. Locus quidem differentia maximæ, à causa materiali. Locus uerò maximæ, Si non est causa materialis, neque ipsa, quæ ex ea conficiuntur, esse possunt. A formali autem: ut si quis probet Dædalum non potuisse uolare, quoniam nullas naturali forma pennas habuisset. Locus quidem differentia maximæ, à causa formali. Locus uerò maximæ, Tantum unumquodque potest, quantum forma eius naturalis permittit. A fine, siue à causa finali argumentum ducitur: ut sit propositum, an iusti-

itia bona sit, fiatq; hoc modo argumentum: Si beatum esse bonum est, & iustitia bona est. Hic est enim iustitiæ finis, ut si quis secundum iustitiam uiuat, ad beatitudinem perducatur. Locus quidem differentia maximæ, à fine siue à causa finali. Locus uerò maxima, Cuius finis bonus est, ipsum quoque bonum est.

RAIIANVS.

A causis.) Causa dicitur in vniuersum, ad cuius esse aliud sequitur. Causarum tractatio frequēs est, & apud Dialecticos & Physicos. Causæ pertinent ad philosophum naturalem, quatenus principia quædam sunt, & ad motum reducuntur. Ad dialecticum uerò, quatenus vel per eas finit, vel demonstrat, vel ab eis argumenta ducuntur.

Congregatio hominum naturalis est.) Hic locus sic ad syllogismum reducitur: Omnis congregatio hominum est naturalis: iustitia orta est ex congregatione: ergo iustitia est naturalis.

Tantum vnumquodque potest.) A causa formali metimur vniuscuiusque rei virtutem: ergo si forma non adfuerit, quæ requiritur ad talem operationē, & operatio aberit: vt calor est quædam forma accidentalis, qua mediante ignis calefacit, ergo si hæc cesseret etiam cessabit calor.

GLAREANVS.

De locis qui à causis dicuntur.) De quatuor causis etiam suprà dictum est, Tractatu 7. Cap. 13. Hic autem breuiter eas definit ex Boëthio lib. 2. de differentiis Topicis: deinde à singulis, vt argumenta ducantur, ostendit. Notantur autem quatuor causarū
prop

proprietates in his duobus maximè plebeiis uersiculis:

Ex, de, Materiam: notat à, vel ab, Efficientem:
Per, dat Formalem: sed propter, dat tibi Finem.
Nam ex efficiente nihil fit, sed ab efficiente: neque
ex fine, sed propter finem aliquid fit. ita nihil ex forma
propriè, sed per formam. Item, ex sola item materia
nihil fit, sed ex materia & forma.

Finis uerò, cuius gratia aliquid fit.) Finalis causa
prima est in mouendo, & vltima in consequendo.
Efficiens prima est in exequendo, Materialis in sub-
ministrando, Formalis autem in perficiendo.

*De locis, qui ab effectibus dicuntur, &
item à generatione & cor-
ruptione.*

AB effectibus quoque harum argumenta ducuntur.
Verum ad hoc ipsum scire oportet, duplicem esse cuiuslibet effectus causam: necessariam, ut sine qua effectus
esse non potest: & sufficientem, quæ certè huiusmodi est,
ut si adsit, impossibile sit effectum non esse. Itaque ab effect
tu ad causam necessariam ita argumentari possumus per
constructionem: Gladius est, ergo ferrum est: & domus
est, ergo intritum est, & lapides, & ligna. Locus quidem
max. ab effectū ad causam necessariam. Locus uerò ma-
xima, Posito effectū, ponitur & eius necessaria causa.
Rursus ab effectū ad causam sufficientem per destructio-
nem potius quàm per constructionem, quando construendo
argumentationem non semper euenit, quod inferre
uolumus. Vnde non rectè sequitur: Hic interiit, ergo iugu-
latus est. Siquidem id euenire posset alio quouis casu, aut
lethali morbo correpto alicui. Destruendo tamen ratum
est quod

est quod infertur: ut, non interijt, ergo iugulatus non est. Item, lumen solis non est, ergo eius lux non est. Propterea scire debemus, quod ex ipsis causis latior patet argumentandi campus, authore Hegio. Itaque ab efficiente quidem causa arguere possumus statuam commendabilem esse, quia Phidias eam fecerit, aut Polycletus, aut Praxiteles. Hinc illud Ouidij. Materiam superabat opus. A materia uero res pretiosas aut uiles esse, quippe quod tela serica pretiosior sit lanea, & lanea item linea. Et iuxta Horatij sententiam: Vilius argentum est auro. Hinc etiam scientia de anima honorabilior ab Aristotele dicta est cetera quauis de natura parte. A forma autem res extare, & item dignas, & minus dignas esse: ut hominum, quod rationale animal sit, digniorem quolibet animali. A fine, res bonas siue utiles: ut exempli causa, liberales artes, quod bonos & utiles habeant fines. Ceterum qui ab effectibus dictus est locus, hunc Boethius eundem esse dicit cum loco à generationibus. Sed nos eos seiunximus, quod generatio uidelicet non sit, quæ ad causas ipsas sequatur, cuiusmodi tamen effectus definitur: sed quæ potius uia quædam sit ad effectus producendos: quemadmodum corruptio ad eorum desitionem. Atqui horum speculatio alium postulat locum. A generatione igitur argumentum ducitur hoc modo: Assuefactio ad uirtutem bona est, igitur uirtus bona est, Lo. qu. diff. max. à generatione. Lo. ue. max. Cuius generatio bona est, ipsum quoque bonum est. A corruptione uero: ut desuefactio à uitio bona est, igitur uitium malum est. Loc. qu. diff. ma. à corruptione. Locus uero max. Cuius corruptio bona est, ipsum quod corrumpitur, siue quod corruptum est, malum est. Sane sciendum, quod quoties ab hoc loco argumentamur, prædicatum consequentis

contrarium seu oppositum esse debet prædicato antecedentis. Quod tamen non ita euenit in loco à generatione, ob eam fortassis causam, quòd per hanc aliquid acquiratur, per illam autem deperdatur acquisitum. Etenim ut generatio rei productio est ita corruptio eiusdem abolitio.

RAIANVS.

Ab effectibus) Diuisio quam hoc loco Cæsarius proponit, est apud Aristot. 3. lib. Auscultatoriorum. Est autem causa necessaria, vel vt loquitur Aristot. actus, quam necessariò sequitur effectus, vt ex arbore bona fructum ferente, necessariò bonus sequitur fructus. Alia ex causa sufficiens, non tamen necessaria, quæ impellit & adiuuat ad effectum consequendum, vt colloquium respectu amoris.

Hic interijt) Sic iugulare est causa sufficiens interitus, non tamen necessaria.

Atqui horum) in his duobus locis à generatione, & corruptione argumentationes componuntur prædicatis euariatis secundum has voces, bonum & malum, A generatione sic: generatio domus bona est, ergo domus est bona. Generatio Catilinæ pernitiola fuit, ergo Catilina pernitosus. At in loco à corruptione diuersum sumitur prædicatum in antecedente & consequente: vt domicilia latronum funditus euertere bonum est, ergo ipsa domicilia mala sunt. Aristotel, in Topicis sæpè hos locos inculcat.

GLAREANVS.

De locis qui ab effectibus dicuntur, &c) Valde generalia hîc colligit exempla: nempe quòd hæc
argu

argumenta , vt diximus , etiam à causis nonnunquam debilia videntur, quibus tamen oratores, quales sunt dexteritate, optimè vti possunt, sed circumstantijs alijs additis ad singulas propè causas & effectus.

*De locis, qui ab usibus & communiter
accidentibus discuntur.*

VSum definiunt rei cuiusque operationem , at minùs propriè. Quàdoquidem multarum rerum usus aliquis esse probatur , quarum tamen nulla est operatio , ut librorum quidem est aliquis , nulla autem operatio : & agri item , & gladij. Itaq; rectiùs definitur , cuiusque rei functio. In quibusdam tamen coincidunt usus & operatio , ut visio oculi usus eius est , & functio & operatio pariter. Sed & illud hìc cauendum moneo, ne abusum pro usu usurpemus , ut hi faciunt, qui ita argumentantur . Interficere hominem malum est, igitur gladius malus est: quando certè in hoc non usus gladij est , sed abusus. Quippe ad propulsandam potiùs iniuriam , non ad inferendam gladius factus est. Vnde illud Diui Pauli ad Romanos cap. 13. Non frustra gladium gestatis , qui in Republic. potestate fungitur. Dei enim minister est vindex ad iram ei qui malè agit. Ab usibus igitur , siue ab usu argumentum ducitur, si ita argumentetur quispiam : Equitare bonum est, igitur equus bonus est. Locus quidem differentia maximæ, ab usibus, siue ab usu. Locus uerò maxima, Cuius usus bonus est , ipsum quoq; bonum est. Communiter accidentia, ut hoc loco accipiuntur , sunt quæ sese comitantur, idq; uel semper uel plurimùm. Ab his igitur argumenta ducuntur , quoties ea sumuntur accidentia , quæ

relinquere subiectum uel non possunt, uel non solent; ut si quis hoc modo dicat: Sapientem non poenitet, poenitentia enim malum factum sequitur, Quod quia in sapientem non cadit, ne poenitentia quidem. Loc. q. d. m. à communiter accidentibus. Locus uerò maxima, Cui non inest aliquid, ei nec illud quod illius est consequens, inesse potest. Rursus & hoc modo secundum affirmationem: Pluit, ergo uapores in sublime leuati sunt. Vnde nec illud iam prætereundum est, quòd aliquoties quæ naturaliter priora sunt, in propositione tamen sunt consequentia: ut Peperit, igitur cum uiro concubuit. Quocirca non rectè ita proponitur: Inimicitia sunt, igitur bellum est. Sed è contrario potius: Bellum est, igitur inimicitia sunt. Nam ut ludum plerunque comitatur certamen & ira, ita ex ira inimicitia sæpe oriuntur, & ex his funebre bellum. id quod ab Horatio elegantissime adnotatum est tertia ad Mecænatem epistola: Ludus enim genuit trepidum certamen & iram: Ira truces inimicitias, & funebre bellum. Aliquoties uerò quæ naturaliter antecedunt, ea & in propositione priora sunt: ut arrogans est, ergo odiosus est, Ex arrogantia enim quisque fit odiosus. Tale est & illud, quod Anselmus inter mediij ordinis theologos (nisi iudicio fallor) collocandus, in libro de casu diaboli adnotauit his uerbis: Aliud est, inquit, rem aliquam causam esse alterius rei: aliud positionem rei causam esse, ut aliud sequatur. Nam cum incendium non sit causa ignis è diuerso incendiij positio tamen incendiij causa est ut ignem esse sequatur.

R A I I A N V S.

Vsum definiunt) Vsus, ut inter locos numeratur,
nihil

nihil aliud est, quàm actus ipse vtēdi, siue operatio siue functio vocetur.

Sed & illud) Dicitur argumentum ab usu, quando ab ipsa rei bonitate vel malitia colligimus. Nā ex hoc loco sumitur maxima per contrariam, Cuius usus malus est, ipsum malum est: & cuius usus bonus est, ipsum bonum est.

Communiter accidentia) Hæc sunt quæ ὡς ἀνθρώπου τὸ πλεον, hoc est, frequenter eueniunt: vt comptus est, ergo amat. philosophus est, ergo suum negotium agit, & hominum conspectum fugit.

Rursus & hoc modo) Est enim pluuia vapor calidus, fumosus, eleuatus à corporibus humidis per calorem solis vsque ad mediam aëris regionem, à cuius frigore condensatur, & in nubem conuertitur, quæ nubes rursus in aquam dissoluitur.

GLAREANVS.

De locis qui ab vsibus, &c.) Usus duę definitiones sunt. Prior est Petri Hispani, quam reijcit, & aliam subiicit: deinde monet, ne abusum pro usu vsurpemus. Atqui Petrus Hispanus accepit operationem largè: cū verbalia in io significant actiue, passiue, & neutraliter. Ergo operatio pro functione optimè capi potest: non ergo est reijcienda Petri Hispani definitio.

Interficere hominem malum est) Non est aliud magis consuetum vulgò, quàm abusum accipere pro usu: & inde etiam sæpè argumenta fiunt vulgò pessima. vt, Inebriari malum est, ergo vinum malum est. Item, Multi Græcè docti sunt hæretici, ergo lingua Græca non est discenda. Multi per tortionē

iuris innoxios opprimunt, ergo iura sunt mala. Item Medici sæpe occidunt homines, ergo medicina est mala. Multi mali Poetæ impuris carminibus corrumpunt iuuetutem, ergo Poësis mala est. Multi oratione splendida bonos viros lædunt, ergo Oratoria vituperanda est. Item. Sacerdotes multi sunt impuri, ergo cœlibatus est malus. Quin illi ita argumentantur: Incendere domum est malum, ergo ignis est malus. Item, Multi in matrimonio constituti sunt mœchi & adulteri, ergo matrimonium malum est. In his omnibus est fallacia à dicto secundum quid, ad dictum simpliciter.

*De locis, qui extrinsecus sumuntur,
qui & quot sint.*

EXpositis locis, quod ab ipsis terminis in quaestione positis sumuntur, restant dehinc exponendi, qui licet extrinsecus sumpti, argumenta tamen quaestionibus supeditant. Hi uerò sunt, à rei iudicio siue ab authoritate, à similibus, à partibus, à proportionem, à maiore, à minore, ab oppositis, à repugnantibus, à transsumptione, & à transmutata proportionem.

R A I I A N V S.

Expositis locis) Extrinseci loci dicuntur, quando sumitur argumentum ab his, quæ sunt omnino separata à substantia rei de qua quaeritur: ut, liberalitas est virtus, ergo non est vitium.

*De loco ab authoritate siue à
rei iudicio.*

LOcus qui rei iudicium tenet, siue ab authoritate dicitur, huiusmodi est: ut si dicamus id esse, quod uel

omnes

omnes iudicant, uel plures, & hi uel sapientes, uel in unaquaque artium penitus eruditi. Huius exemplum est, præter firmamentum esse planetarum orbes septem: quoniam id ita astrologi doctissimi, & in astrologia sapientes penitusq; eruditi iudicarint. Locus quidem differentia maxima, ab authoritate, siue à rei iudicio. Locus uerò maxima, Quod omnibus uel pluribus, uel sapientibus hominibus uidetur, ei contradicere non oportet. Huic & illa astipulatur maxima, Vnicuiq; in sua arte perito credendum est. Sanè hic locus & si per alias quoque complures disciplinas usum suum præstat, in duabus tamen id præcipuè spectatur, obseruaturq;. Vna quidem, quæ ueluti cæterarum artium fundamentum quoddam est, ac per hoc omnium infima, quippe literas docens, unde & nomē habet, à Græcis *γραμματική* dicta: altera uerò, quæ quoniam circa diuinos uersatur sermones, Theologiæ nomen ab illis accepit. Hinc etiam disciplinarum omnium suprema existit, & tanquam aliarum regina haberi debet. Verum ut illius authoritas in primis apud Poetas est atq; Historicos, cæterosq; idoneos atq; probatos scriptores: ita huius authoritas ex nouo & ueteri Testamento petenda est. Porro cū duplex sit authoritas, humana atque diuina: scire debemus, quòd humana plerunq; uacillat, diuina semper firma manet. Humanæ igitur contrariuēire interdum licet, diuinæ nunquam: illa sæpè rationibus fulcitur, hæc rationibus nullis indiget, sibi sufficientissima. Ergo cū in humanis disciplinis aliquis instituendus est, is (ut Aurelij Augustini & uerbis & sententiatur) duplici uia ducitur, authoritate & ratione. Et tempore quidem authoritas, natura uerò ratio prior est. Itaque quamuis imperitis adhuc authoritas uideatur esse

accommodatior (oportet enim, ut Aristoteles ait, addiscentem credere) ratio tamen apertior est eruditis. Auctoritas igitur imperitis adhuc ianuam quodam modo aperit doctrinarum, & discentem ducit. Ratio autem eundem iam eruditum pressis uestigijs hæere facit, & omnia intromissa luce commonstrat.

RAIIANVS.

Locus qui) Locus ab auctoritate illis maximè nititur, quæ in finitione probabili explicantur: est enim probabile, vt Aristoteles primo capite primi libri Topicorum finit, quod vel omnibus, vel pluribus, vel sapientibus, & his vel omnibus, vel pluribus, vel maximè notis videtur.

Vna quidem.) Grammatica minimùm ratione, plurimùm vsu, tota auctoritate constat.

Porro) Humana auctoritas est, cuius prima origo à nobis est: vt syngraphum, instrumentum. Diuina, quæ vel Dei vel numinis voce profertur. Videndus est Cicero initio partitionum Oratoriarum, & Rodolphus Agricola vicesimo tertio capite primi libri.

Alterà verò) Plus valet auctoritas in sacrosancta Theologia, quàm ratio: quia circa arduas res, & à sensibus remotas versatur, in quibus ratio humana nutat.

GLAREANVS.

De loco ab auctoritate) Notandum, magnam esse contentionem de hoc loco apud eruditos, num negatiuè valeat. Vt si quis ita dicat, Euangelistæ hoc non dicunt, ergo non est. nam hoc terè est huius ætatis argumentum. Hoc igitur docet: Erasmi
opinio

opinio est, in his quæ ad salutis necessitatem pertinent, esse efficax argumentum: sed non huius loci, verum alterius, nempe loci à minore ad maius. Nā si Evangelistæ narrant multa, quæ non tantum videbantur ad animæ salutem pertinere, quantum quædam, de quibus disputamus: videbitur certum esse, nihil eos omisisse eorum, quæ pertinebant ad animæ salutem. Item, apud doctos frequens sermo est, Plinius non meminit, Aristoteles nihil dicit, obtinet Dionysius, cum alia tam diligenter descripserint, argumento hercle sunt, non esse vera illa, quæ illi omiserint. Talia sanè argumenta virtute loci à minore ad maius, satis probabiliter procedunt.

De locis à similibus, & à paribus.

Similia sunt, quibus eadem qualitas inesse perspicitur. Vnde & similitudo definitur, rerum differentium eadem qualitas. Atqui simile, ut hîc accipi videtur, sunt quæ ita definiant: simile est, quod eandem cum altero suæ veritatis probabilitatem habet. A similibus ergo siue à simili, hoc pacto argumentum ducitur: ut si dubitetur, an homini proprium sit bipedem esse, id ita probamus: Similiter inest equo quadrupedem esse, ut homini bipedem: at non est equo quadrupedem esse proprium: igitur nec homini esse bipedem. Locus quidem differentia maximæ, à similibus. Locus uerò maxima, De similibus idem est iudicium. Sanè hoc loco usus est Diuus Paulus: Si Christus (inquit) mortuus resurrexit, & nos mortui resurgemus. Vnde errare conuincuntur, qui hunc locum uno pede claudicare dicunt: quòd (ut aiunt) fallat plerunque adducta similitudo. Verum id quoties accidit, non iam à similitudine, sed

potius à dissimilitudine erroris sui causam habet. Quæ propter Quintilianus huic præcipue loco iudicium adhibendum monet: Solent enim (inquit) nos fallere plerunque similitudinum species, ideoque adhibendum est his iudicium. Huic loco haud dissimilis est locus, qui à paribus dicitur. Sunt autem paria, quæ eiusdem sunt quantitatis: & paritas ipsa quantitatis ueluti similitudo quædam est. Ab hoc argumentum fit, si ita proponatur: Si cui in animo est Demosthenem laudare, cur non & Tullium laudabit, cum alter alteri par sit? Nempe quātus in eadem persuadendi arte unus, tantus & alter. Locus quidem differentia maximæ, à paribus. Locus uerò maxima, Parium idem est iudicium.

R A T I A N U S.

Similia sunt.) Vt coruus & Aethiops dicuntur similia, quia eis eadem qualitas secundum speciem inest.

• Vnde errare.) Omnium locorum, è quibus argumenta ducuntur, nulli minus inest virium, quam loco à simili: parum contra renitentem valet aduersarium, plurimum ad illustrandā orationem. Vt apud Quintilianum: Quemadmodum vascula oris angustis sparsam humoris copiam respuunt, sensim autē instillantibus replentur: ita tenera puerorum ingenia pro modo virium suarum docenda sunt. Insuper in loco à simili hoc observandum est, sat esse similia in vno tantum consentire, non autem in omnibus. Vt: Quemadmodum oculus in corpore, ita mens in anima: in eo est similitudo, quia ut oculus est ornamentum corporis, ita mens animæ. Si quis autem ita ratiocinaretur: Vt oculus in corpore, ita

mens

mens in anima: sed oculus est corporeus, ergo mens est corporea: fallaci vteretur conclusione, quia in eo non consistit similitudo. Hanc rem totam paucis verbis Cicero in præceptis Herennianis libro quarto expressit: Non enim res tota toti rei necesse est similis sit: sed ad ipsum, ad quod confertur, similitudinem habeat oportet.

Si cui in animo.) De comparatione Demosthenis & Ciceronis videndus est Plutarchus.

GLAREANVS.

De locis similib. & à paribus.) Ex hac definitione sequitur, omnem similitudinem re ipsa esse dissimilium rerum. In hoc igitur loco oportet argumentari penes similia, in quantum similia: id est, penes prædicata illa, in quibus conueniunt res, non in quibus disconueniunt.

Vnde errare conuincuntur.) Nota, necesse est omnem similitudinem aliqua ex parte claudicare, nec posse dari similia vlla, in quibus non & aliquid dissimile dari queat. Nam nisi hoc esset, iam non essent similia sed eadem: hoc est, non esset similitudo, sed identitas.

De loco à proportionem.

Confinis porrò duobus illis quodammodo est, qui à proportionem locus dicitur. Nam ut similitudine res rei comparatur secundum qualitatem, & paritate secundum quantitatem: ita proportionem habitudo comparatur habitudini. Est enim proportio quedam habitudinis comparatio. A proportionem igitur argumentum ducitur, ut si queratur, an sorte eligendi sint in ciuitatibus magistratus: dicimus, minime: quia nec regedis nauibus sorte præficatur

ficitur gubernator. Locus quidem differentia maxima, à proportionem. Locus uerò maxima, Quod in unaquaque re euenit, id in eius proportionali euenire probabile est. Hoc loco Aristoteles usus est in Ethicis libro primo, cum ait: Vt oculus in capite, ita mens in anima. Sanè hic locus accommodari in primis iudiciis potest, necnon & negotiatoribus. Siquidem ut operatio ad operationem, ita merces ad mercedem: & ut meritum ad meritum, ita præmium ad præmium: & rursus, ut delictum ad delictum, ita pœna ad pœnam. Hæc enim omnia proportionalia sunt.

RAIIANVS.

Confinis porrò.) Locus à proportionem similis est duobus locis superioribus, à pari & à simili. Est igitur locus à proportionem vnius habitudinis ad alteram comparatio, hoc loco.

Aristoteles.) locus est apud Aristotelem sexto capite primi libri Ethicorum. Huius exempli in superiori capite à nobis facta est mentio.

Siquidem ut operatio.) Huius loci plenior explicatio ex libro quinto Ethicorum Aristotelis, cum de iustitia distributiva disputat, repetenda est.

GLAREANVS.

De loco à proportionem.) Boethius li. 2. de differentiis Topicis: Hic autem locus distat ab eo, qui à simili lib. dicitur. Ibi enim vna res vnicuique alij comparatur: In proportionem verò non est similitudo rerum, sed quædam habitudinis comparatio. Hæc ille. Petrus Hispanus autem ita discriminat: Quod in loco à simili sumitur comparatio secundum similitudinem inhaerentiae, in hoc verò loco secundum comparisonem habitudinis. Quidam addunt, quod in loco
à si

À simili vtamur verbo inest, in hoc autem loco vtamur verbo habet. Quidam etiam aiunt, similitudinem esse conuenientiam inter res cōuenientes specie, sed proportionem inter res conuenientes genere.

Sanè hic locus accommod.) Hoc etiam hīc cauendum, vt proportio non mutetur: videlicet Geometrica in Arithmeticam, siue illæ duæ in Musicam, siue harmonicam. Nam in hoc argumento, vt se habent quatuor ad sex: ita sex ad octo. De Arithmetica proportionem, vbi est æqualis excessus numerorū, est verum: at de Geometrica, vbi est aequalis habitudo proportionum, non est verum. Nam in prioribus est proportio sub sesqui altera, in posterioribus verò sub sesqui tertia.

De locis à maiore, & à minore.

MAius quod hīc dicitur, & item minus, hoc pacto definiiri possunt: Maius est, quod suæ ueritatis maiorem habet probabilitatem: è diuerso minus, quod minorē.

A maiore autem argumentum ducitur, si ita dicas: Non potest rex arcem aut urbem expugnare, ergo nec miles.

Item: Si non licuit Herodi habere uxorem uiri alieni, igitur neque fratris. Locus quidem differentia maximæ, à maiore. Locus uerò maxima, si id quod magis uidetur inesse, non inest, nec id quod minus uidetur inesse, inerit.

A minore uerò conuerso modo: ut, Si quilibet uel gregarius miles potest expugnare aut arcem, aut urbem: & Imperator. Item: Si Scipioni priuato licuit Caium Gracchū mediocriter Reipublicæ statum labefactantem interficere: quanto magis Consulibus licuit persequi, ac demum ultimo afficere supplicio Catilinam, terras cæde atq; incendio

dio uastantem? Item: Si fœræ diligunt partus suos: quānam in liberos nostros uti diligentia debemus? Locus quidem differentia maximæ, à minore. Locus uerò maxima, Si id quod minùs uidetur inesse, inest: & id quod magis uidebitur inesse, inerit. Hos locos Cicero & Quintilianus uocant à comparatione maiorum & minorum. A comparatione quidem maiorum: ut, Si quis sacrilegium aut peculatum committit, & furtum committet. A comparatione uerò minorum (qui tamen Oratoribus magis, quàm Philosophis usui est) ut: Qui facile palàm mentitur, idem & peierabit.

R A T I O N E S.

Maius quod hîc dicitur.) Horum locorum plena sunt omnia apud Dialecticos & Rhetores. Vnū hoc est dignum obseruatione, maius dici duobus modis. Primo secundum rem, & quantitatem: huius exemplum est apud Aristotelem primo Rhetoricorum: Hîc patrem interfecit, ergo quemuis alium interficere audebit. Hoc est argumentum à maiori, si rem spectemus: sed à minori, si probabilitatem. Secundo aliud est maius secundum probabilitatem, quod habet maiorem vel minorem suæ probabilitatis veritatem: ut, Imperator non potest par esse viribus Turcarum, ergo neque dux aut comes. Eodē modo distinguendum est minus. Ex qua distinctione facile est intelligere locum Ciceronis in Topicis, cū ait: Quod valet in maiore, valet in minore: & contrà. Quod enim valet in maiore negatiuè, etiam valet in minore. Si enim quod est difficilius & probabilius fieri non potest, ergo nec id quod est facilius, & minus probabile: ut, Si fines non regantur

tur in vrbe, nec aqua arceatur. Et quod valet in minori, valet in maiori affirmatiuè: vt, Aqua in vrbe arceatur, ergo fines regātur. Huius loci duo elementa Topica apud Aristotelem frequenter repetita sunt: Si id quod videtur magis inelle, non inlit: nec id quod videtur minus inelle, inperit. Et si id quod minus videtur inelle, inlit: & id quod magis, inperit.

Si Scipioni.) Hæc historia est apud Plutarchum in vita Gracchorum, & Valerium Maximum libro tertio, capite de fortitudine.

De loco, à transsumptione.

CAeterum qui à transsumptione locus dicitur, non is est, quem uulgus Dialecticorum esse putat, atque definit, quoties nomen magis notum transsumitur pro nomine minus noto. In qua tamen opinione & Boëthium esse deprehendo, uirum alioqui de arte Dialectica optimè meritum. Sed ut cum bona eius uenia dixerim, quandoque bonus dormitat Homerus: imò idem Poëta ait, Sæpè opere in longo fas est obrepere somnum. Itaque acutiùs atque subtiliùs hoc animaduertens Alexander Hegius, nostra ferè ætate apud Dauentriam, nobile profectò & præclarum Germaniæ oppidum, hæud incelebris gymnasiarcha, uir alioqui inter priscos Philosophos connumerandus, & post hunc Iacobus Faber Stapulensis, obseruandissimus quondam præceptor meus, cum Parrhisij Philosophiæ studijs operam nauarem, & ante hos Buridanus, homo certè ingenio felicior, quàm institutione, longè aliter hunc locum exponunt, atque exemplis insuper declarant: unde & ab his transsumptio definitur esse, quoties nomen metaphoricòs, hoc est, translatitiè sumptum, per proprium explicatur. Ab hoc autem argumentum ducitur,

tur, uerbi causa, si dicamus: Dialectica utilis est ad omnem methodum, igitur ad omnem scientiam utilis est. Locus quidem differentia maxima, à nominis transsumptione. Locus uerò maxima, Quicquid alicui conuenit sub nomine metaphoricòs sumpto, eidem conuenit & sub nomine propriè sumpto. Sanè hoc loco non Philosophi modo utuntur interdum, ceteriq; scriptores, sed & sacre literæ eo plenæ sunt, ac scatent propemodum: ut, Si leo rugiens fugiendus est, & Diabolus fugiendus est. Item, si Christus leo est, & rex est.

R A I I A N V S.

Cæterùm.) Huius loci triplex est vsus. Primus, quando thesim ad hypothesim transferimus: ut si quaeratur quid iustitia in omni re valeat, & ostendatur eam multum in Reip. administratione posse. Secundus, quando nomen notius sumitur pro ignotiore: ut sapiens pro philosopho. Tertius, quando nomen per metaphoram sumptum, per proprium explicatur: ut si quis pro ardere amore, vehementer amare dicat.

Ad omnem methodum.) Μέθοδος est breuis via: hinc per translationem significat dicendi compendium, & rationem rerum dicendarum.

Et rex est.) Nam leo animal est ferox, & omnium animalium generosissimum: & leones tantùm ex feris clementia utuntur in supplices: prostratis enim parcunt. Vide Plinium libro 8. cap. 16.

De locis ab oppositis, & à repugnancibus.

AB oppositis uerò toties argumenta ducuntur, quoties inter se aliqua opponi dicuntur. Opponuntur autem modis

modis quatuor. Aut enim contrariè, ut album, nigrum: aut priuatiuè, ut iustum, iniustum: aut relatiuè, ut dominus, seruus: aut contradictoriè, ut uidere, non uidere. At de his quidem in tractatu de prædicamentis satis (ut arbitror) dictum est. Itaque à contrarijs argumentum ducitur hoc modo: Si bona est sanitas, ægrotudo mala est. Vel si est aliquod animal sanum, idem ægrum non est. A priuatiuis: ut, Si iniustitia fugienda est, sequenda est iustitia. Vel, si quid uidens est, idem profectò non est cæcum. A relatiuis autem: ut, Quisquis pater est, filium habeat necesse est. Vel, si quis pater est alicuius, eius filius non est. Porro à contradictorijs: ut, Si quis est uidens, idem iam non est non uidens. Locus quidem differentia maximæ, ab oppositis. Locus uerò maxima, In contrarijs, priuatiuis, relatiuis, & contradictorijs opposita sibi conuenire non possunt. In relatiuis insuper alterum sine altero esse non potest. Præter hæc autem sunt & repugnantia, quæ à nonnullis disparata dicuntur. Repugnantia quidem, quòd licet nulla oppositione inter se aduersa sint, à se tamen adeò diuersa sunt, ut alterum de altero nequaquam prædicari possit: disparata uerò, quòd ueluti disparæ res res significant, Ab his igitur argumentum ducitur, ut si dicamus: Homo est, igitur lapis non est. Item: Si quid homo est, id neq; bos est, neq; equus, neq; aliorum quicquam, quod ab homine diuersum est. Locus quidem differentia maximæ, à repugnantibus, siue à disparatis. Locus uerò maxima, Quæ sibi repugnant, hæc neutiquam conuenire possunt.

R A I I A N V S.

Ab oppositis) Regula tradi solet, Ab affirmatio-

C ne

ne vnus oppositorum ad negationem alterius, ratio & explorata fidei est argumentum. Quam regulam ex inductione facile est probare.

A relatiuis) Aliud sunt relata, aliud relatiuè opposita. Dicuntur relata, quando sumuntur sine comparatione alicuius tertij, & sic mutuò se inferunt: vt, dominus est, ergo seruus est. Relata opposita dicuntur, quando conferuntur ad idem tertium, & sic affirmatio vnus infert negationem alterius: vt Anchises fuit pater Aeneæ, ergo non fuit eius filius.

GLAREANVS.

At de his quidem in tractatu) Contraria quædam sunt immediata: vt, sanum ægrum, par impar. Et in his valet argumentatio constructiuè & destructiuè ab antecedente: Hoc animal est sanum, ergo non ægrum. Hoc animal non est sanum, ergo est ægrum. Quædam sunt mediata: vt, album & nigrum. & in his argumentatio valet constructiuè, sed non destructiuè, nisi remoueas omnia media. Constructiuè sic: Corpus hoc album est, ergo non est nigrum. Destructiuè sic: Corpus non est album, nec villo medio colore coloratum. ergo non est nigrum. Cæterum hoc quoq; obseruandum, vt argumentum fiat respectu subiecti susceptibilis. Quare non valet, Lapis non est sanus, ergo est æger. Quod etiam in priuatiuè oppositis verum est. neq; enim valet argumentum: Lapis non est videns, ergo est cæcus. Porro relatiua aliquando inter se comparantur, quia sunt simul natura, & ab eis sumitur locus, qui vocatur à relatiuis, sed nullo prædicato. Constructiuè: vt, Pater est, ergo filius est. Destructiuè: Pater non est

est, ergo filius non est. Aliquando autem comparatur ad subiectum aliquod, cui non possunt simul inesse, respectu saltem eiusdem. Et sic sumitur ab eis locus à relatiuè oppositis, qui valet destructiuè à consequente: Philippus fuit pater Alexandri, ergo non fuit eius filius.

Præter hæc autem sunt & repugnantia) Notandum, si rectè argumentari volumus ab hoc loco, necesse est vt disparata ponantur in abstracto, non in concreto, quia concreta cōnotant subiectum. Vnde non valet, Hoc est album, ergo nō est dulce. Sed illud valet, Hoc est albedo, ergo non est dulcedo. Item. Disparata debent poni in prædicato, non in subiecto. Quare non valet, Homo est animal ergo asinus non est animal.

De loco à transmutata proportionē.

A Discitur à quibusdam præter prædictos locos, qui extrinsecus sumuntur, locus à transmutata proportionē dictus. Is autem huiusmodi est, ut si ita dicamus: Sicut octo ad quatuor, ita sex ad tria: quippe quòd utrobique dupla sit proportio. Ergo sicut octo ad sex, ita quatuor ad tria: quæ numerorum ad se inuicem habitudo proportionem utrobique constituit sesquitertiam. Octo enim sex superant binario, quæ tertia pars est senarij. Itidem & quatuor tria unitate, quæ & ipsa pars est tertia ad tria, siue ad ternarium. Hinc & transmutata proportio dicitur, quòd ab una in aliam quasi transitus fiat. Cæterum talem argumentationem hæc maxima corroborant: Si ut primum ad secundum, tertium se habet ad quartum: & ut primum ad tertium, secundum, se habet ad quartum.

Adijcitur) Proportio est mutua duarum quantitatuum inter se commensurabilium habitudo: vt dupla inter vnum & duo. Colligimus igitur ab hoc loco, ex quantitatuum commutatione ab vna proportionem ad aliam: vt in exemplo Cæsarij à proportionem dupla ad sesquitertiam. Huius loci exempla ab Arithmetica petenda sunt. Proportio dupla est, quādo maior numerus bis minorem continet. Sesquitertia est, quando maior numerus continet minorem & tertiam eius partem: vt inter quaternarium & ternarium.

GLAREANVS.

De loco à transmutata proportionem) Hic locus potest idem esse cum loco à proportionem: in quo cauendum est, vt in eadem maneamus proportionem Arithmetica, Geometrica, vel Musica.

De locis medijs.

MEdij dehinc loci sequuntur, quibus expositis, finem protinus huic tractatui imponemus. Sed cur ita dicantur, dicendum prius. Medij quidem loci dici videntur, quoniam in his argumenta neque extrinsecus omnino petuntur, neque ab ipsa terminorum substantia, sed ab ipsorum terminorum (ut exempli causa) uel casibus, uel coniugatis, leui quadam mutatione deflectuntur. Similiter & qui à diuisione locus dictus est, medius inter utrosque collocatur: quoniam ex eo nunc ab ipsis in quaestione positis terminis, nunc extrinsecus argumenta sumuntur. Sint igitur loci medij tres, à casibus, à coniugatis, à diuisione. Et casus quidem est, cum principale aliquod nomen

nomen in aduerbium deflectitur: ut à iustitia iustè. Coniugata uerò dicuntur, quæ ab eodem diuersimodè deducta fluxerunt: ut à iustitia iustè, & iustus, iusta, iustum. Sed hæc omnia à Cicerone coniugata dicuntur, quòd quasi ab uno iugo deducantur. quæ & idem ita definit: Coniugata dicuntur, quæ sunt ex uerbis generis eiusdem. Eiusdem generis uerba sunt, quæ orta ab uno, uariè commutantur: ut sapiens, sapienter, sapientia. A casibus igitur argumentum dicitur, ut si quæritur de quopiam, sit ne prudens: & arguatur esse talis, hoc modo: Prudenter agit, ergo prudens est. A coniugatis uerò, si hoc pacto: Iustitia bona est, ergo qui iustus est, bonus est. Locus quidem differentia maximæ, à coniugatis. Locus uerò maxima: Si unum coniugatorum cuiuspiam conuenit, & reliquum.

RAIIANVS.

Medij dehinc) Medius locus dicitur, quando ducitur argumentum ab eo quod partim conuenit cū eo, de quo quæritur & partim differt. Vt si in dubiū reuocetur an iustitia sit laudanda, sic colligendum est: iustus est laudandus, ergo iustitia est laudanda. Argumentū ducitur à coniugatis, quæ partim conueniunt & partim differunt.

Et casus quidem est) Casus hoc loco dicuntur ea nomina, quæ à primo deriuata cum eo ipso componuntur, ut sapienter iustè à sapiens iustus. Hæc tamē omnia, quia pertenui separantur discrimine, eodem nomine coniugata dicuntur. Locus est in Topicis Ciceronis ad Trebatium. Orta ab eodem uerba uocat, quæ habent idem principium & finem diuersum, ut temperans temperantia. Hanc uerborum

coniugationem Græci συζυγία vocant, quam Aristot. in Topicis multum & sæpè commendat.

GLAREANVS.

A casibus igitur argumentum ducitur, &c.) Hic locus tum constructiuè, tum destructiuè, valet. Constructiuè: Iustè agit, ergo iustus est. Destructiuè: Iustum non est malum, Ergo quod iustè fit, non malè fit. Item, Non agit prudenter, ergo non est prudens.

A coniugatis verò, si hoc pacto, &c.) A coniugatis valet locus tantum in essentialibus, vt in primo modo per se. Et vt arguatur non respectu vnius prædicati. Vnde non valet, iustitia est virtus, ergo iustus est virtus: sed ita, Ergo iustus est virtute præditus.

De loco à diuisione.

Restat locus à diuisione, qui (ut Boethio placet) hoc modo tractatur, Omnis enim (inquit) diuisio uel negatione fit, uel partitione. Negatione quidem, ut si quis ita pronunciet: Omne animal aut habet pedes, aut non habet. Partitione uerò, ut si quis ita dicat: Omne animal aut sanum est, aut agram. Et quoties uox diuiditur in sua significata. Fiunt igitur argumenta à diuisione, tum per negationem, tum per partitionem. Verùm qui diuisionibus utuntur, hi aut directa ratiocinatione contendunt, aut ad aliquod impossibile inconueniensq; ducunt, atq; id quod reliquerant, rursus assumunt. Sit igitur in questione propositum, an ulla origo temporis fuerit: quod qui negare uolet, is directa ratiocinatione id demonstrabit hoc modo: Tempus aut originem habet, aut non habet:

Sed

Sed quia mundus æternus est (id enim paulisper disciplinæ gratia concedatur) tempus quoq; æternum, quippe quod mundus sine tempore esse non potuerit. Quod uerò æternum est, origine omnino caret: tempus igitur originem non habet. At si per impossibile idem ostendi desideretur, dicetur hoc pacto: Tempus aut originem habet, aut non habet: sed si tempus habet originem, non fuit semper: Tempus autem habet originem: fuit igitur quando non fuit tempus. Atqui fuisse, temporis est significatio: fuit igitur tempus, quando non fuit tempus: quod fieri prorsus impossibile est: non est igitur ullum principium temporis: Quo fit, ut ad alteram diuisionis partem tandem redeatur, & dicatur tempus origine carere. Locus quidem differentia maximæ, à diuisione. Locus uerò maxima, Condiuidentium uno sublato, alterum manet: & posito altero, tollitur reliquum. At uerò qui per partitionem diuisionibus utuntur, hi id duobus modis tentant. Nam quæ diuiduntur, aut simul esse possunt, aut non possunt. simul esse possunt, cum uocem in significationes diuidimus: non possunt uerò, quæ negationis modo diuiduntur: ut aut sanus est, aut æger. Itaq; si queratur, an canis substantia sit, tum quispiam per diuisionem id ita monstrabit: Latrabile animal substantia est, belua marina substantia est, sidus item cœlestis substantia est. Hæc autem tria canis nomen significat: est igitur canis substantia. Per modum uerò negationis à diuisione argumentum ducitur hoc modo: Aut sanus est, aut æger: sed sanus non est: igitur æger. Vel sic: æger non est, igitur sanus. Vel ita: sanus est, igitur æger non est. Vel hoc modo: Aeger est, igitur sanus non est.

RAIANVS.

Restat locus) Quemadmodum diuisio fit duob. modis, per negationem & partitionē: ita etiam duobus modis argumentamur à diuisione, per diuisionem & partitionem. Diuisio fit per negationē, quando alterum membrorū negatiue circunloquimur. Per partitionem, quando membra diuidentia affirmatiue efferuntur. Cū diuisio fit per negationem, colligimus ab affirmatione vnius membri ad negationem alterius.

At verò) Quando diuisio fit affirmatiue, ostendere oportet id de quo dubitamus singulis membris inesse diuidentibus, & sic inerit etiam diuisio.

GLAREANVS.

Tempus autem habet originem. fuit igitur, &c.) Illud Fuit, ante Igitur, impersonaliter accipiendum est. Valla tamen ita legit: Fuit igitur quid, quando non fuit tempus, vt intelligatur mundus, per Quid. Sed dicitur adhuc argumenta, quòd Fuit hic absolutur à tempore, & est copula extremorum: vt in hac propositione, Homo est animal.

At verò qui partitionem) Cicer. in Top. partitionem à diuisione ita separat: In partitione, inquit, quasi membra sunt: vt corporis, caput, humeri, manus, latera, crura, pedes, &c. In diuisione sunt formæ, quas Græci *idéas* vocant: nostri, si qui hæc fortè tractant, species appellant. Hæc ille. Accepit igitur partitionem pro diuisione totius integralis. At Boethius videtur partitionem pro diuisione non totius integralis, sed pro alijs diuisionibus accepisse, vt æquiuoci in æquiuocata, & subiecti in accidentia.

Quemad

Quemadmodum Dialectica probatio à demonstratione differat.

Ex peditis locorum differentijs, illud postremò ueluti coronidem adijcere operæ pretium est, quo uidelicet pacto Dialectica probatio à demonstratione differat. Differt autem primò, quòd demonstratio omnis ex proprijs concinnatur: Dialectica uerò probatio ex communibus. Deinde, quòd demonstratio ex solis necessarijs com- meat: Dialectica uerò probatio interdum ex necessarijs, interdum ex probabilibus. Tertiò, quòd demonstratio duabus tantum utitur speciebus argumentationis, nempe syllogismo, & inductione: Dialectica uerò probatio omnibus ferè, utpote nunc syllogismo, nunc enthymemate, nunc exemplo. Quo fit, ut non sit proprium dialecticæ opinio- nem aggignere cū formidine de opposito, ut nonnulli falsò persuadent: sed dialecticam potius fidem, quæ cum ex ne- cessarijs sit, colligitur quæ, non minus certa est, quàm quæ per demonstrationem paritur: Hoc tamen à scientia dif- ferens, quòd scientia ex proprijs aggignitur: illa uerò ex communibus, & nulli scientiæ peculiariter addictis. Cæ- terum opinionem facere, infirmiori ipsius dialecticæ par- ti competit: qua proinde oratores frequentius, Philoso- phi rarius utuntur. Quod quidē & diuus Seuerinus Boë- thius ita esse comprobatur, atque his contestatur uerbis: Sed ea quidem argumenta (inquit) quæ ex definitione, uel ge- nere, uel differentia, uel causis, uel ex diuisione dicuntur, demonstratiuis maxime syllogismis uires atque ordinem subministrant. Reliqua uerò dialecticis & uerisimilibus.

R A I I A N V S.

Differt autem.) Prima differentia inter probatio- nem demonstratiuam, & dialecticam. Demonstra-

tio constat ex principiis certæ sciētiæ addictis: Dialectica verò ut communis est facultas, ita etiā omnibus principiis utitur. Id docet Aristot. initio lib. 1. Rhetoricorum, & 6. cap. 1. lib. posteriorum, & 9. ca. 1. lib. Elenchorum.

Deinde.) Secunda differentia: demonstratio componitur ex omnibus & solis necessariis, sed dialectica probatio ferè ex probabilibus. Videndum est 6. cap. 1. lib. posteriorum.

Tertio.) Tertia differentia: demonstrator utitur tantum duabus formis argumentationis, syllogismo & inductione. Nam hæ si rectè componantur, semper necessariò conficiunt conclusionem, quod proprium est demonstratoris: at Dialecticus omnibus formis promiscuè utitur.

GLAREANVS.

Quemadmodum Dialectica probatio, &c.) Treis ponit differentias demonstrationis à Dialectica probatione. Cæterum quòd Cæsarius eos reprehendit, qui dicunt, Proprium esse Dialectices, opinionem aggignere cum formidine de opposito:

satiùs omisisset. Cum ex prima hic differentia, Dialecticem ex communi-

bus esse, è quibus & mox

etiam opinionem

esse, asserat.

*

IN

INTRACTATVM

DECIMVM PRAE-

FATIO.



ABSOLVTIS haecenus à nobis nouem ex decem, quos instituimus, tractatibus artis Dialecticae, in quibus eas partes ipsius artis pertractauimus, quantū compendiolice, per quas rectè diligenterque differendi ratio comparatur, quicertè & finis totius artis esse existimatur (quippe per quem uerum à falso discernitur (instituto huic nostro iam satisfecisse uideri possumus. Cæterum quoniam falsum sub ueri specie plerunque obrepit, quo & incauti facile illuduntur (fallit enim uitium specie uirtutis, ut non tam eleganter quàm uerè à Iuuenal. Satyrico poeta dictum est, & ab Horatio in eundem sensum, Decipimur specie recti) idcirco ab Aristot. prouido nimirum artis magistro id etiam curatum est, ut post artis præcepta talia quoque relinqueret præcepta, quibus etsi nihil quod ad artem faciat, disceremus, his tamen instructi facile uitare possemus sophistarum argutias captionésque, quorum hæc est præcipua intentio, ut fallant, non doceant: magis appareant scientes, non sint reuera. Vnde & hic illud neque incommode, neque importunè ex Aurelio Augustino adiecero, quod uir ille de eadem re in tertio de doctrina Christiana scriptū reliquit. Cuius hæc sunt uerba: Sunt multæ falsæ conclusiones rationum (quæ sophismata appellantur) & ueras plerunque ita imitantes, ut non solum tardos, sed ingeniosos minus diligenter attentos decipiāt. Quare & nos iam

ob eandem certè causam, Aristotelem hac quoque in parte sequentes, decimum illis nouem adicere in animo constituimus tractatum. In quo proinde de sophisticis elenchis (sic enim ab illo appellati sunt) siue de locis sophisticis agamus, ut studiosi adolescentes, si quibus hæc nostra lucubratio quoquo modo profuerit unquam, post artem uel mediocriter perceptam, ex hoc iam etiam percipere possint, quænam sint propria huius artis, quæ non sint: tametsi sine his nec ars ipsa satis sibi cōstare potest, ut nec Grammatica, quæ rectè loquendi scientia definitur, nisi in hac quoque de Barbarismo atque Solœcismo fœdissimis eius artis uitijis cura desumeretur non parua, id quod & in morum disciplina iam pro comperto omnibus esse potest. Atque adeò hæc cura de artium quoque uitijis prodēdis necessaria est, quòd uitia latius serpere soleant suapte natura, & (ut suprà dictum est) nonnunquam uirtutū species sibi induant, quò citiùs circumueniant incautos. Hinc rectissimè ab eodem Horat. dictum est, In uitium ducit culpæ fuga, si caret arte. Sed iam de Elencho quid primum dicamus, & unde huius tractatus inscriptio.

R A I I A N V S.

Caterùm quoniam.) Ex hoc loco præcipua ratio sumitur loci superioris. Etsi is qui nouit contexere verum syllogismum, etiam nouit fallacem (rectum enim est index sui & obliqui, ut primo de anima Aristotel. docet) tamen quoniam sæpenumero falsum sub veri specie irrepit, visum est Cæsario etiam post Aristot. eos addere locos, quibus cognitissimas captiosas conclusunculas dextrè dissoluere possimus. Non enim minùs est ingeniosum acutè posse ponere questionem, quàm promptè diluere. Esse autem quosdā
impost

impostores syllogisticos, Aristot. 1. cap. 1. lib. Elēchorum similitudine eleganti docet: Quemadmodum quidam homines, à natura formosi sunt, quidā fūco se exornāt: & vt argentum quoddam est verum, quoddam adulterinum: ita etiam quidam sunt veri syllogistici, quidam fallaces. Quod non solum in Dialectica, sed Rhetorica & aliis artibus vsu venit. Vnde Aristot. ad finem 2. Rhetoricorū locos quosdam tradidit, quibus falsas argumentationes dissolvere possemus.

Quorum hæc est præcipua intentio.) Id ex Platonis sophista perspicuum est. Plato enim postquam sex proposuit sophistæ finitiones, eas epilogo perstringens ait: Prima inuestigatio docuit sophistam mercenarium venatorem iuuenum ac diuitum. Secunda Mercatorem circa animi doctrinas. Tertia circa hæc eadem cauponem. Quarta suorum inuentorum venditorem. Quinta circa sermones artificiosum nimium litigatorem. Sexta purgatorem animæ, extirpantem eas opiniones quæ doctrinis impedimento sunt. Septima accedat, sophista est contradictor. Ad vltimum Plato ita colligit: Sophista in omnibus repugnat, ergo sophista in omnibus sapiēs esse videtur. Est enim præstigiator, & verarum rerū imitator. Aristot. verò paucis verbis multa complexus est: Ait enim ἐστὶ γὰρ ἡ σοφιστικὴ φαινόμενη σοφία ἢ ἄγε μὴ; ἔδ' ὁ σοφιστὴς χρηματιστής, διὰ τὴν φαινόμενὴν σοφίαν, ἀλλ' οὐκ ἔσθις. Hoc est: sophistice est apparens sapientia, sed quæ nō existit. Et sophista est aucupator pecuniarum ab apparente sapientia, sed quæ reuera non est. Hæc copiosius fusiúsque ex Platone, & Aristotel.

stotel. commemorari, ut tyrones sophistæ nomen quod in inuidiam nunc abiit, & cuius toties mentio incurrit, planè intelligerent.

Nonnunquam virtutum species sibi induant.) Est enim quædam virtutum & vitiorum vicinitas, ut Ovidius libro i. de Remedio amoris eleganter docet:

Et mala sunt vicina bonis, errore sub illo,

Pro vitio virtus crimina sæpè tulit.

Quem locum nos etiam in scholiis quæ in Panegiricum Plinij scripsimus, copiosius enarrauimus.

GLAREANVS.

Ad præfationem.) In hac Præfatione causas reddit, quare post totam artem traditam, de vitio artis etiam præcipere tradit. Sunt autem tres. Prima ab utili. Utile enim fuerit noscere sophistarum technas, ut caueamus. Secunda, ab exemplo Aristotelis, qui idem tractauit. Tertia, à simili: nam & hoc in aliis quoque fit disciplinis, & maximè in morum præceptionibus.

Quæ ratione de sophisticis elenchis inscriptio huius tractatus.

SEd antequàm reliqua huius tractatus exequamur, discere haud grauabor, cur de sophisticis elenchis inscriptus sit tam qui ab Aristotele nobis relictus est liber eiusdem negotij, tum qui nobis iam instituitur tractatus ad illius imitationem: quamuis de locis sophisticis inscriptio à nonnullis facta sit. Existimat Iacobus Stapulensis id ab Aristotele factum esse, partim quòd hic præcipuus sit sophistarum finis inter quinque, quos illi conieciunt, ac sibi propon

proponunt, de quibus mox plura: partim quòd huiusmodi syllogismus, Elenchus inquam sophisticus, instrumentum sit maximè idoneum ad conuincendum, hoc est, ad coarguendum coaltercantem. Vnde & apud Græcos ἐλέγχος nomen quod dicitur, apud Latinos præter alia argumentum siue probationem significat, & uerbū ἐλέγχο, quod arguo significat. Sed cum elenchus dicitur hoc loco, sophisticus idcirco additur, ut per sophisticum elenchum eum intelligamus syllogismum, si tamen syllogismus dici ullo modo posset, non per quem probatio & fides rei dubiæ fiat, cuiusmodi certè dialecticus syllogismus est, sed deceptio.

RAIANVS.

Sed antequam.) Cæsarius obiter explicat tractatus huius inscriptionem. ἐλέγχος, hoc est, argumentum, probatio fallax conclusiuncula.

GLAREANVS.

Partim quòd huiusmodi syllogismus.) Nomen elenchos, id est, redargutio, in bonum sonat. Sed sophistæ, id est, homines qui malunt docti ac sapientes videri, quàm esse, abutuntur eo. Nam videri volunt redarguisse coaltercantem aut condisputantem, reuera autem non redarguerunt. Quid verò sit elenchus, latè postea patebit. nam ad ea multa requiruntur: neque enim tam facile est aliquem redarguere veris rationibus.

De syllogismo sophistico quid sit, & quo pacto à dialectico differat.

EX his iam quæ dicta sunt, haud obscurum esse potest, eundem syllogismum esse, qui nunc sophisticus, nunc litigiosus,

litigiosus, siue contentiosus dicitur. Eius porro duplex ab Aristotele definitio traditur. Vna quidem, qua syllogismus esse intelligitur, sed ex his colligens: quæ uidetur probabilia, imperitis uidelicet, cum tamen non sint. Altera uerò, qua apparet quidem esse syllogismus, attamen non est: tametsi ex probabilibus nonnunquam colligitur. Vnde etiam liquidò nunc apparet, ab huiusmodi syllogismo dialecticum syllogismum duplici ratione differre. Primum, quod hic syllogismus planè sit, deinde quod ex probabilibus colligat. Cæterum probabilia ab Aristotele esse definiuntur, quæ uidentur omnibus, aut plurimis, aut sapientibus, & his quidem uel omnibus, uel plurimis, uel maxime familiaribus & probatis: ut, unumquemque amare eum, à quo beneficia acceperit.

R A T I O N E S.

Ex his iam.) Aristot. l. cap. i. lib. Topicorum duplicem syllogismum sophisticum constituit: alterum, qui falsum sumit & bene concludit: ut omnis substantia est animal, omnis homo est substantia, ergo omnis homo est animal: alterum, qui verum assumit & malè colligit: ut omnis homo est animal, omnis equus est animal, ergo omnis equus est homo. Priorem Aristot. putat dignum nomine syllogismi, posteriorem minimè.

*De quinque Sophistarum finibus, quas
& metas vocant.*

CVM ergo sophista omnem neruum, omnemque conditum eò intendat, ut coaltercantem circumueniat illaqueetque, uidendum est, quot & quæ sint, quæ ipse coniecit ac sibi proponat, ut fines initi certaminis: quos ubi
etiam

etiam affecutus fuerit, se iam uictorem aduersus corrixantem nimis superbe insolenterq; proclamat ac uociferatur. Sunt uerò hæc numero quinque: Redargutio, Falsum, Inopinabile: Solæcismus, & Nugatio. Est autem Redargutio, cum ui disputationis cogitur quispiam aut negare quod antea concesserat, aut quod prius negauerat, rursus concedere. Falsum uerò, quod nullam habet ueritatis causam, ac ne apparentem quidem. Inopinabile uerò, quod præter opinionem omnium, & maximè sapientum proponitur, ut matrem odisse filium suum. Tametsi id de Medea fingunt poetæ. Solæcismus est quoties secundum locutionem cogitur respondens barbarizare. Et à Donato definitur uitium in contextu partium orationis contra regulam artis Grammaticæ factum. Videtur tamen hoc loco & pro barbarismo communiter accipi, qui ab eodem Donato definitur, una orationis pars uitiosa in communi sermone. A Diomede uerò, contra Romani sermonis legem, aut scripta, aut pronunciata uitiosa dictio. Nugatio porro est, cum respondens cogitur idem sæpius dicere. Vnde & à nonnullis definitur, eiusdem uerbi inutilis repetitio.

RAIIANVS.

Cùm ergo) Sophistæ qui fucatā quandam speciē sapientiæ profitebantur, semper in vnū ex his quinque finibus collimabant. & cùm vnum horum assequuti erant, se aduersarium vicisse existimabant.

Vi disputationis) Rectè hoc dictum est: nam si respondens ingenij ostentandi gratia, vtranque partem Thematis propositi defendat & affirmet, quod prius negauerat vel contrà, nō dicitur imegisse in metam redargutionis.

D

Falsum

Falsum verò) Hic finis est quando respondens cogitur concedere id, quod omnibus est perspicuum, esse falsum, ut virtus est vitium.

Inopinabile) Id quod *παράδοξον* apud græcos est, hoc loco inopinabile dicitur: ut peccata omnia æqualia sunt. omnia mouentur, nihil mouetur.

Nugatio) Hæc est eiusdem verbi ab eadem parte orationis inutilis repetitio: ut Cato se Vtica interfecit. Nisi idem ornatus causa bis repetatur, ut Cæsar, Cæsar faueas Reip. De hac figura videndum est initium 4. lib. ad Herennium.

GLAREANVS.

Inopinabile verò, quod præter opinionem, &c.) Inopinabile etiam est, ut si quis Peripateticus vi argumentationis adactus, cogatur concedere quid, quod est contra Peripateticos, & maximè contra Aristotelem.

Videtur tamen hoc loco & pro barbarismo) Solæcismus videtur esse, Syntaxeos error: Barbarismus autem, dictionis: ut, alba homo, pulcher puella, Ioannem currit, solæcismus est. Barbarismus autem, vel scripto fit: ut Tempno, Impnus: vel pronunciando, ut inquîno media producta, suffoco media correpta, cùm contrarium sit pronuncian- dum.

Nugatio porrò est, cùm respondens, &c.) Multi nugationem putant, cùm dicitur, Hieronymus vir eloquentissimus, Cicero orator, Maria virgo: sed falluntur. Quoties enim sequens dictio declarat priorem, non est inutilis repetitio, ne si genus quidem sequatur speciem, ut Lupus piscis: quippe du-
bitatio

bitatio hîc per genus tollitur, quæ alioqui æquiocationem faceret.

De locis sophisticis & eorum diuisione.

Nunc ad ipsos locos ueniamus, locos dico sophisticos: hoc enim nomine à Georgio Valla Placentino mihi non absurdè appellari uidentur: quippe quòd ex his perinde fallaciæ & sophistica argumenta ducuntur, atque ex locis dialecticis argumenta & probationes dialecticæ. Ab Aristotele tamen modi dicuntur, nonnunquam etiam loci. Horum autem prima diuisio hæc est, quòd alij in dictione positi sunt, alij extra dictionem. In dictione rursus, alius ab æquiocatione, alius ab amphibologia, alius à compositione, alius à diuisione, alius ab accentu, alius à figura dictionis. Extra dictionem item, alius ab accidente, alius ab eo quod est secundum quid, ad id quod simpliciter dicitur, alius ab ignorantia elenchi, alius à petitione principij, alius à consequenti, alius ab eo quod est non causam pro causa ponere, alius ab eo quod est plures interrogationes unam facere. Patet igitur huiusmodi siue locos, siue modos in summa esse numero tredecim, ex quibus quidem in dictione sex enumerati sunt, extra dictionem uerò septem. Præterea sciendum, quod argumentationes, quæ istiusmodi struuntur fallacijs, nunc sophismata, nunc paralogismi à Græcis dicuntur, nominibus profectò accommodatissimis: quippe quæ à uerbis deducuntur *ᾠσιζαδς* & *παρalogιζεν*, quæ uerba apud Latinos interpretantur imponere, siue decipere. Hinc & imposturæ, & deceptiones. Adeo enim his cauillationibus atque argutijs decipitur imperitus quispiam, ut credat id

esse quod non est, & non esse quod est. Vnde etiam Aristoteles fallacias ipsas & sophistica argumenta, quod intra colorem tantum sint ueritatis, orichalco recte comparat, auri uidelicet respectu. Nam ut orichalcum imperitis hominibus aurum esse uidetur, ita hæc ab imperitis uera argumenta esse creduntur, cum tamen à peritis statim falsa esseprehendantur.

R A T I A N V S.

Nunc ad ipsos locos veniamus) Quemadmodum ex locis Dialecticis argumenta eruuntur ad thema propositum probandum vel improbandum: ita ex locis sophisticis argumenta ducuntur ad fallendum decipiendumq;. Et ut loci Dialectici in locos internos, & externos diuiduntur: ita etiam loci sophistici in eos qui in dictione, & eos qui extra dictionem sunt, diuiduntur. Vtriusque membri Celsarius hoc cap. partes enumerat, sequenti capite diuisionem declaraturus.

Vt credat) Hinc potest colligi descriptio fallacie, quæ est deceptio qua aliquis opinatur id quod est verum, esse falsum: vel id quod est falsum, esse verum.

G L A R E A N V S.

De locis Sophisticis, &c) Fallacia accipitur bifariam: Actiue, & est habilitas decipiendi, ut aliquis credat esse, quod non est, & non esse quod est, atq; hoc plantastica visione, & hoc modo idem est cum loco sophistico. Passiue, pro deceptione, qua respondens decipitur argumentatione sophistica. Cæterum in omni fallacia ac deceptione duplex est causa. altera, apparentiæ, quæ facit apparere argumentum

mentum esse bonum, & est velut principium motuum, ut aliquis credat argumentationi sophistica: altera defectus causa est, quæ latet sub causa apparentiæ, licet sub unitate vocis latet pluralitas significatorum. Exemplum à natura, orichalcum videtur aurum: Causa apparentiæ, est color, & splendor. Defectus causa est Grauitas in auro, & alia multa ab orichalco differentia.

Fallaciæ in dictione v i.

1	2	3	4	5	6
Aequiuocās,	Amphi,	Componit,	Diuidit,	Acc.	Fig.

Fallaciæ extra dictionem v i i.

1	2	3	4	5	6	7
Acci.	Quid.	Ignarus,	Petit,	Infert,	Causa,	rogat plus.

*Qua ratione ex his locis alij in dictione,
alij extra dictionem existere
dicantur.*

NEc illud omittendum putauerim (quanquam fortassis haud ita magni momenti) cur ex dictis iam locis alij in dictione, alij extra dictionem existere dicantur. Sane in dictione dici ob id uideri possunt, quod quæ ex his locis fallaciæ struuntur, apparentiæ suæ causam habent ex proprietate siue affectione aliqua, quæ uoci, hoc est dictioni in primis conuenit. Cuiusmodi sunt, quæ iam dictæ sunt, æquiuocatio, amphibologia, compositio, diuisio, accentus, & uocis figuratio. Extra dictionem uerò, quod ex his sumpta argumenta & compositæ fallaciæ credulitatis suæ causam sumunt, uel ex rebus ipsis quæ significantur, uel ex animi intentione, quæ sola rerum rationes, & earum pariter ad se inuicem consequentias expendit atque

discernit. Vnde & inter ipsas quoque fallacias nonnihil discriminis habetur: quippe quòd per fallacias, quæ ex dictione proueniunt, decipitur quissiam potissimum, quoties cum alio quolibet disputat. Per fallacias uerò, quæ præter dictionem accidunt, quoties secum disputat, aut quippiam considerat, pensiculatq; attentius.

RAIANVS.

Nec illud omittendum) Sophisticus syllogismus dicitur fieri in dictione, quoties causa cur verus syllogismus esse videatur potissimum ex dictione sumitur: ut si quis ita colligat, Omne sanum est animal, omnis vrina est sana, ergo omnis vrina est animal. Cùm dico deceptionem esse in dictione, dictionem tam pro simplici quàm pro còposita accipio. Fallax syllogismus dicitur fieri extra dictionem, quandò ratio, causa, cur verus in speciem appareat, non propriè ex dictione, sed ex habitudine rei ad rem sumitur. Quòd tamen sine vocibus non fit: ut, quidam homo est animal, quidam equus est animal, ergo quidam equus est homo.

GLAREANVS.

Sanè in dictione dici) Nota: Dictio hìc non tantum capitur pro vocè incomplexa, ut sunt octo orationis partes: sed etiam pro oratione complexa, ut patet in fallacia compositionis & diuisionis. Eodem modo & verbum apud veteres accipiebatur.

Extra dictionem verò) Fallacia in dictione sumit causam apparentiæ ex parte dictionis, seu vocis: sed fallacia extra dictionem sumit causam apparentiæ ex parte rei.

De

De loco ex equiuocatione.

A Equiuocatio dicitur, cum dictio siue uox simplex plura significat. Caterum equiuoca uox duobus dicitur modis. Aut enim simpliciter talis est, aut analogicōs. Simpliciter quidem, ut canis, quod omnem æquē quadrupedem latrabilem, piscem marinum, & sydus cœleste significat. Analogicōs autem, ut animalis nomē, quod tam uiuum, quàm pictum animal significat: sed non ex æquo. Itaque & paralogismos, quorum ex hoc loco argumenta ducuntur, tot modis uariari contingit. Primo, cum id quod in argumentatione sumitur, simpliciter equiuocum est: ut, Omne expediens bonum est: malum autem expediciens est: malum igitur bonum est. Expediens hoc loco equiuocum est. Nam & necessarium, & ad aliquid utile, & opportunum, expediens dicitur, & quod per se bonum est. In minore igitur propositione pro utili siue necessario assumptum est: pecuniæ nanq; & mercium abiectiōnes, & id genus alia, cum per se mala sint, sæpenumerō tamen utilia sunt & necessaria. In maiore autem expediciens sumptum est, ut per se bonum significans: ac per hoc ex equiuoco paralogismus nomen inuenit. Tali cauillo olim usus (ut est apud Herodotum) Apollo diuinus uates, si credimus, cum Cræsum Lydorum regem oraculo consulto induceret, ut Cyro Persarum regi bellum indiceret, ita dixit: Perdet Cræsus Halyn, transgressus plurima regna. Perdo enim significat & destruo, & amitto. Sciendum tamen, quod hic Versus apud Herodotum Græcè integer non legitur, sed apud Suidam aliunde haut dubiè repetitus: κροῖσες ἄλυν δ' ἄβας μὲν ἄλλω ἀρχὴν καὶ τάλυ-
σαι. Quem Cicero secundo de Diuinat. libro ita uertit, ac

Latinum reddidit: Cræsus Halyn penetrans magnam pervertet opum vim. Secundo, cum id sumitur, quod analogi-
 cōs æquivocum dicitur: ut, Omne animale est motus, sensuumq; per se particeps: quod autē pictum est, animale est: igitur quod pictum est, sensibus & motu participat. Item: Omnes gemmæ sunt pretiosi lapilli: at in palmitibus gemmæ reperiuntur, testante id Vergil. Turgent in palmitæ gemmæ: igitur in palmitib. pretiosi reperiuntur lapilli. Sunt porro qui præter duos æquivocationis modos addant insuper & tres alios: nempe ex compositione, & consignificatione, & ex transsumptione. Ex compositione quidem, quoties uox siue dictio simplex & incomposita, unum aliquid significat duntaxat, composita autem plura: ut immortale, quod nomen compositum significat & id, quod potest non mori, & quod non potest mori: cum tamen simplex mortale id significet, quod potest mori. Ex consignificatione autem, ut cum sic contextitur sophisma: Quicumq; sanabatur, sanus est: ægrotans autem sanabatur: ægrotans igitur sanus est. Participium ægrotans, cum aliàs unum aliquid significet, ex consignificatione tamen ad diuersa tempora trahitur: nempe ad præsens, & præteritum imperfectum. Ex transsumptione uerò, ut si quis pratum os habere dicat, quia rideat, hoc est, lætum sit, & fertile & pingue. Hinc & Vergilius in Bucolicis dixit, Omnia nunc rident, de arboribus & fructibus inibi loquens.

R A I I A N V S.

Æquivocatio) Simpliciter æquivocum hoc loco vocat æquivocum à casu, quod plura habet significata æque primo, nec vnum propter similitudinē
 alter

alterius: ut canis. Id dicitur æquiucū ἀναλογικῶς, quod vulgò à consilio æquiucum dicitur, quod plura habet significata, sed vnum propter similitudinem alterius: ut homo. Id enim consilio, studio factum esse videtur, ut vnum significatum propter similitudinem alterius significaret. Nec debet quis hanc æquiucoci distinctionem, tanquā sophisticam & inutilem, conuellere: ea enim ex ipso Aristotele 6. cap. 1. lib. Ethicorum sumpta est. Ut ergo duplex est æquiucum, ita etiam duplex ex hoc loco constructur fallacia.

Tali cauillo.) Hac de re Vergilius Polydorus lib. 5. cap. 8. hunc in modum scribit: Fallebant præterea mortales eiusmodi dæmones amphibologiis nodosis, hexiloquis responsis, hoc est, ita ambiguis, ut in ambas partes agi possint. Nam ut Cræsus victus à Cyro rege Persarum: ita Pyrrhus à Romanis. quorum vterque se ex oraculo superiorem fore sperabat. Hierant cacodæmones, quibus homines humanas hostias immolabant.

Quod nomen compositum.) Theologi multum interesse putant inter has propositiones, homo potest non mori, & homo non potest mori. Ultima negat potetiam, prima minimè. Vnde ex hoc loco hæc fallacia componi potest: Omne quod est immortale, non potest mori: homo secundum statum primæ naturæ erat immortalis (quia poterat non mori) ergo non poterat mori.

GLAREANVS.

De loco ex æquiucatione.) Noſtri Dialectici distinguunt triplex, multiplex, actuale, potentiale, &

D 5 appar

apparens, siue phantasticum. Actuale, inquiunt, est dictio, uel oratio vna secundum materiam & formam plura significans. Dictio, vt canis: oratio, vt liber Aristotelis. Dictionis materia, sunt literæ & syllabæ, hoc est, vox. Forma autem est proferendi modus, hoc est, prolatio. Potentiale est dictio, vel oratio eadem secundum vocem: & diuersa, secundum modum proferendi plura significans. Dictio, vt populus. Oratio: Quicquid uiuit, semper est. Apparēs, siue phantasticum, est dictio vnum significans, quæ videtur aliquid significare propter conuenientiam ipsius, cum alia quapiam dictione: vt, Vigere videtur actiuum, sicut videre. In primo multiplici peccant duæ primæ in dictione fallaciæ, æquiuocatio, ac amphibolia. In secundo tres sequentes, compositio, diuisio & accentus. In tertio vltima, nempe figura dictionis.

Cæterum æquiuoca vox.) Fallacia æquiuocationis est deceptio proueniens ex eo, quòd aliqua dictio manens vna, & secundum substantiam, & secundum proferendi modum, diuersa significat. Cuius tres sunt modi. Primus, quando simplex dictio ex æquo plura significat: vt, omnis canis currit, sydus cœleste est canis, ergo sydus cœleste currit. Dicendum, quòd canis est æquiuocum. Secundus modus ex metaphora, id est, ex transumptione: vt, Quicquid ridet, habet os: pratum ridet, ergo pratum habet os. Dicendum, quòd ridet est analogum. In maiori accipitur propriè, in minori impropriè. Tertius modus, quando dictio composita significat plura, separata verò vnum solū: vt hæc dictio immortalis:

talis, accipitur aliquando negatiuè, pro non potens, sicut Deus est immortalis: aliquando priuatiuè, pro potens non mori, sicut Adam fuerat in Paradiso. Vnde hic syllogismus non verè textitur: Omne immortale est perpetuum: omne potens nō mori, est immortale: ergo omne potens non mori, est perpetuum. Conclusio est falsa, vt apparuit in Adā. Sed in maiore accipitur immortale negatiuè, in minore priuatiuè.

Perdet Cræsus.) Potest in his Apollinis verbis esse amphibolia, id est, duplex & captiosus sensus, qui tamen nascitur ex amphibolo & ambiguitate vnius dictionis. Cræsus euersurus erat magnū imperium, vel Cyri, vel suum. Sed alterū potius apud eundem Herodotum oraculum est eius loci, quando Apollo dixit: Tunc Cræso fugiendum longè, quando Medis mula regnatura esset. Quod de Cyro verum erat: nam patre Persa, in nullo imperio existente: & matre Meda, regis filia, natus erat. vt pater asinus, mater equa intelligeretur.

Ex compositione quid.) Tales sunt multæ dictiones: vt inuincibile, incorruptibile, inuiolabile. Exemplum: Omne potens non corrumpi, est incorruptibile: virginitas est potens non corrumpi: ergo virginitas est incorruptibilis. In maiore propositione Incorruptibile capitur priuatiuè, in conclusione negatiuè. Quòd si in conclusione etiam priuatiuè capiatur, concedi potest.

Participium ægrotans cū alijs.) Participia in ~~en~~ apud Græcos, led in ans & ens apud Latinos, sunt tum præsentis, tum præteriti imperfecti temporis.

Aegrot

Aegrotans igitur in hoc syllogismo, si in minore pro præterito imperfecto accipitur, tunc est vera: si pro præsentis, est falsa. Sed in conclusione accipitur pro præsentis, propter verbum præsentis temporis.

De loco ex amphibologia.

Amphibologia autem (quemadmodum ex nomine ipso intelligi datur) dicitur, cum oratio intra se ambiguum claudit sententiam: qualis illa Apollinis, Aio te Aeacida Romanos uincere posse, ad Pyrrhum Epirotarum regem, cum oraculum consulisset ipse super euentu belli, quod contra Romanos animo destinauerat. Quem uersum ex Ennio depromptum esse idem Cicero testatur eodem de Diuinatione libro. Sane tota orationis ambiguitas ex eo dependet, quod accusatiuus te, ut etiam Romanos, nunc à tergo, nunc à fronte eius uerbi uincere, constitui potest. Atque ita incertum relinquitur, ab Aeacide, hoc est, à Pyrrho Romanos uinci posse, an contra Aeacidem à Romanis. Ex hoc igitur loco captio struitur, cum tale sophisma conficitur: Quicquid uidet quispiam, hoc ipsum uidet: at uidet aliquis columnam: columna igitur uidet. Item: Quosunque uellem me apprehendere, uellem ut me apprehenderent: hostes autem uellem me apprehendere: igitur uellem ut hostes me apprehenderent. Similiter autem & hoc modo: Quisquis arat littus, littus proscindit aratro: Ast operam perdens littus perhibetur arare: Ergo operam perdens littus proscindit aratro. Differt autem amphibologia ab æquiocatione, quod æquiocatio quidem ex nomine ipso res diuersas significante in captionem adducit: Amphibologia autem

ex oratione fallaciam inuenit. Quo sanè nomine hunc locum appellare libuit, quāquam apud Aristotelem Græcè legitur ἀμφιβολία.

RAIANVS.

Amphibologia.) Vt æquiuocatio in vocibus simplicibus, ita amphibologia in oratione plura significat.

Aio te.) Locus hic suprā à nobis explicatus est.

Quicquid videt quispiam.) Deceptio est in vocabulo hoc ipsum: nam si accusatiuus est, vera est oratio: sin nominatiuus, falsa.

Quoscunque.) Captio est ex accusatiuo me, qui potest pendere vel à verbo apprehendere, à parte anteriori, & tunc sensus est, quicquid ego apprehenderem: vel à parte posteriori, & tūc sensus est, quod me apprehenderent.

GLAREANVS.

De loco ex amphibologia.) Vulgata regula est puerorum: Verba substantiua, vocatiua, & quæ eorū vim habent, regunt ante & post se nominatiuos: idque etiam apud Græcos. Sed notandum de infinitiuis verborum horum. Quoties verbum actiuum coniungitur illis infinitiuis, verbi actiui regimen sæpè præualere illis, vt infinitiui dictorum verborum suscipiāt accusatiuos pro nominatiuis: vt, Dico te esse iustum, non iustus. Aiunt hunc fuisse bonū virum, non bonus. Dicunt hunc vocari Iohannem, non Iohannes. Aio hunc lapidem esse, non lapis. Sed in Græcis secus est, φῆς λίθος ἔσθι, id est, ais lapis esse. Odissæ septimo, ὃ δ' ἡ φῆς ἐπὶ πόντον αἰετὸς ἐνθάδ' ἐκίετο.

inédg. Græci sermonis proprietatem semel ausus est imitari Catullus:

Phaselus iste, quem videtis hospites,
Ait fuisse nauium celerrimus.

Et Lucanus in 10. -- Tutúmque putauit
Iam bonus esse socer. --

Vide D. Erasmus in conuiuio Poëtico, aliquot hosce locos tractantem.

In omnibus amphibologicis orationibus duo sunt sensus: Vnus, de natura sermonis, & proprietate linguæ: alter, coactus & tortus, secundum regularitatē Grammatices, sed inusitatam. Vnde in his locutionibus, Vellem me capere te, Dico Iohannem vincere Petrum, secundum naturā linguæ sensus de priorē accusatiuo verificatur: atque ita sensus est, Vellem me capere te, id est, quòd ego caperem te, non tu me: Dico Iohannem vincere Petrum, id est, quòd Ioannes vincit Petrum, non contrā. Sed quòd in authoribus nonnunquam inuenitur contrariū, vel ex negligentia, vel quia alter sensus prorsus falsus apparet, cōcessum est id genus locutionis per diuersum: & prior sensus secundum naturam linguæ vocatur compositus, alter verò diuisus. Cuius diuisi exempla sunt hæc. Liuius lib. 7. ab Vrbe cond. Quia Hister Tusco verbo Ludio vocabatur: id est, Ludio vocabatur Tusco verbo Hister: est enim Hister Tuscum verbum, non Ludio. Curtius lib. 5. Bion transfuga ad regem peruenit, nuncians murices ferreos in terram infodisse Darium. Iustinus lib. 18. Nam Romanis eadem causa mittendi auxilia Carthaginensibus fuerat. Hæc ille. Et primus sensus qui se lectori

tori offert, est, quòd Romani miserint auxilia Carthaginensibus: cum author cōtrarium dixerit, quòd Carthaginenses miserint Romanis auxilia.

Ex hoc igitur loco captio struitur.) Aristoteles tres tum huius, tum præcedentis fallaciæ facit modos. Primum, quando vel nomen, vt canis: vel oratio, vt liber Platonis, principaliter plura significat. Secundum, quando in dictione, vt ridere, currere: vel in oratione, vt litus arare, metaphora est, id est, transumptio. Tertium, quando compositum plura significat, separatim verò non plura: vt incorruptibile & immortale. Sanè orationis multiplicitas duplex est: quædam prouenit ex vnius dictionis tantum parte, & illa causat fallaciam æquiocationis: alia prouenit potissimum ex parte totius orationis, & illa causat fallaciam amphibologiæ.

De loco ex compositione & diuisione.

Compositionem hoc loco pro oratione composita, & diuisionem pro oratione diuisa accipere debemus. Et composita quidem oratio est, quæ sensum habet compositum. Diuisa autem, quæ diuisum. Porro compositus sensus est, cum in ipsa oratione partes secundum situm magis debitum intelliguntur. Diuisus uerò, cum e contrà. Rursus autem debitus partium in ipsa oratione situs is est, quem idiomatis peritus magis talẽ adiudicãrit. Quod tamen ut facilius deprehendatur, tres ad hoc regulæ à Iosodoco Clichthoueo traditæ sunt, tribus uocabulis à Iacobo Fabro Stapulensi prius annotatæ: quas proinde hinc subscribendas haud abre existimauerim. Vocabula autem sunt, *Modus, Determinatio, Determinabile*. Itaque ex his
prima

prima regula est: Si modus fuerit aut subiectum, aut prædicatum propositionis, situs partium orationis magis debitus est: ut, possibile est sedentem ambulare: aut, sedentem ambulare est possibile. Secunda: Si determinatio posita inter duo determinabilia utrique ex æquo propinqua, præcedens determinauerit, situs magis debitus est: ut, Quicquid uiuit semper est. Adiectum est autem, ex æquo propinqua: quoniam si non ex æquo utrique propinqua fuerit, tunc si propinquus determinauerit, sensus magis debitus intelligitur: ut, Quicumque scit literas, nunc didicit illas. Tertia regula est: Si determinabile positum inter duas determinationes utrique ex æquo propinquum cum præcedenti iungatur, sensus compositus est, & situs partium orationis magis debitus: ut, Vidi imaginem auream uestem habentem. His ita prælibatis, ad sophismata ueniamus, quorum ex hoc loco deceptio struitur. Interea tamen & illud præmonendum: quoties contextitur syllogismus iuxta expositos locos, si in eo sumpta oratio, in sensu quidem diuiso uera fuerit, in composito autem falsa, deceptio ex loco à compositione prodixisse dicetur: sin uerò contrà, captio per locum ex diuisione facta esse intelligetur.

R A T I A N V S.

Compositionem.) Quid sit compositio & diuisio, hoc loco Cæsarius quadam gradatione docet.

Si modus.) Sic contrà, quando modus determinat verbū, situs orationis est minùs debitus, & sensus diuisus: ut, hominem possibile est ambulare.

Quicquid uiuit.) Aduerbium semper est determinatio posita inter duo determinabilia, scilicet uiuit & est: debet autem cum verbo est coherere.

Interea tamen.) Est ergo fallacia compositionis, quando

quando à sensu diuiso vero proceditur ad sensum compositum falsum: fallacia verò diuisionis, quando proceditur à sensu composito vero ad diuisum falsum. Id exempla sequentis capitis declarant.

GLAREANVS.

De loco ex compositione & diuisione) De compositione Rhetorum videntur hæc tracta, de qua diligentissimè Quintilianus lib. 9. capite vlt. Est enim compositio concinna verborum iunctura, secundum linguæ cuiusq; proprietatem. Nascuntur autem hæ duæ fallaciæ ex amphibolo. Cæterum in hac duplici fallacia ingens est difficultas, maximè ex eo quòd non statim apparet, vtrum propositio composita an diuisa, nec in quo sensu sit vera. Neq; enim apparet statim situs debitus, nec idem omnibus videtur. Vt in hac propositione: Quicquid viuit, semper est. Petro Hispano visum est, Semper cum Est coniungendum: Cæsario & Clithoueo, cū Viuit. Grammatici Latini, vt Donatus, Porphyrius, Seruius, incertam distinctionem vocant. Horatius Epod.

Deus Deus nam me vetat

Incæptos olim promissum carnem Iambos

Ad vmbilicum ducere.

Potest enim aduerbium Olim referri tum ad participium Incæptos, tum ad Promissum.

Vidi imaginem auream vestem habentem) In hoc exemplo est potius determinatio, id est, adiectiuum Auream inter duo determinabilia, Imaginē & Vestem. Ineptum planè exemplum ad hanc regulam: sed ipse ita intellexit, vt Vestem sit determinabile

E inter

inter duas determinationes Auream & Habentem. Sed admittit determinationem priorem, secundum Cæsarium.

*De sophismatis, quæ per locos à compositione
& diuisione fiunt.*

Igitur iuxta tria superius annotata uocabula, sophisma-
ta conficiuntur tribus quoque modis. Primo, cum modus
uariatur: ut, Quemcunque possibile est ambulare, fieri po-
test ut ambulet: atqui sedentem possibile est ambulare: er-
go fieri potest ut sedens ambulet. Secundo, cum determi-
natio uariatur: ut, Quicumque scit literas, nunc didicit il-
las: atqui Grammaticæ peritus scit literas: igitur Gram-
maticæ peritus nunc didicit eas. Item, quod unum solum
potest ferre, plura potest ferre: quod autem unum solum
potest ferre, non potest plura ferre: igitur quod potest plu-
ra ferre, non potest plura ferre. Tertio, cum determinabi-
le uariatur: ut, Quicumque bonus est, bonus est. atqui ma-
lus, artifex bonus est: malus igitur artifex, bonus est. Et ha-
ctenus quidem secundum compositionem facti paralogis-
mi peccant. Qui uerò sequuntur, secundum diuisionem to-
tidem modis peccant iuxta trium uocabulorum supra po-
sitorum annotationem. Primo: ut, Qui quiescentem ambula-
re est impossibile, igitur quiescentem possibile estambu-
lare. Secundo: ut, Quocunque uidisti hunc percussum, hic
percussus est: atqui oculo uidisti hunc percussum: oculo
igitur hic percussus est. Tertio, sed esto, sit quispiam ar-
tium imperitus, moribus autem probus: tunc tale conne-
xo sophisma: Quicumque malus est, malus est: at malus ar-
tifex, est bonus: igitur malus, artifex bonus est. Per diui-
sionem præterea fiunt paralogismi, quoties coniunctio

tum copulatiua tum disiunctiua nunc terminos; nunc ipsas copulat desinungitue propositiones: ut, Quaecunq; sunt duo & tria, sunt paria atque imparia: at quinq; sunt duo & tria: quinq; igitur sunt paria & imparia.

RAIIANVS.

Igitur) Modum determinationem, determinabile intelligit.

Vt quemcunq;) Maior propositio in sensu composito est vera, minor in sensu composito est falsa.

Vt quicunq;) Si particula nūc, construatür cum verbo scit, verus est sensus: si autem cum verbo didicit sensus est falsus.

Item quod) Sophisma est compositionis, quia ex parte prædicati plura ponuntur, ad quæ subiectum referri potest coniunctim & diuisim: coniunctim facit propositionem falsam.

Tertio) Fallax est collectio ex nomine malus: nā in antecedente sumitur pro malo moris, in consequente pro malo artis, hoc est, imperfectione.

Secundo) Si ablatius oculo, construatür cum verbo vidisti, sensus est compositus & verus: si cum participio percussus sensus est diuisus, & falsus.

Vt quaecunq;) Accipiendo duo & tria secundum compositionē, minor est vera: quia quinq; sunt duo & tria simul. secundum diuisionem autem falsa, quia quinq; neq; duo, neq; tria sunt.

GLAREANVS.

Atqui sedentem possibile est, &c.) Ad primum modum dicendum: Si in minore prædicatum Ambulare conuenit dicto, supple Sedentem, pro actu & potentia, est falsa: sic & conclusio. Contrā, si

solùm pro potentia, ita etiam in conclusione. Dici etiam potest, præmissas esse diuisas, conclusionem compositam, ergo non valere consequentiam.

Quicūq; scit literas, nunc didicit eas) Ad maiorem dicendum, Quicunq; scit literas, quòd in sensu composito est falsa, videlicet si Nunc determinet verbum Dicit: & sic etiam conclusio. Sed in sensu diuiso est vera. At sic subsumendo, aduerbium Nunc etiam ponendum est in minoris propositionis prædicato: & non in conclusione. Simile est: Omne quod est, necessariò est: Socrates est, ergo Socrates necessariò est. Maior est duplex: quia tò Necessariò potest determinare secundum Est. Et sic est composita falsa, & sequitur conclusio falsa. Vel, potest determinare prius Est, & sic est diuisa & vera. Sed in minore repetendum est Necessariò, & conclusio sequetur, Ergo Socrates est.

Diuisus verus sensus.	{	Da Quicunq; scit literas nūc, didicit eas;
		Ri Antiquus Grammaticus scit literas nunc:
		I Antiquus Grammaticus didicit eas.

Com- positus & fals⁹.	{	Da Quicunque scit literas, nunc didicit illas:
		Ri Antiquus Grammaticus scit literas:
		I Antiqu⁹ Grammaticus nūc didicit eas.

De loco per accentum.

Accentus, quem & ueteres Latini, authore Quinti-
Aliano, tenorem appellauere, & à Græcis ὀρθωδία

&

Et item τόνος dicitur, à Prisciano definitur lex siue regula ad eleuandam deprimendam ue syllabam uniuscuiusq; particulæ orationis. Ab eodem insuper in acutum, grauem, Et qui ex utrisq; fit, circumflexum diuiditur. Porro acutus (ut Diomedes tradit) apud Latinos in correptis semper, interdum in productis syllabis uersatur. Circumflexus in his quæ producuntur. Grauis autem per se nusquam consistere in uerbo ullo potest: sed in his, in quibus circumflexus est, aut acutus, cæteras syllabas obtinet. Apud Græcos autem cum acutus in dictione tria loca obtineat, ultimum, penultimum, Et antepenultimum: circumflexus, quotlibet syllabarum sit dictio, non nisi penultimum tenebit locum. Igitur ut nulla uox sine uocali est, ita nulla sine accentu. Ac proinde recte quidam putauerunt, accentum ueluti animam uocis esse. Sed de accentu quidem hætenus plus satis, quando apud Latinos pronuntiatio uocum iuxta accentuum regulas in totum propemodum abolita est, cuius tamen loco quantitas syllabarum perinde obseruatur. Fiunt autem per locum ab accentu sophismata tribus modis. Primo, quando pro syllabæ quantitate uariata, uariatur Et significatio: ut, Quicquid malum est, fugiendum est: pomum autem malum est: igitur pomum fugiendum est. Secundo, quando uariatur ipsius syllabæ aut aspiratio, aut orthographia: ut, Ad aram fiunt sacra: atqui hara porcorum stabulum est (unde illud Ouidij, Immundæ cura fidelis haræ, Et illud item Ciceronis, Ex hara productæ, non schola) igitur ad porcorum stabula fiunt sacra. Tertio, quando dictio aliqua interim diuiditur, interim tota manet: ut, Quicquid inuite fit, coacte fit: uinum fit in uite: ergo uinum fit coacte. Cæterum de loco siue modo per accentum Aristoteles dicit non facile esse

Dialecticis orationes facere in his, quæ sunt sine scriptura. In scripturis autem & poematibus magis, quod in his scilicet accentuum per certas notas, & syllabarum ob metri legem, accuratior habeatur observatio.

R A I I A N V S.

Accentus) Totum hoc caput partim ex Latinis, partim ex Græcis Grammaticis est perspicuum. Cū ait Cæsarius, circumflexum accentum apud Græcos non nisi penultimam afficere syllabam, id canonibus accentuum apud Græcos omninò repugnat: accentus enim circumflexus ultimam & penultimam syllabam afficit: quare hunc locum mendosum aut mutilatum esse putò, & sic legendum: Nisi ultimum vel penultimum tenebit locum.

Primo) Deceptio est in nomine malum: nam prima longa, significat pomum: breui, paruum.

Secundo quando) Ara authore Varrone, quasi ansa dicta est; quia sacrificantes aram manibus tenebant: sic etiam iurantes olim aram tenebant. Unde est illa nobilis Periclis sententia: Sum amicus usque ad aras.

G L A R E A N V S.

De loco per accentum) Accentus tum apud Græcos, tum apud Latinos, sunt decem. Tenores tres, Acutus, Grauis, ac Circūflexus. Tēpora duo Longū & Breue. Spiritus duo Asper & Lenis. Passiones tres, Auerſio, Subunio, & distinctio. Et in his omnibus deceptiones fieri possunt. Hic autem exempla sunt de tempore, malum. De spiritu, arahara. De passionibus, inuitè, in vite.

Accen

Accentus
tum apud
Latinos,
tum apud
Græcos,
sunt de-
cem:

Teno-
res III.

Acutus, ' , quo leuamus sylla-
bam: vt, Populusq; , patresq; .
Grauis, ` , quo acuta deprimi-
tur: vt, à te, è foro.
Circūflexus, ¨ , quo leuamus &
deprimimus syllabam: vt, rūs,
mōs, pāx, lūx, mūsa.

Tēpo-
ra II.

Longum, ¯ , quo indicamus lō-
gam syllabam: vt, Imprūdens.
Breue, ˇ , quo indicamus breuē
syllabam: vt, Impūdēns.

Spiri-
tus I I.

Asper, ' , h, quo indicamus vo-
cali aspirandum: vt, ἔκτωρ,
ὄλος, hic.
Lenis, ` , quo Græci indicāt nō
esse vocali aspirandū: vt, ὄνος.
Latini non habent, & ineptū
planè est hoc Græcorum in-
stitutum.

Passio-
nes III

Apostrophos, ' , id est, auersio,
qua significamus dictioni in fi-
ne deesse vocalem: vt, Men'.
Hyphen, ¯ , id est subunio, qua
malè disiuncta connectimus:
vt, Prope modum.
Hypodistole, qua malè cōne-
xa disiungimus: vt, Per, peram.

Grauis autem per se nunquam consistit) Acutus accentus tria habet loca. Vltimæ syllabæ natura brevis: vt, vîr, quîd. Penultimæ: vt, dies, Antepenultimæ: vt, pópulus, dómînus, légere, scribere. Circumflexus, vltimæ: vt, Môs, Sapphûs. Penultimæ: vt, Mûsa, in nominatiuo & vocatiuo. Et semper supra natura longam ponitur, nunquam super breuem. Grauis autem accentus est in omnibus syllabis, quæ neq; acutum habent, neq; circumflexum: neq; vnquam signatur, nisi quando ex acuto factus est grauis, propter sequentiam: vt, à te audiui. Est enim alius accentus, quàm si dicas, Ate, dea Homerica. Dici etiam solet, quòd grauis accentus est orationis tenor, & velut filum, in omnibus, inquam, syllabis, quæ neq; habent acutum, neq; circumflexum accentum: vt in longissima dictione, Inhonorificabilitudinationibus, sola o, syllaba acutum habet accentum, reliquæ grauem.

De loco à figura dictionis.

A Figura dictionis hic locus nominatur, quòd per eum quicumq; fiunt paralogismi, causam apparètiæ non aliud habeant, quàm à uocis siue dictionis cum alia qualibet siue uoce, siue dictione configuratione: hoc est, ut planius dicam, à consimili dictionis cum alia qualibet dictione desinentia siue terminatione. Nec uideo tamen, cur à quibusdam tam longè repetatur hoc loco figuræ definitio, qua à Geometris definitur, magnitudo, quæ termino uel terminis clauditur, cùm secundum hanc definitionem, figura nihil commune cum dictione habeat, unde similitudo aliqua intelligi possit. Ex hoc igitur loco captiones struuntur, quoties argumentationem factam

factam constare ac recte se habere quis autumat, similitudine uocis hallucinatus, cuiusmodi hæc est: Discere est circa disciplinam exerceri: ac exerceri circa disciplinam, est docere: discere ergo docere est. Captio est, per figuram dictionis. Figuratum siquidem est passiuum in actiuum, & actiuum in passiuum. Nam exerceri circa disciplinā, & actionis & passionis expressiuum est. Quandoquidem exerceri esse potest tam impersonalis quàm passiuu uerbi modus infinitiuus, ita ut ab impersonali actio, à passiuo passio significetur. Fiunt præterea secundum hunc locum paralogismi, cum ab uno prædicamento transitus fit ad alterum: ut, Quicquid heri uidisti, hodie uides: atqui album heri uidisti: album igitur hodie uides. Hic transitus est à substantia ad qualitatem. Similis huic argumentatio est, hoc modo: Quicquid heri emisti, hodie comedisti: crudum heri emisti: ergo crudum hodie comedisti. Atque id quidem est, quod Aristoteles his uerbis significare uideatur: Quæ autem per figuram dictionis (inquit) fiunt sophismata, accidunt, quando uel non idem ut idem interpretantur, ut masculinū fœmininum, uel fœmininum masculinum: uel quod inter hæc est, nempe neutrum, alterum horum. Vel rursus quale quantum, uel quantum quale: uel faciens patiens, & alia, quemadmodum hæc prius diuisa sunt. Siquidem aliquid est, quod non est eorum quæ sunt facere aut pati, etsi uocis figura uideatur: ut ualere, quod qualitatem potius dicit, nempe sanitatem (est enim ualere, sanum esse) quàm actionem aut passionem.

R A I I A N V S.

A figura dictionis.) Hæc fallacia est, quando una dictio est similis alteri terminatione, sed non significatione. ut si quis sic colligat: Poëta est primæ in-

E 5 flexion

flexionis, ergo etiam poëma.

Quicquid heri emisti.) Dictio hæc quicquid, in antecedente significat substantiam, album in minore significat qualitatem: & sic à prædicamento in prædicamentum fit transitus.

Quæ autem.) Ex tertio capite primi libri Elenchorum addit multos modos, quibus hæc fallacia committitur.

GLAREANVS.

Siquidem aliud est, quod non est eorum.) Multa verba sunt terminatione actiua, quorum significatio est passiua: ut vapulo. Item verba sensus: ut videre, quod est colorum species intra oculum suscipere: & sic est passiuum. Currere terminatione est neutrum: tamen significat actionem, quanquam immanentem.

De loco ab accidente.

SEquuntur loci, qui extra dictionem dicti sunt. Ex his primus est, qui ab accidente dicitur. Is autem est (quemadmodum & Aristoteles tradit) per quem captiones fiunt, quoties similiter quodcunque existimabitur rei & accidenti inesse. Nam quia multa eidem accidunt, nõ est necesse omnibus prædicatis, & ei de quo prædicantur, omnia illa similiter inesse. Quandoquidem hoc pacto omnia illa eadem erunt, quemadmodum sophistæ dicunt: ut, si Socrates est alter à Platone: Plato autem homo est: Socrates igitur ab homine alter est. Tale est & illud apud Aulum Gellium sophisma, quod proponitur hoc pacto: Quod ego sum, tu non es: ego autem sum homo: tu igitur homo non es. Item & hoc modo: Homo animal

mal est : animal autem genus : homo igitur genus est. Ac rursus : Polycarpus est homo : at uerò homo dissyllabum est : Polycarpus igitur dissyllabum est. Sanè hæc & illa alia id genus sophismata, per accidens fieri dicuntur. Per accidens, inquam, hoc est, per extraneum siue diuersum quodammodo aliquid, ut in quibus complexio orationis, eas quæ circa naturam sunt diuersitates, ad naturam ipsam transtulit. Aliud quippe est, secundum naturam esse, & aliud secundum personales accidentalesque proprietates : ut, uerbi causa, Animal cum de homine prædicatur, essentialiter de homine dicitur : cum uerò de animaligenus prædicatur, huiusmodi prædicatio essentialis non est, sed per accidens (ut nec, cum de ea uoce, quæ est homo, dissyllabum prædicatur) propterea quòd aliud est animal homo, aliud animal genus. Animal siquidem genus simpliciter animal est, hoc est, tale animal, quod cunctas sub se species communi ratione colligit, eatenus uidelicet, quatenus uitam absolutam sentiendi ui præditam gerant. Homo autem animal una talium est specierum, quæ uitæ tali, nempe absolutæ rationalitatem & dexteritatem affert. Homo igitur non est simpliciter animal, sed tale animal. Tale porrò animal non est genus, sed species. Sed hæc fortassis multò altius repetita sunt, quàm præsens institutio ferat.

RAIIANVS.

Sequuntur loci.) Captiuncula hæc tenus tractata ad distinctionem significationum cuiusque vocis referuntur : pertinent enim ad genus sermonis. sequentes uerò captiones potius à reb. quàm à genere sermonis (ut iam dictum est) oriuntur.

Is autem est.) Ex hoc loco oriuntur fallaces syllogismi,

logismi, quous similiter quid existimamus rei & accidenti inelle: nam cum plura eidem, sed diuersa ratione, accidunt, si accidentia malè accommodantur, vitiosum fit argumentum.

Vt si Socrates.) In hoc sophismate non fit distinctio substantiæ & accidentis. Nam est alter à Platone secundum accidens, sed Socrates secundum essentiam est homo.

Tale est.) In huius sophismatis solutione multos vehementer impeditos & occupatos fuisse video. Alij asserunt collectum esse, vt olim barbari sophistæ loquebantur, non à distributo ad distributum: alij alias tenebrosas excogitant solutiones. Sed his nugacissimis omisis nugis, id quod res est, dicamus. Cum sic colligimus: Quod ego sum, tu non es: ego sum homo, ergo tu nō es homo: in maiore propositione proponitur me alium à te esse, secundum personæ proprietatem: in minori verò essentiam & naturam intelligimus: quare falsa intelligitur conclusio.

Item & hoc modo.) Soluuntur hi duo syllogismi fallaces, quia mutatur genus suppositionis huius significationis terminorum: nam a termino primæ intentionis ad terminum secundæ proceditur.

Sed per accidens.) Ratio huius est, quia omnis prædicatio in qua prædicatur terminus secundæ intentionis de termino primæ, est accidentaria: vt animal est genus, homo est species.

Propterea quòd.) Sensus huius loci hic est: Non eodem modo accipitur animal, cum prædicatur de homine, & cum subiicitur generi: nam in hac prædicat

dicatione, homo est animal, animal sumitur pro re ipsa quam significat ex impositione: sed in hac, animal est genus, animal sumitur pro ipso vocabulo, quod talis rei est significatiuum.

Quo pacto à recentioribus hic locus tractetur.

NEc tamen ignoro, hunc locum ab accidenti latius explicari à recentioribus, hoc modo: ut sit accidens, & id cui accidit, uidelicet res subiecta, & præter hæc attributum: quæ & ita distinguunt nominibus magis familiaribus, ut accidens sit, quod medium in syllogismo dicitur, res subiecta minor extremitas, attributum maior extremitas. Hinc paralogismos per hunc locum fieri dicunt, quoties uel medium, uel maior extremitas, uel minor extremitas in syllogismo non rectè sumitur. Medium quidē, ut si ita arguatur: Cuiuslibet contradictionis altera pars est uera (& accipio hic nunc uerbum cuiuslibet, more istorum, contra uim propriam pro signo distributiuo, ut ipsi dicunt, qualia sunt Omnis & Nullus) atqui hæc propositio, homo est lapis, est contradictionis altera pars: igitur hæc propositio, homo est lapis, uera est. Captio est in uerbo contradictionis. Assumendum nanque erat, Atqui hæc propositio, homo est lapis, est contradictio: eò quòd hic terminus in maiore solum uniuersaliter sumebatur. Maior uerò extremitas, ut si ita proponas: Omne animal substantia non est: omnis autem homo est animal: igitur nullus homo substantia est. Hic captio est in uerbo substantiæ, quod in maiori (ut oportebat) uniuersaliter sumptum non est, propterea quòd negatio ei proposita non sit. Verum id ita sophistæ pro arbitrio statuerunt, contra authorum & eorum qui rectè loqui didicerunt, consuetudinem. Minor porro

porro extremitas non rectè sumitur, si ita contextas syllogismum: Nullum dextrum est sinistrum: cuiuslibet autem hominis oculus est dexter: ergo neuter oculus hominis est sinister. Hic oculus minor extremitas particulariter sumitur in minore, contra præscriptam secundi modi primæ figuræ legem. Quare ita assumendum erat, Cuiuslibet autem hominis uterque oculus est dexter.

R A I I A N V S.

Nec tamen.) Latissimè patet hæc fallacia accidētis: nam complectitur omnes syllogismos in materia & forma vitiosos.

Captio est.) Nam hic terminus contradictio solum sumitur vniuersaliter in maiore: debet autem totum esse medium in minore, & non hoc totum aggregatum contradictionis altera pars: propterea deceptio pendet à termino medio.

Maiores verò extremitas.) Substantia maior extremitas sumitur particulariter in maiore, quia nota vniuersalis affirmatiua distribuit terminum tantum immediatè sequentem: at in conclusione vniuersaliter sumitur.

G L A R E A N V S.

Quo pacto à recentiorib.) Vt in omni syllogismo tria sunt, nempe tres termini: ita tria in hac fallacia ponunt, attributum, accidens, & rem subiectā. Vt in hoc paralogismo: Homo est species, Socrates est homo: ergo Socrates est species. Hic species attributum est, homo accidens, Socrates res subiecta.

Medium quidem, vt si ita arguatur.) In hac maiore propositione sunt duo subiecta, nempe locutionis, & distributionis. Locutionis subiectum est al-

tera

tera pars, videlicet nominatiuus: sed distributionis genitiuus cōtradictionis, cum signo vniuersali Cuiuslibet. Atque subiectum locutionis, nempe altera pars, non est distributum: sed alterum, scilicet genitiuus, qui non potest esse verum subiectum. Ergo est syllogismus ex meris particularibus. Et deceptio est in verbo, Altera pars: quod in maiore indeterminatè capitur, in minore verò determinatè, nempe pro affirmatiua. Aptius exemplum erat de medio, quod est vulgò cōmunissimum: Homo est species, Socrates est homo, ergo Socrates est species. Nam in maiore Homo consideratus, vt ei attribuitur species, videlicet pro natura vniuersali, extraneus est Socrati: hoc est, accidit ei. Idem homo in maiore etiam est accidens homini, pro natura in communi: vt, Quodlibet inferius accidit suo superiori.

Ex Petro Hispano.) Nostra ætate tres ponuntur modi huius fallaciæ. Primus est, quando argumentamur in prima regula antepredicamentali, in predicatis non essentialibus: aut in quarta figura, quando aliquid attribuitur alicui, sed non ea de causa tertio conuenit, etiamsi inter ea est conuenientia: vt, Socrates est homo, homo est species, ergo Socrates est species. Secundus modus est, quando argumentamur ex puris negatiuis in secunda figura, vel ex meris particularibus: vt, Omnis homo est animal, omnis asinus est animal, ergo omnis asinus est homo. Vel sic: Socrates est homo, Plato est homo, ergo Plato est Socrates. Tertius modus, quādo malè argumentamur à diuisis ad coniuncta. De quibus tractatu 6. capite 14. vt, Iohannes est bonus, & est citharæd

458 DE ELENCHO SOPHIST.
citharædus: ergo est bonus citharædus. vel, Iste canis
est pater, & est tuus: ergo est pater tuus.

*De loco ab eo quod est secundum quid, ad
id quod simpliciter est.*

DEfinitur hic locus ab Aristotele per id, quod hoc
quidem simpliciter dicitur, illud autem quoquo mo-
do & non præcipue. Quoquo modo inquit, hoc est, uel se-
cundum locum, uel secundum tempus, uel ad aliquid, uel
secundum aliquid: uidelicet cum quod secundum partem
dicitur, simpliciter accipitur. Itaque & paralogismi se-
cundum hunc locum quatuor fiunt modis. Primo in his,
quæ secundum locum dicuntur: ut, Apud Thraces quæ-
dam gentes olim, ut Solinus author est, recens natos cum
fletu excipere, & defunctos gaudio prosequi pium esse
ducebant: igitur pium est, puerperia deslere, & funera
gaudio prosequi. Secundo in his quæ sunt secundum tem-
pus: ut, bonum est uti uictu tenui cum ægrotamus, igitur
simpliciter uti bonum est. Item, expedit merces in mare
proijcere, cum timetur naufragium: igitur expedit proij-
cere merces. Tertio in his, quæ sunt ad aliquid: ut, Diuitiæ
malè utentibus non sunt bonæ, ergo diuitiæ bonæ non
sunt: cum tamen ipsæ (ut diuus Ambrosius ait) uirtutum
sint instrumenta. Quarto autem in his, quæ sunt secun-
dum aliquid: ut, Aethiops dentibus albus est, igitur albus
est. Præterea cum ex diuisis coniunctum infertur, hoc pa-
sto: Coriscus bonus est, & idem citharædus: Coriscus igi-
tur bonus est citharædus. Esto autem uita bonus sit, non
arte. Huiusmodi paralogismus per hunc locum factus esse
intelligitur.

RAIANVS.

Definitur.) Techna ex hoc loco struitur, quando id quod particulariter siue secundum partem in antecedente sumitur, in conclusione sumitur vniuersaliter, & secundum totum. talis non est rara collectio, quoniam à particulari vno ad vniuersale non est firma consecutio: vt, diuitiæ malè vtentibus ob sunt magis quàm profunt, ergo diuitiæ malè sunt. Honestum est apud Tribalos populos patrem sacrificare, ergo id vbiq; honestum.

Vt apud Thraces) Historia hæc est apud Pomponiū Melam, secundo cap secundi lib. Itaq; lugentur apud eos puerperia, natiq; deflentur, funera contrà festa sunt, & veluti sacra cantu deflentur. Huius ratio, vt existimo, est, quia, vt Plinius ait, existimabant vel optimum esse non nasci, vel natos statim emori. Vide Plinium primo capite septimi libri.

Secundo in his) Huius loci multa exempla sunt apud Aristotelem in fine vltimi capituli, secundi libri Topicorum.

Virtutum sunt iustrumenta) Sic Aristoteles octauo capite primi libri Ethicorum: Fieri non potest, aut non facilè fit, vt is res agat præclaras, cui facultates desunt.

GLAREANVS.

Quarto autem, in his quæ sunt secundum aliquid.) Duplicia sunt accidentia. Quædam determinant certam in subiecto partem, ideoq; cùm illi insunt, satis sunt ad denominationem totius, à quibus argumentando non peccatur penes hanc fallaciam: vt, Iste est simus secundum nasum, ergo est simus. Et,

F

Est

Est cæcus oculis, ergo est cæcus. De claudio & manco eadem est ratio. Alia sunt accidentia, quæ non determinant certam subiecti partem, & talia non possunt denominare subiectum: ut, Aethiops albus secundum dentes,

De loco ab ignorantia Elenchi.

PER ignorantiam Elenchi, siue, quod idem est, per inscitiam redargutionis, fiunt paralogismi, quoties omittitur aliquid eorum, quæ ad orationem (ut Aristoteles ait) hoc est, ad ipsius Elenchi definitionem requiruntur. Definitur autem ab eodem hoc pacto: Elenchus est contradictio unius & eiusdem non nominis, sed rei, & nominis non synonymi, sed eiusdem, ex his quæ data sunt ex necessitate, non connumerato eo quod est in principio, ad idem secundum idem, similiter. & per idem tempus. Quæ quidem definitione certum est, nusquam ab Aristotele longiorem factam esse, idq; (ut reor) propter sophistarum importunitates. Quæ propter & singulas eius particulas latius explicare, atque distinguere necessum fortassis fuerit. Quandoquidem in ea quædam syllogismi tantum causa ponuntur, quædam ob contradictionem solum, quædam etiam ad utrunq; spectant. Syllogismi causa ponuntur, partim ex his quæ data sunt ex necessitate: partim non connumerato eo, quod est in principio. Ob contradictionem uero, ut quæ postremo loco enumerata sunt: cuiusmodi sunt, ad idem, secundum idem, similiter, & per idem tempus. Præter hæc autem ad utrunq; reliqua pertinet. Porro paralogismi, qui per hunc locum fieri consueuerunt, hoc præcipue peccant, quod ex quatuor postremis aliquid omittitur. Vnde & quatuor quoque modi

modi assignantur. Primus, cum omittitur particula ad idem: ut, Decem sunt dupla ad quinque, & non sunt dupla ad sex, ergo decem dupla sunt, & dupla non sunt. Similiter si quis Socratem inter duos locatum, idcirco pronunciet ipsum dextrum esse & non dextrum. Secundus modus est, quando omittitur particula secundum idem: ut, Hoc est duplum secundum longitudinem, & non est duplum secundum latitudinem: duplum igitur est, & non duplum. Aut si quis oculum nigrum esse dicat, & non nigrum, propterea quia id quod circa orbem ipsius oculi est, qui medius pupillam tenet, album sit, ipse uero orbis niger spectetur. Tertius, quando omittitur particula similiter: ut, Cognosco Socratem, & eundem non cognosco uenientem: igitur cognosco Socratem, & eundem non cognosco. Quartus uero, quando omittitur particula per idem tempus: ut si quis Socratem proponat sedentem, & non sedentem, ad diuersa tempora respiciendo.

RAIIANVS.

Per ignorantiam) Hęc fallacia committitur, cum aliqua particula finitionis Elenchi omittitur: nam Elenchus est conclusio opposita alicui propositionum concessarum in syllogismo, quę in modo & figura conclusionem colligebant: syllogismus uero Elenchi, est syllogismus, qui ex opposito conclusionis cum altera propositione colligit oppositum alterius, scilicet contrariam vel contradictoriam.

Qua quidem definitione) Locus est apud Aristotelem tertio cap. primi libri Elenchorum. Nunquam ab Aristotele datam esse existimo finitionem tam tenebrosam (cum tamen ipse præcipiat omnem fi-

initionem perspicuam esse oportere: datur enim descendendi causa) nec ex tot partibus compactam. Sed puto Aristotelem tot particulis in hac finitione usum, ad explodendas omnes omnium sophistarum cavillationes,

Est contradictio) Hoc est, conclusio contradictoria alicui præmissarum.

Vnius & eiusd) Scilicet subiecti & prædicati, & secundum nomen & secundum rem. ut homo, homo.

Non nominis sed rei) Non satis est esse eandem vocem, sed oportet eandem rem esse per vocem significatam.

Et nominis) Oportet Elenchum contradictionem esse, non eiusdem nominis synonymi, sed eiusdem secundum vocem.

Ex his quæ data) Hoc est, concessa ab aduersario.

Non connumerato) Non accepto qualito ad syllogismum demonstrationis.

Ad idem) Respectu eiusdem.

Similiter) Ut dictio eodem modo accipiatur.

Per idem tempus) Ut dictio secundum diuersum tempus non accipiatur. Cætera satis dilucidè à Cæsario explicantur.

Ob contradict.) Hoc addit, authorem Aristotelem, qui ait: Dico autem opponi eiusdem de eodem, non autem æquiucè, & quæcunq; cætera contra sophisticas determinauimus importunitates.

GLAREANVS.

Quandoquidem in ea quædam) De ratione Elenchi sunt tria, Illatio, Probatio, & Cōtradictio. Hoc est, ut sit syllogismus verus, dialecticus, & contradictorius,

dictorius. Ratione primæ conditionis ponitur hæc particula, Ex his quæ data sunt. Ratione secundæ conditionis ponitur hæc particula, Non connumerato eo quod est in principio. Ratione tertiæ ponuntur quatuor particulae ultimæ. Ratione autem omnium modorum ponuntur ab initio tres particulae, Vnius & eiusdem, Non nominis, sed rei, & Nominis non synonymi, sed eiusdem. Elenchus igitur erit dispositus in modo & figura. Item, in Elencho præmissæ debent probare conclusionem. Denique, Elenchus vere contradicere debet respondent.

Porro paralogismi) Notandum, quod fallacia ignorantiae Elenchi capitur dupliciter. Vno modo generaliter, pro quacunque deceptione, quæ prouenit ex aliquarum particularum in Elenchi definitione positarum omissione: & sic omnes fallaciæ, tum in dictione, tum extra dictionem, ad hanc reducentur, ut postea probabitur capite 20. huius. Alio modo specialiter, pro deceptione proueniēte ex omissione ultimarum tantum quatuor particularum: & sic est fallacia specialis extra dictionem, authore Petro Hispano, quem hinc sequitur.

De loco à petitione principij.

IN principio petere est id, quod ad demonstrationem propositum est, ponere & accipere ut confessum. In principio igitur petitur aliquid, cum eius adhuc desideratur demonstratio, quod tamen ut confessum accipitur. Vnde & ab Aristotele definitur secundo priorum Analyticorum uolumine hoc modo: Petere (inquit) id quod est in principio, est ostendere quidquam per id, quod per

se ipsum manifestum non est : quod profecto est propositum non ostendere. Accidit autem modis quatuor, Primo, quando asyllogista & incollectilis ratiocinatio fuerit. Secundo, quando id quod sumitur, ignotius eo est, quod colligere uolumus. Tertio, quando quod sumimus, æque ignotum est, atq; id quod conficere uolumus. Quarto, cum posterius sumitur ad demonstrandum id quod prius est. Cæterum præter hos sunt & alij quatuor modi, quos octa uo libro Topicorum idem author recenset. Primus, cum quod particulariter demonstrandum est, uniuersaliter quis postulauerit : ut si quis uolens probare, contrariorum eandem esse disciplinam, postulauerit idcirco omnium oppositorum eandem esse disciplinam. Secundus, cum quod uniuersaliter est ad ostendendum propositum, particulariter ab aliquo petitur : ueluti si de omnibus contrarijs propositum est, de aliquibus solum quispiam postulet. Tertius uero, cum quis diuidens propositum petit : ut si cum oportet quempiam coniunctim ostendere, medicinam sani & ægri esse, is tum utrunque postulet seorsim, atque diuisim, uerbi causa : Est ne medicina sani? & rursus, Est ne medicina ægri? atque idem dehinc ita argumentetur: Medicinam sani est, & medicina ilem ægri est : igitur medicina sani est, & item ægri. Quartus demum, cum quis eorum quæ ex necessitate se inuicem sequuntur, alterum petit: ut si cui propositum est ostendere, quod diameter est incommensurabilis lateri quadrati, is assumat, quod diametro latus incommensurabile est.

R A I I A N V S.

In principio) Hæc captio committitur, quando antecedens non probat consequens : quia id quod

tan

tanquàm manifestum & perspicuum sumitur, equè ignotum est. atq; id quod est probandum: vt si quis ita colligat: sunt qui aduersa nobis vestigia figant, ergo sunt antipodes.

Primo quando) Vt, omnis homo est animal, nullus homo est equus, ergo nullus homo est animal.

Secundo quando) Vt Pythagoras docuit animas in diuersa migrare corpora, ergo eius assertores nō errant.

Tertio quando) Vt anima equi non remanet separata à corpore. ergo nec anima bouis.

Quarto) Vt homo est capax discipline, ergo animal rationale est capax disciplinæ.

GLAREANVS.

De loco à petitione principij) Est duplex principij petitio. Vna nomine & re, vt si probare velis, quod Socrates sit prudens, quia est prudens, dixeris. Quidam vocant hanc Statim, & est planè stulta. Alia est petitio principij, quando sub alio nomine quid probatur, sed per ignotum, vel magis, vel æquè. Id quod hīc multis indicatur modis. Quidam vocant petitionem principij Non statim.

Cæterum præter hos sunt & alij, &c) Aristoteles ponit quinque: sed hīc omittitur primus modus, quando petitur idem secundum rem & vocem simul: vt, Homo currit, quia homo currit: quod videre non est difficile. At in synonymo citius fallit: vt, Cicero currit, quia Tullius currit.

Notandum: Non est inconueniens, in eodem argumento, & Dialecticum & Sophisticum lapè esse locum. Si enim antecedens est notius respon-

denti, fundat locum Dialecticum. Sin æquè igno-
rum, aut ignotius etiam, Sophisticum. Quando e-
nim argumentamur à prædicatis, quæ notiori mo-
do conueniunt definitione quàm definito, est lo-
cus Dialecticus. Sin æquè ignota fuerint, aut igno-
tiora etiam, est locus Sophisticus.

De loco à consequenti.

A Consequenti locus dicitur, quemadmodum & Aris-
toteles tradit, quoties propter consequens redar-
gutio fit, ut si quis petat consequentiam conuerti, quæ
tamen conuertitur minimè. Exempli gratia, si quis, quia
hoc ex necessitate est, & illud est, idcirco putauerit, quia
illud sit, & alterum quoque ex necessitate esse. Vnde &
deinceps, quæ propter opinionem ex sensu sunt, hoc mo-
do plerumque fiunt. Hinc sæpenumero id quod fel est,
mel esse suspicantur, eò quòd flauus color ut fel, ita &
mel quoq; consequitur. Quapropter si quis ita argumen-
tetur: hoc mel est, igitur flauum, rectè quidem sequitur:
at contrà non rectè, si hoc modo: Hoc flauum est, igi-
tur mel est. Huius autem loci alij duos, alij tres statu-
unt modos. Ex his primus est, quoties quis, ut ab ante-
cedente ad consequens rectè sese habet consequentiæ ra-
tio, ita è contrario à consequente ad ipsum antecedens
firmam similiter atq; constantem consequentiæ uim esse
existimauerit: ut si animal est, homo est: igitur si homo
non est, animal non est. Secundus, quoties facta conse-
quentia, ab abolitione antecedentis credit aliquis & con-
sequens per æquè aboleri posse: ut si homo est, animal est:
igitur si homo non est, animal non est. Tertius uerò mo-
dus est, quoties ex communiter accidentibus per id, quod

consequens esse solet, uolumus ostēdere id, quod præcedit: ut qui insanus est, in solitudinē fugit, Democritus autē in solitudinem fugit, igitur Democritus insanus est. Dicitur autem per consequēs, quoniam consequitur insanum esse in solitudinem fugere, ueruntamen non conuertitur. Non enim si quis fugit in solitudinem, consequens cōtinuò est, ut insaniat. Inuenias siquidem qui res humanas despiciēs, stabilitatem & quietem quærat, & ob hoc ad loca à tumultibus libera secedat: quemadmodum Democritum fecisse memoriæ proditum est: proinde falsò creditam est ab Atheniensibus, eum insaniuisse. Quemadmodum falsò quoque creditum est olim, ab infidelibus nostræ religionis, monachos desipuisse, quòd relictis omnibus quæ possederant, in deserta loca secesserint: unde & Anachoritæ dicti sunt & Eremitæ: ut de Paulo primo Eremita & Hilarione Hieronymus, de diuo Antonio Athanasius, & de alijs compluribus Seuerus Sulpitius in eò libro, quem de uita D. Martini inscripsit, memoriæ prodiderunt.

RAIIANVS.

A consequenti.) Hæc fallacia committitur, cū credimus consequens conuerti cum antecedente, quod tamen non conuertitur: ut si pluit, terra est madida: ergo si terra est madida, pluit. si iustitia est, virtus est: ergo si est virtus, est iustitia. hæc captio complectitur omnes vitiosas argumētationes, quæ canones consequentiarum non obseruant.

Vt si animal est.) Hoc Exemplum non conuenit huic primo modo, nam animal esse non infert hominem esse, quare sic legendum puto: si animal non est, ergo homo non est: igitur si homo non est, ani-

mal non est. fallacia est consequentis, quia antecedens infert consequens, sed consequens vicissim non infert antecedens.

Secundus.) Hic syllogismus est in primo modo syllogismorum conditionalium, in quo à positione antecedentis ad positionem consequentis est colligendum.

Et quemadmodum.) De hac re videndus est Virgilius Polydorus, de inuentoribus rerum, primo cap. septimi libri.

GLAREANVS.

De loco à consequenti.) Differunt, Antecedens, Consequens, & Consequentia. Antecedens est, propositio Categorica, vel Hypothetica, inferens conclusionem. Categorica, vt in Enthymemate: Homo est, ergo animal est. Hypothetica, vt in Syllogismo. Consequens est, quod illatum ex antecedente, & in Syllogismo vocatur conclusio. Consequentia autē est, habitudo consequentis ad antecedens, vt habetur Tractatu sexto capite decimoquinto.

*De loco ab eo quod est, non causam vt
causam ponere.*

Hic locus ab eo nomen habet, quod est non causam ut causam ponere, quod quidem fit, dicente Aristotele, cum assumitur id quod non causa est, tanquam propter illud fiat redargutio. Accidit autem tale quid in his syllogismis, qui sunt ad impossibile, in quibus scilicet necessariū est interimere aliquid ex his, quæ sumpta sunt. Huius quidem exemplum est, quo & Aristoteles ipse utitur, ut si quærat. Sunt ne anima & vita idem? quod si à respondente

dente concedatur, ita deinde elench. sophisticus fit: Omne quod est contrariū corruptioni. generatio est: atqui mors corruptio quedam est uitæ contraria, & anima & uita sunt idem: uita igitur est generatio, & uiuere generari. Hoc autem impossibile est: quippe qui uiuit, iam non generatur, sed genitus est. Hic si is, qui proposuerat, num anima & uita sunt idem, per interemptionem inferat, ob consequentis scilicet falsitatem, igitur idem nō sunt anima & uita, & respondens hoc quoque concedat argumentationis ui impulsus, ne tunc quidem subterfugere poterit redargutionis notam, quippe qui quæ antea cōcessa sunt, eadem ipse postea negauerit: quod certè per imperitiam eius accidit, non aduertentis eam propositionem, quæ interempta est, causam non esse cur illatum sit consequens falsum, ac per hoc ne interimendam quidem fuisse. Quandoquidem ipsa posita, aut non posita, nihilominus id quod impossibile est, eodē syllogismo collectum sequitur. Quin hæc potius interimenda erat: Mors corruptio quedam est: quæ nimirum falsa propositio est. Siquidem neq; mors mors corruptio, neque uita generatio est: sed ut generationem uita, ita corruptionem mors conuitatur. Itaque in syllogismo superius facto, quæ propositio causa non erat, ut causa sumpta est.

RAIIANVS.

Hic locus.) Hic elenchus componitur, quando putamus aliquid esse causam conclusionis, quod tamen non est causa: ut ebrietas est mala, ergo vinum est malum.

Quæ interempta est.) Hæc scilicet, anima & uita sunt idem: nam ea sublata, nihilominus falsa sequitur conclusio.

Siquidem.)

Siquidem.) Huius ratio est, quia generatio est motus ad formam acquirendam, corruptio verò formæ est abiectio. Mors autem & vita nō sunt motus, sed motum cōcomitantur, & eius termini sunt.

GLAREANVS.

De loco ab eo quod est, &c.) Præmissa non causa dicitur propositio, quæcunque non est causa cōclusionis falsæ: quæ etiam si non poneretur, non minus sequeretur conclusio falsa. Quanquam ipsa causa videtur, atque adeò ad aliam, quæ verè causa est, assumitur: vt in hoc Aristotelis exemplo, Anima & vita sunt idem. Quæ ad minorem assumitur, cū non deberet.

De loco ab eo quod est, plures interrogationes vt vnā facere.

Restat ultimus ex his, qui extra dictionem dicti sunt, locus, nomen hinc sortitus, quòd per eum plures interrogationes factæ una esse credantur. Quoties igitur duæ pluresue interrogationes fiunt, ad quas responsio datur perinde atque una facta sit, captio per hūc locum fieri dicitur. Quod profectò tunc euenire solet, cū latet respondentem, plures esse, idque vel per imperitiam, vel ob non diligentem ad respondendum circumspectionem. Porro interrogationes plures dicuntur, quum plura de uno, aut unum de pluribus, aut plura de pluribus interrogantur. De quibus & Aristot. hoc modo: In harum autem aliquibus quidem, inquit, facile est uidere, quòd non una, sed plures quoque dandæ sunt responsiones, ut utrum terra est mare, an cœlum? In aliquibus uerò non ita facile, ut putāsne hic & hic homo est? Quo fit, ut cū aliquis percuss

percusserit hunc & hunc, hominem, & non homines percussisse dicatur. Rursus, cum interrogamus. Sint'ne hæc bona an nō? demonstratis tam bonis quam malis, utrumvis responderit aliquis, redargutionē haudquaquam effugiet, ob falsi uidelicet concessionem. Quandoque autem assumptis, hoc est, admissis quibusdam, redargutionō minus fiet, ut si quis concedat similiter & unum & plura dici, ut exempli causa, alba, uel nuda, uel cæca. Nam si cæcum est, quod uisum non habet, natum tamen habere: & cæca erunt, quæ uisum non habent, nata tamen habere. Igitur cum hoc quidem uisum habet, illud autem non habet: si tum interroget quispiam, sunt'ne hæc uidentia, an non uidentia? utrumlibet respondens dederit, erunt proculdubio ambo uel uidentia, uel non uidentia. Quod quidem utique falsum esse statim deprehenditur ex hypothesi facta. Hæc ita ex Aristotele penè ad uerbum, ut cætera magna ex parte, quæ in hoc tractatu continentur, omissis multorum ambagibus in re non magni momenti.

RAIIANVS.

Restat vltimus.) In hæc impingimus captionem, quando duæ pluresve nobis proponuntur interrogationes, ad quas vnā damus responsionem. similis captio est apud Gellium, lib. 16. cap. 2. Postulo ut respondeas, desierisne facere adulterium, an non? utcunque Dialectica lege respondeas, hærebis in captione, siue aias siue neges: tam si te dicas adulterum, quàm si neges.

Ut utrum) Exemplum in quo plura prædicata interrogantur de vno subiecto.

In aliquibus verò.) Exemplum in quo vnum prædicatum de pluribus subiectis dicitur.

Sintne.)

Sintne.) Distinctione hic cauillus est submouendus: hæc sunt bona, hæc verò mala.

Igitur.) Exemplum quando plura prædicata dicuntur de pluribus subiectis, adhibenda est etiam distinctio, hæc esse videnda, illa verò non.

GLAREANVS.

De loco ab eo quod est, &c.) Propositio dicitur Plures, quæ non est vna simpliciter. Dicitur autem propositio simpliciter vna, vbi simplex prædicatum dicitur de simplici subiecto, Homo est animal. Vnde interrogatio plures, vt vna, est, in qua plura interrogantur de pluribus, sub vno signo interrogationis. Atque inde est error, quòd interrogatio plures creditur vna esse: & ita vnam esse dandam responsionem, cum debeant dari plures.

Quemadmodum ad ignorantiam Elenchi omnes prædicti loci reduci possint, & quòd dupliciter Elenchus accipiat.

INquirendum deinceps, quo pacto prædicti loci omnes, siue elenchi sophistici ad redargutionis inscitiam reuocari possint, idque ex Aristotelis præsertim instituto, ut qui de omnibus his ita pronunciat: Aut distinguendi sunt, inquit, apparentes syllogismi omnes, atque redargutiones: aut ad ignorantiam elenchi reducendi, vel ab ijs præcipue, qui hanc omnium dictorum modorum principium faciunt: quatenus elenchus ipse generatim accipiat, simulq; omnes intra suæ definitionis ambitum positas particulas amplectatur. Dico autem generatim, quando alioqui ex dictis modis siue locis unus & ipse habeatur, nempe ad quatuor ultimas particulas factæ definitionis

nis

nis relatus. Itaque sciendum, quòd omnes paralogismi, quicunque iuxta præscriptos modos fiunt, peccant, uel quia syllogismi non sint, tametsi uidentur: uel quia contradictio in his non rectè sese habeat: uel quia non eadem ubique tam rei quàm nominis ratio obseruetur: id quod nunc per singulos locos discurrendo breuiter ostendere operæpretium fuerit. Ergo quicunque fiunt per æquiuocationem, per amphibologiam, & per figuram dictionis, omnes ad elenchum reducuntur, cò quòd in his duplex tum nomen, tum oratio sumitur, ob rei uidelicet significatæ diuersitatem. Similiter autem & qui per compositionem, & diuisionem, & accentum fiunt, ob ipsius tum orationis, tum nominis uariationem. Porro qui secundum acci- dens fiunt, & item propter consequens, & per id, quod est sumere quod in principio est, necnon per id, quod est non causam ut causam ponere: propterea quòd unusquisque horum præuaricator sit præscriptæ nuper syllogistice legis. Qui uerò propter id, quod quoquomodo & simpliciter, quoniam nò de eodem affirmatio & negatio est: quare nec in his ulla est uera contradictio, licet credatur. Postremò autem & qui fiunt propter id, quod est plures interrogationes ut unam facere: quòd in his non enucleamus, neque discernimus propriam ipsius propositionis rationem, quæ quidem est ut unum de uno dicatur. Nam eadem est unius rei, & rei simpliciter definitio, ut hominis, & unius hominis. Cùm ergo quæ in syllogismo sumuntur, apparet esse propositio, & non est, quatenus in ea nò unum de uno prædicatur, manifestum quòd & hic ad in- scitiam redargutionis reuocandus est. Est enim redargutio syllogismus quidem, nempe contradictionis. Ex quo iam palàm factum est, omnes locos siue modos ad ignoran-
tiam

tiam elenchi reuocari posse, hos quidem, qui in dictione sunt, quoniam in his apparens est contradictio: illos autē, qui extra dictionem, maiori ex parte propter syllogismi rationem definitionemque.

RAIANVS.

Inquirendum.) Quoniam fallacia elenchi latissimè patet, docet quomodo ceteræ fallaciæ ad eam reduci possint.

Quatenus elenchus.) Cæsarius innuit elenchum duobus modis accipi. primo generatim, ut est quoddam vniuersale omnium fallaciarum, & omnes fallacias suo ambitu complectitur, & sic omnes redargutiones ad elenchum reducuntur. secundo modo elenchus accipitur particulariter pro quatuor ultimis particulis finitionis, & hoc sensu elenchus est ex numero fallaciarum.

Præuaricator fit.) Hoc est, transgreditur præscriptas leges.

Ut vnū de vno.) Vna propositio est in qua vnū, hoc est, vniuocum de vniuoco dicitur, ut iustitia est virtus. Videndus est Aristot. 7. cap. 1. libri de interpretatione.

GLAREANVS.

Quemadmodum ad ignorantiam.) Acquiucatio, Amphibolia, & figura dictionis, deficient à vero Elencho hac particula, Non nominis tantum, sed rei & nominis simul: nam in eis sumitur duplex, ut vnum. At compositio, diuisio, & accentus, peccāt hac particula, Vnius & eiusdem, cum in eis neque vocis, neque significati sit vnitas. Et sic sunt sex in dictione, septem autem extra dictionem: ita peccāt à vero

à vero Elencho. Accidentis & consequentis fallacia peccant contra particulam, Ex his quæ data sunt: non enim ex necessitate inferunt: Item à dicto secundum quid, & ignoratia Elenchi, peccant in quatuor vltimis particulis, Ad idem, secundum idem, similiter, & in eodem tempore. Petitio principij cōtra particulam, non connumerato eo quod est in principio. Secundum causam, vt causam peccat sicut accidens & consequens. Ita etiam, Quæ secundum plures interrogationes, vt vnam. Oportet enim in omni syllogismo propositiones esse, quæ vnum de vno significant, quod non fit in hac fallacia.

Ex quibus causis sophistica prodeant deceptiones.

Consentaneum fortassis fuerit inuestigare quoque quibus ex causis huiusmodi imposturæ atque deceptiones proueniant. Itaque dicamus ex Aristotele, quod deceptio omnis prouenit in his quidem, quæ per æquiuocationem & amphibologiam fiunt, sophismatis, eo quod non potest quispiam distinguere id quod multiplex est, siue multipliciter dicitur, ab eo quod uno modo dicitur dumtaxat. At in his, quæ per compositionem, & diuisionem: eo quod nihil interesse putatur inter orationem compositam & diuisam, Similiter autem & in his, quæ per accentum fiunt: propterea quod nonnullis idem significare uidetur eadem uox intensa & remissa, hoc est, acuto uel graui accentu prolata. Et in his item, quæ per figuram fiunt ob dictionis similitudinem: quod difficile sit dijudicare, quæ similiter atque aliter proferantur. Fe-

re enim quisquis hoc facere poterit, is in procinctu est, ut quod uerum est uideat: & per hoc promptus erit uel concedere quod concedendum est, uel negare quod est negandum. Rursus autem in his, quæ per accidens: eò quòd quis nescit diiudicare, idem ne sit an diuersum quod sumitur, tum an unum, an multa. Similiter autem in his, quæ per consequens fiunt: per hoc quòd arbitramur, ut consequens ab antecedente non separatur unquam (est enim ipsum antecedentis pars quædam) ita nec à consequente antecedens separatum iri. Porro in his, quæ fiunt propter omissionem orationis, hoc est, alicuius particularum, quæ in elenchi ratione posita sunt, & in his quæ sunt propter id, quod aliquo modo & simpliciter dicitur: & in his item, quæ quod in principio est, sumunt: tum & in his quæ per non causam ut causam accidunt: & quæcunque plures interrogationes ut unam faciunt: propterea quòd in his omnibus non exactè discernimus, neque sumptas propositiones, neque ipsius syllogismi uerum terminum, hoc est, rationem definitionemq;: per hoc quòd parū nobis differre uideantur ea, quæ iam dicta sunt, ut non causa & causa, quod simpliciter & quoquo modo, & interrogationes plures & interrogatio una.

R A I I A N V S.

(Consentaneum) Epilogo quodam ex 6. cap. 1. li. elenchorum fontem & originem omnium deceptionum indicat.

(Similiter autem) Consequens non separatur ab antecedente, posito antecedente: ut si homo est, animal est: consequens tamen potest animo & mente separari ab antecedente, ut Porphyrius in communitatibus docet.

Ex quibus causis, &c.) Decipimur specie recti, inquit Flaccus. Vnde in quauis fallacia est causa apparētiæ, & est velut motium principium: quod res sit, quæ tamen non est. Sed ea apparentia mouet nos ad temerè credendum, quod concedendum non est. Est & in quauis fallacia causa defectus, per quam percipitur, nos temerè hallucinatos, nec rem ita se habere, vr nobis visa fuit. Cuius rei initio huius tractatus Aristotelica exempla data sunt, de auro apparente orichalcum, & argento apparente stanno, vel contrà. At huius rei dandum est vnum exemplum, in æquiuatione: vbi causa apparentiæ est vnitas dictionis eiusdem, tum secundum substantiam, tum secundum modum proferendi, diuersa significantis. Causa autem defectus siue falsitatis est, diuersitas significatorum. Vnitas enim prædicta in æquiuatione mouet ad credendum id quod non est, vnitatem significandi. Diuersitas autem, ostendit creditum esse falsum. Hæc Petrus Hispanus.

De recta solutione paralogismorum.

Quia uerò non minor ars est soluere nodos, quàm eosdem implicare atq; constringere, quod quidem ita esse, argumento nobis esse potest Gordij Phrygiæ regis nodus in Iouis templo suspensus, quem Alexander Magnus (ut est apud Iustinum historicum) idcirco quòd ingenio soluere nequiuiisset, gladio usus uiolenter abscidit: ob hanc nimirum causam, quia sophistarum argutias captionesq; , quòd syncategorematum nexibus, ceu nodis

quibusdam implicitæ atq; inuolutæ sint, ut struere fortassis nō facile, ita proculdubio soluere longè est difficilimū: Aristoteles tandem ipse, cū quemadmodum struantur illæ certis locis præscriptis id iam monstrasset, eadem quo pacto etiam dissoluerentur, paricura atq; diligentia docere iussit. Vnde & ab eodem recta solutio definitur, falsi syllogismi manifestatio. Porro falsus syllogismus duobus dicitur modis. Aut enim quia ex falsis collectus sit: aut quia syllogismus non est, tametsi uideatur. Ergo cū duobus modis falsum esse syllogismum contingat, duobus quoque modis ipsum dissoluendum docet, nempe aut per interemptionem, aut per distinctionem. Per interemptionem quidem, ut quoties ex falsis collectus est. Per distinctionem uerò, cū apparet syllogismus, & non est. Verū enim uero, ut id quod querimus breuiori uia, quā quæ ab Aristotele tradita est, assequi possimus, ex Iacobo Fabro Stapulensi tres regulas in animum induxi hic subiiciendas, quarum prima hæc est, In omnibus paralogismis, qui fiunt per æquiuationem, amphibologiam, compositionem, diuisionem, & accentum, si quod sumptum est multiplex, distinguendum est. Alioqui confusionem parit, quæ tollitur interim, cū ipsum distinguitur. Insuper & in eiusdem consequentiæ ratio discutienda examinandaq; uenit. Secunda, In omnibus paralogismis, qui fiunt per figuram dictionis, per accidens, per id quod est secundum quid & simpliciter, per ignorantiam elenchi, per consequens, per non causam ut causam, per id quod est, plures interrogationes facere ut unam, consequentia neganda est & mox cur negata sit, ratio subiungenda. Tertia, In omnibus paralogismis, qui fiunt per id quod est petere id quod est in principio, ipsum

*sum antecedens aut negandum planè est aut certè addu-
bitandum.*

R A I I A N V S.

Quia verò) Ex 3. cap. 2. libri Elenchorum ratio-
nem diluendorum sophismatum docet. omnis syi-
logismus aut verus, aut falsus est: verus admitten-
dus est, falsus dissoluendus, quemadmodum syllo-
gismus est falsus duobus modis (aut enim vitiosus
est secundū materiam, aut secundū formam) sic etiā
duobus modis dissolvitur: si vitiosus est secundum
materiam, negandum id quod falsum assumitur: si
vitiosus secundum formam, negandum est conse-
quens, & statim ratio subiiciēda cur malè colligat.
multum profuerit ad hanc rem studiose legere Ro-
dolphum Agricolam lib. 2. de recta argumentorum
solutione.

Vt est apud Iustinum) Locus est apud Iustinum
lib. vndecimo. Habes studiose lector in totū Cæsa-
rium scholia, quæ tenebrosum Aristotelem euolue-
re volentibus vice vastorum & verbosorum com-
mentariorum esse poterunt. Etenim Cæsarius vnus
ex omnibus qui post Aristotelem Dialectica scri-
pserunt (absit invidia verbo) proximè Aristote-
lis mentem non solūm adumbrasse, sed etiam ad vi-
uum expressisse videtur. Vale Lugduni, ad Con-
fluentes ex diuæ Trinitatis celeberrimo florentis-
simoq; Gymnasio, Anno domini Millesimo quin-
gentesimo quinquagesimo sexto, pridie Calendas
Ianuarias.

G L A R E A N V S.

De recta solutione paralogismorum) Aristo-

G 3 teles

teles de Elenchis omnino contendit, quòd aliquando expediat apparentes soluere. Nam sicut contingit argumentari, ita contingit soluere. Et ad talem solutionem apparentem dat nouem cautiones. Prima, Respondens dicat: Transeat, vel Esto, si non satis constitit. Secunda dicat: Ita videtur, si inopinabile est. Tertia: Petis principium, si fuerit propinquum interemptioni propositi. Quarta: Non ita sumpsi, si est propemodum conclusus. Quinta Obscurum non cōcedo, donec intelligam, si interrogatio obscura fuerit. Sexta: Communius concedendum est, quoties de duobus quaeritur, vt de homine & animali. Septima: Non est nomen impositum, si quidem nescimus ex contrarijs alterum nominare.

Octaua: Diuersi diuersa sentiunt, si quidem est res dubia, vt sæpè fieri solet. Nona:

Licet multa talia obijci possunt, tamen nihil aduersus me. Hæcha-

ctenus.

*

PERO

P E R O R A T I O.



HABES studiosè lector, siue adolescens, siue
 adultæ ætatis inuenis, Dialecticâ tibi paratâ,
 non aliam ob causam (sic mihi crede) nisi ut
 posthac quicquid in studijs liberalibus addis-
 cendum tibi fuerit, citra crassam illam & fœdam barba-
 riem facile id iam assequi uideri possis. Quippe quod
 hæc sola uisa sit hætenus deesse ad ternarium illum
 studiorum numerum, quæ triuij communi nomine appel-
 lant: id quod in primis triuialium ludorum magistri at-
 que præceptores sæpe ac multum conquesti sunt aliquot
 annis, tales utique præceptores, qui (ut pro comperto ip-
 se habeo) totis uiribus ad hoc contendunt, ut docilem iu-
 uentutem ritè instituunt, à barbarie auocent, bonas artes
 doceant. Itaque si hæc Dialectica nostra talis tibi uisa fue-
 rit, ut ex ea id, quod summopere tui moliuntur præ-
 ceptores, pro uoto assequi potueris, bene est:
 sin uerò nondum id à me præstitum sit
 (quod equidem uereri possum)
 conatum saltem quaeso, si
 non rem ipsam,
 laudaueris.

G 4 IN

IN GARRVLVM SOPHI-
STAM IOANNIS MVRMEL-
LII RVREMVDENSIS
EPIGRAMMA.

GArrule qui nostrum tentas lapidare libellum,
In lucem pueris ede Sophista tuum.
Non decet in rudium cœtu traducere doctos:
Vana loquitur pe est, gloriolamque sequi.
Ecquid apud calathos, inter muliebria pensa
Reddere te clarum lana caprina potest?
Quando nihil præter verbosa sophismata nosti,
Barbarie sordens, Grammaticæque rudis:
Ecquid habet sophia quod te in penetralia ducat?
Ecquid Aristotelem Porphyriumque tenes?
Haud operæ pretium est (mibi crede) refellere nugas:
Digna legi scribens experiere virum.
Saucius & possum genuinum infigere dentem:
Deque meo crudum vulnere vulnus erit.
Ingenijs hominum studeo prodesse iuuandis,
Estque mihi verò gloria nulla prior.

IOANNES MVR-
MELLIVS RVRE-
MVNDENSIS

PETRO

SVO

S. P. D.



OGAS me sedulo, & crebro
adhortaris, Petre suauissime,
vt breui te arte instituam, quã-
nam ratione voces eas, quæ in
categoriis locum habent, discer-
nere queas ab illis, quæ à prædicamentis alie-
næ sunt: & vt certos quosdam tibi tradam
canones, quibus facile discas, in quo vna-
quæque vox categorica prædicamento re-
ponatur. Ardua profectò res est, & sæuis
caninæ facundiæ morsibus exposita, in tam
varia & multiiuga opinionum diuersitate,
dialecticorum aliis alia sentientibus, breui
ea libello perstringere, quæ pluribus longis-
simi operis voluminibus vix satis exactè po-
tuerint vel à doctissimo Philosopho expli-
cari. Cùm tamen mecum cogitem, quantũ
utilitatis tibi studiosisque liberalium artiũ
iuuenibus ex hoc quod petis, prouenturũ
sit, vtcunque pro temporis, quo suppetit
G 5 otium,

otium, breuitate, votis tuis non morem gè-
rere non possem. Accipe igitur lucubratiū-
culam hanc nostram, vt habeas *ἱσαροζήν*
quandam in Aristotelis decem prædicamē-
ta: & ingenium tuum ne Grammaticæ so-
lūm, sed fructuosis etiam Dialecticæ studiis
excolito, vt vera dignoscens à falsis, & finie-
di, diuidendi, argumentandique rationem
tenens, rectam viam habueris, & iter expe-
ditum ad optimam quaque disciplinam.
Vale, & præceptorem tuum dilige. Alcma-
riæ Phrasiolorum oppido studiis libera-
libus sanè quàm accommodato,

Anno à partu Virginis.

M. D. x i i i. Idibus

Septembris.

*

I N

IN ARISTOTE- LIS DECEM PRÆDICA- MENTA IOANNIS

MVRMMELII

Ruremundensis

Isagoge.



ISAGOGEM hanc in decem Aristotelis Peripateticorum principis κατηγορίας tribus digero capitibus, quorū primo quidē agam de vocibus à prædicamentorum serie reiectis & alienis: secundo autem super iis, quibus in ordine categorico locus est: tertio verò dictiones aliquot tradam, quæ vel ad diuersa prædicamēta, vel ad vnius eiusdēque seiunctas species referuntur. Porro vt hæc facilius memoriæ commendari possint, & tenacius inharere, singula capita in suos titulos sunt distributa.

DE VOCIBVS A PRÆDICA-

samentorum serie reiectis & alienis

Isagoges in Aristotelis,

Prædicamenta.

Caput Primum.

Decem esse prædicamenta

titulus 1.

De prædicamentorum quasi inuis

titulus 2.

Novem regulis cognosci voces à prædicamentis alie-

titulus 3.

De

<i>De reiectis à predicamentorum ordine vocibus regu-</i>	
<i>larum nouem prima</i>	titu. 4.
<i>Secunda regula</i>	titu. 5.
<i>Tertia regula</i>	titu. 6.
<i>Quarta regula</i>	titu. 7.
<i>Quinta regula</i>	titu. 8.
<i>Sexta regula</i>	titu. 9.
<i>Septima regula</i>	titu. 10.
<i>Octaua regula</i>	titu. 11.
<i>Nonaregula</i>	titu. 12.
<i>Bisariam aliquid locum habere in predicamento</i>	ti. 13.

DE DICTIONIBVS QVIBUS
in ordine categorico
locus est,

Caput Isagoges huius secundum.

<i>Series categoria Substantia</i>	titu. 1.
<i>De ijs, quæ sunt predicamenti Substantia, regula pri-</i>	
<i>ma</i>	titu. 2.
<i>Regula secunda</i>	titu. 3.
<i>Regula tertia</i>	titu. 4.
<i>Regula quarta</i>	titu. 5.
<i>Regula quinta</i>	titu. 6.
<i>Regula sexta</i>	titu. 7.
<i>Regula septima</i>	titu. 8.
<i>Regula octaua</i>	titu. 9.
<i>Regula nona</i>	titu. 10.
<i>Regula decima</i>	titu. 11.
<i>Regula undecima</i>	titu. 12.
<i>Regula duodecima</i>	titu. 13.
<i>Series</i>	

Series categoriae Quantitatis Titu. 14.

De ijs, quæ sunt prædicamenti Quantitatis, regula prima Titu. 15.

Regula secunda Titu. 16.

Regula tertia Titu. 17.

Quarta regula Titu. 18.

Quinta regula Titu. 19.

Series prædicamenti Ad aliquid. Titu. 20.

De ijs, quæ sunt prædicamenti Ad aliquid, prima regula Titu. 21.

Secunda regula Titu. 22.

Tertia regula Titu. 23.

Series prædicamenti Qualitatis Titu. 24.

De ijs, quæ sunt prima speciei Qualitatis, regula prima Titu. 25.

Secunda regula Titu. 26.

Tertia regula Titu. 27.

Quarta regula Titu. 28.

De ijs, quæ sunt secunda speciei Qualitatis, regula prima Titu. 29.

Secunda regula Titu. 30.

Tertia regula Titu. 31.

De ijs, quæ sunt tertia speciei Qualitatis, regula prima Titu. 32.

Secunda regula Titu. 33.

Tertia regula Titu. 34.

De ijs, quæ sunt quarta speciei Qualitatis, regula prima Titu. 35.

Secunda regula Titu. 36.

Series prædicamenti Actionis Titu. 37.

De ijs, quæ sunt in prædicamento Actionis, regula Titu. 38.

Series

Series predicamenti Passionis	titu. 39.
De ijs, quæ sunt in predicamēto Passionis, regula	ti. 40.
Series predicamenti Vbi	titu. 41.
Descriptio Vbi, ex Trapezuntio	titu. 42.
De ijs, quæ sunt in predicamēto Vbi, regula	titu. 43.
Series predicamenti Quando	titu. 44.
Descriptio Quando, ex Trapezuntio	titu. 45.
De ijs, quæ sunt in predicamēto Quando, regula	tit. 46.
Series predicamenti Situs	titu. 47.
Descriptio Situs, ex Trapezuntio	titu. 48.
De ijs, quæ sunt in predicamento Situs, regula	tit. 49.
Series predicamenti Habitus	titu. 50.
Descriptio Habitus	titu. 51.
De ijs, quæ sunt in predicamēto Habitus, regula	ti. 52.

DE D I C T I O N I B V S A L I

quot, quæ uel ad diuersa prædicamenta, uel
ad unius eiusdēque seiunctas
species referuntur.

Caput huius introductionis
tertium.

Quòd una eadēque species secundū aliud atque aliud diuersis generibus supponi possit	titu. 1.
De habitu, dispositione, scientia, sensu & positione	tit. 2.
De raro, spisso, laui, & aspero	titu. 3.
De calido, humido, & lumine	titu. 4.
De doctore, imperatore, viro, comite	titu. 5.

D E

DE VOCIBVS A PRÆDICAMENTO.

RVM SERIE RE-

iectis & alienis, Isagoges
in Aristotelis præ-
dicamenta,

CAPVT L

DECEM ESSE PRÆ-
dicamenta.

TITVLVS I.



PRIMUM omnium Aristoteles decem κα-
τηγορίας constituit, quæ à Quintiliano
elementa dicuntur, à Seuerino Boethio
prædicamenta. Sunt autem hæc: Substan-
tia, Quantitas, Ad aliquid, Qualitas,
Agere, Pati, Vbi, Quando, Situs, & Habere. Substantia
est (ut singulatim exempla referantur) ut homo. Quanti-
tas, ut linea. Ad aliquid, ut pater. Qualitas, ut iustitia.
Agere, ut secare. Pati, ut secari. Vbi, ut in Academia.
Quando, ut hodie. Situs, ut iacere. Habere, ut togatum esse.
Sed & his ea uersiculis complexi sumus:

Arbor sex seruos seruore refrigerat ustos:
Ruricras stabo, nec tunicatus ero.

DE PRÆDICAMENTORVM
quæsituiis.

TITVLVS II.

Decem prædicamentorum quæsitua tradunt eru-
diti,

diti, Quid, quantum, quid huius, quale, quid agens, quid
 patiens, ubi, quando, quomodo situm est, quomodo habi-
 tuatum est. Cum enim quæritur, quid est Socrates? respon-
 detur, homo, animal, aut substantia, quæ à quibusdam di-
 citur essentia. Quantus est Socrates? interrogatus respon-
 det, quadricubitus. Quid Plato? magister. Qualis? tempe-
 rans. Quid agit? disputat. Quid patitur? Verberatur. Vbi
 philosophatur? Athenis. Quando locutus est Alcibiadi?
 hodie. Quomodo situs est? stat. Quomodo habituatus est?
 palliatus.

NOVEM REGVLIS COGNOS-
 sci uoces à prædicamentis alienas.

TITVLVS III.

Quemadmodum (ut Seuerini Boëthij uerbis utar) qui
 serere ingenuum uolet agrum, liberat arua prius frutici-
 bus, falce rubos filicemq; resecat: ita & nos primùm te do-
 cebimus, quæ uoces à prædicamentis alienæ sint, ut ijs re-
 iectis, in prædicamentorum serie collocandas faciliori
 ratione comprehendas. Tenendæ igitur tibi sint nouem
 regulæ, quas his triuialibus uersiculis comprehendî:

Complexum, consignificans, fictum, polysemum,
 Vox logica, Deus, excedens, priuatio, parsq;
 Hæc studiose categorijs non accipiuntur.

DE REIECTIS A PRÆDICA-
 mentorum ordine uocibus, regula-
 rum nouem Prima.

TITVLVS IIII.

Complexum
 Prima regularum hæc est, Nulla uox complexa, nisi
 simplicis loco accipiatur, in prædicamento ponitur: pro-
 inde

inde si quis te rogarit, in qua categoria collocatur iustus homo? in nulla, respondeto. Signatè autem additum est, nisi simplicis loco accipiatur, quòd ob uerborum inopiam saepenumero pluribus pro uno cogimur uti, ita ut tametsi uoces sunt plures, intellectus tamen sit simplex, & res quae significatur, una. Exempli gratia, corpus animatum, licet uox sit complexa, genus tamen est unum: sic & quantitas continua, & quantitas discreta.

S E C V N D A.

TITVLVS V.

Nulli syncategoremati locus est in categoria. Syncategorema dicitur uox consignificatiua, id est, quae nec uniuersalem rem, nec particularem significat, sed consignificat, id est, cum alia dictione orationem ad significandum ingreditur, ut omnis, nullus, aliquis, quidam, hic ille, utinam, quidem, apud, heu. Sciendum hoc loco est, ex octo partibus orationis (quas Grammatici constituunt) duabus duntaxat, nomini quidem & uerbo locum patere praedicamenti: participium autem sub uerbo suo comprehendendi, aduerbium uerò sub nomine. Nam ut literati docent, & nomen in aduerbium, & rursus aduerbium in nomen aliquando transit. Loci aduerbia ad praedicamentum Vbi pertinent. Temporis, ad Quando. Qualitatis uerò & quantitatis aduerbia ad Qualitatem Quantitatemq; reducuntur.

T E R T I A R E G V L A.

TITVLVS VI.

fratrum Omnis uox rei commentitiæ & fabulosæ (quam natura non fert) significatiua, est à praedicamenti aliena: ut Cerberus, Sphinx, Chimæra, Siren, Cyclops, Harpyia, Styx, Acheron.

QVARTA REGVLA.

polysomum TITVLVS VII.

*nam si prius
distingueretur
locus aut
haberet multa
significata*

Nulla uox polysema in categoriam recipitur, nisi ambiguitate deposita unum significet: πολύσημος Græcè dicitur multa significans: ut canis terrestrem significat, marinum, & cœlestem: unde lepidum extat Ausonij de lepore capto epigramma:

Trinacrij quondam currentem in littoris ora

Ante canes leporem cœruleus rapuit:

At lepus: in me omnis terræ pelagiq; rapina est,

Forsitan & cæli, si canis astra tenet.

QVINTA REGVLA.

Vox logica TITVLVS VIII.

Voces logicæ, quas aliarum gratia Dialectici usurpant, sunt à prædicamentis alienæ. Voces logicas, id est, rationales, appello eas, quas iuniores terminos secundæ intentionis uocant, cuiusmodi sunt: Nomen, uerbum, oratio, propositio, subiectum, prædicatum, genus, species, & id genus alia.

SEXTA REGVLA.

Deus TITVLVS IX.

Nulli dictioni infinitum significanti locus est in prædicamento. Infinitum quidem actu intelligo, non potentia. Proinde Deus, numen, æternum, increatū, creator, & id genus reliqua nullius sunt categoriæ.

SEPTIMA REGVLA.

Exordium TITVLVS X.

Omnis uox omnia rerum ambiens generalis categoriæ uacat. Sunt autem quatuor (quæ uulgò transcendentia

dentia dicuntur) teste Ioanne Pico, ens, unum, uerum, & bonum: si ita accipiantur, ut eorum negationes sint, nihil, diuisum, falsum, & malum. Addita sunt illis alia duo, aliquid, & res, ab recentioribus Auicennam secutis.

OCTAVA REGULA.

privatio

TITVLVS XI.

Nulla uox priuationem significans, locum habet in praedicamento, ut caecitas, surditas, tenebrae.

NONA REGULA.

partes

TITVLVS XII.

Nulla uox partis principij uel materialis seu constitutiuu significatiua, in praedicamenti serie reponitur. Proinde forma, materia, corpus, anima, caput, pectus, uenter, manus, pes, & id genus reliqua sunt à praedicamentis reiecta.

BIFARIAM ALIQUID

LOCVM HABERE IN

praedicamento.

TITVLVS XIII.

Bifariam aliquid in praedicamento locum habet: nam aut per se in recta serie collocatur, ut genera, species, & indiuidua: aut per aliud praedicamento attinet, idque trifariam. Primum enim differentiae omnes specificae eius sunt praedicamenti, cuius genera, quorum illae sunt diuisionae: non secundae qualitatis speciei, ut ex Neotericis quidam loquaculi sophistae falso autumant. Deinde autem partes & principia ei praedicamento attinent, cuius ea sunt, quae ex illis constituuntur: ut caput, pes, manus ad Substantiam referuntur: unitas, & punctum ad Quantitatem. Postremo uero motus species ad suum quae-

que terminum reducuntur : ut generatio & corruptio ad Substantiam, crenementum & diminutio ad Quantitatem, alteratio ad Qualitatē, loci mutatio ad Vbi. Trapezuntius motum quidem speciem quantitatis facit : generare uerò, corrumpere, augere, diminuere, alterare, & loco mouere Aetioni subiicit. Sunt qui motum ob ambiguitatem à prædicamentorum serie remouent, cum de suis (quæ uidentur species) nō uniuocè, uerum æquiuocè prædicetur.

DE DICTIONIBVS, QVIBVS
in ordine Categorico locus est, Caput Isa-
gogēs huius secundum.

Series Categoria Substantia.

TITVLVS I.

Substantia

Corporea		Incorporea
	Corpus	
Simplex		Mistum
	Corpus mistum	
Animatum		Inanimatum
	Corpus animatum	
Sensibile		Insensibile
	Animal	
Rationale		Irrationale
	Homo	
Socrates	Plato	Xenophon.

DE IIS, QVAE SVNT PRAE-
dicamenti Substantiae, regula prima.

TITVLVS II.

Omne nomen significans substantiam incorpoream,
est

est primi praedicamenti: ut, spiritus, angelus, daemon, manes. Hoc nomine nunc intelligo animam à corpore separatam. Propertius:

Sunt aliquid manes, lethum non omnia finit.

Angelus autem bifariam accipitur, nunc pro spiritu, estque huius categoriae: nunc, ut est officij nomen, non substantiae (nā αγγελος Graece, interpretatur nuncius Latine) & est primi generis qualitatis, tametsi quidam in praedicamentum Ad aliquid coniiciant.

REGULA SECVNDA.

TITVLVS III.

Mundus, coelum, orbes coelestes, planetae, stellae, & elementa, sunt huius praedicamenti. Coeli sunt decem: Coelum empyreum, coelum crystallinum, firmamentum, & septem planetarum orbes. Planetae septem sunt: Saturnus, Iupiter, Mars, Sol, Venus, Mercurius, Luna: quos hoc uersu: complexi sumus:

Luna, Hermes, Cypris, Sol, Mars, Iouis, & pater huius.

Rerum naturalium elementa sunt quatuor: Ignis, aer, aqua, & terra. de quibus hic noster est uersiculus:

Aer, ignis, aqua, & tellus, sunt semina rerum.

REGULA TERTIA.

TITVLVS IIII.

Omnis animalis species est praedicamenti Substantiae. Specierum animalis haec sunt specialissimae: ut homo, equus, leo: illae uero subalternae, ut pecus, bestia, belua, fera, quadrupes, piscis, auis, serpens, uermis. Pecudis species, sunt, bos, equus, asinus, mulus, camelus, ouis, capra, porcus, ceruus, elephas, & id genus reliqua. Ferae species sunt, leo, ursus, pardus, trigis, lupus, uulpes, & id genus

cetera. Pisces subijciuntur balæna, cancer, conger, mullus, salmo, carpio, concha, ostreum, gobio, rhombus, & ceteræ species innumerae. Avis species sunt, aquila, philomela, bubo, noctua, ciconia, passer, coruus, monedula, psittacus, perdix, turdus, uultur, & cetera. Serpentis, draco, basiliscus, uipera, cerasastes, seps, natrix. Vermis, apex, araneus, bombyx, blatta, culex, crabro, gryllus, limax, pulex, papilio, hirudo, tineæ, teredo, & huiusmodi alia.

REGVLA QVARTA.

TITVLVS V.

Omne nomen arboris est in categoria Substantiæ: ut, pomus, malus, pyrus, abies, laurus, salix, betula, uitis, robur, taxus, castanea, fagus, cupressus.

REGVLA QVINTA.

TITVLVS VI.

Omne nomen herbae, huius est prædicamenti: ut, amaracus, abrotanum, mandragora, malua, hyssopus, lactuca, fœniculum, elleborus, ruta, pulegium, salvia, lappa, tribulus, anethum, urtica, trifolium.

REGVLA SEXTA.

TITVLVS VII.

Omne fruticis nomen est huius categoriæ. Dicitur autem frutex, qui ad iustam arboris magnitudinem non assurgit, & statura similis est herbis multis: sed non demoritur, neque arefcit ut herba, uerum perennis est. Huius species sunt, nardus, myrrha, casia, genista, papyrus, arundo. Sciendum est, nonnullas res easdem ab his inter arbusculas, ab illis inter frutices numerari: ut iuniperum, balsamum, myrrham, & id genus alia. De nonnullis etiam,

am,

am, sint ne magis herbae an frutices, dubitatur. Nec hoc ignorandum est, à Nicephoro corpus animalum sensibile diuidi in animal & Zoophytum. Dicitur autem ζώοντες, quod nec animalium, nec plantarum, sed tertiam ex utrisque naturam habet, ut urtica marina, & sponsia: de quibus uide Plinium libro nono, capite quadragesimo quinto.

REGULA SEPTIMA.

TITVLVS VIII.

Omnia florum, fructuum, & aromatum nomina, si capiantur ut res totas & per se integras significent, sunt in ordine huius praedicamenti: ut rosa, liliū, narcissus, uiola, ligustrum, caltha, pomum, mālum, pyrum, prunum, cerasum, morum, bacca, oliua, cornum, ficus, glans, mespilum, nux, iuglans, castanea, auellana, aroma, saccharum, cinnamonum, zingiber, piper, gariophylon, & id genus reliqua.

REGULA OCTAUA.

TITVLVS IX.

Frumentorum & leguminum nomina sunt huius categoriae: ut, triticum, siligo, far hordeum, panicum, miliū, auena, faba, pisum, lens, eruum, lupinus, uicia.

REGULA NONA.

TITVLVS X.

Lapidum & gemmarum uocabula sunt huius praedicamenti: ut, adamas, marmor, magnes, crystallus, succinum, smaragdus, iaspis, coraliū, achates, carbunculus, chrysolithus, sapphirus, silex, tophus, pumex.

Omnia metallorum & fossilium nomina sunt in predicamento Substantiæ: ut, aurum, argentum, electrum, æs, orichalcum, stannum, plumbum, ferrum, alumen, sulphur, nitrum, sal, cadmia, * uernix, minium, chrysocola, & reliqua.

REGVLA VNDECIMA.

TITVLVS XII.

Omnia impressionum nomina, siue eæ sint ignitæ, siue aeræ, siue aqueæ, siue terreæ, siue radiorum apparitione fiant, huius sunt prædicamenti. Impressio à philosophis res naturales indagentibus, dicitur corpus mistum, imperfectum. Impressiones ignitæ sunt, stipulæ ardentes, æges, dali, sydus uolans, candelæ, trabes, columnæ, teretes species gum lanceæ, clypei, globi, faces ignitæ, pyramides, draco uolans, & similes. Adduntur his cometes, & galaxias. Impressiones aqueæ sunt, uapor, pluuiæ, ros, pruina, nix, grando, fontes, flumina, mare. Aeræ, uenti, terræ motus, fulmina, ecnephias, typhon. Quæ radiorum apparitione fiunt, sunt halon, iris, uirgæ, parelij. De terreis impressionibus in proxima regula dictum est, ubi de metallis & fossilibus.

REGVLA DVODECIMA.

TITVLVS XIII.

Omne nomen substantiam rei inanimatæ significans, est in categoria substantiæ. Hæc regula continet in se quasdam suprâ positas, & eam breuitatis gratia damus. ob multa, de quibus nondum meminimus. Dicimus itaque montem, collem, urbem, oppidum, domum, templum tur-

rem,

* Vernix nomen est, neque Græcum

neq; Latinū,

sed à barbara

rica vulgari

appellatione

in formam

Latinā trans-

latū. Vulgò

enim res ipsa

vernix dicitur.

Est autē

species gum

mi, quæ Græ-

cis sandara-

cha dicitur,

ut quibusdā

videtur.

Κομήτης.

Γαλαξίας.

αίλον.

ἴρις.

Παρήλιοι.

rem, tunicam, togam, gladium, cultrum, panem, uinum, lac, mel, ceruissiam, carnem, os, dolium, pateram, hastam, scrinium, & id genus reliqua, huius esse praedicamenti: nec assentimur ijs, qui simpliciter aiunt eiusmodi res ob figuram ab artifice inductam esse de quarto genere Qualitatis, cum Substantia longe praeponderet accidēti. Quisquis recte sentit, gladium Substantiam quidem esse, figuram uero eius Qualitatem non diffitetur. Quidam contendunt nullius esse praedicamenti nomina rerum artificio productarum, quod Substantiam simul & Qualitatem complectantur.

Vnaquaeque
tamen res à
forma sui ha
bet, ut sit id
quod est.

SERIES CATEGORIAE

Quantitatis.

TITVLVS XIII.

Quantitas

Continua

Discreta.

Quantitas continua

Intrinsècus
mensuratiuaExtrinsècus
mensuratiua.Quantitas continua in-
trinsècus mensuratiua

Latabilis

Illatabilis.

Linea

Haec linea

Ista linea

Illa linea.

DE IIS, QVAE SVNT PRAEDI-
camenti Quantitatis, regula prima.

TITVLVS XV.

Omne nomen magnitudinis est in praedicamēto Quan-
titatis: ut, linea, superficies, corpus, longitudo, latitudo, al-
titudo, profunditas, crassities, bicubitum, tricubitum, pe-
dale, bipedale, tripedale, sesquipedale, & id genus cætera.

H

S

REG

Omne nomen mensuræ ad hoc prædicamentum pertinet: ut, uncia, digitus, palmus, pes, ulna, cubitum, passus, stadium, diaulus, milium, dolichus, modius, sextarius, congius, hemina, chœnix, urna, cotyla, cyathus, & partes eius, si capiantur ita, ut meram quantitatem significant. Ponderum nomina meo iudicio sunt à prædicamenti aliena, quòd cum quantitate qualitatem significant: ut, libra, selibra, bilibris, trilibris, pondo, talentum. Sed hæc doctioribus relinquo exactius disputanda. Illud quoque, sit'ne linea species infima, an subalterna, quod & de tempore potest dubitari.

REGVLA TERTIA.

TITVLVS XVII.

Omne nomen numerale est huius categoriæ: ut, duo, tria, quatuor, quinque, decem, centum, mille, binarius, ternarius, centenarius. Primus autem, secundus, tertius, & id genus alia, pertinent ad prædicamentum Ad aliquid. Unitas autem non est numerus, sed eius principium.

REGVLA QVARTA.

TITVLVS XVIII.

Omnis modulus, quo dictionem dum proferimus, mensuramus, est huius prædicamenti: nam quantitas, id est, quo syllabæ longæ breuësue mensurantur, ex quo prouenit oratio, species est discretæ quantitatis.

REGVLA QVINTA.

TITVLVS XIX.

Locus & tempus sunt categoriæ quantitatis, tametsi quidam locum in prædicamento Ad aliquid, reponant: & Diuus Aurelius Augustinus in confessionum opere fateatur

tur se, quid sit tempus, ignorare. Aeuum quoq; huius praedicamenti esse censensum est, aeternitatem uerò nullius. Partes temporis sunt, hora, dies, septimana, mensis, annus, olympias, lustrum, seculum, & id genus reliqua.

SERIES PRAEDICAMENTI Ad Aliquid.

TITVLVS XX.

Ad aliquid

Aequaliter comparabile

Inaequaliter comparabile.

Ad aliquid inaequaliter comparabile

Dignius correlatiuo

Indignius correlatiuo.

Relatiuum correlatiuo dignius

Respicieus filium

Non respicieus filium.

Pater

Hic pater

Iste pater

Ille pater.

DE IIS, QVAE SVNT PRAEDICAMENTI Ad aliquid, regula prima.

TITVLVS XXI.

Omne categorema principali significato rem significans non absolutam, sed alterius respectiuam, est praedicamenti Ad aliquid: ut, pater, filius: auus, nepos: maritus, uxor, socer, gener: magister, discipulus: patronus, cliens: dominus, seruus: rex, parasitus: patronus, libertus (est autem patronus nomen ambiguum, & modò ad clientem refertur, modò ad libertum) dux, comes: duplum, dimidiũ: magnum, paruum: multum, paucum: maius, minus: prius, posterius:

posterius:amicus,inimicus:hospes,ciuis:socius,sodalis,hos-
tis, similis, dissimilis: aequalis, inaequalis, & alia sexcēta.

SECUNDA REGULA.

TITVLVS XXII.

Nomina cognationis & affinitatis sunt huius catego-
ria: ut, parens, proles, pater, filius, auus, nepos, frater, so-
ror, sobrinus, consobrinus, coniunx, compater, affinis, le-
uir, socer, gener, uiricus, priuignus.

TERCIA REGULA.

TITVLVS XXIII.

Pleraque nomina cum præpositione composita, huius
sunt prædicamenti: ut, commulito, collega, consacerdos
(qui Græcè symmystes dicitur) concanonicus, conuictor,
contubernalis, condiscipulus, coauditor, compotor, com-
petitor, collacteus, collactaneus, conseruus, cognominis,
consanguineus, coëpulo, cohabitator, confabulator, con-
gerro, coniunx, concolor, consonus, & eiusmodi reliqua.

SERIES PRÆDICAMEN- ti Qualitatis.

TITVLVS XXIIII.

Qualitas

Formæ attinens

Materiæ attinens.

Qualitas for-
mæ attinens

Comparata

Natura insita.

Affectio

Facile dimobilis

Difficulter dimobilis.

Habitus

Spiritualis

Corporalis.

Habitus spiritualis

Intellectualis

Moralis.
Habitus

Habitus intellectualis

Theoreticus

Practicus.

Habitus intellectualis

Theoreticus

Conclusionis

Principiorum.

Scientia

Contemplatiua

Actiua.

Scientia contemplatiua

Principalis

Adminiculatiua.

Logice

Disputatoria

Non disputatoria.

Dialectice

Hæc Dialectice, Platonis Dialectice, Chrysippi Dialectice.

DE IIS, QUAE SUNT PRIMAE SPECIEI QUALITATIS, regula prima.

TITVLVS XXV.

Omnis dispositio & habitus corporalis est in primo Qualitatis genere: ut, calor, frigiditas, sanitas, similitas, cecitas, candor, nigredo, fuscum, robur, ægrotudo, morbus, & eius species: ut, febris, paralysis, pleuritis, podagra. Dispositio, quæ & affectio dicitur, & latius accipitur & pressius. Primo modo est qualitas ad bene malæue operandum acquisita, Secundo est qualitas ad bene malæue operandum acquisita, perfacile à subiecto dimobilis. Habitus est ad operandum comparata qualitas, difficulter à subiecto dimobilis.

REGVLA SECVNDA.

TITVLVS XXVI.

Omnis habitus intellectualis est in primo genere Qualitatis. Habitus intellectuales sunt quinque, quibus semper assent

assentimur uero: Sapiencia, Intellectus, Scientia, Prudentia, & Ars. Duo, quibus modò uero assentimur, modò falso: sunt autem opinio & suspicio. Sapiencia est habitus cognitiuus Dei & diuinorum. Intellectus est habitus primorum principiorum cognitiuus. Scientia est habitus conclusionis per demonstrationem acquisitus. Prudentia est recta ratio rerum à nobis agendarum. Ars est recta ratio rerum à nobis efficiendarum. Opinio est assensus rei ualidior. Suspicio est assensus rei minus ualidus. Scientiarum igitur & artium nomina in hoc genere collocantur, Grammatica, Dialectica, Rhetorica, Arithmetica, Musica, Geometria, Astronomia, Physice, Ethice, Metaphysice, Poëtice, agricultura: militia, lanificium: & id genus alia.

TERTIA REGULA:

TITVLVS XXVII.

Omnes habitus morales, id est, uirtutes & uitia sunt in hoc primo genere Qualitatis: ut, iustitia, iniustitia, fortitudo, audacia, timiditas, liberalitas, auaritia, prodigalitas. A Theologis nostris ponuntur etiam in hac specie habitus spirituales infusi: ut, fides spes, charitas, & id genus uirtutes supernaturales: item habitus concreati, ut species intellectuales, & rationes Angelorum mètibus concretae. sed huiusmodi habitus non capit definitio à ueteribus Peripateticis data: nec mirum, cum illi uerae religionis ac sapientiae expertes, id genus habitus non nouerint. Quare malim eos reponere inter Qualitates præter hæc quatuor genera apparentes, aut aliam tradere habitus finitionem, atque uulgò datur. Nec mirandum uideatur,

tur,

tur, quòd dixerim, Qualitates præter hæc quatuor genera apparentes. Nam, Seuerino Boëthio interprete, Aristotelis in prædicamentorum libro hæc uerba sunt: Et fortasse alij quoque apparebunt Qualitatis modi, sed qui maxime dicuntur, fere tot sunt.

Q V A R T A R E G V L A.

T I T V L V S X X V I I I.

Nomina magistratuum & dignitatum sunt in hoc primo genere Qualitatis: ut: pontifex, episcopus, sacerdos, rex, consul, prætor, censor, ædilis, & id genus reliqua. Pauperitẽ, diues, fortunatus, infortunatus, beatus, felix, miser, nobilis, ignobilis, honoratus, gloriosus, & huiusmodi nomina, sunt huius speciei.

DE IIS, Q V A E S V N T S E-
cundæ speciei Qualitatis, regula
prima.

T I T V L V S X X I X.

Omnis naturalis potentia uel impotentia, est in secundo genere Qualitatis. Naturalis potentia est qualitas ad bene operandum innata: ut, salubritas, durities. Naturalis impotentia est qualitas ad malè debilitèrue operandum, aut ad patiendum innata: ut, insalubritas, mollieties. Trapezuntius autem in Dialecticis: Naturalis (inquit) potentia, uel impotentia, dicitur uis quædam insita, uel imbecillitas, qua facilius quicquam aut ægrius uel pati, uel agere natura potest: ut, durum, molle, ualetudinarius, robustus, & quæ huiusmodi sunt naturâ insita, non aduentitia. Hæc ille. Vires igitur naturales planetarum, syderum, elementorum, animalium, plantarum, lapidum, & cæterorum, sunt huius generis.

R E G

TITVLVS XXX.


Omne simpliciter speciei proprium, est in hoc secundo genere Qualitatis: ut, risibile, flebile, disciplina susceptuum, hinnibile, latrabile, mugibile, gannibile, & eiusmodi alia.

REGVLA TERTIA.

TITVLVS XXXI.

Omnis animæ potentia est huius secundi generis. Animæ potentia uis est eius, qua alicuius operis est effectiua. Eius quinque sunt genera, ut hæc subiecta indicabunt.

Potem



Non ignorandum est, ab Auicenna, Alberto Magno, & plerisque alijs poni quinque sensus interiores: Sensum communem, uim imaginatiuam, existimatiuam, plantasiam, & memoriam. Ab Auerrhoi uerò, Thoma Aquinate, & Marsilio Ficino in libro de uoluptate, quatuor duntaxat, uim existimatiuam à phantasia non separantibus. Nicephori, hominis alioqui præstantis doctrinæ, opinio neutiquam mihi probatur, uisum & ceteros sensus ponentis in ea Qualitatis specie, quæ dicitur habitus & affectio.

DE IIS, QUAE SVNT TERTIÆ SPECIEI Qualitatis, regula prima.

TITVLVS XXXII.

Omnis passio & passibilis qualitas est in tertio genere Qualitatis. Passio (ut hîc accipitur) est qualitas transiēs, quæ sensui passionem infert, aut quæ à passione infertur: ut, rubor ex uerecundia, excandescencia ex ira, pallor ex timore, ira ex contristatione. Passibilis qualitas dicitur qualitas permanens, quæ sensui passionem infert, aut quæ infertur à passionibus: ut, dulcedo, amarities, albor, nigror.

Passio modò est actionis affectus prædicamentum quidem ab alijs distinctum, ut calefieri, infrigidari: modò est qualitas transiens uel animæ, uel corpori ex passione innata, & res quædam media inter passionem & qualitatem, qualitas, inquam, inchoata & imperfecta, quæque non potis est subiectum denominare: ut, ira ex contentione, erubescencia ex uerecundia.

SECUNDA REGULA.

TITVLVS XXXIII.

Omnis qualitas sensibilis in hoc tertio genere collocatur:

tur: ut, color, album, nigrum, flauum, liuidum, puniceum, purpureum, uiride, cœruleum, sonus, uox, murmur, crepitus, susurrus, strepitus, fragor, sibilus, echo, odor, sapor, dulce, amarum, pingue, salsum, acre, austerum, acutum, acidum, calidum, frigidum, tepidum, humidum, siccum, leue, asperum, graue, leue.

TERTIA REGULA.

TITVLVS XXXIIII.

Passiones animæ, quæ & affectiones, & perturbationes dicuntur, à quibusdam in hac tertia specie collocantur. Iacobus autem Faber Stapulensis, homo doctissimus, & de optimis studijs scribendo meritus optimè, ponit eas in prædicamento Passionis: nos suprà medias esse diximus inter Passionem & Qualitatem. Stapulensis Aristotelis uerba pensitat, illas Passiones aientis, Qualitates uerò minimè: pensitat & originem earundem, & (ut italoquar) fluxitatem. Illi autem rem putant Passioni superadditam, etsi non Qualitatem perfectam, at semen & elementum Qualitatis: undeq; , si accesserit permanentia, facile passibilis Qualitas coalescat. Passiones animæ duodecim Egidius Romanus, & alij neoterici ponunt: Amorem, desiderium, odium, abominationem, dilectionem, dolorem seu tristitiã, spem, desperationem, audaciam, timorem, iram, segnitiam. His adduntur à quibusdam zelus, gratia, nemesis, misericordia, inuidia, erubescencia. Nonnulli species quoq; rerum tum sensibilium, tum intelligibilium & Passiones appellant, & in hoc tertio genere Qualitatis reponunt.

DE IIS, QVAE SVNT QVARTAE SPECIEI Qualitatis, regula prima.

TITVLVS XXXV.

Omnis figura, & circa unumquodque constans forma est in quarto genere Qualitatis. Seuerinus Boethius figuram & formam hoc modo separat: Figura inquit, est triangulum uel quadratum: forma autem ipsius trianguli uel quadrati quædam Qualitas: unde etiam formosos homines dicimus. Figura enim quædam uel pulchrior, uel mediocris, uel alio quodam modo constituta qualitas, forma nominatur. Figura (ut Geometræ definiunt) est, quæ sub aliquo uel aliquibus terminis continetur. Sub aliquo quidē, ut circulus: sub aliquibus uerò, ut triangulum uel quadratum. Nicephorus inter figuram & formam hoc discrimen tradit: Figura dicitur talis expressio, & linearis effectio: Forma extrinsecus prominens coloris qualitas, idea, & informatio, & interpolata coloratio, & simpliciter talis quædam iniecta uisui, superficiem forma. Sunt qui figuram in rebus inanimatis accipiant, formam autem in rebus animatis. Alij porro figuram quidem fastigiose cedentem: formam uerò supernam superficiem uocant. Hactenus Nicephorus.

SECUNDA REGULA.

TITVLVS XXXVI.

Omnis qualitas circa quantitatem consistens, est in hoc quarto genere: ut, paritas & imparitas circa numerum: rectitudo & curuitas circa lineam: concauum conuexum, & planum circa superficiem: teres, rotundum, orbiculare, turbinatum, pyramidale, quadratum, trigonum, tetragonum, pentagonum circa corpus.

SERI

DE PRÆDICAMENT. 511
 SERIES PRÆDICAMENT
 ti Actionis.

TITVLVS XXXVII.

Actio

Immanens

Transiens.

Actio immanens

In intellectu

Extra intellectum.

Intellectio

Simplicium ap=
prehensiuā

Non simplicium
apprehensiuā.

Simplicium apprehensio.

Hæc simplicium apprehensio, ista, illa.

DE IIS, QVÆ SVNT IN
 prædicamento Actionis, regula.

TITVLVS XXXVIII.

Omnis dictio significans agere, est huius prædica=
 menti: ut, calefacere, frigefacere, humectare, siccare,
 intelligere, appetere, uideri, audiri, olfacci, gustari, tangi,
 sentiri.

SERIES PRÆDICAMENT=
 ti Passionis.

TITVLVS XXXIX.

Passio

Spiritualis

Corporalis

Passio spiri=
tualis

Partis brutæ

Partis rationalis.

Passio spiritualis
 partis brutæ

Sensitiuæ

Appetitiuæ.

Passio sensus

I 3

Exte

Exterioris

Interioris.

Passio sensus
exteriorisAb re uisibili
illataNon illata ab
re uisibili.

Hec uisio

Visio
Ista uisio

Illa uisio.

DE IIS, QVAE SVNT IN PRAE-
dicamento Passionis, regula.

TITVLVS XL.

Omnis dictio significans pati, est huius praedicamenti:
ut, ad intelligendum agi, delectari, contristari, irasci, sen-
tiri, uidere, audire, odorari, olfacere, gustare, tangere, de-
mentari, doceri, uri, secari, calefieri, frigefieri, humectari,
siccari, discere, sperare, metueri, & id genus reliqua. Sci-
re uero est in praedicamento Qualitatis.

S E R I E S P R A E D I C A -
menti Vbi.

TITVLVS XLI.

Vbi

Commune

Proprium.

Vbi commune

Extra aquam

In aqua.

Vbi commune
extra aquam

In ciuitate

Extra ciuitatē.

Vbi commune
extra aquam
in ciuitate.

Sub tecto

Sub dio.

Sub

	Sub tecto	
In loco sacro		In loco profano.
	Sub tecto in loco profano	
Publico		Priuato.
	In ædificio priuato	
In ædificio Socratis		In domo Platonis.

DESCRIPTIO VBI, EX

Trapezuntio.

TITVLVS XLII.

Vbi, est quæ à loci circumscriptione procedit, corporis locatio. Nō est enim idem Locus & Vbi: nam locus est in eo quod capit, Vbi uerò in eo quod circumscribitur.

DE IIS, QVAE SVNT IN
prædicamento Vbi, regula.

TITVLVS XLIII.

Omnis dictio significans in loco, est in prædicamento Vbi: ut, in igni, in aere, in aqua, in terra, in urbe, in agro, in eremo, in uilla, in templo, in theatro, Romæ, Athenis, in Academia, in Lyceo, domi, militia, humi, ruri, hîc, istic, illic.

SERIES PRAEDICAMENTI
ti Quando.

TITVLVS XLIIII.

Quando

Præsens		Non præsens.
	Quando non præsens	
Præteritum		Futurum.
	Quando futurum	

Paulò pòst
futurum

Non paulò
pòst futurum.

Mox

Hoc mox

Istud mox

Illud mox.

DESCRIPTIO QUANDO,
ex Trapezuntio.

TITVLVS XLV.

Quando est, quæ relinquitur ex tempore rerum affectio. id diuiditur in præteritum, instans, & futurum, quamuis nihil horum sit: nam cum hæc tria tempora sint, Quando tempus non est, sed affectio rei, quæ fuisse, uel esse, uel futura dicitur.

DE IIIS, QUAE SVNT IN
prædicamento Quando, regula.

TITVLVS XLVI.

Omnis dictio significans in tempore, est in categoriâ Quando: ut, hodie, heri, nudius tertius, superiori mense, superiori anno, mane, meridie, uesperis, cras, perendie, olim, quondam, olympiade centesima, anno ab urbis origine quingentesimo, anno à uirginis partu supra miliesimum & quingentesimum decimotertio, & id genus cætera.

SERIES PRÆDICA-
menti Situs.

TITVLVS XLVII.

Situs

Enatura

Ex appetitu.

Situs ex appetitu

Intellectiuo

Sensitiuo.

Situs ex uoluntate.

Sui

Sui corporis

Alieni corporis.

Situs sui corporis
voluntarius

In pedes
erecti

Non erecti
in pedes.

Hic status

Status
Iste status

Ille status.

DESCRIPTIO SITVS,
ex Trapezuntio.

TITVLVS XLVIII.

Situs est partium quædam positio ac ordinatio, qua
stantia, sedentia, aspera, lævia, & huiusmodi dicuntur.

DE IIS, QVAE SVNT IN
prædicamento Situs, regula.

TITVLVS XLIX.

Omnis dictio significans positionem quandam par-
tium ac ordinationem, est in prædicamento Situs: ut, sta-
tus, sessio, accubitus, iacere, raritas, spissitudo, asperitas, læ-
uor, accliuitas, decliuitas, inclinatio, inflexio, supinitas,
& id genus reliqua.

SERIES PRAEDICA-
menti Habitus.

TITVLVS L.

Habitus

Domesticus

Militaris.

Habitus do-
mesticus

Vnius partium
corporis

Plurium partium
corporis.

I 5

Habitus

Habitus domesti-
cus plurium cor-
poris partium

Mediatè
adiacens

Immediatè
adiacens

Indusiatura

Hæc indusiatura Ista indusiatura Illa indusiatura.

DESCRIPTIO HABITVS.

TITVLVS LI.

Habitus est res media inter corpora, & quæ eis adia-
cent, secundum quam hæc quidem haberi, illa uerò habe-
re dicuntur: ut, armatura, tunicatio.

DE IIS, QVAE SVNT IN
prædicamento Habitus, regula.

TITVLVS LII.

Omnis dictio habitum significans, est huius catego-
riæ, siue is sit domesticus, siue militaris, siue ad uelamen,
siue ad cultum corporis pertineat: ut, armatum esse, lori-
catum, pharetratum, galeatum, scutatatum, palliatum, toga-
tum, pileatum, calceatum, annulatum, torquatum, corona-
tum, & huiusmodi alia.

DE DITIONIBVS ALIQVOT,
quæ uel ad diuersa prædicamenta, uel ad
unius eiusdemque seiunctas spe-
cies referuntur.

Caput huius introductionis tertium.

QVOD VNA EADEMQUE
species secundum aliud atque aliud di-
uersis generibus sup-
poni possit.

TITVLVS I.

TAmetsi uerissimè dictum sit à Philosopho in prædicamentorum libro: Diuersorum generum & non subalternatim positorum diuersæ sunt species, id est, secundum speciem differentiæ: nihilo tamen minus una eademque species pro diuersis rationibus supponi diuersis generibus potest. quod ne cui parum eruditorum mirabile uideatur, ipsius Aristotelis ex eodem libro uerba subiiciā: At uerò, inquit, non decet conturbari, ne quis nos dicat de qualitate propositionem facientes, multa de relatiuis interposuisse. Habitus enim & dispositiones eorum, quæ ad aliquid sunt, esse dicebamus. Penè enim in omnibus talibus genera ad aliquid dicuntur, nihil autem eorum, quæ singula sunt. Et non multò post subdit: Amplius si contingat hoc ipsum & Quale, & relatiuum esse, nihil est inconueniens in utrisque hoc generibus enumerare. Quæ uerba Boëthius enarrans: Nam cum sit uerum (inquit) unam eandemque rem duobus diuersis generibus non posse esse suppositam, illud tamen conuenit, secundum aliud atque aliud, unam eandemque speciem duobus generibus posse subnecti.

DE HABITU, DISPOSITIONE, scientia, sensu, & positione.

TITVLVS II.

Sicut Aristoteli & Boëthio placet, habitus (quæ & habitudo dicitur) dispositio, scientia, & sensus, modò in relatione, modò in qualitate numerantur. In relatione quidem: nam & habitus habilis rei habitus dicitur: & res habilis habitu habilis. Dispositio dispositæ rei dispositio: disposita res dispositione disposita. Scientia scibilis rei scientia: scibilis res scientia scibilis. Sensus sensibilis rei

rei sensus : sensibilis res sensu sensibilis. In Qualitate uerò, quòd ab eis subiecta qualia denominantur. Sic & positio nunc ad aliquid est, in eo quòd positæ rei positio est : & posita res est positione posita : nunc prædicamentum ab alijs distinctum, quod & Situs dicitur, in eo quòd ab illa sedentia, stantia, rara, spissa, aspera, læuia, & eiusmodi denominantur. Recentiores Dialectici duplicia relatiua constituentes, hæc quidem, quæ appellant secundum dici, illa uerò secundum esse, nihil ex alijs prædicamentis inter relatiua secundum esse numerant : at nō parum multa inter secundum dici relatiua. Hoc insuper addunt, priorem Ad aliquid definitionem à Platone profectam, utrisque relatiuis conuenire, quam Aristoteles posteriore solis secundum esse relatiuis conuenienti, iure correxerit.

DE RARO, SPISSO, LAEUO, & ASPERO.

TITVLVS . III.

Rarum, spissum, læue, & asperum (si Alberto Magno credimus) trifariam accipiuntur. Primum quidem, ut positiones quasdam partium significant. Nam rarum ideo uocatur, quia partes eius ita distant à se, ut inter eas alieni generis corpus possit admitti: ut spongia, pumex. Spissum, quoniam ita sibi partes uicinæ sunt, atque ad se inuicem strictæ, ut inter eas nullum corpus possit incidere: ut, ferrum, adamas. Læue, quòd eius partes æquali iacent superficie, ita ut nulla earum emineat: ut, lamina argentea. Asperum, cuius partes inæqualiter sitæ sunt, ita ut aliæ emineant, aliæ uerò sint depressæ: ut, tyrocnestis. Et hoc modo sunt in categoria Situs. Deinde autem, ut tactui inferunt passionem, & sic in tertio Qualitatis genere collocantur.

cantur. Postremum uerò, ut figurae sunt, & in quarta specie Qualitatis reponuntur.

DE CALIDO, HUMIDO, & lumine.

TITVLVS IIII.

Calidum, humidum, & lumen primum quidem spectantur: ut, igni calidum naturam inest, aquae humidum, lumen corpori luminoso: suntque in secundo genere Qualitatis. Deinde autem, ut substantiarum susceptibilium affectiones sunt, & in primo Qualitatis genere collocantur. Postremum uerò, ut sensum passione afficiunt, lumen quidem uisum, illa uerò tactum, & sunt tertij generis eiusdem praedicamenti.

DE DOCTORE, IMPERATORE, uiro, comite.

TITVLVS V.

Doctor si ad discipulum refertur, est in categoria Relatiuorum: nam doctor discipuli doctor est, & discipulus est doctoris discipulus. Si eum significat, qui docendi quopiam habitu praeditus est, tametsi iam nemo sit ei discipulus, est in prima specie Qualitatis. Ita Imperator, cum ad exercitum mutuo refertur, nomen est ad aliquid: cum eum significat, qui habitum & auctoritatem habet imperandi, in primo Qualitatis genere numeratur. Porro, uir, si maritum significat, Relatiuum nomen est: si sexum, in secunda specie Qualitatis: si aetatem, in prima eiusdem collocatur. Comes uerò si ducis comes dicitur, Relatiuum est indignius Correlatiuo: si autem comitis comes, ut in illo Mimographi, Comes faciendus in uia pro uehiculo est, Relatiuum est aequali consistens comparatione.

F I N I S.

LVGDUNI,
Excudebat Ioannes
Marcorellius.

1568.

